



BIBLIOTECA NAZ.
Vittorio Emanuele III

XXIV

C

8

NAPOLI

XXIV. C. 8

2

7

BIBLIOTECA
Vittorio E



RENATI DESCARTES
EPISTOLÆ,

*Partim Latino sermone conscriptæ, partim
è Gallico in Latinum versæ.*

In quibus respondet ad plures difficultates ipsi propositas in Dioptri-
ca, Geometria, variisque aliarum scientiarum subjectis.

P A R S T E R T I A.



AMSTELODAMI,
Ex Typographia BLAVIANA, MDCLXXXIII.
Sumptibus Societatis.



P R Æ F A T I O
D. CLERSELIER,

è Gallico in Latinum sermonem versa.



Etiam hoc Litterarum Domini Cartesii Volumen ultimum est ex genere eorum qua mihi luci exponenda sunt. Reservari id ultimo loco collocandum, tam quòd ejusmodi materias contineat, qua plurimum hominum captum exsuperant, quàm quòd multum temporis mihi fuerit impendendum ad delineandas ejus Figuras, & redigendum id in eum, quo modo conspiciuntur, ordinem. In prioribus duobus Voluminibus conspectui subjicebantur docta & acuta Responsiones data ad diversas quaestiones, quas sciendi desiderium sive è calamo sive ex ore Curiosorum elucernat; In hoc autem visui exponuntur Disputationes qua ipsi cum viris doctis interceslere, quaeque forsitan ansam dederunt contradictionibus illis qua in eum viventem conjecta sunt, & fatali illi amulationi qua etiam post fata ejus in animis quorundam obtinet. Mira quidem est illa passio, qua sevit in ejusmodi res qua omnium minimè digna sunt odio, objectumque laude dignissimum aversione & contemptu prosequitur. Ceterum necquicquam animos hominum hoc morbo liberare satagerem; jam olim dictum est esse id affectionem quandam naturae hominum insitam, qua ferre nesciens se ab alio seu scientia seu virtutis splendore superari, conatur se supra eos extollere per censuram, qua actiones aut scripta eorum proscindit. Quacunque igitur estimatione mundus D. Cartesium prosequatur; & sive eum pro circumforaneo habeat, aut apologorum compositore, cui volupe fuerit nobis illudere somniis suis; satis habeo apologos ejus propius ad veritatem accedere, quam quicquid alii pro veritate vendiant, ejusque somnia adeo esse ingeniosa, adeoque bene sibi cobarentia justissimà quadam serie & concatenatione Meditationum, ut vel operosissima lucubrationes hominum studiis deditorum hactenus nullum opus produxerint quod cum somniis ejus equiparari possit.

An unquam quisquam hominum sapientius insanivit, quam D. Cartesius cum in Metaphysicis suis Meditationibus perspicuam reddidit differentiam qua est inter Animam & Corpus; & cum meditationes suas ulterius producendo ad extendendam magis magisque cognitionem suam argumento ita solido & maxime naturali doduxit & demonstravit existentiam Dei, ut quotidie si-

mili etiam non data operâ utamur; sed & aliud nobis haud supererit, quod nos certiores faciat existentie omnium Entium, quæ in mundo sunt.

Etiamsi toto vita sua curriculum satieisset detegere Naturam & proprietates Meteororum; studuissetque reddenda rationi omnium eorum effectuum; etiamsi omnes antiquorum libros, qui ipsi lucem asferre potuissent percurrisset; etiamsi didicisset, quicquid de iis publice in Scholis docetur; & denique videret quicquid Aristoteles & Asclepias ejus de iis scripto tradiderunt; nunquam tantum de iis scivisset, nunquam ea melius intellexisset, nunquam rem feliciter attigisset, quam in somniis suis & insaniendo attigit.

Atque hac sorte ratione ductus Poëta nostri sæculi egregius, descripturus informationem per Angelum Carolo Magno de omnibus natura effectibus qui in hoc mundo inferiori cernuntur, faciendam, in elegantissimo quod haud ita pridem in lucem emisit Poëmate, sub titulo Caroli Magni, sive Ecclesie vindicata, existimavit non se melius facturum, quam si in os Angeli inmitteret easdem cogitationes, quæ ingenio D. Cartesii quondam ulro subortæ fuerant, & Carolo suo ostenderet in somnio quæ somnia habuisset. In quæ re adeo feliciter versatus est, ut non credam ipsum D. Cartesium, si pro ingenio se in ejusmodi scribendi genere explicare solius esset, melius explicaturum fuisse: Sed & id addere ausing, quod, sicut ea quæ dicit ex ore Angeli ejusdem prodire videntur, ita plus imprimant reverentia, fortiusque sibi fidem concilient, quam cum in ejus Libris leguntur.

Quod à primo limine in stuporem coniecit animos, eosque emulatione afflavit, hoc fuit, quod in primo Libro quem luci exposuit, tanquam specimen ejus quod sciret quodque efficere posset, tractavit duas materias in quas diu ante ipsum operose inquisitum fuit, at quæ hæcenus saltem superficialiter adumbrate, veluti Geometria, aut in quibus ad scopum nondum perventum fuerat, uti Dioptrica; Id verò quod in Speciminibus suis deus dicit tale est, ut quantum ad Dioptricam nihil reliqueris desiderandum; quippe qui eam materiam adeo solide explicaverit, ut impavidus asserere audeam, omnes qui postea de ea scripturi sunt, à veritate aberraturos quatenus ab ejus Principiis recedent. Et quoad Geometriam, quamvis hæc sit materia inexhausta, quæque alios limites non habet nisi ipsam mentem, tamen, præterquam quod satis de ea dixit ad exercendum multo tempore studium & curiositatem acutissimorum virorum, quicquid unquam in hoc subiecto inveniri potest, invenietur in Tractatu quem de ea composuit, tanquam suo Principio comprehensum. Neque enim satis habuit eum incipere ubi alii deserant; sed finiendo ipsemet prodidit lucem & detexit viam cui insistendum foret, si quis ulterius, quam ipse sibi proposuit, inquirere vellet; hoc saltem agens ut aperiret ipsam
viam,

viam, eamque notaret; de cætero existimans satis se impendisse temporis tali exercitio quod cæteris mortalium nullo emolumento foret, quodque ulterius non progreditur quam ad satisfaciendum ingenio ejus qui se illi studio applicat, desegendo singulis diebus novam aliquam veritatem; quæ res genio insantum ablanditur, ut quamvis inutilis sit, tamen delectationem atque satisfactionem pariat; quibus D. Cartesius hand invitus rennuciavit, ut animum ad utiliora applicaret.

Cæterum duæ ista materia & primò & omnium vehementissimè impetita fuerunt, uti in sequentibus videbitur. Vix in lucem exierat Dioptrica, cum ex illo subjectum Disputationum in Collegio Clavamontano sumeretur, in quibus eo ardore, eaque animi contentione impugnata fuit quàm solent impeti novæ opiniones, præsertim, si qui eas proposuit sibi præ aliis famam eruditionis comparavit; sed & specie tenuis at magno clamore & splendore de ea triumphus actus fuit; Verùm non adeo ipsi fortuna favit, ut applausus iste ultra Congressum & vociferationem disputationis duraret; nam omnis ista gloria cum sono verborum evanuit. Responsiones quas dedit D. Cartesius ad Objectiones Reverendi Patris Burdini, quæ subjectum faciunt quarundam ejus litterarum, hoc etiam quod dixi probabunt, indicabuntque uter verè triumphaverit.

Si P. Burdinus nullas fecisset Objectiones contra Meditationes Physicas D. Cartesii, aut si, quas fecisset, stylo magis serio & minus vehementis apparuisset, nihil mihi culpandum occurreret ex omnibus iis quæ contra ipsum fecit in Disputationibus suis Collegialibus, & in Thesis suis, in quibus constat sæpe proponi talia quæ ipsimet non credimus, quo Disputationi campus aperiat, plusque ad arguendum materia suppeditetur. Debebas autem satis habuisse, quod Dioptrica publicè contraxerit, eamque subjectum Disputationis, uti dixi, reddiderit, attribuendo de industria D. Cartesio opiniones quarum nescius erat, ad suppeditandum plus materia ejus defendendi, aut quo plus cause ipsi esset de eo triumphum agendi; siquidem honor Præceptoris & Respondentis in eo vertitur, ut saltem videantur victoriam ex illo quod institutum certamine reportasse. Potuisset se excusare causâ consuetudinis, quæ ejusmodi fraudes & larvas quodammodo admittit; ideo quod hæc sit præconcepta vulgo opinio, quod quicquid in his actionibus geritur pro lusu & delectatione ingeniorum habendum sit, quod nullam inserat consequentiam veritati opinionum Authoris qui impugnatur; cum facile sit errorem agnoscere & veritatem rei ex ipsâ lectione operum ejus deprehendere.

Inde factum est ut omnes istæ disputationes, ab aliquot annis magna pompa & apparatu contra Doctrinam D. Cartesii factæ, nullo mestupore obruerint, neque

P R Æ F A T I O.

neque in admirationem rapuerint; sed & sapius eo nomine letatus fuerim; & quia id mihi honoris conferebatur, ut ad disputandi actum invitaret, non potius quam pro modulo virium & valetudinis certamini me sifterem & inter alios in arenam descenderem. Quantum de successu, de eo non admodum sollicitus sum, neque mei id iudicii est; Præterquam enim, quod illi qui pro brabeo certant, non debent ipsimet iudices esse meritorum eorum qui certaverunt; id genus disputationum precipitanter admodum & sapius nimio animi calore procedit, quam ut ex tempore bene digestum possit iudicium ferri de soliditate rationum, ab utroque partium allatarum; neque enim illæ rationes primo statim intuitu ferunt animos illorum qui de eis iudicare debent, sed requirunt satis temporis & attentionis ut degustetur vis earum, amoveanturque omnes præoccupationes animorum. Afferere saltem possim, multà me lætitiâ exultasse cum ultima vice inter ordines comparerem, videns rem mihi esse cum ingeniosissimo & cordatissimo Respondentium, cum quo anquam fuerim congressus; visa est mihi victoria consistere in æquilibrio, hauriebamque ex auditorum quorundam facie inclinationem quandam ad eam causam cui patrocinabar; Verum cum vigori ejus & habilitati amplius resistere non possem, coactus fui me dedere, veniamque ab ipso impetrare; quam mihi ea humanitate & comitate largitus est, ut vel recessus meus laudem meruisse videretur.

Cæterum quod absque ira & indignatione intueri nequeo, vel saltem me-
reri puto de quo conquerar, est quod doctrina ejus impune infimuletur favere quodammodo Atheis & impiis. Indignissime profecto eo modo habetur Philosophus qui præcipua impietatis & Atheismi fundamenta subruit, invictus argumentis demonstrando existentiam Dei & immaterialitatem Animarum nostrarum, de quo dici potest plus eo nomine de Religione meritum esse quam quemquam alium, neque nullam ejusmodi criminationibus causam dedisse. Quidlibet ergo de Principiis ejus Physicis dicatur, dum moribus ejus parcat; Sannius traducantur opiniones, at intacta relinquantur persona ejus; Liceat, si Deus placet, insaniam infimulare globulos illius & materiam subtilem; Statuatur, si placet, mentem ejus exulasse tum cum in calo turbines collocandos, eorumque numerum stellis æquandum existimavit. Considerentur ut Indi bistricionici, motus corporis, circulatio sanguinis, diversæ agitationes glandulæ, & cursus aut distributio spirituum animalium quæ ab eis dependent; parum est id, quantumcumque est, dum ea injuria non afficiantur ut credatur eum in fide titubasse, & æque inconstantem fuisse in sua Religione ac maxima Philosophorum pars in suis opinionibus, mentemque ipsius verbis non respondisse. Non equidem culpaturus sum, si ad conservandas regulas in Academiis

P R Æ F A T I O.

mius stabilitas, consiliis visum fuerit, adherere potius antiquis dogmatibus vel maxime obscuris & incertis, quam introducere novas opiniones etiam maximè evidentes. Et sane fateor vix cuiquam verosimile videri posse, hominem recens aduocatum, nudiuertitum, ut ita dicam, natum, nostri soli, nostra Religionis, inter arma natum, educatum Flexia, solum tanto ingenio pradium esse, penitusque Philosophia arcana inspersisse, quam virum prætorum seculorum sapientissimum, natum in Græcia quo tempore Academia vel maxime florebat, inter tot viros eruditissimos, Paganismo itidem maxime florente, qui doctorem habuit famosum illum Socratis discipulum, & discipulum angustissimum totius Orbis Principem? An non videmus omnia degenerare? quo pacto itaque credi posset, seculum nostrum potuisse producere talem virum qui idoneus fuerit ad corrigendum & docendum ipsum Philosophorum Principem? Dicatur, licet, ista omnia & pro Chymariis & fabulis venditur quicquid composuit; non refranabo linguarum licentiam, neque me opponam, dum neque ipsæ neque doctrina ejus insimuletur contra Ethicam peccasse aut bonis moribus obesse. Sentiat quisque ut placuerit sibi in Physica; mea id parum refert: Tribuatur, si placet, exempli causa forma substantiali falsi potius, quam rigiditati & dispositioni partium ejus vis ista penetrandi, impediendique corruptionem; Dicatur potius quantum libuerit ferrum à Magnete attrahi per qualitatem occultam qua in eo est, quam ferrum ad Magnetem propelli per motum materia cujusdam imperceptibilis; suis habeat inspicere Iridem tanquam miraculum & prodigium potius, quam ut explicent colores ejus per modificationem qua accidit in radiis luminis, qui franguntur transiundo per guttas pluviae: Credatur, si placet, Colores, Sonos, Odores, Sapores & reliqua esse accidentia realia potius, quam sensationes in nobis, resultant ex actione aut impressione quam faciunt objecta exteriora in organa sensuum nostrorum; non id agre feram, dum non ledant puritas doctrina Philosophi nostri, neque denigretur, accuseturque criminis, cujus omnino nescia est, quodque facile & meliori ratione posset retorqueri in illos, quos illius doctrina irritavit. Adeo ut illam impugnantibus idem obijci posset, quod Salvator objecerat Judæis: Hypocritæ, ejicite primum trabem ex oculo vestro; & tunc videbitis ejicere festucam ex oculo fratris vestri. Si enim doctrina Domini Cartesii quantumvis clara in suis Principiis, cum in Physicis nulla alia admitat, quam ipsa Mathematicorum Principia, numerum magnitudines, figuras & motus; & omnino certa in suis Conclusionibus, cuncta omnes sint deducta ex præceptis vera Logica, hoc est, secundum regulas saxe rationis, tamen ipsis obscura, incerta & absurda videtur; quid non dicendum eris de illa Philosophia quam ipsimet colunt, quippe cujus Prin-

cipia

P R Æ F A T I O.

*incipia obscura sunt & consequenter incerta, quod ipsimet non insicias eant, totumque cum ipsis orbis agnoscit; quique quo plures ex ea consequentiam du-
cunt praeclare se philosophari existimantes, eo remotius a veritate secedunt? Eadem plane ratione qua viator, qui semel deviaueris, quo longius procedit
eo remotius a via aberrat. Nunquid ut vituperio huic obviant, laborandum
illis non esset ut tollerent istam obscuritatem qua in Principiis eorum, inque
omni eo quod ex illis deducitur, reperire est, antequam damnent id quod
non intelligunt in explicatione D. Cartesii in subjectis materiarum difficillima-
rum. Verum enim vero, si quis eos adigere vellet ad mutandum Principia,
& ad alia non recipiendum, quàm qua clarissima forent, è vestigio redigeren-
tur ad necessitatem admittendi illa qua D. Cartesius stabulavit, cum non possint
excogitari clariora & intellectu faciora; & amplectendi id quod tantâ ani-
morum vehementia damnant & rejiciunt. At cum tantis animis invehantur
in hanc Philosophiam, etiamsi nulla ratione probare possint, in qua re illa in suis
Principiis & Conclusionibus peccet; cumque tantum absit ut eam pro vera
agnoscant, ut etiam pro virili eam diffamare satagent, liceat mihi ex ipsis qua-
rere, utrum noverint meliorem, aut saltem an possint nobis dare ideam quan-
dam Philosophiæ clarioris & certioris & utilioris illâ; Quod si nihil melius
ipsis suppetat, quod nobis proponant, uti revera non suppetit, dicant denique,
omnino non esse philosophandum, nunciumque studii & rationi remitten-
dum, patianturque se duci ad instar brutorum sociatim, aut fateantur non
defuisse in hoc ævo virum, qui viam calcandam alius primus monstraverit.
Omnium quas in eâ re faciunt hac maxima injuria est, quod, cum tota eorum
Philosophia obscura sit, neque vel unica questio habeatur quam clare decidere
possint; contra, omnes quas D. Cartesius in omnibus, quas examinat, questio-
nibus suppeditat decisiones, quarum magna est copia, clara & intellectu faci-
les; etiamsi vel vera non essent; nihilominus tenebras suas ejus lumini prefe-
rant, & sese supra ipsum extollere audeant, in nonnullis questionibus difficilibus
& intricatis, quæque captum ingeniorum nostrorum exsuperant, tanta con-
fidentia deblatantes ac si intelligerent quod dicunt; cum tamen D. Car-
tesius ejusque Sectatores ingenuè ignorantiam suam fateantur. Interim tamen
specioso illo prætextu damnant & rejiciunt Philosophiam ejus, quod eo non at-
tingat, quò eorum Philosophia; Ac si ad resolvendam difficultatem non opus
esset nisi verbis, susque deque habendo an intelligamur. Ita, exempli gratia,
si ex ipsis quæras quomodo fiat visio? è vestigio & audacter admodum respon-
debunt, objectum emittere imaginem suam, & imaginem istam recipi in oculo,
unde in sensum communem debeatur, ex quo in imaginationem transeat, &
hinc in phantasiam, & denique ad præsentiam hujus imaginis corporalis, quam
intel-*

P R Æ F A T I O.

intellectus non cognoscit, ab eo formari spiritualem similem isti imagini, quam, & per eam objectum, percipit. Videri possent optimo jure suffulti, & rem ipsam exquisitè intelligere tanta animi confidentia sermocinantes: Cum tamen neque quid sit imago ista perspectum habeant, nec quo modo objectum illam formet, aut formare possit, neque quomodo illam transmittat, neque quomodo ipsa in oculo recipiatur, nec quomodo ad sensum communem deferatur, nec quomodo exinde in imaginationem & tum in phantasiam transcat, neque quid sit phantasia, quid imaginatio, quid sensus communis; & post magniloquam illam Orationem qua eloquentia multum habet, sapientia parum, quaeque testatum reddit, nosse eos audacter & terminis fucatis differere de re quam non intelligunt, triumphum agunt de D. Cartesio, qui tamen omnem istam actionem distinctè & clare consue digerit, eo quod cum ad punctum hoc pervenerit, fateatur non sibi suppetere aliam rationem quare talis motus qui fit in cerebro, excitet talem in Anima cogitationem, nisi quod Anima ejus natura sit, ut quidam corporis motus juncti sint quibusdam cogitationibus Anima, & reciproce quadam cogitationes Anima certis quibusdam motibus corporis, ex voluntate & dispositione Creatoris, qui has duas naturas creavit & univit, & alteram alteri ita convenienter junxit, ut impossibile sit quicquam melius fingere; non id observantes quod, postquam probata fuit, quod ille prestitit, realis distinctio qua est inter Animam & Corpus, demonstratumque duas istas naturas adeo inter se differre, ut nullum habeant attributum, quod commune & sibi simile sit, quodque concipere possimus posse pertinere ad unum idemque subjectum, impossibile sit aliam unionis eorum & omnium accidentium qua eam unionem sequuntur & comitantur, veluti vigoris illius quo pollet anima ad movendum corpus eaque quam corpus habet agendi in animam, causando ipsius sensationes, appetitus, & passionis, rationem reddere, quam voluntatem Authoris eorum; Quodque qui aliam ejus rei rationem desideret, non noverit corpus neque animam (uti ipsi revera ea ignorare testantur per illa omnia qua dicunt de actionibus animalium, ubi sibi singulis momentis contradicunt, & alterum cum altero confundunt) & hoc etiam est nescire quonam possit pertingere cognitio nostra.

Verum enim verò non est hic locus omnia dicendi; forsitan jam nimium dixi; neque dubito fore quosdam, qui id mihi crimini vertent, cum viderint me Apologiam aut Censuram loco Praefationis constituere; fateor non injuria hoc ducturos; Et sane cum calamum arriperem ad hac scribenda, nihil minus cogitavi quam ea dicere qua modo protuli; verum subjecta materia incantans & non sentientem eo deduxit; & imaginatio mea semel inflammata, genioque justa iracundia motus ad defensionem Philosophi nostri, libere vagari

✱ ✱

ENP4-

P R Æ F A T I O.

cupiebat, neque ipsi frangum immittere curavi, ne in eo quod mihi dicendum superest, mihi fidem suam falleret. Regredior ergo ad propositum.

Qui post P. Burdinum maximè impetiit Dioptricam D. Cartesius, fuit D. Fermatius; scripsit è vestigio de ea ad P. Merfennum, qui non cessavit transmittere Domino Cartesio objectiones quas ipsi proposuerat, quibus, nisi pollicitus erat, D. Cartesius non defuit quo minus responderet; Verum siue non satis mentem suam explicaverit, siue D. Fermatio satisfactum non sit, concinnavit ille secundas Objectiones ad Responsiones D. Cartesii, quibus hic addidit suas secundas Responsiones; Et cum post plures contestationes res componi non posset, veluti sepulta remansit; donec D. Fermatius ansam denuo scribendi ad D. de la Chambre arripens anno 1657. Et 1662. plusquam decennium ab excessu D. Cartesii occasione Libri de Lumine, quem D. de la Chambre denuo typis excudendum curaverat, eisdem erga illum terminis usus est quibus vicennio ante ad D. Cartesium usus erat; visusque est invivare quendam Amicorum suorum ad reassumendam veterem disceptationem: Cui rei me eo libentius obtuli, quòd me in dicta Epistola designaret, quodque ultro in gloriam ducerem, virum tanta existimationis qualis est D. Fermatius, non dedignari in arenam mecum descendere: Existimavi itaque nihil me facturum contra quàm Lector expectaverat, qui per titulum Libri nihil aliud sibi polliceri debet quam ut videat literas aut Responsiones D. Cartesii, si infererem meas cum Epistolis D. Fermatii, qua ipsum litis qua inter nos acta est, omnino gnarum reddent, Et multas elucidabunt difficultates, qua ipsi in lectione libri occurrere possent, quaque ipsi iudicium de veteribus istis Et novis contentionibus deferrent.

Geometria, utut maximè demonstrativa plurimos tamen insultus passa est; Omnium vehementissimi illi sunt, quibus eam impetiit D. Roberval; Et quidem sapius miratus sum, duos viros, qui sine dubio a multis retrò seculis omnium gruditissimi in ea scientia fuerant, non potuisse in unum convenire in ejusmodi materia ubi demonstratio omnem disputandi ansam praripere deberet. Sed Et qua maxime lis inter eos agebatur non illa fuit de Tractatu quem D. Cartesius de Geometria composuit, sed de certis questionibus, qua cum utriusque propo-nerentur, sapiusque accideret ut Domino Roberval aqua hareret, egre hic xulus alium testatum fecisse, se in ea scientia plus illo scire, id agens ut in solutionibus quas D. Cartesius dederat, cavillandi ansam inveniret, quo vim con-quisitionis ejus eluderet.

Quantum ad id quod contra Tractatum ejus de Geometria dixit, atque etiamnum dicit, venia ipsius dicam, melius enim facturum si sibi silentium imponat: Nam post approbationem universalem quam etiam vehementissimi

inimi-

P R Æ F A T I O.

intimicorum ejus ipsi non denegant, fuisse eum virum sui seculi in hac scientia primum, non est quod sibi persuadeat, se nunquam cuiquam hominum fidem facturum acuminis sui, quo ulterius in ea penetrat quam penetravit D. Cartesius: neque D. Cartesius potuisse errare in tali re, in qua se plus scire, quam omnes illos qui ipsum praeceperunt omnesque ejus Synchronos universim sumtos, solidissime ostendit; Et sane, cum respondet objectionibus, qua ipsi facit D. Roberval, videtur eum ad iriviale Scholarum Magistros remittere, cum dicit, gratulari se sibi quod illos, quorum D. Roberval eum accusat, errores commiserit, & credere se peccaturum fuisse nisi eos commisisset.

Si quidem hac sola lis inter eos verteretur, facilis esset eorum conciliatio; cum omnis eorum contestatio saepenumero in solo quodam aquivoco exigui momenti consistat, aut in eo quod alter alterius mentem non probe ceperit; unde factum, ut dum neuter quicquam vult remittere, sibi videantur contradicere in eo, quod se intelligere renuentes, dum uterque ratione nititur, in idem non conveniant; at cum quis lumen aliquod in ea re acquisiverit, facile est id animadvertere eosque vel invito conciliare.

Verum enim verò sicut in Geometria non dissentiunt nisi specietenus, ita in Physica opiniones eorum maximè ab invicem discrepant; Et quamvis ambo in eo conveniat, quod non ita loquantur ut solet in Scholis nostris, opinionones tamen eorum ita longe ab invicem recedunt, ut si alter pleno patrocinetur, alter vacuum defendat; si alter asserat posse motum fieri in pleno, alter dicat non posse eum fieri nisi in vacuo; si alter rejiciat atomos, alter illos admittat; si alter dicat materiam esse divisibilem ad indefinitum, alter aut sectatores ejus id negent, & fieri posse pernegent: Denique si alter dicat, extensionem in latitudinem, longitudinem & profunditatem constituere totam essentiam Corporis, alii addant certas qualitates, velut insecabilitatem, & per consequens figuram determinatam & inalterabilem in quacunque atomo, aut quopiam exiguo corpore, qua sunt res valde opposita, & ubi persunclorie dici nequit esse ea nata ex mente adversarii perperam intellecta, sed ubi manifestum opinionum contrarietas deprehenditur.

Latissimus hic mihi campus apertus foret verba mea dilatandi, si id huic loco conveniret, & si postquam semel limites Praefationis transiissem, non vererer habitum me iri pro eo qui prater rem litigia quarat. Hoc saltem monendum existimaui, cum D. Roberval passim se jactet obtinasse se os D. Cartesio in consortio quodam honestorum virorum, ita ut tum temporis difficultatibus quas illi proposuerat de motu in pleno, aut de aliis quibusdam Physicis articulis satisfacere non potuerit, D. Cartesium de industria noluisse respondere, ut ipsum obligares ad committendum charta difficultates suas, quibus obtinuit se

respondurum satisque facturum, dum velit eas submittere examini quatenus charta patitur; Cui examini predictus D. Roberval se submittere noluit, neque hactenus ad id adigi potuit, etiam instantissime rogatus in Congregatione Domini Montmor, quæ sine dubio æque honestorum virorum & ad minimum æque doctiorum consortium erat.

Atque ut testium faciam bona utique ratione ductum D. Cartesium ita statuisse; D. Roberval easdem objectiones in eadem Congregatione sæpius proposuerat, omnesque, quæ ipsi dabantur, Responsiones ita eluserat, ut diceret perperam capi mentem suam, neque dicere se quod pro dicto suo vendicaretur. Et quamvis quo mens ejus accuratius intelligeretur, sapissime ipsi oblatus fuerit calamus, ut animi cogitata charta committeret, nunquam tamen id ab eo impetrari potuit; sed & cum quilibet ordine calamus arripisset, quæsissetque ex eo an non hæc ejus mens esset, negavit semper, quicquam esse eorum quæ dixerat; adeo ut in tanta virorum eruditorum frequentia nemo inveniretur, qui, ut ipse ait, mentem ejus capere & probe litteris consignare potuerit. Facendum quidem est, quod, cum fere semper alio modo mentem suam explicaverit, jure dicere potuerit non probe capi animi sui cogitata, cum ea sæpius se ipsi destruerent; & hæc quidem causa fuit ut ad eum statiminandum ipsi oblata fuerit charta cui rationes suas committeret: verum ibi subsistendum fuit, cum videretur homo transactionem omnem explosisse.

Quod cum mihi rursus, quò me contuleram, redeunti nunciatum esset, cui cognita erat tota historia ejus quod in prima ista Congregatione actum erat, quique non ignorabam quibus rationibus motus D. Cartesius siluerit, existimaui teneri me id in Congregatione notum facere: Quod ut commodius & majore auctoritate succederet, sinxi me à D. Cartesio litteras accepisse arcanum istud revelantes, simulque difficultatibus à D. Roberval propositis respondentem; Lecta illa fuerunt in Congregatione, ubi perspicacissimi quique judicabant esse suppositas; Quod cum novum admodum esset, existimaui me apud plures magnam gratiam, si illas visui exponerem, quæ causa fuit ut eas volumini huic inseruerim. At si D. Roberval, orbis terrarum, qui infatuatus est nomine & opinionibus D. Cartesi, errores suos excutere velit, cum dicat suppetere sibi demonstrationes totam ejus Physicam nullius esse momenti, cum in Principio peccet, nos ex lege charitatis velit informare & mentem suam rationesque charta committere, polliceor ipsi me acquieturum, aut ipsi responderum. Quod si id facere renuat, uti revera negaturum arbitror, ad conservandum sibi eo modo jus se jactandi, & ad evitandam forte infamiam, si posteaquam tantum rumorem excitavit, non produceret nisi frivolæ quasdam rationes; jure non poterit indignari quod præferam opiniones viri

P R Æ F A T I O.

virī mihi ita loquentis ut eum intelligam, iis quas ille sibi attribuit, quasque mihi explicare negat; atque ita ut veritatis testimonium perhiberem, ad finem deduxi hystoriam, cuius ille dimidiam saltem partem retulerat. Sed & gratias mihi debet eo nomine, quod quamvis opinionibus ejus contrarius, eum tamen pro tali viro habeam qui cum D. Cartesio quoad Geometrium possit comparari, quique multum exequi posset in Physica, nisi talibus Principiis niteretur, quae illum impediunt eò progredi quò vis ingenii sui eum provehere posset.

Ceterum est aliquid cuius veniam à me impetrare nequit, nimirum quòd post obitum P. Mersenni cum omnes epistolas quas ad illum D. Cartesius scripserat, sui juris fecisset, mihi illas communicare negaverit, qui secundum autographa ista corrigere potuissem menda quae forsitan superessent in apographis quae D. Cartesius sibi servaverat. Forte credidit me ludere, cum ipsi assererem esse penes me earum apographa; neque persuadere sibi potuit, orbem terrarum aliquando informatum iri de omnibus quae inter eos acta sunt. Verum postquam ipsum experimento satis sensibili, nimirum typis vulgando duo integra Volumina docueram me sanctionem non esse, potuit mihi fidem habere, quantum ad se: & debuisset me iudice offerre mihi omnes hasce literas, in quas ipsi nullum jus erat, quò ille quas praelo mittebam sincere prodiret & correctiores; neve aut errore lapsus aut alio modo quippiam de meo immiscerem quod ad ejus vituperium tenderet. Ceterum non obstante illa denegatione, quae alium minus scrupulosum aut magis iracundum irritasset, non destitit ipsi in hoc negotio omnem quam à me expetere potuisset comitatem demonstrare; antequam enim haec litterae typis mandarentur, obtuli ipsi eas inspiciendas, ut eas corrigeret, si quid in ipsis mendorum occurreret, rescaretque ex iis, quicquid eum offendere posset. Verum neutrum ab ipso impetrare potui; Et postquam mihi dixerat, esse in potestate sua ostendere veritatem ex Autographis quae penes se erant, casu quo rem gestam non satis bona fide relaturus essem, addidit, de cetero statuerem quicquid placeret; verba nuda ipsi nullum vultum insigere, & posteritatem jus ipsi reddituram, si praesens seculum id facere neglexerit.

Itaque, quod solum poteram, Apographis meis innitendum fuit, id quod jam praestitit: & hactenus qui licet mihi eo nomine moveret, aut falsi ullatenus accusaret, nemo occurrebat; uti revera eum aliosque rogatos velim ut credant me à tali facinore longè alienum esse: & si mihi accidat errare in quapiam re, culpam conijciant in ipsa Apographa nullo ordine digesta, ita ut melius facere potestatis mea non fuerit.

Quantum de temperamento verbis quibusdam vehementioribus, quae iracundia cor occupans aliquando è calamo destillare facit, adhibito, fateor me

P R Æ F A T I O.

id fecisse quatenus potui, & faciendum ita existimasse, non diminuta vi argumentorum, quæ in casibus quibusdam tota consistit in virvida illa acie quam secum ferunt verba, & cuius sensum imprimere debent, ad res probè significandus; Eaque sola larva est, quam hisce litteris superinduxi, quo solo nomine possem accusari; si tamen id peccatum est peccata aliorum emendasse aut contempsisse.

* * *

Hinc sumpta occasione orbi literato indicandum existimo, ex tota illa hereditate verorum D. Cartesii bonorum, quibus fortuna ditavit D. Chanutum p. m. Sororinum meum, quaque ille mihi confidere dignatus est, nihil mihi in manibus restare, quam ad conficiendum Volumen Fragmentorum, quod erit collectio diversarum partium, digestu difficilium, & quam curam in primum quemque, qui id opere suscipere velit, transferre malim: Cum enim ad presens pluribus negotiis sim obrutus, ignoro quando ad id curandum mihi vacaturum sit. Quod eo fine dico, ut si quis animum ei rei illaborandi sumere velit, Respublica Litterarum quantocumque frui possit ea voluptate quam sibi ex iis pollicetur; aut si nemo se offerat, patienter expectet donec mihi vacaverit.

Ad calcem postremi hujus Epistolarum voluminis adjeci unam ex meis, scriptam olim ad D. de la Forge celeberrimum illum Medicum Salmuriensem, quæ ipsi calcar addidit ad scribendum Tractatum suum de Mente Humana, quem paulo ante obitum suum in lucem emisit, quique ipsi forsitan dies suos accidit. Et quoniam mihi tum gratias pro eâ egerat ut terminis, qui hactenus credendi ansam mihi dederunt, esse eam alicujus momenti, existimaui me non male facturum si finirem Opus Magistri eo, ex quo Discipulus occasionem sumpsit inchoandi suum. Tantâ mors ejus jaculurâ nos affecit, ut satis eam deplorare nequeamus. Nam praterquam, quod ex eo quod præstitit, judicari possit, quidnam prestare potuisset, communicaverat mihi, quædam animi destinata, directè tendentia ad perficiendum illa quæ D. Cartesius sibi destinaverat; & videbam in illo ingenium ad perficienda quacunque aggredereur idoneum. Verum quia planctus noster nullo nobis emolumento foret, conemur potius ejus imitari virtutes, & quàm proximè possumus, ad scientiam ejus & sapientiam accedere: quæ sapientia in illo germinavit è summa aestimatione quâ D. Cartesium prosecutus est, accrevitque è lectione Operum ejus, & consummata fuit per meditationem quâ in illa inquirebat. Quod si profundarum istarum speculationum non sumus capaces, saltè idonei sumus qui ex speculationibus aliorum utilitatem capiamus.

Verum

*** Consultò hic quædam omissa sunt quæ Gallicæ saltè Editioni conveniebant.

P R Æ F A T I O.

Verum nimis hoc est morari voluptatem legendarum ejus Epistolarum. Prepara te igitur, Lector, ad audiendam Apologiam quam misi ad Magistrum Civitatis Ultrajectinae, ad impetrandam justitiam super injuriis & calumniis inimicorum suorum: forsitan elegantissima & exactissima est earum quas unquam tibi videre contigit. Statui eam Caput operis, quo animus illius, si forte sinistra contra ipsum opinione preoccupatus esset, errore liberaretur, ut tandem aliquando de veritate rerum edoctus, doleas cecitatem eorum qui cum calumniis profciscunt, utque in posterum cum tua benevolentia & aestimatione prosequaris.

Non mihi occurrit præclarius nota hujus aestimationis quàm mihi Præfatio hæc finienda sit, quàm ut orbi conspicuum reddam, quousque processerit zelus quo actus fuit D. Alibertus pro memoria D. Cartesii. Nam illam, quam D. Chanutus tum temporis in Suecia legatus ipsi ante obitum suum testatus est, benevolentiam superare satagens, non modo reparavit ruinas quas tempus infllexerat monumento illi, quod in gloriam ejus crexerat; verum etiam non diu passus est Galliam carere pretiosissimis reliquiis tanti viri, cujus scripta tantum gloriæ patriæ suæ pepererunt; idque summa cura impetravit, ut Suecia juri Franciæ non detractura sacrum illud depositum & charissimas exuvias ipsi quondam conceditas remiserit. Magnum hoc ausum est & pulcherrimam animam dignum, Gloriam insignem & defuncto & viventi comparans. Quod si animi sui cogitata perficere possit, permittaturque generositati ejus Colophonem rei addere erigendo illustri defuncto trophæa illa qua animo voluit, erit, erit aliquando cum invidiam prostratam, virtutem elevatam, nomenque & gloriam Geometræ & Philosophi Christiani omnium qui unquam fuerunt præstantissimi, magnificè & religiose conservatam visuri sumus.

INDEX

INDEX EPISTOLARVM

Tertiae Partis.

- EPIST. I.** **A** *D. Magistratum Civitatis Ultrajectinae, Apologia Cartesii contra Voetios Patrem & Filium.* pag. 1
- II.** usque ad **XXI.** *Ad Patrem Merjennum aliosque è Soc. Jesu, de contentione qua ipsi cum eis intercessit propter Theses & Disputationes Patris Burdini contra Dioptricam ejus: & de Principiis suis Philosophia qua ipse offert.* 34
- XXII.** *Ad quemdam continens quaestiones Geometricas.* 66
- XXIII.** *Ad P. Merjennum de Lise sua cum Jesuitis.* 67
- XXIV.** usque ad **XXVIII.** *De literis Domini Hobbes Censuram Dioptrica Cartesii continentibus.* 68
- XXIX.** usque ad **XLVI.** *Littera Domini Fermatii ad Dominum Cartesium & Responsiones ejus de Dioptrica, cum quibusdam literis Domini Fermatii ad Dominum Clerfeliem, & Responsione praedicti Domini Clerfeliem ad Dominum Fermatium.* 87
- XLVI.** usque ad **LXXVII.** *Ad Patrem Merjennum, ad D. Roberval, ad D. Carcavi, ad P. Elisabesbam, de Geometria; quibusdam etiam eorum D. Cartesius respondet.* 173
- LXXVIII.** usque ad **LXXXVII.** *Ad P. Merjennum, ad D. Cauendische & alios de Vibrationibus, quidque de Aristarcho sentiat.* 319
- LXXXVIII.** *Epistola D. Clerfeliem lecta in Congregatione in aedibus D. Montmor, ad satisfaciendum objectionibus propositis per D. Roberval de Motu in pleno. Ubi notandum perperam haberi plano pro pleno.* 351
- LXXXIX.** usque ad **XCIII.** *Littera D. Ferrerii ad D. Cartesium & D. Cartesii ad D. Ferrerium de Perspauillis.* 360
- XCIV.** usque ad **CXIV.** *Ad aliquos eruditos de variis subjectis Physica & Mathematica. Ubi notandum Epistolam CIII. praecipue agere de proprietatibus Magnetis, pro quo in quibusdam exemplaribus perperam habetur vocabulum Adamantis.* 384
- CXV.** & alii. *Domini Clerfeliem ad Dominum de la Forge Medicum Salmuricensem, de Actione Animae in Corpus.*

EPISTOLARUM
RENATI
DESCARTES
PARS TERTIA.

EPISTOLA I.

*Continens querelam Apologeticam ad Amplissimum Magistratum Ultrajectinum
adversus Dominos Voetios Patrem & Filium.*

NOBILISS. & AMPLISS. DOMINI;



Ui norunt continuas, quas per quadriennium à Voetiis sustinui injurias, mirantur quod huc usque eas vindicare conatus non fuerim; non quod eorum vel sermones vel libri digni censeantur quos morer, nisi vestra abuterentur autoritate ad me lædendum; sed quoniam omnes suas in me calumnias inædificant sententiæ quam à Vobis in me lamentam prætexunt, ad mei honoris & nominis defensionem credor passim obligari: Idem quoque & ego sentio; sed differendi causa fuit tum negotium quod mihi cum Schoockio, tum illud quod huic cum Gisberto Voetio intercessit: Interea pertuli omnes insultationes horum Voetiorum, qui me tanquam *Desertorem cause* injuriose traducunt, & in vestram provocant urbem, quasi mihi in illa aqua & igni interdictum esset. Quin & minantur nescio quam se sibi actionem in me servare, quam sint persecuturi idonco tempore; adeo ut me, etsi nollem, ad mei defensionem cogant. Sed ut ordine procedam, & reliquo saltem orbi (si non etiam Vobis) satisfaciam, & palam faciam omnibus, me nihil unquam omisisse non solum officii, sed etiam comitatis, quoq; mererer plane alio modo à Vobis haberi quam habitus sum, hinc summatim vobis exponam causæ meæ justitiam & iniquitatem adversariorum meorum, ut si pote est per Vos ipsos eorum ulciscar injurias; aut si istud consequi non dabitur

tur, dignemini saltem me edocere de ordine litis contra me in vestra Urbe institutæ, qui in illa sederint iudices, & quibus motivis innixi fuerint. Necdum enim quicquam de eo rescivi nisi per scripta istorum Voetiorum, aut per rumores in eorum favorem sparfos, quibus certo credere non possum,

Anno 1639. mense Martio D. Æmylius in Vestro Lyceo Professor & præcipuum illius ornamentum, oratione funebri parentavit D. Renerio, qui etiam Vestram Academiam plurimum ornaverat; ac inter multa ad ejus honorem spectantia, maximam Orationis suæ partem insumpsit in eo laudando ab amicitia quam mecum coluerat; iis in me collatis maximis elogiis quæ referre verecundia mea non finit: Hic solum apponam titulum & conclusionem Elegiæ quam orationi illi cum excuderetur adjunxit; Titulus hic erat; *Ad manes defuncti qui cum Nobilissimo Viro Renato des Cartes nostri sæculi Atlante & Archimede unico, vixit conjunctissime, abdita naturæ & cæli extima penetrare ab eodem edoctus*; Et in conclusione ita compellabatur defunctum;

Et nova quæ docuit, tibi nunc comperta pateſcunt,

Omniaque in liquido sunt manifesta die,

Ut merito dubites utrum magis illius arti,

An nunc indigeti ſint magis clara tibi.

Honestioribus è vestra Urbe hæc laudes placuerunt, uti ex eo patuit quod eas publici juris fieri per Academiæ vestræ Typographum expedire visum fuit: nec in illas ullius adulationis cadebat suspicio, cum eo tempore D. Æmylius nonnisi ex fama & scriptis meis me noſſet; Nec eas ipſe expectiveram; nam è contrario, cum quædam eodem spectantia carmina ab ipſo condita & ad me miſſa ut illa perlustrarem, poſtea repetrentur, quod eorum exemplar nullum haberet, illa tamen prælo vellet committere, honeste me ab illis restituendis excuſavi; non quod mihi à tanto viro laudari volupe non eſſet, ſed quod cum ſcirem vix quem poſſe ſummis eſſerri laudibus à laudatiſſimis viris, citra eorum offenſam qui tales volunt haberi neque ſunt, ſatis mihi erat noſſe quid de me ſentiret, nec id ab ipſo vulgari cupiebam.

Paulo poſt, nempe mense Junio ejuſdem anni, G. Voetius prolixas conſcripſit theſes *de Atheiſmo*; Et quamvis diſerte in illis non nominaret, qui tamen me norant, ſatis poſſunt percipere jacta ibi ab eo fuiſſe fundamenta pertinaciæ illius calumniæ, in qua ſemper deinceps perſeveravit. Immiſcuit enim illic Atheiſmi notis omnia quæ ex rumore publico mihi tribui noverat, etſi ex illis nihil niſi bonum & laude dignum fuerit;

Et

Et quod notatu est dignissimum, me quoque ex fama demum & scriptis noverat; adeo ut ex illis ipsis dotibus quæ laudum Æmylii materia fuerant, Voetius maledicentiæ suæ venenum confecerit.

Non dicam quot honestiorum testimonio ab eo tempore compertum habuerim conari ipsum omnibus persuadere me Atheum esse, & quomodo undique per has provincias hoc virus dispergeret: Id enim vellet sibi probari, & quamdiu ea pollebit potestate nemo est qui velit in ipsum testis esse: Satis habuero observasse quod anno sequenti, ivit perquisitum per ipsa Galliæ Coenobia, unum ex ferventissimis Religionis Romanæ propugnatoribus, quocum in me conspiraret, tanquam in generis humani hostem publicum: Repetam hic quædam ex ea quam ad ipsum perscripsit epistola, cujus ad *αὐτῷ γεγραμμένη* quod est penes me, exactum apographum hæcenus vobis misi: Hæc sunt ipsius verba: *Renati des Cartes Philosophemata quædam Gallice in 4^o. edita vidisti: proculdubio. Molitur ille vir, sed sero nimis, ut opinior, sectam novam, nunquam ante hæc interrum natura visam aut auditam, & sunt qui illum admirantur atque adorant tanquam novum Deum de cælo lapsum. Et paulo post; Judicio ac censura tua εὐφραίνεται ipsius subjici debebant: à nullo Physico aut Metaphysico felicius deicerentur quam à te; quippe qui ea in parte Philosophia excellis in qua ille plurimum posse creditur: in Geometria scil. & Optica. Certe dignus hic labor eruditione & subtilitate tua; Veritas à te asserta hæcenus & in conciliatione Theologia ac Physica & Metaphysica cum Mathesi ostensa te requirit vindicem, &c.* Ubi notari velim, quod licet nefas non sit amicitiam colere cum hominibus alterius religionis & ad illos perscribere, (alias reatu grandi propter fœdus cum nostro Rege vos ipsi implicaremini) tamen in sancto hoc Reformato, qui me plerumque *Jesuitastrum* vocitat, nulloque frequentiori ad me apud vos traducendum utitur argumento, quam eo quod à mea desumit Religione, id indicio est certissimo non servare illum regulas quas aliis solet præscribere; nec tantæ esse scrupulositatis, si credat nihil istius emanaturum ad plebem, quin possit unius è nostris Religiosis ambire benevolentiam, eumque pro veritatis assertore agnoscere, dicendo, *Veritas à te asserta & in conciliatione Theologia ostensa, &c.* si modò per ipsum mihi ullo modo obesse queat. Et quo constet eum, non quod aliquid putaret reprehendendum esse in meis opinionibus, (quas nequidem, utpote captum ejus superantes, assequi potest) sed ex mera malignitate conatum fuisse me publice traducere tanquam novæ cujusdam hæreseos authorem, dicendo, *Molitur ille vir novam sectam, &c. Et sunt qui illum adorant tanquam Deum, &c.* referam quid ipsi prudens ille & eruditus religiosus responderit; Se videlicet

licet libenter contra meas opiniones scripturum, si rationes ullas haberet ad eas impugnandas; rogare igitur Voetium vellet suas secum communicare, aut quas amici suggessissent, se quoque à sua parte in illas inquisiturum: Sed nullam unquam transmisit Voetius, licet mihi nominati fuerint quibus earum perquisitionem commiserat. Satis habuit suam cum Vanino comparationem, quæ primas tenet inter ejus calumnias, perscripsisse, & famam sparsisse illum Monachum contra me scripturum.

Adhæc ut liqueat non me metuere, si meæ quoad res litterarias sententiæ impugnentur, nec ullo modo id trahere in offensam, modo à calumniis contra meos mores abstineatur, hic addam sapientem illum religiosum, suum responsum apertum mihi misisse, ac meo arbitrio illud permisisse, meque ipsum id fideliter G. Voetio reddendum curasse, postquam legissem & obfignassem. In quo nihil suberat figmenti vel collusionis: ille enim religiosus animo destinabat facere quod promittebat; ac si Voetius cum conspiratæ suæ factionis universo popello, vel minimam illi contra me rationem suggerere potuisset, eam proculdubio illevisset chartæ, quod & mihi fuisset gratissimum: uti inde patuit quod postea alias scripto mandavit, quas ego ipse edi curavi sub titulo secundarum objectionum adversus Meditationes meas.

Taceo quæ illo biennio evenerunt quoad D. Regium, qui putabatur meas opiniones philosophicas docere, & periculum adiit primi propter illas martyrii, licet postea viderim in libro cui nomen suum præfixit, cum hac in parte innocentiores fuisse quam putaveram; Nihil enim eo in libro posuit eorum respectu quæ ad Theologiam possunt referri, quod meo sensui ex diametro non adversetur.

Teneor tamen dicere quod occasione unius in thesibus suis voculæ quæ nullius erat momenti, nec quo sensu eam interpretabatur cum recepta pugnabat sententia, contrarias theses Voetius emisit quæ per triduum fuerunt agitatæ; in qua disputatione & ego fui nominatus, ne dubitari posset me illi esse authorem opinionum earum quibus id suis in thesibus dabat elogii, Atheos vel bestias esse qui eas admitterent: Et quasi novæ alicujus sectæ hæreticorum *αεχρης* fuisset, aut me venditasset pro Propheta, de me, ridendi causa, dicebat *Elias veniet*. Imo parum absuit quin D. Regium hærescos nota inureret Facultatis suæ Theologicæ nomine, quod facturus erat nisi primarius Vestri ordinis Vir eum impedivisset; ac tandem emissum fuit Academiæ vestræ nomine judicium quo meæ damnabantur opiniones sub titulo *novæ & præsumptæ Philosophiæ*; post quæ

quæ nihil aliud ei restabat, quam abuti Facultate sua Theologica, quæ tota uti postea patuit in ipsius erat arbitrio, ad me traducendum apud Magistratum ceu authorem doctrinæ adeo perniciosæ, ut unum ex vestris Professoribus tabehæretica infecisset.

Postquam hæc omnia mihi innotuissent, summæ fuisset imprudentiæ me istius hominis machinationibus non opponere; nec potuisssem honestiorem ad id, justiore, aut molliorem viam insistere, & de qua minus posset queri, ea quam institi. Satis enim habui occasione scripti quoddam mihi sudabat sub prælo, enarrare paucis injurias quas ab ipso acceperam, non alio animo quam ejus cuniculos detegendi, & maledicentiæ ipsius impetum infringendi, significando iis qui eas audire possent, non esse citra probationem admittendas, eo quod ab homine inimico prodirent.

Quæ moneo ad eos erudiendos quibus probus iste Vir persuasit me priorem ipsum adortum fuisse: juvabit enim illos scire, quod præter tetros sermones quos undique accipiebam ab ipso de me haberi, in suis lectionibus, disputationibus, concionibus & alibi, & ipsius manu exaratas epistolas (quarum autographa asservo) in quarum una me confert cum Vanino, cui comparationi atrocissima & foetidissima obrectationum suarum innititur, possim enumerare septem diversa scripta typis excusa, quibus mihi nocere annixus est priusquam aliquid dixissem, scripisssem aut fecissem adversus eum: Nempe quatuor varia de *Atheismo*; quintum quod vocabat *Corollaria thesibus de Jubbileo subjecta*; sextum quod erat *Appendix ad ista Corollaria, sive Theses de formis substantialibus*, & tandem pro septimo *Judicium Academia Ultrajectinæ*. Non quod velim quicquam demptum parti ei quam ipsius Collegæ sibi in hoc ultimo vendicant; sed cum ipsorum tunc esset Rector, non ibunt inficias potioremi illi deberi. Dicitur fortasse, me in majori parte illorum scriptorum typis editorum nominatum non fuisse; sed nec ipse in meo scripto nominabatur, imo nec vestra vel Academia vel Urbs: adeo ut id solum esset discriminis quod vera cum essent quæ de ipso scripseram multo magis eum offendebant, quam me quæ de me scripserat, utpote quæ omni non solum veritate, sed etiam verisimilitudine carerent.

Revera ita ipsum pupugit hæc mea scriptio, ut paulo post resciverim agitare eum consilia de actione injuriarum mihi movenda, & varia scripta contra me componere; ut vellet eodem tempore me verberare & in jus trahere, quo sic mulctaretur insuper qui vapulasset.

Et sane variis ex locis præmonebar ipsum contra me scripturire: etiam,

adco res erat vulgata, ex Gallia id ad me scribebatur; Referebantur quoque ex ipsis in me scriptis nonnulla singularia, quæ nunc prostant partim in Præfatione libri qui Schoockio tribuitur, partim in Historica narratione quæ vestræ Academiæ nomen præfixum habet. Etiam edocebar ipsum deliberare de iis qui ipso instigante in me essent scripturi, id est qui sub suis nominibus compositiones ejus evulgarent, *stylum faciendo suum* & addendo de suo quod possent; atque in multorum hominum consortio quendam dixisse, eas partes esse filio ipsius committendas, sed intercessisse matrem, ac respondisse filium suum juniorem esse quam ut suæ famæ periculum hoc subire deberet; maritumque potius scripturum, si quenquam scribere oporteret. Necdum ulla Schoockii fiebat mentio; & plures tum sciebant quid futurum esset in eo libro qui postea prodiit ejus nomine. Quod observo ut expendatis, quam parum probabiliter post ista posset Voetius persuadere contra conscientiam infinitorum hominum, qui idem quod ego noverant, se futurum extra noxam librorum qui in me ad sui defensionem ederentur; ac simul videatis, justam mihi suppetuisse causam ubi accepi sex priora folia talis libri, cui nullius dum authoris nomen erat præscriptum, Voetio inscribendi responsum quod illi adornabam.

Sed quod me maxime movit ad illam responsionem conscribendam, non fuit atrocitas injuriarum quas illis in foliis reperiebam; ita absurdæ & parum credibiles erant, ut digniores contemptu quam offensâ & ira viderentur; Verum eo me tres aliæ graviores rationes impulerunt: Harum prima fuit publica utilitas & quies harum provinciarum, quam semper optarunt & procurarunt Galli mei majori cum cura quam plures indigenæ: quamvis enim nullius criminis dicam Voetio scribere vellem, putavi utilem me huic Reip. operam navaturum, simplicioribus eas veritates retegendo quas de ipso compertas habebam, eodem prorsus modo, at longe meliori jure, ac ipse plura de me spargebat mendacia, fingendo id se facere *ad præmonitionem studiosæ juventutis*. Altera mea ratio fuit, quod speciatim nossem me rem gratam facturum pluribus Civibus vestris; non iis equidem qui à vestris sacris abhorrent, ut absurde aliis persuadere conatur, (ex illis enim credo neminem esse qui eum sic non contemnat, ut optet illi similes omnes fieri qui illa tuentur ac sectantur) sed plurimis maxime zelotis & honestioribus ex iis qui ea profitentur, etiam ex Vestræ Ministri; quibus id laudis debeo, quod licet nihil non fecerit ut eos partibus suis implicaret, & libellum supplicem ad id cuidam Synodo obtulerit (ut filii sui scripta me docent) nihil tamen ab illis in mecum

meum præjudicium consequi potuerit : Imo quod à Synedrio testimonium retulit, ostendit id eos denegasse : Nam transcripto verbo ad verbum libello supplici quem obtulerat & in quo nominor, simplex illi perhibent testimonium morum, quale honeste nequissent ulli collegæ suo denegare, quamdiu nondum judicii publici censuram incurrit, nec eum accusare volunt; sed nullam isthic mei vel ullius rei ad me spectantis faciunt mentionem; quin declarant id ei concedi testimonium ad vestrum postulatam, *op het versoek vande achtbaere Heeren Magistraet der Stadi Utrecht*, &c. forte non concessuri illud si solus petiisset : Et etiamnum vix dubito quin si, remotis ex eorum numero iis qui ejus esse creaturæ vel discipuli noscuntur, cæteri rogentur quid sentiant de falso testimonio quod Schoockio adversus me præscripsit, sint de re tota sincerè & candide pronunciaturi. Tertia mea ratio fuit, quod cum Voetius vellet mihi scribere injuriarum actionem ad ea probanda quæ obiter & summarie priori meo scripto fueram complexus, putavi singula esse distinctius explicanda & ita dilucide altero scripto comprobanda, ut sublevarer labore illa ulterius probandi in judicio, & ipsi demerem voluntatem me ad id juridice cogendi.

Sic ergo altero meo scripto adornato, ut & ipsum semet sufficenter tueri, & prius quoque defendere posset, missisque illius exemplaribus quibusdam ad D. D. binos vestros Consules p. t. quæ illis oblata fuere honestissime meo nomine per duos è primariis & honestioribus Civibus vestris, non leviter me perculit quod aliquod postea septimanis, vestrum recepi Ediçtum promulgatum 13. Junii 1643. Non quod impendio non lætarer de eo quod continebat respectu Voetii; ejus enim ibi manifestam condemnationem legebam, eo quod ipsum pronunciabatis inutilem imo valde noxium vestræ Urbi, si quæ de illo scripseram vera forent; de illorum etenim veritate certus eram; Sed mirabar me à Vobis citatum fuisse ad ea comprobanda, quasi ulla Vobis jurisdictio in me competiisset; Mirabar quoque hanc citationem tanto cum strepitu factam fuisse & ad campanæ sonum, ac si reus fuisset; & tandem mirabar quod ad id supposuissetis nescire vos domicilium meum; cum D. D. vestri Consules de illo potuissent edoceri (nisi jam non illud nesciebant) rogatis iis qui librum meum ipsis offerre meo nomine dignati fuerant. Quoniam tamen hic procedendi modus varias posset interpretationes admittere, & me non odium sed amorem vestrum commoverisse putarem, credidi vobis animum esse non mihi nocendi, sed solum rem totam divulgandi, ut qui reus erat

erat

erat & vestrae jurisdictioni obnoxius, posset cum totius orbis approbatione puniri.

Ideo quoque meam ad vestrum Edictum responsum typis mandavi, qua post gratias actas quod dignaremini examen suscipere morum hominis à quo laesus eram, rogabam etiam ut ea occasione velletis inquirere, num conficius & particeps fuisset libri sub nomine Schoockii editi, quo variis proscindebar calumniis; non quod diserte affirmarem eum hic complicem esse; sed cum omnes id suspicarentur, iusta suberat causa vos enixe rogandi ut quaestionem hac de re haberetis: Etiam expressissime declarabam nolle me Actoris contra ipsum partes suscipere, & protestabar de injuria, si ullam in me jurisdictionem arriperetis: ac tandem, si qua forte viderentur Vobis non satis dilucide probata in meis scriptis, me sufficientes eorum probationes Vobis subministratum pollicebar, quoties illas à me petere placuisset.

Post tale responsum impossibile putabam ullam vobis fore intentionem me divexandi, cum praesertim ex variis locis nunciaretur librum meum diligentissime à plurimis lectitatum fuisse, imo à multis eorum qui Magistratu in praecipuis harum provinciarum civitatibus defunguntur, nihilque quenquam eorum in illo observasse, quod Voetio querendi de me aut vobis me vituperandi justam ansam praebere posset: adeoque mea causa tam universaliter probabatur, ut qui de illa aliquot hominum chiliadas differentes audiverant, asseverarent duos tantum repertos esse qui me culpae anniterentur; Et hi duo palam agnoscebantur tanquam Voetianae factionis proxenetae ejusque *emissarii*, ut loquitur Schoockius, qui affirmat plures tales ei esse; quod Schoockio optime perspectum esse debet.

Nihilominus mirabar, nullum amplius nuncium Ultrajecto, uti solebam antea, me accipere; Et tres integri menses elapsi sunt priusquam rescirem quid isthic ageretur, quibus finitis duas successive accepi epistolas, manus mihi ignotae, quibus monebar Praetorem Vestrum me tanquam reum citasse personaliter, neque etiam securum futurum hac in provincia, eo quod per Concordata quaedam, sententiae quae in vestra feruntur, etiam in hac mandentur executioni: Jocari epistolarum scriptorem initio rebar, nec id me commovebat; Hagam tamen excurri de re tota accuratius inquisiturus; & cum ita se eam habere comperissem, adii Excell. D. Legatum de La Thuillerie, qui promptissimum in me juvando se praestitit, ut & generatim reliqui omnes quos compellavi; atque sic facillime obtinui quod volebam.

Sed

Sed nihil aliud petieram quam sufflaminari impetum extraordinariæ actionis, in cujus primordiis credebam adhuc vos versari, plane nefcius sententiæ quam aiunt Vos jam antea in me tulisse. Nihil istius in-
 audiui nisi post aliquot septimanas, cum casu delapsus in consortium Nobilium quorundam & Generosorum illorum animorum, qui studio justitiæ ducuntur, quamvis nullam familiaritatem contraxerint cum
 iis quos læsos putant, ab illis audiui promulgatam fuisse contra me Vestro nomine sententiam, qua duo illa scripta in quibus de Voetio lo-
 quutus eram, tanquam libelli famosi damnabantur: Et quoniam vix poteram id mihi persuadere, eo quod haberem in vestra Urbe amicos, qui id mihi non renunciarent, licet antea in tempore monuissent de
 Edicto vestro promulgato 13 Junii, responsum fuit, illam promul-
 gationem 13 Junii factam fuisse longe celebriori ritu quam alias solet, majori cum populi convocatione, fuisseque edictum illud typis descri-
 ptum, affixum, & sedulo per præcipuas hujusce Belgii foederati Ci-
 vitates transmissum, ut mirum non fuerit id mihi innotuisse; Sed post responsum meam, plane stylum & ordinem agendi fuisse im-
 mutatum, meosque adversarios tam sollicitè cavisse, ne resciretur id quod contra me moliebantur, ac si consilium fuisset clancularium de
 hostili quadam urbe intercipienda: voluisse tamen eos quasdam formalita-
 tes, uti loquuntur, observari, eaque de causa sententiam quam à Vo-
 bis erant consecuti, è Curia recitatam fuisse, sed hora solita, & post alia scripta, & cum judicabatur id à nemine eorum à quibus præmoneri po-
 tuissent animadversum iri. Verum non ita sollicitos fuisse respectu cita-
 tionum vestri Prætoris quæ erant sequuturæ; utpote cum reputarent me
 licet præmonitum, nulla ratione illi malo medicam manum adhibere pos-
 se, eo quod libris meis jam damnatis, & me personaliter citato, sequutu-
 ra esset sententia ob vadimonium non obitum, quæ nihil sonaret mollius,
 quam exilio me gravique ære multandum, & libros meos flammis ultri-
 cibus absumendos: Quin affirmant nonnulli (*ult. pat. pag. 407.*) Voc-
 tium jam in antecessum transgisse cum carnifice, ac stipulatum fuisse tan-
 tum illum excitaturum ignem eos comburendo, aut flamma è longinquo
 conspici posset.

Addebatur Consilium eorum post ista fuisse typis committere sub A-
 cademiæ Vestræ nomine prolixam narrationem eorum omnium quæ fa-
 cta essent: eique plura adjicere tum testimonia tum carmina tam in lau-
 dem G. Voetii quam in contumeliam meam, eorumque exemplaria se-
 dulo per totum terrarum orbem transmittere, ut nullum in locum ire

B

pos-

possem quem mei nominis infamia deturpatum non reperirem, & ad quem gloria triumphû Voetiani non se extenderet.

In istius rei confirmationem referebatur quod post istius processus impetum quadantenus sufflaminatum, adhuc edita fuisset nomine Academiæ vestræ narratio eorum quæ contigerant ante primum meum scriptum, cum aliquot ex illis testimoniis in favorem Voetii corrasis; & has fuisse pulveris sui pyrii reliquias, quas consumere voluerat cum spes jam decollasset illis melius utendi.

Quærebam quo fundamento quoque prætextu eo ordine contra me actum fuisset; Sed nihil certi respondebatur; Solum dicebatur quod à tempore primæ vestræ publicationis, omnes emissarii & asseclæ Voetii perpetua sua maledicentia occupaverant omnes circulos & omnia confortia in quibus poterant reperire qui patulas aures sibi præberent; qua arte sic plebem concitaverant, ut nemo eorum quibus de veritate constabat, & qui ad illorum calumnias exhorrescebat, quicquam auderet pro me mutire; præcipue ex quo videbant quomodo cum D. Regio actum fuisset; ejus hic non refero historiam cum vobis sit notissima; Sed tamen cum expendere omnia quæ isti Voetii asseclæ & emissarii de me dicebant, ad duo potissimum capita spectare videbantur; Unum me esse Jesuitarum Discipulum in quorum favorem scripsissem contra illum Reformatæ Religionis Atlantem & Propugnatorem fortissimum Gisbertum Voetium; imo forte ab ipsis clam submissum me fuisse ad ferendas diffensiones in his oris; Alterum nullam mihi à Voetio unquam illatam fuisse injuriam, nec illum ullo modo authorem extitisse libri contra me scripti, sed unicum Schoockium; qui cum tunc quoque in vestra Urbe forte fuisset, ipsum hac in parte plene liberabat, & sibi soli vel honorem vel probum illius scripti deberi volebat; adeoque injuria me Voetium ideo accusasse, ut haberem prætextum adversus illum scribendi, atque sic Religionem vestram publice traducendi.

Atque hinc factum ut putaretur, vestram sententiam duplici illi capiti innixam fuisse: nec immerito plane, si talis ea fuerit qualis typis excusa repræsentatur in libello sine authoris nomine edito sub titulo *Aengvangen proceduren &c.* quem Schoockius à Juniore Voetio prodiisse asserit.

Ubi hæc omnia rescivi, putavi meum esse rationes inire me justificandi, & æquitatem meæ causæ apud eos omnes propalandi qui forte secius de illa opinarentur; sed quoad primum caput, nulla laborabam difficultate in me excusando: cum enim sim ea oriundus qua sum regione, ejusque religionis quam profiteor, soli Galliæ hostes poterant mihi vitio ver-

tere.

tere amicitiam cum iis quibus solent nostri Reges cogitationum suarum penetralia referare, eos in Confessarios suos eligendo; Tales autem sunt in Gallia Jesuitæ; & speciatim R. P. Dinetus, cui uni quod scripserim probro mihi vertitur, in Regis Confessarium electus fuit paulo post editam epistolam quam illi inscripseram. Et si hac non obstante ratione, superfint adhuc homines ita partiales & Zelotæ Religionis quæ in his oris obtinet, ut graviter ferant omnem communicationem cum iis qui illam se impugnare profitentur, id sane turpius ipsis debet videri in Voetio, qui cum velit esse *Ecclesiarum Belgicarum decus & ornamentum*, scribit nihilominus ad Monachos quorum regula est Jesuitica austerior, eosque vocat Defensores Veritatis ut se eorum favori insinuet, quam in homine Gallo qui eadem sacra cum suo Rege palam colit.

Sed præterea ut vobis liquido constet quantopere Voetius studeat aliis imponere, & iis qui sibi credant ea persuadere, quæ ne ipse quidem credit, si dignemini legere libellum qui inscribitur *Septima Objectiones &c.* qui continet illam epistolam cujus occasione mihi Jesuitarum amicitia objicitur, & cujus, ut aiunt, condemnationem à Vobis Voetius obtinuit, aut si saltem vobis placuerit ab aliquo qui ipsum legerit percontari qua de re agat, deprehendetis totum eum librum scriptum esse contra aliquem Jesuitam, cujus tamen nunc amicum me esse glorior, nec me docuerunt Magistri mei irreconciliabilem esse; Scietis insuper me vices plura in illum Jesuitam tunc scripsisse quam in Voetium, de quo nonnisi obiter, dissimulato quoque ejus nomine, loquutus fueram. Adco ut cum Vobis author fuit istius libri condemnandi, videatur se procuratorem Jesuitarum constituisse, & plus à Vobis in ipsorum favorem obtinuisse, quam conati sint aut sperarint consequi à Magistratibus ullarum Urbium in quibus plurimum posse perhibentur: & quædam honestatis ac comitatis verba quæ eo in libro posueram rapuit obtorto collo, persuasurus iis qui illa solummodo viderent nec legerent cætera, magnam mihi intercedere familiaritatem cum Jesuitis; perinde ac si quis me accusaret, non sane in Gallia, ubi tam frivolæ accusationes contemptui forent, sed in aliqua ditione in qua severissima Inquisitio obtineret, arctam me cum Voetio colere amicitiam, idque inde probaret, quod eum nominem *Celeberrimum Virum* in titulo prolixe Epistolæ quam illi publice inscripsi: Non dubito palam iis fore qui hanc legissent Epistolam, mendacio eum fuisse delectatum qui me sic accusasset, eosque naso suspendisse adunco quibus talia ausus esset proponere.

Quoad secundum caput, quamvis illi refutando non decissent multi

rectes, si eos voluisssem nominare, censui nihil tutius fore mihi quam recta Schoockium aggredi, ut in locum Voetii plecteretur, si ejus crimen in se vellet derivare; aut si non tam eximie in ipsum esset charitatis, malletque aliquam excusationem mereri, totius rei veritatem reterege teneretur.

Prudentia, integritas, generositas eorum qui administrant Remp. ea in Provincia in qua degit, mihi persuaferunt illos justitiam petenti neutiquam denegaturos, quamvis nunquam antea quenquam ex illis compellere datum fuisset, eosque omnes Schoockius amicos haberet, essetque Rector Universitatis ipsorum, cum querelam meam adversus ipsum detuli: Sola enim justitia Resp. & imperia tuetur: illius gratia primis mortalium sylvas & speluncas reliquere ad Urbes extruendas; ea sola est quæ confert libertatem, ut è contrario ex reorum impunitate & condemnatione innocentium nascitur licentia, quæ juxta Politicorum observationem semper fuit exitio Rebuspublicis: adeoque vix dubitabam Prudentissimos Magistratus, qui Resp. bonum optant, & autoritatis suæ tuendæ sunt studiosi, sollicitè procuraturos ut jus mihi, ubi id petiissem, administraretur.

Quid inde eveniret postea rescivistis, & quomodo DD. Professores Universitatis Groninganz, quos Schoockius in judices suos expetiit, ea omni erga ipsum usi sint mansuetudine quam exoptare poterat, & nihilo minus prudentia singulari omnem quam expectabam & legitime desiderare poteram, satisfactionem, mihi dederint. Privatis enim non licet sanguinem, famam vel bona petere adversariorum suorum; sufficit si eorum prospiciatur indemnitati, quantum judicis pote est; reliqua ipsos non spectant sed publicum. Quod autem potissimum mei intererat in hoc negotio, erat ut retegeretur falsitas accusationum adversus me in vestra Urbe institutarum: quare non poterant jure mihi illa denegare Acta quæ eo inferviebant, & quæ Schoockius se excusaturus apud eos deposuerat. Sed illa Acta talia sunt & tam dilucide aperiunt Crimen G. Voetii & Collegæ sui Dematii, uti postea sum dicturus, ut crediderim, cum ea recepi, hos duos protinus se in pedes conjecturos & fugam ex vestra Urbe arrepturos fuisse quam primum illis quid Groningæ factum erat innotuisset; Satisque habui ea Acta Vobis mittere, nulla petitione per me speciatim facta, quoniam nec volebam, nec dum volo, Actorem me adversus ipsos constituere; reputabamque vos forte antiquius habituros in causa tam publica ex proprio motu & nobili officio jus administrare, quam ad id ab ullo instigari.

Sed

Sed necdum observare potui documenta quæ tum vobis submissi ullum effectum produxisse; solum paucis post diebus exemplar mihi datum fuit hujusce decreti; *De Vroetschap der Stadt Utrecht interdiccort ende verbiedt wel scherpelijck de Boeck-druckers ende Boeck-verkopers binnen dese Stadt ende vryheit van dien te drucken ofte te doen drucken, mitsgaders te verkopen of doen verkopen, eenige boeckkens of geschriften pro ofte contra Des Cartes, op arbitrale correctie, Actum den 11 Junii 1645. & subscriptum erat C. De Ridder.*

Inde judicasset velle vos plane sopire hoc negotium, nisi eodem tempore percepissem Voetium habere sub prælo libellum contra me, nempe Epistolam nomine Schoockii, cujus absque authoris consensu editionem absolvi curabat, illi nociturus si posset, & novas in me calumnias publicaturus. Etiam postea multi libri sunt editi nomine filii sui, qui omnes adversus me, licet quoque contra alios, fuerunt; Neque id proculdubio ibitis inficias, quandoquidem condemnastis librum ceu in Voetium editum, cujus duæ tantum vel tres periodi ipsum spectabant, & reliqua scriptio tota in quendam Jesuitam erat adornata: non audiui tamen Typographos & Bibliopolas qui illos in me libros excuderunt & vendiderunt, ullam ideo pœnam incurrisse.

Præterea Voetius & Dematius ita justitiæ securi fuerunt ob crimen cujus propriis suis manibus sunt convicti, ut loco fugæ quam eos statim arrepturos credideram, actionem injuriarum intenterint Schoockio, quasi eos calumniatus esset, eo quod noluit perseverare ea in malitia quam ipsum docuerant; ac ausus fuerat veritatem enunciare coram legitimis suis iudicibus, cùm de ea in iudicio postularetur, nec posset debitas Calumniatoribus pœnas vitare nisi eam retegendo: Sed cùm ista lis ab initio satis fervide utrimque contestata atque agitata fuisset, derepente cum jam jam ferenda esset sententia, ita sufflaminata fuit, ut audiam ab aliquot mensibus nihil ulterius in ea fieri.

Quapropter ego, qui ejus præstolabar decisionem, sperans multum in servitutam propalandis injuriis quas pertuli, possem deinceps vocari *Desertor cause*, prout me jam Voetii triumphum ante victoriam canentes salutant, si omni ope non conarer tandem aliquando justitiam consequi.

Quem in finem teneor hic Vobis dicere, quomodo Junior Voetius loquitur de procedendi ordine servato, ut ait, in vestra urbe contra me, & de eo qui servatus fuit Groningæ contra Schoockium, ut comparatione instituta inter utrumque possitis observare, num vobis honorifica sint necne quæ scribit, & ita incitari ad eam mihi satisfactionem præstandam quam exopto.

Inter varios libros quos Junior Voetius pro suo patre emisit, pendente Schoockiana lite, quorum numerum non scio, unus est qui inscribitur *Pietas in parentem*, in quo à quarta pagina Quaternionis I, usque ad secundam quaternionis K (non aliter ejus libri paginæ notantur) expresse loquitur de sententia quam asserit Vos pronunciasse contra libros meos, & ait inter cætera totum negotium fuisse commissum Deputatis *ex ordine Senatorio & Collegio DD. Professorum*, aut prout loquitur pag. 13. *philixæ 4. rem omnem per Deputatos Politicos & Academicos peractam esse*; sed quanquam studiose inquisiverim quinam illi Deputati fuerint, nullius ex illis nomen adhuc rescire potui. Ait quoque eos casum de quo inquirere voluerunt in eo fundasse, quod in mea ad vestrum edictum promulgatum 13 Junii responsione, vos rogaverim, quandoquidem Voetium constituebatis in reatu & de vita ipsius quæstionem instituire volebatis, dignaremini inter cætera perquirere num conficius esset calumniarum quæ extant in libro nomine Schoockii edito contra me; unde vult credi ipsos supposuisse quod affirmassem Voetium esse authorem illius libri; licet certissimum sit nihil me aliud expresse dixisse, quam ejus esse de eo libro respondere, ut qui pro se & ipso conficio editus esset; adeoque mihi apud eos Accusatoris & Actoris partes fuisse delatas, G. Voetio rei; licet eadem in responsione cui eorum *κένόμην* innitebantur, ut ait, expressissime declaraverim, nolle me Actorem in judicio esse contra Voetium, nec ipsum in jus coram Vobis vocare, nullamque Vobis jurisdictionem in me competere, imo me de injuria protestari, si ullam velleis usurpare. Affirmat præterea patrem suum nunquam auditum fuisse in eo negotio, nec illud unquam sollicitasse vel procurasse. Nunquam, inquit, *Amplissimus Senatus parentem super hoc negotio interrogavit, nec parens illi quicquam respondit, nec unquam judicium Senatus de famosis Cartesi libellis sollicitavit aut procuravit*: & quæstionem plane immutat: nam in vestra promulgatione 13 Junii declarastis si vera essent quæ de Voetio scripseram, ipsum fore plane indignum munerum quæ sustinet in vestra Urbe, imo illi summo opere noxium, ideoque vos velle rem habere cordi, & in veritatem inquirere; quod non aliam admittit interpretationem, nisi velle vos inquirere, num illa quæ inter cætera de illo scripta, Vobis videbantur eum reddere indignum muneribus suis, ac illi in crimen imputanda, vera essent. Sed istius generis non est res illa quam unicam Junior Voetius dicit pag. 6. quaternionis I, suos Deputatos examinasse, num Pater suus esset author libri qui nomen Schoockii præfert; etenim nunquam cum librum criminis loco habuistis ejus vel eorum respectu qui il-

him

lum composuerunt; prout ex eo liquet quod cum Schoockius palam se illius authorem dum esset in vestra Urbe profitebatur, ejusque invidiam in se derivaret, sublevandi Voetii causa, nullam ideo censuram à Vobis Vestrisve Deputatis incurrerit, & etiamnum junior Voetius in omnibus suis scriptis impune laudat & defendit nomine patris sui pessima quæque illius libri: adeo ut quod cum antea declarassetis velle vos inquire, num Voetius reus esset Criminum quæ illi imposueram, asserit suos Deputatos de eo solum inquisivisse quod nec ipse nec illi crimini ducunt, & ita eos me condemnasse quod supposuerint accusatum à me Voetium ejus rei, propter quam, etsi illius author fuisset, condemnandus non veniebat; licet verissimum sit ipsum ei culpæ affinem fuisse, & falsissimum me unquam eum illius accusasse; nam declaraveram nolle me Actoris partes contra ipsum suscipere, nec aliud in meis scriptis asserueram quam eum librum pro eo factum fuisse ipso conscio, quod nullatenus negat. Præterea omnes quas perquisitas asserit probationes, aliæ non sunt, quam quod examinatae fuerint rationes, quas in meo libro posueram probaturus suum patrem authorem esse scripti illius quod præfert nomen Schoockii, nec sufficientes deprehensæ sint. Sed non addit, me non affirmasse patrem suum illius libri authorem extitisse, & è contrario expresse dixisse pag. 261 editionis latinæ mei libri, nolle me id lectoribus persuadere; sed tantum pro illo factum fuisse eo conscio & consentiente; Quod & ipse agnoscit, & ait nunquam à patre suo negatum fuisse. Per quam ergo regulam non solum vult persuadere me obligatum fuisse ad aliud probandum quam quod scripseram; sed quod magis mirum est, supponere me fuisse obligatum sat rationum in meo libro ponere ad id probandum quod non affirmabam verum esse? Non addit quoque responso meo ad promulgationem vestram 13 Junii, (quod ait suis Deputatis fuisse in Cynosuram judicii ab ipsis instituendi,) expresse significatum fuisse, quod si quid in meis scriptis alicujus momenti esset, quod tamen non satis probatum videretur, offerrem id omne dilucidius probare si rogarer: Unde sequitur eos non potuisse *metodo à me ibi proposita insistere*, ut ait voluisse eos facere, p. 6. *quater*. I. lin. 9. nisi rogando num aliæ probationes mihi suppeterent, præter eas quas dederam. Tandem ait patrem suum *ad abundantio rem cautelam* & cum opus non foret, uni ex Deputatis dedisse quinque hominum declarationes sive testimonia; Nempe primum Schoockii, cui quantum deberetur fidei, constitit postea, ex eo quod coram suis judicibus Groningæ declaravit quomodo sollicitatus fuerit à Voetio, Dematio & Waterlatio ad illud testimonium perhibendum, &

scilicet

sæpius exoptarit, ut in forma de specialibus interrogaretur, juxta conscientiam de illis responsurus. Alterum Typographi, qui est Voetii addictissimus, nec ita pridem adhuc eorum Tribunal iniquum impressit; adeo ut si in ipso-
rum gratiam nihil falsi depofuit, quod nequeo dicere, cum ejus testimonium non viderim, saltem credibile est nihil eum declarasse quam quod ipsis placuit & cætera reticuisse; quandoquidem ipsi fuere, non judices, qui hoc testimonium ab eo conscribi curarunt. Tertium Waterlatii, quem Schoockius affirmat à Voetio & Dematio adhibitum ad se corrumpendum, ut sic in ipso corrumpendo allaborandum non fuerit: ut taceam hominem esse tam reverendum, ut licet sit *intima admissionis apud Voetium*, Schoockius tamen se honestiorem putat quam ut velit quicquam sibi cum illo esse negotii: Quartum est illius qui se profitetur authorem nescio cujus libelli qui inscribitur *Retorsio Calumniarum* &c. Sed is nihil aliud potuit declarare nisi se authorem esse illius libri, non Voetium, cui nec eum expresse attribui; solum monui plures esse qui id suspicarentur; nec mihi crimini verti posset, quod eum librum ipsi attribuissem, quandoquidem nec ipse credit ullum crimen admissum fuisse ab ejus Scriptore, cumque in hunc usque diem laudat & tuetur quantum potest. Ultimum est nescio cujus studiosi, qui etiam nihil aliud potuit testari quam se authorem extitisse quorundam Carminum famosorum in vestra Academia distributorum in ipsius favorem & ipso præsentem, dum quædam disputationes haberentur; Sed nunquam eum accusavi quod malus esset Poëta: solum dixi eum procurasse aut saltem permisisse ut illa carmina fierent, quod negari non potest: Adhæc tam parum est Criminis, Voetii judicibus, in carminibus ejusmodi, ut filius non ita pridem alia curarit in suis thesibus edenda, ejusdem Studiosi, ejusdem commatis, & æque injuriosa ac præcedentia: Quin eo honore vestram afficit Academiam, ut de quodam quem ex numero vestrorum Professorum esse constat, mei simiam esse dicat, quod his verbis expressit, *Simia mendacior ipse*; Et palam est, hæc duo ultima testimonia tribus præcedentibus, numeri potius quam ponderis gratia addita fuisse, & quò posset Voetius dicere sententiam non ideo tantum in me latam fuisse, quod ei tribuerim librum quem non fecit, sed quod plures tales illi tribuere voluerim; ut sic, qui nossent causæ meæ justiciam quoad unumquemque ex his libris, possent existimare me adhuc alios ipsi imputasse, in quo peccaverim, juxta regulam quam ipse & filius ejus solent observare, 126. licet eam exprobrent aliis, *Tribu. iniq. p. Dolus versatur in generalibus*; At si eorum Deputati, soli meæ ut aiunt responsioni ad vestram promulgationem

nem

nem innixi sunt, de solo demum libro qui Schoockii nomen præfert potuerunt quæstionem instituere: quia ibi de hoc solo loquutus fueram: ac certum est, me non affirmasse G. Voetium authorem fuisse vel illius libri, vel alterius alicujus cui nomen suum non præscripserit; nec de quocumque id suspicatum fuisse, quem revera suum non reddiderit eum laudando & defendendo, ut loquitur ipsius filius in sua *Pietate in par. Phil. B. p. 14. lin. 3.*

Videtis itaque, Amplissimi Viri, quod juxta descriptionem à Juniore Voetio factam vestræ sententiæ, (in quo illi fidem nolim adhibere, nisi ipsimet id volueritis) concinnata fuit ab ejusmodi Deputatis qui partium nullam nullumque testem audiverunt: Qui actorem reddiderunt eum quem condemnarunt, licet declarasset nolle se actorem constituere, nec alias vestræ jurisdictioni obnoxius esset; Qui id fecerunt, eo non præmonito, & cum nequidem ab ipso sciri voluerint quinam essent, licet se obtulisset ad alias dandas probationes quam quæ scriptæ fuerant, si à se peterentur; Qui mutarunt statum quæstionis super qua fundabatur prima vestra promulgatio, & rem tantum unam examinerunt, quam supposuerunt ab accusatore scriptam, licet eam non scripserit, quam declararunt esse falsam, licet vera sit; quamque instar criminis non considerarunt ejus respectu quem accusatum illius fuisse supponebant; Qui tandem non contenti absolvisse reum, judicando accusationem falsam fuisse, condemnarunt insuper eum quem ipsi accusatorem fecerant. Attamen id à Vobis velim hic observari, ex nullis sequi legibus condemnandum esse accusatorem eo quod reus absolvatur, nisi probari possit accusationem susceptam fuisse *animo calumniandi*, & cum nulla subesset ratio credendi quod dicebat. Adeo ut quamvis falsum fuisset Voetium extitisse authorem præcipuarum calumniarum illius libri, quod tamen verum erat, & eum istius rei accusassem quod non feceram, & judicasset illarum calumniarum authorem esse pœna dignum, quod non præstiterunt, & obnoxius fuisset ipsorum jurisdictioni, & tandem utramque partem & testes audivissent, ac omnes formas legitimi processus observassent, non tamen justam ideo habuissent causam me condemnandi, eo quod præsumptiones, cuilibet notissimæ, sufficerent ad probandum quod eum non accusassem *animo calumniandi*, & justa mihi ratio id faciendi fuisset.

Dicetur forte, me non fuisse condemnatum quod ipsum accusaverim hujus libri, sed quod plura alia de ipso scripserim merito plectenda si vera fuissent, quæ cum pro falsis habita sint, id solum inquisitum, num

fecisset librum contra me editum, ut si author illius extitisset, potuisssem excusari à recriminatione, utpote prior ab ipso petitus injuriis. At si id foret, debuissent ergo enotare quasdam saltem voculas ex meis scriptis, quibus se læsum putaret, & me præmonere, ut si necdum sufficienter omnia probaveram alias probationes adducere possem. Id autem factum non fuit; Et possum affirmare, duo illa scripta quæ à Vobis damnata dicuntur, nihil continere, non solum quod non sit verissimum, sed etiam quod si falsum esset actioni injuriarum instituendæ queat sufficere; uno tantum, in epistola ad Cels. Vir. p. 136. excepto, quod cum Calumniatorem & mendacem appellavi. Sed id tam luculenter probavi, illo ipso in loco ubi scriptum est, ut querelam de eo instigare non valde illi utile fuerit. Et si testes dandi fuissent, suppetebant ad manum non unus vel duo, sed usque ad tredecim, omnes vestræ Religionis & ex Primoribus Urbis Sylvæducensis qui testantur se ab ipso Calumniis discissos fuisse, suumque testimonium publicum fecerunt curando illud typis exscribi. *Mar. epist. Apol. pag. 45. & in ult. part. pag. 113.* Id quoque possem affirmare; quod licet Voetii plures emisserint libellos post alterum meum scriptum, quod inscribitur *Epistola ad Celeberrimum Virum* &c. quibus illud conantur refutare, nihil tamen potuerint distincte referre in quo se læsos pertendant, nisi quod dixerim Gisbertum Voetium reum esse libri Schoockiani: Et quod, quo persuadeant iis qui Belgice tantum illud essent lecturi, multas in latina editione extare injurias quæ interpretes Belgæ omiserit, observarint in *Angev. Proced. scurrilia diceria* non bene reddita fuisse *Poëtische schimpwoorden*; Sed præterea quod est mendum typothetæ qui posuit *poëtische* loco *poetsighe*, in eo queruntur se potius non satis quam nimis vapulasse.

Ita Amplissimi Domini potestis animadvertere illos gloriari quod à Vobis obtinuerint condemnationem ejusmodi scripti, in quo nequidem ipsi ullam justæ querelæ causam possunt observare. Et ut sciatis, quod cum describunt istius condemnationis circumstantias, dicendo G. Voetium eam nec sollicitasse nec procurasse, cum à vestris Deputatis nunquam auditum fuisse, ipsummet uni ex illis testium suorum, qui nec ipsi audit fuerunt, declarationes exhibuisse, & plura istius generis, id non faciunt Honoris vestri gratia, aut persuasuri suam innocentiam vel meum crimen iis qui sua scripta legent (constat enim me conveniendum fuisse coram judicibus meis legitimis si vel in levissima culpa fuisset, nec futuram vobis omnibus autoritatem ad justitiam ab ipsis consequendam, si causam ipsius suscipere voluissetis, misso tam extraordinario agen-

di

di modo) sed potius ut glorientur de potestate qua pollent apud Vos, & se tam formidabiles reddant vestris subditis, quam norunt se in posterum contemptibiles residuo orbi futuros, postquam sua Crimina innotuerunt. Id quoque dignemini observare quod in eodem libro in quibus Junior Voetius hæc omnia scribit de Vobis, & adhuc in alio inscripto *Tribunal iniquum* quem postea emisit, non alio fine quam calumniandi DD. Groninganos ob jus mihi administratum, impudenter & absque ulla ratione eadem ipsis exprobrat, quæ dicit à Vobis facta fuisse, & inde occasionem sumite eos traducendi & plenis conviciorum odiosissimorum plaustris in illos invchendi.

Duo vel tria proferam exempla, ex illo *Tribunali iniquo* desumpta; primum extat in epistola pag. 9. ubi dicit, *Licebit protestari contra iniquam illorum sententiam ac judicium in quo nihil est judicii; imo in quo tot fere nullitates, quot ab imperitissimis rerum juridicarum committi possunt; quales sunt judicii incompetencia, allegationum falsitates, neglectæ citationes partium, litis contestatio & plura alia qua in meo libro reperiuntur.* Ita ei est sententia iniqua & judicium sine judicio, quod supponat judicem fuisse incompetentem, allegationes falsas, neglectas citationes partium, & omisam litis contestationem. Quæ tamen omnia ab ipso vestræ quoque in me sententiæ tribui paulo ante ostendi. Et libri pag. 15. has sententias contra eos pronunciat; *Quicumque nocentem justificat ac innocentem condemnat, uterque Deo abominatio; & supplicii ille dignus qui cum debuit vindicare oppressum opprimere reperitur.* Et pag. 31. 32. & 33. nominat ac describit in particulari quemlibet ex judicibus, de illis pessima quæque fingendo, vel recitando solius Schoockii fide (qui pravas istas & falsas de Collegis suis innocentibus suspensiones ab ipsius patre jam diu ante instillatas sibi fuisse profitetur) ut eos suspectos reddere conetur. Non credo cuiquam vestrum aut Deputatorum vestrorum gratum fore ita describi, & tædiosus forte vobis essem, si pluribushic insisterem ostensurus quam vos offendat hæc omnia scribendo.

Sed teneor Vobis indicare, quantopere DD. Groninganos offendat iniquitate calumniarum suarum. Ac primum quoad incompetentiam quam illis exprobrat, omni specie probabilitatis destituitur. Mea etenim causa directa & commendata fuit ab Excell. D. Legato Ordinibus illius Provinciæ in qua Schoockius, de quo querebar, agit Professore, & decisa fuit à cæteris Professoribus, qui juxta Academiæ suæ privilegia, judices ejus legitimi erant; & qui adeo non egerunt in eo qua Professores, sed qua Magistratus. Adhæc eorum judicium revisum,

examinatum & confirmatum fuit à DD. Curatoribus ejusdem Academiae qui sunt ex Ordinibus Provinciae; Et tamen Junior Voetius integrum librum audet contra hoc judicium scribere, etiam sub titulo ita odioso, ut eum inscribat *Tribunal iniquum* & sic vestrae confidit protectioni, ut alterius integræ Provinciae majestatem lædere non metuat.

Dicit forte etiam me ausum fuisse scribere adversus judicium Academiae vestrae: Sed nulla potest comparatio institui inter utrumque: nam in illo prætenso judicio Academiae vestrae nec de Civili nec de Criminali agebatur; sed solum de Philosophia, de qua confido plures existimare me esse judicem æque competentem, ne magis dicam, ac universam vestram Academiam: & tantum est discriminis inter judicium quod impugnatur junior Voetius & illud quod impugnavi, quantum est inter vera prælia quæ fiunt in bello, & in quibus subest vitæ periculum, & theatrales pugnas, aut disputationes theticas, quæ fiunt in vestra Academia, in quibus nulla fit effusio sanguinis, & citra omnem iracundiam, si qui disputant honesti & probi fuerint: Inauditum est Magistratus se immiscuisse istiusmodi Disputationibus quæ inter litteratos de rebus Philosophicis oriuntur; ut è contrario nunquam fando audiverim quendam ita insolenter & licenter impugnasse, cum evidentibus mendaciis & calumniis intolerandis, judicium factum à judicibus legitimis qui amici fuerint & foederati eorum quibus est obnoxius, quin ex rigore juris exemplum in eum statutum fuerit.

Nequit autem junior Voetius excusari à contumeliis quibus DD. Groninganos proscindit, eo quod pater suus eorum jurisdictioni non subest. Etenim pater ipsius nec Actor nec reus fuit in eo negotio; nihilque omnino contra illum judicatum fuit; solum admittæ sunt depositiones Schoockii, ut fit in omnibus processibus criminalibus, cum tales depositiones excusando crimini ejus, qui accusatur, inservire possunt; v. g. si querela adversus aliquem à Creditore instituitur, quod nummos adulterinos sibi in solutum expensos tulerit, & hic dicat se excusaturus, nescivisse nummos esse adulterinos, nec à se cultos fuisse, sed ab alio sibi datos; si alter ille non fuerit ejusdem jurisdictionis, non est in judicium potestate eum citare & processum ejus instituere; sed non possunt ideo non admittere depositiones quæ fiunt contra eum, & earum veritatem in tantum expendere quantum inservit illi liberando de quo judicare debent; & si probationes ita dilucidas continent (v. g. si proferret ipsius falsi monetarii manu litteras & descriptam specificationem singulorum istorum nummorum quos ad illud debitum exsolvendum miserit, ne creditor

creditor ultra *conqueri posset se esse ei debitorem*) ut teneantur ipsum absolvere, erunt quoque illi communicandæ qui adulterinos nummos recepit, ut recursum suum habeat contra fabrum eorum: Falsæ illi monetæ jure conferas convicia & calumnias quæ sunt in libro Schoockii; & quoniam de ipso questus sum propter illa convicia, se excusaturus dixit, se eorum fabrum non extitisse, sed G. Voetium, nec scivisse, cum menon nosset, quod falsa essent.

Debuerunt vero judices ipsius expendere priusquam cum vel condemnarent, vel absolverent, num vere loqueretur; & talia ipsis ad id consignavit acta, ut nequirent jus, quod petieram, mihi administrare, nisi illa ad me mittendo.

Nec potest etiam queri junior Voetius litem non diu contestatam fuisse, me uno duntaxat epistolio causam meam egisse, absque Procuratore & Advocato, nec omnes eos ritus observatos fuisse quos vitiligatio excogitavit ad lites consecrandas immortalitati. Hæ enim formalitates non requiruntur nisi ubi jus in dubio versatur; & moris est in omnibus Curiis, ut cum partium altera tam malam habet causam, ut id ex ipsius ore pateat, de plano judicetur, alterius replicis non auditis. Ita Schoockio indultum est quantum spatii & otii petiit ad consulendum de suo negotio & se defendendum; de nulla hac in parte injuria queritur; nec etiam potest dicere judicum suorum religionem præoccupatam fuisse vel advocatorum meorum eloquentia, vel subtilitate procuratorum; sola juris mei evidentiâ causam meam egit; sed judices tam æqui fuere meaque petitio tam moderata & justa; ut eam totam mihi concesserint.

Nec plus justæ causæ subest juniiori Voetio querendi de hoc judicio eo quod unam aut alteram voculam quæ minus sapit ipsius palato contineat, nempe *SCELERATA MANUS & SCENÆ SERVIRE*; aut quod unus ex judicibus mihi sit amicus, non suo patri: Nam quoad vocabula quæ dura ipsi videntur, molliora adhibere non poterant probi Judices, & qui vitia detestantur, ad crimen de quo agebatur exprimendum; præterea quod hæ voces non aliter ponuntur quam ad exprimendam depositionem Schoockii, qui, uti verosimile est, multis acerbioribus respectu Voetii usus fuerat, ut se liberaret eum taxando. Et sane eorum iniquitati exprimendæ, qui se infcio tales insarserant suo libro calumnias ex quibus periculosum reatum posset subire, quid mollius potuisset dicere, nemine nominato, quam eas suo scripto inferas fuisse *à scelerata manu*? Sic ergo, quandoquidem id ad se rapit G. Voetius, solo suo crimine offenditur; non vero ab iis qui scapham scapham dixe-

re. Quid etiam mollius, quam comœdiæ conferre per voculas, *scena* *fervere*, non quidem vestrum iudicium, ut conatur suadere Voetius vos suis rixis impliciturus, & contra Groninganos ut quondam contra me instigaturus, sed malas artes quibus usus est ad falsa fabricanda testimonia, & omnia peragenda quæ egisse debuit, ad eam vestram extorquendam sententiam quam obtinuisse dicitur, sic ut possit postea gloriari se illam nec sollicitasse nec procurasse?

Quoad amicitiam quam pertendit mihi cum uno ex iudicibus intercedere, in eo mihi injurius est, quod putet unum tantum ex illis mihi amicum esse; omnes enim eos eo loco habeo, prout nemo eorum est viceversa quem magni non faciam: Sed amicitia nostra non ei est similis quam G. Voetius contraxit cum Schoockio, Dematio, Waterlatio & similibus, quos pedetentim suis rixis implicat & obligat ad sui defensionem, eos complices suorum criminum faciendo, ac tanquam hostes crudelissimos infectando, sicubi aliqua pœnitudine se duci testentur; ut patuit exemplo Schoockli, quem ideo in jus vocaverat; at postquam reciproce sibi interminati fuerant secretorum suorum revelationem, videntur, dum metuunt utrinque ne hæc dispalescant mysteria, in gratiam simul rediisse. Talia inter me & DD. PP. Groninganos, nulla subsunt secreta; horum benevolentia nullo nritur interesse, nulla etiam conversatione, nonnisi enim bis eum sum alloquutus cujus speciatim amicitia mihi exprobratur; neque ad eum scripsi durante hoc negotio, quod significasset diu ante nolle se illi immiscere. Odium etiam quo junior Voetius dicit eum ferri in suum parentem ita justum est & G. Voetius sic illud commeruit, ut id negare nolim. Is tamen quem ita pro adversario sumit, tam sæpe optavit redire cum ipso in gratiam, ut satis ostenderit non se personam sed vitia Voetii odisse. Ac credo eodem flagrasse odio cæteros omnes, neminemque eorum fuisse qui non fuerit detestatus & averfatus crimen Voetii, ubi visa sunt acta quæ produxit Schoockius: Ejusmodi enim illa sunt ut vel ipsomet filio teste (Tribunalis iniqui p. 2. præfat.) crediderint plurimi iis visis, non posse amplius, vel ipsum vel Dematium honestorum & proborum virorum censu venire. Sed cum is favor idque odium ex solo zelo justitiæ pependit, quo majores fuerunt & causam meam favorabiliorem, Voetianam magis odiosam, reddiderunt iis quibus innotuere, eo amplius iudicii sui æquitatem comprobant. Ut ut sit, nec amor nec odium iudicium, G. Voetium & Dematium reos fecere, sed acta ipsorum propria manu scripta, & quæ hætenus non denegarunt, eos palam convincunt quod

quod studuerint corrumpere Schoockium & de facto corruperint, ad falsum testimonium contra me perhibendum. Nam primo ut constet quid voluerit Voetius Schoockium in iudicio affirmare, sufficit animadvertere, quod in illorum Actorum principali, (quod continet formulam testimonii, manu sua scriptam & quam misit ad Schoockium ut eam sequeretur) expresse vellet hunc asserere, se motu proprio & sponte sua contra me scripsisse, suumque librum peregrisse partim Ultrajecti partim Groningæ, & quidem solum, ita ut nec Dom. Voetius nec quisquam alius ejus author sive in totum sive ex parte fuerit, aut quod ad materiam, aut quod ad dispositionem, aut quod ad stylum, adeoque negare ullam ad id materiam Voetium sibi suppeditasse. Cui addi posset ejusdem Voetii epistola ad Schoockium scripta 21. Jan. 1645. quæ Groningæ edita fuit in *Bona fidei Sacro* pag. 35. cujus hæc sunt verba; *Summa hic redit, Te ex te consilium cepisse & statuisse* (nempe contra me scribendi) *teque opus illud quoad materiam, formam, methodum, stylum, inchoasse, absolvisse; chartas & schedas à me tibi nullas suppeditatas aut submissas, nec ullam vel minimam pagellam præformatam, quam in describendo tuam feceris, &c.*

Deinde ut constet (quæ duobus capitibus absolvuntur, primum est Schoockium contra me scripsisse proprio suo motu nec incitatum à Voetio; alterum, nullam ad id Schoockio suppeditasse materiam) esse falsissimum, sufficit videre aliam Voetii epistolam quæ etiam extat in *Bona fidei Sacro* p. 28. scriptam 3. Nonas Junii 1642. Nam à limine hæc habet; *Non pigebit denuo te hortari ut in disputationibus contra Scepticos pergas, & quidem quam primum, sequestratis tamis per reliquis tuis meditationibus. Erit hæc pulcherrima occasio furiosi & ventosi istius promissoris R. Descartes histum obstruere; Appendix illa ad meditationes primæ Philosophiæ editæ Amstelredami imprimi te ad operis hujus delineationem exstimulare debet. Est illa tot furiosis & contradicentibus mendaciis ac calumniis in hanc Academiam nostram meamque imprimis Professionem delibuta, ut ferream quorumvis lectorum patientiam vincat. Ita scilicet loquitur de innocentissimo scripto in quo nihil de ipso dixeram, quod, imo duplo majus, meritus non fuisset: Et hoc evidenter demonstrat Voetium exstimulasse Schoockium, ut contra me scriberet; utitur enim etiam verbis hortari & exstimulare; & plusquam semel eum incitasse; dicit enim denuo te hortari; Et id fecisse occasione *Appendicis ad Meditationes primæ Philosophiæ*, cui scripto revera liber Schoockii oppositus fuit; Scio equidem eum ad hæc respondere, se Schoockium hac epistola hortari ad continuandas Theses contra Scepticos, measque in illis opiniones impugnandas: Sed cum nondum adinventus esset titulus*

lus libri quem postea Schoockius in me edidit, non potuisset expressius Schoockium ad eum scribendum adhortari, quam illum extimulando ut me impugnaret; & quamvis tunc Thesium aut Disputationum nomen imponeret ei scripto quod in me volebat adornari, & cuius postea titulum ipse excogitavit, ut declarat Schoockius, revera tamen idem futurus erat liber; nec enim quaestio est de nomine sed de re, scil. de calumniis de quibus queror: Et quo hæc dilucidius explicem, observetis quæso tria diversa Scripta hac occasione emissa fuisse pro Voetio, nempe librum qui inscribitur *Admiranda Methodus sive Philosophia Cartesianæ*, nihilque aliud est quam cento convitiis contra me, sub prætextu meas opiniones impugnandi; Dein præfationem ejusdem libri cum suis paralipomenis, in quibus expresse conatur author iis respondere quæ de Voetio scripseram; & tandem narrationem Historicam quæ prodiiit Academiæ vestræ nomine, in qua agitur de iis quæ respectu D. Regii contigerunt. Clare autem apparet ex Epistola 2. Junii 1642. consilium Voetio fuisse me tribus his modis impugnandi: Nam præter primum ad quem hortatur Schoockium, verbis quæ modo citavi, en ut loquitur de duobus aliis. *De iis quæ Academiæ nostram tangunt videbunt DD. Professores, nec patientur cum conqueri nos esse ipsi debitores: De iis quæ in me inmerentem congerit maledictis retundendis etiamnum deliberamus: ut silentio litemus nemo ex Collegis quod sciam consulit, sed per quem aut qua ratione respondendum sit ενδοίη μάλα θυμός.* Sunt qui me, sunt qui filium, sunt qui te designant; Sed de hoc ampliamus: Interim quæ ad veritatem historia pertinent consignabuntur, etiam ubi opus testimonii confirmabuntur. Ita jam tum in suas partes suos DD. Professores pertrahere satagebat; Et quantum ad id quod ipsum privatim spectabat, illud ipsum scilicet quod præfatione libri Schoockiani continetur, satis decreverat non tacere; *ut silentio*, inquit, *litemus nemo consulit.* Sed adhuc fluctuabat, num quæ scripturus erat ipse, aut ab aliis procuraturus ad hanc rem, emittenda forent suo, an filii, an Schoockii nomine: *Sed de hoc*, ait, *ampliamus*: Quod proprie est dicere alios quidem suadere, ut vel ipse, vel filius scriberet, sed se magis cupere id fieri à Schoockio; Et post hæc voluit Schoockium in judicio declarare quod scripisset *motu proprio* nec à Voetio incitatus?

Etiā ex eadem epistola patet ei Voetium tantum materiæ suppeditasse quantum potuit: Nam paulo post sic de meis opinionibus loquitur: *Opera pretium feceris omnia istius farina paradoxa excerpseris & cum antiquorum Scepticis aliisque hæreticis (apud Augustinum & Epiphanium de hæresibus & Gennadium) teratologiis comparata resutavis, I. sacris literis;*

2. rationibus, tum directis tum ducentibus ad absurdum & hominem in contradictionem adigentibus. 3. consensu Patrum. 4. consensu antiquorum Philosophorum, Scholasticorum & recentium Theologorum ac Philosophorum, ut appareat esse communem causam Christianismi, & omnium Scholarum: Hoc autem ubique notandum, nihil novi eum producere sive quid sani, sive quid insani ostendet, &c. Atque Schoockii liber ex bellulis hinc materiis conflatus est.

Id ipsum quod dixi, potest insuper intelligi ex alia Voetii epistola scripta quinto post Mense, nempe 25. Nov. 1642. cum Schoockii liber esset sub prælo, in qua hæc verba extant: *Particulares opiniones Cartesii ventilare alterius est operis & instituti; Tu modo remitte nobis nec verba nec promissa, sed excerpta illa & chartas quas tecum hinc abstulisti: Lacuna si qua sit in generali sciographia hujus methodi, nos dabimus operam ut hic suppleamus, nisi tu suppleveris; Es hæc abunde sufficientes hac vice: Particulares Disputationes non curamus. Quid ergo?* ut ingeniose loquitur D. Marefius ult. pat. p. 413. *Mera convicia;* Et sic constat totius libri edendi consilium ex voluntate Schoockii non pependisse, qui optasset meas opiniones particulatim impugnare, quod longe honestius fuisset; sed ex arbitrio Voetii qui solum voluit generatim in me scribi, & omnes locos communes suarum inventivarum explicari ad me traducendum, adeoque Voetium autorem ejus primum merito haberi.

Si hæc probationes, quæ constant Actis manu Voetii scriptis & quæ non denegat, illi convincendo nondum sufficiant, nec mille testes ad id sufficerent. Sed præterea declaravit Schoockius se adhuc assertare Ideam præfationis scriptam manu Voetii: & præfatio illa continet ultra 60 paginas, estque totius libri portio maxime injuriosa; Idem declaravit de comparatione cum Vanino; quæ ipsis unicum est fundamentum me Atheismi insimulandi; nempe quod scripserim contra Atheos, & quod Vaninus contra eosdem scribere finxisset, Atheus ipse licet; unde concludunt me clanculum Atheismum docere: Quin expresse Schoockius declaravit verba affirmantia quod *subdole atque admodum occulte Atheismi venenum alii affrico*, esse ab alia manu quam sua, id est, à *sele-rata illa manu* de qua supra loquutus est: At præcipue questus sum de illis verbis, quod atrocissimam & omni supplicio dignam contineant calumniam, & juxta leges certum crimen sit determinandum ei qui queritur in judicio, non vero debeat *vagari in incertum* ut sit à Voetio, cum ait se calumniis meis impetum fuisse, etsi necdum minimam ostenderit voculam qua eum præter jus & fas læserim. Præterea Paralipoména præfationi addita, & quorum ultima pericopa sola plus habet fere acer-

bitatis & veneni quam residuum opus, ab initio Schoockius reprobavit, Voetius nunquam. In immensum excreveret mea oratio, si deberem huc congerere omnia argumenta quæ evincunt falsum esse testimonium quod suggessit sive præscripsit: Sed quæso vos observate, realia esse illa omnia quæ hic proposui, neque pendere ex relatione Schoockii; nam quoad præfationis ideam & alias schedas non editas quas dicit esse penes se, nisi revera eas haberet, servidius suam litem contra ipsum Voetius fuisset persecutus: Quod ostendit quam impudens sit junioris Voetii calumnia dum exprobrat DD. Groninganis ipsos unius testimonio nixos judicasse; (quod maxime urget:) Licet enim ad Schoockii verba non attendissent, sat præterea probationum habuere: Et tamen evidens est declarationem ipsius Groningæ factam, longe plus fidei mereri ea quam ante fecerat Ultrajecti. Nam in Ultrajectina, præterea quod ipsi suggesta fuerat, nihil aliud deponebat quam quod putabat è re sua esse, videlicet se authorem esse libri cui nomen suum jam præscripserat, nec erat coram iudicibus, nec metuebat reprehendi, licet non foret verum quod declarabat; eamque duntaxat scriptam exhibebat amico suo, quem satis potentem arbitratur ad se extricandum, etsi falsitas illius dispalesceret. At Groningæ id deposuit quod resciri ipsum pudebat, & summopere displiciturum erat summis suis amicis; nec illud deposuit nisi cum aliquo animi tædio, & coram iudicibus; atque sic statui potest sola iustitiæ reverentia & metu pœnæ, si mentiretur & criminis alieni onus in se derivaret, eum adactum fuisse ad ea profitenda quæ professus est. Quin declaravit confessurum se eadem fuisse Ultrajecti, si serio & in iudicio de re tota interrogatus fuisset. Et fere semper contingit cum examinatur reus vel testis, cujus ullo modo interest veritatem celari, ut depositio quam facit in iudicio adversetur iis quæ extrajudicialiter dixit, nec tamen ideo quisquam potest fidem ei derogare.

Sed neque satis est probasse falsum fuisse testimonium quod Voetius præscripsit Schoockio; non se credet convictum, ni probetur insuper, quod eum ad tale testimonium perhibendum importune admodum sollicitaverit. Quare vos expendere velim, non solum id eum petiisse à Schoockio, sed revera quod pejus est expressissime illi præcepisse; Nam hæc verba posuit ad calcem formulæ quam præscribebat; *Stylum facies tuum ubi opus fuerit; interim testimonii cæcæ & cæcæ servata ubique, quantum per Latinitatem fieri poterit, imprimis ubi subvirgulari.* Atque sic volebat esse vocem Jacobi & manus Esævi, stylum Schoockii & mendacia Voetii: Stylum mutari præcipiebat, sed exacte retineri sensum omnium quæ præscri-

scribebat: præsertim earum vocum sub quibus lineas duxerat; atqui subvirgulata erant omnia illa quæ superius retuli. Qui norunt Voetium, non nesciunt, quam importunus sit mos ille rogandi aut præcipiendi, præcipue eorum respectu quos habet inferiores vel obstrictos, qualis Schoockius erat. Hoc ipsa comprobavit experientia, eo quod eum traxit in jus, quoniam non perseveravit in illo testimonio.

Adhæc, nonne Voetio tribui debent omnes Waterlatii itiones ac negotiationes, & quicquid à Dematio factum fuit, ut paulatim Schoockius induceretur ad concipiendum suum testimonium ea formula quæ ipsi præscripta fuerat? Res enim illos duos non spectabat, nisi quatenus erant amici Voetio. Et tamen affirmat Schoockius sæpius ad se ventitasse Waterlatium ea de causa, & sibi misisse Groningam formulam testimonii quod Voetius expetebat; sed aliud se submisisse magis conforme veritati, cum illi *per conscientiam* subscribere non posset. Revera ex iis quæ postea sunt sequuta, cognosci potest in testimonio à Schoockio submisso omiſsa fuisse verba, quæ continebant præcipuum mendacium, nempe *Et quidem solum*, ita ut nec Voetius, nec quisquam alius ejus author sive in totum sive ex parte fuerit, quoad materiam; & alia quædam in eorum locum reposita ab eo fuisse: Et quoad, *in motu proprio* & fere reliqua omnia, conatum fuisse elabi per æquivocationem, reponendo *Methodum* ubicunque Voetius *liberum* posuerat; sic ut per *Methodum* nihil aliud vellet significari quam ordinem capitum & styli, cujus volebat author haberi, nihilque ultra affirmare de conviciis & materia, uti postea declaravit. Nec istam æquivocationem curabat Voetius; cum enim liber inscriberetur *Admiranda Methodus*, non dubitabat omnes qui lecturi essent hoc testimonium per *methodum* totum librum esse intellecturos: Sed reliqua, in quibus Schoockius formulæ ipsius non insisterat, non videntur ei plene satisfecisse, ac speciatim omissionem vocabuli *Et quidem solum*, &c. Nam per plures septimanas istud preſſit testimonium nec eo usus est, donec Schoockio Ultrajectum veniente, nactus fuit commodiorem occasionem eum inducendi ad illud reformandum. Cui rei iterum adhibitus fuit Waterlatus, qui ad ipsum hanc scedulam manu Dematii scriptam attulit.

Rev. Vir, velim in testimonio tuo quapiam mutari: quænam autem illa sint paucis accipe: Linea 21 & 22 deleantur omnia quibus linea subscripta est, & scribatur, Meque illum solum absolvisse; Linea 30 tantum hac retineantur, Vix esse poteram, ex amicis quæſivisse ac didicisse: linea 31 deleantur, Ab aliena manu esse, & scribatur, Alterius authoris sunt, qui ubi

necessum erit, ut puto, nomen suum aperiet: *vel simile quippiam; Rationes quare ita faciendum censeo non expono, coram dicturus, Vale.*

Estque hic summopere notanda vox, *meque illum* (nempe *librum vel illam Methodum*) *solum absolvisse*: Illud enim, *Solum* continet, ut Voetius excluderetur, quod est totius malitiosæ hujusce technæ fundamentum. Altera vox *Tantum hac retineantur, vix esse poteram, &c.* non tam facile percipi posset, nisi eam explicasset ipse Dematius scripto quo se voluit defendere, inserto *Tribunali Iniquo* à pag. 117. usque ad 126. At ibi nos docet Schoockium in suo testimonio posuisse se partim à Voetio, partim ab aliis amicis particularia illa rescivisse quæ Ultrajecti contigerant, uti præscriptum fuerat à Voetio; sed se Dematium credentem alios isthic amicos non fuisse Schoockio præter Voetium à quo talia rescivisset, judicasse non ponendum esse *partim* à D. Voetio *partim* ab aliis amicis, sed inducto nomine Voetii, ponendum tantum *ab amicis*; quod ut legitime factum Dematius festive defendit. *Si quid hic à me peccatum esset, inquit, peccatum in eo statuendum esset, quod Collega mei mihi charissimi & cui Ecclesia Dei plurimum debet innocentia, cautela forte superabundante, nemini tamen noxia, imo aliquibus utili (ut qua occasionem peccandi iolleret) carendum esse judicavi.* Ita sanctus iste vir vocat cautela nemini noxiana, testes subornare, qui judices decipiant, imaginando *alios amicos* loco Voetii, in re quam à solo Voetio proscctam noverat, atque sic procurare condemnationem innocentis, ut honore & bonis, imo etiam vita si potis fuisset, mulctaretur; nec dici potest hunc Dematium, qui in eo Voetii curam superabat ad judices decipiendos, nescivisse Schoockium inductum fuisse ad scribendum; quandoquidem enim sciebat quod ex solo Voetio didicisset quæ Ultrajecti contigerant, reliquum nequivit ignorare; ut nec illi persuadere ut in suo testimonio poneret, *meque illum solum absolvisse*, quin sciret hæc verba falsissimum mendacium continere. Imo ex depositione Schoockii, quæ refertur in *Bona fidei Sacro* pag. 4. constat primum de illo libro consilium ceptum fuisse in epulo solemnicum & coram ipso Dematio. Ita habent illius verba, *Nimirum quem anno 1642. more suo (Schoockius) per ferias Caniculares Ultrajectum ad visendos amicos excurrisset, à D. Voetio una cum Cl. ejus Academiæ Professoribus, nonnullisque aliis honestis viris lauto atque opiparo omnino convivio fuisse exceptum. In eo mensis jam sublati à Cl. D. Dematio aliisque injectam mentionem Epistola Cartesii ad Dinetum, in qua D. Voetius præceptor ejus graviter omnino vapularet; rogatum se atque instanti hortatu invitatum à D. Voetio ut pro se præceptore suo calumniam in Cartesium stringeret: Nunquid prodigiosum est, ut quod tam*
publi-

publice factum fuit in epulis, coram pluribus hominibus qui curam habere debent suæ conscientiae & sui honoris (nolim enim credere similes Voetio fieri omnes qui ipsum frequentant) & quod insuper ex se ita probabile est, ut qui nonnisi de eo per conjecturas judicant, illud verum esse non dubitent, nempe Voetium instigasse Schoockium ad scribendum contra me; an non, inquam, portentosum hoc ipsum ab eo electum fuisse quod negaret apud Judices, quo fundamenti loco substerne- retur sententiae, qua me perdere destinabat? Nec potest in dubium re- vocari illa Schoockii narratio facta coram suis iudicibus; nam illi ejus ad- versarii non contradixerunt in sua lite contra ipsum, cui inspererunt tam multa aliena & minoris momenti, ut hanc omisuri non fuissent, ni- si metuissent convinci posse eorum testimoniis qui tunc una Convivæ fuerant.

Sed neque hoc sufficit convincendo Dematio; vult sibi probari quod importune sollicitarit Schoockium ad insistendum schedulae quam præ- scripserat; omnis enim ipsius defensio est dicere, *nulla hic importuna solli- citationis species*; Quasi non satis sit importunitatis erga aliquem, post- quam alter illi præscripsit testimonium quod noluit per omnia admittere, etsi alter ille plurimum posset in ipsum, ad eum insuper schedulam mittere cum his verbis, *Velim in testimonio tuo quadam mutari*, &c. quod tam evidenter est contra bonos mores & leges, ut licet illa scheda nihil nisi verum contineret, reprehendi tamen mereretur qui eam misisset. Sed præterea ipsemet dicit nullam sibi intercessisse familiaritatem cum Schoockio; & tamen fatetur quod post hanc schedulam missam vene- rit postmodum ad ipsum inter 6 & 7. matutinam; quod meo iudicio im- portunam admodum sollicitationem indicat: Vir ætate jam gravis ac Theologiae Professor, summo mane adit ædes alterius longe junioris, cum quo nullam colit familiaritatem, ut ab eo rem petat quæ ad se non aliter pertinet, uti declarat, quam ut bonum officium præstet amico suo, & de qua etiam ille suus amicus jam ante repulsam passus fuerat. Nemo solet quenquam adire eo modo, cum eo de re aliqua acturus, ni- si animo eum serio precandi, & suas instantias & rationes adjungendi ra- tionibus & instantiis amici à quo mittitur.

Sed fateor me nescire cur Voetius ipse non ibat ad Schoockium, nisi quod vellet in eo, ut in procuranda Schoockii scriptione contra me, si- miham imitari, quæ pede catelli utebatur ad castaneas ex foco educendas. Aut forte postquam fecerat ipse à sua parte quicquid potuerat, sperabat persuasionem & auctoritatem plurium efficaciores futuras, quam unius;

& oportebat ut Voetius & Dematius tanquam duo senes Celeberrimi, & qui uti credo tunc totam Facultatem Theologicam vestræ Academiæ constituebant, quoniam tertius circa illa tempora diem suum obierat, artificia sua conjungerent ad castitatem istius Susannæ expugnandam.

Cæterum ut concludam, nolo vobis commemorare, quod promulgatione vestra 13 Jun. 1643, quæ adeo celebris fuit, ut illius memoria sit duratura multos in annos, expresse declaraveratis, velle vos quæstionem instituere de moribus Voetii, quoniam si tales essent quales describeram, cum nocentissimum vestræ Urbi arbitraremini; at cum illi nunc longe peiores reperiantur quam dixeram, sane promissis vestris stare teneremini: Nolo quoque vos adversus ipsum irritare, dicendo quod justitiam habuit ludibrio, dum voluit personam rei sustinere, nunquam interrogatus, & mihi plane nescio Actoris personam impondere, & fingere quod se calumniatus essem, illi rem tribuendo quam honestam reputat, & tandem condemnationem meam procurare per Deputatos quorum nomina nunquam scire potui; quod nihil minus meretur quam ita semel & serio reum constitui ut non sit quod subsannet. Nolo quoque vos contra ejus filium concitare, dicendo, quod dum effudit hæc omnia, non est in leviori culpa quam D. Regius, quem ajunt suæ Professionis amittendæ periculum adiisse, quod in suspensionem venisset mecum communicatorum consiliorum quæ agitabantur in Vestra Academia, licet mea interesset ea nosse, nec arcana Reip. fuissent, ut aliis persuasum volebat Voetius. Nolo odiosos aliis hos Voetios reddere, dicendo, sic illos in malo esse induratos, & impune peccandi consuetudinem ita eos impudentes reddidisse, ut non solum justitiam ipsam, sed sua quoque crimina rideant; & quasi testimonia aperte falsa, scripta manu Voetii & Dematii, ad Schoockium inducendum ut ea in judicio deponeret & judices falleret, res essent parvi momenti, junior Voetius ea vocat *amuleta*; quasi periapta nullius efficaciam, mihi missa ab Universitate Groningensi. Nec satis habet ex suo Patre S. Paulum fabricari, qui nullius est sibi conscius, licet multis hominum myriadibus ejus crimina innotuerint, nihilque præter convicia & absurditates illis diluendis proferre queat; sed eousque procedit vassaniam ut eum conferat cum Jesu Christo, dicendo de D. Marefio & me, *Piet. in par. quatern. H. p. 10. quod Herodes & Pilatus amici facti essent ut innoxia sama ac per Dei Gratiâ illibata* (hujus scilicet novi Christi) *maculam aspergerent.* Tandem nolo petere à Vobis justitiam contra hos calumniatores & falsarios: Vestrum est judicare, num Vobis honestum sit & utile, eorum crimina debitæ poenæ se subducere;

ducere; Id mea non refert; Non puto deinceps quenquam futurum qui fidem adhibeat iis quæ in me dicturi aut scripturi sunt: Omnes ipsorum machinationes erunt ridiculæ & absque fructu, easque irridebunt vel qui nondum ære lavantur, modo non corroborentur vestra protectione; nam scelera ipsorum nunc satis nota sunt, aut si nondum satis innotuerunt, mea interest ut ea propalem apud illos omnes qui eorum mendacia possent audire hoc seculo & sequuturis, ne mihi noceant; & conabor nihil ejus omittere quod erit mei officii.

Sed submisisse peto, id mihi permittatis, ut quo par est honore & cultu, quem debeo & exhibere volo Magistratibus talis Urbis qualis vestra est, apud vos querar de Vobis ipsis, eo quod vestro agendi modo, & sententia quam hostes mei jactant se à vobis contra me obtinuisse, tantum autoritatis & favoris conciliaſtis eorum calumniis, & justa de causa possim dicere quod de Vobis solis queri debeam. Non est quod velim ideo ulla vituperii macula vos aspergere ob ea quæ fecistis; Scio vel optimos quosque judices posse decipi falsis depositionibus testium; nescio autem omnes technas & fraudes quibus G. Voetius usus est ad ea obtinenda quæ consecutus est; imo an illa obtinuerit, nec certo scio; id unum scio hominem ejus quo est ingenio, & qui ea pollet autoritate quam habuit in vestra Urbe, multa posse consequi. Sed quoniam ratio vult & jus postulat ut quoad fieri potest restituamus in integrum eos quos læserimus, vel nescientes, vel etiam animo non tam lædendi, quam bene faciendi: quoniam etiam id habent in more homines probi, qui suæ famæ suoque honori consulunt uti par est, ut sollicitè reparent damna quæ nesciendo aliis intulerint, ne credantur data opera & malo animo ea intulisse; prout è contrario stupidiorum est, & animarum vilium & infimæ fortis hominum, qui nihil generosi sapiunt, post malum alicui illatum, etiam forte citra animum lædendi, velle amplius illi nocere, eumque ideo solum odisse, quod se ipsius odium meruisse sentiant. Similium quoque est ubi semel lapsi fuerint, ut ad decus suum putent spectare, etiam quod male fecerint tueri, licet tacite factum improbent; qua in re dum volunt supra homines esse, infra bestias se depriment; eo quod bestię semper faciant quod sibi videtur optimum, nec tam cati & prudentes dentur unquam homines quibus quandoque falli non contingat: Quoniam denique vos reputo generositate, probitate, prudentia nemini secundos, nec dubito, postquam sunt reſectæ fraudes & falsitates adversariorum meorum, sic ut eas ignorare nequeatis, quin libenter sitis occasionem captaturi mihi satisfaciendi in iis quæ petiero.

Ideo

Idco velim vos expendere quot me oneraveritis gravaminibus; Primum cum vestra promulgatione facta 13 Junii 1643, me citastis ad forum campanæ, & per ea programmata, quæ tanta cum sollicitudine undique per has Provincias missa fuere, ac si erro vel profugus aliquis ac nefarii & atrocissimi cujusdam criminis reus peractus fuisset; Licet enim aliud non commemorabatur nisi quod scripisset in Voetium, attamen quia hæcenus fuit inauditum nulloque comprobatum exemplo, aliquem tam extraordinario ritu citari quod in alium hominem privatum scripserit, nesciantque plebeji ac generatim homines illiterati, quousque se extendat peccatum quod in librorum scriptione consistit; ipsis dabatis occasionem reputandi me grande in eo admisisse peccatum & crimen quod etiam exemplo destitueretur: Eratque hæc injuria eo grandior, quod eam minus eram commertus: Nam revera nihil aliud feceram quam me defendere longè modestius & moderatius quam tenebar, contra atrocissimas calumnias quas quis excogitare possit, & ad quas cunctari, nec illis me tempestivè opponere summæ imprudentiæ fuisset; Nam præterea quod supra demonstravi Voetium consilium iniisse à longo tempore omnibus persuadendi me Atheum esse, justam habeo causam existimandi quod etiam me vellet Atheismi in Judicio insimulare, atque quantum in se foret, innocentem falsis testimoniis obruere ac opprimere. Nec enim injuria ei fiet, si dicatur aptus testibus corrupendis; & Schoockius asserit quod cum nihil magis mihi objici à se commendaret quam Atheismum, spondebat *tales testes aliquando prodituros*, (ad me istius criminis convincendum) *qui possent revera assidui sive classici testes haberi: Nec & mod. defens. pag. 48.* Sed ex quo vidit me meæ defensionis invigilare nullum producere potuit. Alterum gravaminum, quibus me onerastis, caput est illa sententia, quæ à Vobis lata dicitur, quæ mea scripta condemnantes Prætori vestro facultatem faciebatis in me agendi, & quantum in Vobis erat me mulctandi honore & bonis. Addo pro tertio non solum Actum 11 Junii 1645. quo prohibebatis Typographis & Bibliopolis edere aut vendere scripta quæ pro me forent, quo tempore accepi Judicium DD. Groningæ, datum 10 Aprilis ejusdem anni, quod meæ justificationi inserviebat, dum Voetius curabat excudi epistolam Schoockii ad suas in me statuminandas calumnias, sed etiam omnem illam protectionem quam à quadriennio indulgistis injuriis istius Voetii & cæterorum quos in me concitavit; adeo ut aliquamdiu nemo amicorum meorum in vestra urbe ausus fuerit, nisi dissimulatis manu & nomine, ad me ea perscribere quæ isthic in meum præjudicium fiebant, licet nequi-

nequirent legitime, me non præmonito, fieri. Et dum Schoockius affectibus Voeti indulgebat, in me scribendo ut ipsi placeret, atrocissimas & terribissimas quaslibet calumnias, gratus Vobis hospes erat & in vestra Urbe acceptissimus; & testimonium quod ab ipso extortum fuerat, in iudicio ceu bonum & validum admittebatur, licet contradictionibus scatenens & æquivocationibus refertum, uti postea explicuit; debuissetque ipsius liber in me ante editus ipsum recusabilem & suspectum reddidisse; Sed postquam quasdam pro me veritates confessus est, actio injuriarum ideo ipsi fuit intentata, & quamvis eas tam evidentem comprobavit, ut de illis D. D. Groningani dubitare nequiverint, nondum tamen ideo apud Vos absolvi potuit. Adeo ut videamini à quatuor annis, omni ope in id incubuisse ut mihi manicas injiceretis ne me defenderem dum vapulabam adversario meo & is omnem suam rabiem & furem in me effundebat.

Sed & inter rationes propter quas à Vobis Satisfactionem expecto, & hanc, si placet, reponam, nempe noluisse me illa vincula quibus me continebatis abrupte, licet facillimum fuisset; & patienter pertulisse omnes injurias quas ab illo tempore retuli à Voetiis, nihil moliendo ad mei vindicias, eo quod viderem Vos toto vestro corpore sic eos protegentes, ut vobis intactis feriri à me nequirent; neque Vos volebam offendere. Ad quæ omnia enixè ac supplex peto, attendere velitis, ut quam expecto à Vobis Satisfactionem possim consequi. Quod si aliam obtinere non dabitur, dignemini id saltem mihi concedere, quod vel gravissimorum criminum reis denegari non solet, nempe ut per Vos sciam quæ est sententia quam in me latam ferunt, per quos iudices lata sit, quam habuerint causam fundamentalem eam ferendi, & quæ fuerint tum accusationum tum probationum capita ex quibus me condemnarunt. Super his Deum veneror velit Vobis ea inspirare consilia quæ Gloriæ suæ promovendæ magis conducent & ex quibus majorem laudem & celebritatem referatis apud eos omnes quibus Virtus est in pretio, justamque rationem ipse habeam me profitendi,

Nobiliss. & Ampliss. D. D.

Vobis addictissimum

DESCARTES.

EPISTOLA II.

Ad R. P. Merfennum.

De Theſibus quibuſdam in Collegio Claremontano contra ipſum diſputatis.

Plurimum Reverende Pater,

E Piſtola hæc non aliud continet, quam gratiarum acſiones pro benevolentia tua mihi exhibita in dubitatione nuper contra Jeſuitas habita; ſcripſeram Reſtori ipſorum, rogans eos in genere, ut dubia ſua ad me dirigerent, ſi quæ haberent circa ea quæ ſcripti. Nihil enim negotiũ habere volo cum ſingulis ipſorum, niſi quantum à toto approbatum fuerit ordine, ſupponens, eas qui non ex unanimi conſenſu me impeturi ſunt, ſublæſta laborare intentione. Quemadmodum de falſo videre eſt ex velitatione à te mihi tranſmiſſa, author enim ipſius, obſcurandæ potius quæ declarandæ veritatis curam habuit. Reſponderem ipſi intra octiduum pro ſuo merito, omnibuſque aliis tuis Epiſtolis, quod hæc via impoſſibile mihi factu eſt ob temporis anguſtiam. Porro ſingo me non noſſe authorem harum theſium in literis ſcriptis ad Rectorem ipſorum, ut meliorem anſam habeam dirigendi mea ad totam eorum communiatem, ac de facto nomen mihi authoris in tuis ſubticueras prioribus. Videtur tamen mihi, quod alias mihi indicaveris, Patrem hunc cognatum eſſe Domini P. Si id eſt, non miror ſanè, voluiſſe cum ſuam interponere authoritatem ad honorem cognati tuendum, miror tamen auſum ipſum eſſe, mihi tranſmittere egregiam ſuam velitationem, cum tamen ea mihi ſuam magnam declaret impotentiam, eo quod nihil fere contra me agat, at contra chymaras neſcio quas debacchetur in cerebro conſiſſas ſuo, ut eas refutare poſſet, mihi falſo adtributas. Quemadmodum me fingit dicere, ceſſare determinationem deorſum, tanquam ſi annihilaretur, nec ulla ſuccederet ſurſum; & manere ſolam, & eandem determinationem dextrorſum, vim totam ponens in voce ſola, de qua tamen ne ſomniaveram quidem. Neſcio an rectè divinarium, exiſtimo tamen velitationem hanc eſſe præſationem à reſpondente recitatam ante diſputationem; ſignificabis mihi quæſo, id quod eſt. Mitto tibi alias theſes in quibus mea ad amuſſim videbis placita, ut ſi forte reperiantur qui ea ambitioſe aſperantur, reperiri videas, qui eadem amplectantur. Forſan aliqui ex Medicis veſtris non indignabuntur harum theſium conſpectum;

au-

author quoque ipsarum accingit sese ad similes supra totam Physiologiam Medicam edendas, ac, si multum ipsi promittere vellem subsidium, supra totum reliquum Medicinæ corpus, at ego non ausim meam ipsi committere operam, cò quod millena habeat mihi prorsus ignota; hi autem qui alios docent, obligati sunt ad iudicium de omnibus rebus ferendum. Permaneo

V. R. studiosissimus cliens

DESCARTES.

EPISTOLA III.

Ad Reverendissimum Rectorem Collegii
Claromontani.

Reverendissime Pater,

Cum summam in Patribus vestræ Societatis ad docendum benignitatem, & summam utilitatis publicæ curam esse sciam; cumque hæc meæ literæ non alio instituto scribantur, quàm ut vobis docendi mei, multorumque hominum utilitati prospiciendi, ansam præbeant, confido eas vestræ Reverentiæ gratas fore. Nec idcirco ullam hîc præfabor excusationem, quod forte ignotus vos interpellem, sed dicam tantum me monitum fuisse, quasdam Theses in vestro Parisiensi Collegio publice nuper fuisse defensas, quas quidem integras non vidi, sed ex iis hæc excerpta ad me missa sunt.

Ex pagina 11. Ut ad explicandam lucis & colorum actionem in oculos, non sufficit motio fictæ cujusdam materiæ subtilis per aërem fusæ, ita neque motus aëris satis explicare potest vim plane miram & actionem sonorum in aurem.

Et ex pagina 15. lucis & colorum actionem in oculos explicare per motum materiæ cujusdam subtilis, fusæ per aëris & transparentium corporum poros, quam lucida corpora moveant, & qua tangant oculos modis variis, atque omnino aliter quam per species intentionales, & cicatricem curare novo vulnere, & gratis implicare sese iisdem & insuper novis difficultatibus; has afferre, & inanitatem subtilis illius materiæ demonstrare.

Universale hoc reflexionum principium, *Angulus reflexionis aequalis est angulo incidentiæ*, aliunde videtur demonstrandum aut explicandum,

E 2

quam

quam à distincta virtute, & determinatione, eaque gemina, circa motum pilæ, exempli gratia, aliisque id genus; ex quibus, nisi aliud afferratur, contrarium manifeste concluditur. Idem censendum de refractionum principiis, quæ qui vellet iisdem ex capitibus demonstrare, is sua deusulus Analyfi, oppositum conficeret.

Quoniam autem opiniones quæ ibi refutantur, neminem, quod sciam, præter me autorem habent, summopere gavisus sum, hinc mihi datam esse occasionem flagitandi ut me errorum meorum monere dignemini; & quidem occasione tam iustam, ut pro vestra prudentia & charitate, vix id mihi recusare possitis. Nam certe neque nomen ejus à quo Theses illæ factæ sunt, ad me scriptum fuit, neque etiam nomen scientiæ quam docet; etsi vel Physicam esse vel Mathesim facile ex argumento conjiciam. Cumque noverim omnia membra vestri corporis tam acutè inter se esse conjuncta, ut nihil unquam ab uno fiat, quod non ab omnibus approbetur, habeantque idcirco multo plus autoritatis quæ à vestris quam quæ à privatis scribuntur, non immerito, ut opinor, à V. R. vel potius à tota vestra Societate peto, & expecto, id quod ab uno ex vestris publicè fuit promissum. Præterea profiteor me ab omni pertinaciâ quam maxime esse alienum; nec minus paratum ad discendum quam ullus alius possit esse ad docendum; quod jam ante etiam professus sum in dissertatione de methodo, quæ meorum Speciminum Præfatio est; ibique expresse (pag. 75.) rogavi omnes qui aliquid contra ea quæ proponebam dicendum haberent, ne suas ad me objectiones mittere gravarentur. Inter illa autem quæ proposui, unum ex præcipuis est materia ista subtilis, cujus inanitatem coram discipulis vestris haud dubie demonstrastis; nec etiam ex ultimis ea sunt quæ de reflexione & refractione scripsi, in quibus mea me delusum fuisse Analyfi, haud dubie etiam iis probastis. Neque enim fas esse existimo suspicari tantos viros aliquid in Thesis suis affirmare, & inter disputandum auditoribus promittere, quod non rectè sciant, & prius discipulos suos accurate docuerint. Sed rogo, & obtor, ut quandoquidem opiniones meæ dignæ visæ sunt, quæ publice in scholis vestris refutarentur; me quoque non indignum judicetis ad quem refutationes istas mittatis, quique inter vestros discipulos censerì possim. Atque ut non tantum ad illa de quibus in Thesis egistis, sed etiam ad reliqua quæ à me scripta sunt examinanda, & quæcunque in iis à veritate aliena erunt refutanda, vos invitem, libere hîc dicam, non paucos esse in mundo, & non contemnendi ingenii, qui ad meas opiniones amplectendas valdè propendunt; ideoque communi rei literariæ bono multum inter-

interesse, ut mature, si quidem falsæ sint, refutentur, ne forte familiam ducant. Neque profecto ulli sunt, à quibus id commodius fieri possit, quam à Patribus vestræ Societatis: Habetis enim tot millia præstantissimorum Philosophorum, ut singuli tam pauca non possint asserre, quin si illa simul jungantur, facile omnia quæ à quibuscumque aliis possent objici, comprehendant. Hoc itaque, si placet, à vobis expectabo, dudumque sanè expecto; tum quia rationi valdè consentaneum videtur; tum etiam quia hoc ipsum jam ante duos aut tres annos ab aliquibus, ex vestris flagitavi; Et quia olim per novem fere annos in uno ex vestris Collegiis suis institutus, tantam ab incunte ætate doctrinæ & virtutis vestræ admirationem reverentiamque hausi, ut longè malim à vobis quàm ab ullis aliis reprehendi. Sumque

R. P.

V. R. devotissimus famulus;

RENATUS DESCARTES:

EPISTOLA IV.

Ad Reverendum quempiam Patrem Societatis Jesu.

Plurimum Reverende Pater,

Quamvis Epistola, quam dignatus es ad me mittere, sit 28. Septembris data, eam tamen non recepi nisi antè octiduum, alias non commissem quin ad eam citiùs tibi respondissem, agens tibi gratias pro sincero tuo consilio mihi impertito, unde me tibi obligatissimum esse scias, certusque sis id me ad amissum observaturum. Gratias etiam tibi repono maximas pro Aphorismis Physicis ad me transmissis, & tractatu *Sol Flamme* dicto, mihi gratiosè communicato. Ante tres tantum hunc posteriorem recepi hebdomadas, ac præterquam quod honori ducam, quod me citatùm videam pagina quinta, volupe mihi erat intelligere, Patres vestros non ad eò adherere veteribus placitis, ut non ausint etiam proponere recentiora. Aphorismos Physicos quod attinet eos nondum vidi, spem tamen habeo, prima me eos accepturum occasione ab amicis. Porro ingenue fateor, cum antehac scriberem Reverendissimo Patri Charlet, ignorabam cum tunc munere fungi Provincialis Franciæ, necdum etiam mihi constabat eum reversum fuisse ex America, nec illa, de quibus ipsum certior faciebam, communicata mihi fuerant Parisiis, sed ex Brabantia,

E 3

Roma.

Roma, Flessis, ac aliunde; Et si querebar apud eum, non ideo id agebam, quasi aliquid publicæ commissum fuerit luci contra me, id enim me nullatenus lædere poterat; Imo vero quocunque tandem stylo, ac modo id contra me fieret, id meo servitutum semper credam compendio: nam si quid boni illi scripto inerat, volupe mihi erit quidpiam inde discere, sive ad id congrue respondere; quod si nil ibi boni repertum fuerit, dedecori serviet eorum, qui me impotenter appetunt. Quemadmodum ingenue confiteor librum Instantiarum Domini Cassendi nunquam mihi displicuisse tantum, quantum Censura de hoc placuit Reverendi Patris Meslandi, priusquam proficisceretur in Indias. Perferipserat enim mihi, se eum legisse totum brevi tempore, eò quod nil ibidem repererit contra mea placita, cui non prompte respondere posset. Verùm quæ me magis afficiunt sunt discursus particulares, contra quos, fateor, non aliud habeo remedium, quàm si Orbi ostendam, authores eorum, mihi esse inimicos, ac proinde fidem haud mereri publicam. Non sum tamen adeò rigidus ac iniquus, ut extorqueam omnium in meis opinionibus, assensum, sive ut me lædi sentiam si contrarium ab aliis de iis liberè feratur iudicium. Credidi solummodo mei esse officii, resistere illis, qui conantur sinistram aliis instillare opinionem in ea materia, de qua ne verbum quidem ullum proferrent, nisi conscientiæ vim inferre statuerent. Idque cum contrarium sit probitati, nunquam somniavi vestræ Societatis Patres ejus criminis reos esse, eos maxime qui degunt in Francia, ubi adest Reverendus Pater Charletus, de cujus singulari in me cum affectu tum virtute rara dubitare nunquam possum. Precor etiam, atque etiam, ne unquam ambigas, me tuum cum animo, tum promptissimis devotissimum esse ac futurum officiiis

DESCARTES.

EPISTOLA V.

Ad quandam Rev. Patrem Societatis Jesu.

Literæ tuæ quas ad me dare dignatus es, Reverende Pater, devinxerunt me summo opere, conaborque pro virili mea impedire, ne quispiam amicorum meorum quippiam faciat consiliis à te ibidem suppeditatis contrarium. Multum est, quod inde discam te nullum in eo videre inconveniens, si absque cujusquam particulari oppugnatione libere solummodo proferatur iudicium in genere circa Philosophiam hæcenus doceri soli

solitam. Materia vero hæc adeo lubrica est, ut difficile admodum sit, hic non impingere; at quoniam id quod ceptum fuerat, à quopiam ex amicis meis mihi non usque adeo arrisit, institi apud ipsum, ne prosequeretur, & ut tanto circumspectius cautiusque procedatur, ne quispiam propterea offendatur, statui ipse calāmun arripere, non ut prolixum aliquem Tractatum scribam, sed ut per modum præfationis cujusdam data occasione quædam communicem, quæ conscientia mea publico subtrahere liberet inclinationi, nihil unquam luci commississem publicæ, nec alia sollicitudine premor, quàm ut mea satisfaciam obligationi; Nec alio ducor affectu, quam quem concitavit in me memoria tuorum erga me beneficiorum, hinc est, ut per maneam semper

Tui Nominis studiosissimus •

DESCARTES.

EPISTOLA VI.

Ad Reverendum Patrem Merfennum.

Plurimum Reverende Pater,

CUM tibi devinctum me esse ingenuè fateor, tum Domino Mydorgio, ob curas mei causa à vobis susceptas, eorumque, quæ me concernunt, sollicitudinem; sed quod literas meas ad Rev. Patrem Rectorem Societatis datas spectat, Vos contrarias meis habuistis speculationes: nam exdem illæ quæ vos impulisse videntur ne ei traderetis, me penitus affligunt, quod easdem non receperit; hinc vos sollicitè, ac obnixè precor, eas ipsi exhibeatis, aut exhiberi per alium, qui vobis videbitur, faciatis, cum illæ intra vestras sint manus. Scripsi vobis aliam Epistolam Latinam, quam illi priori conjunxi, quam libentissime vellem ab eo conspectam, eo fine, ut non ignoret causas, cur eam ad ipsum direxerim, aut si eas intelligere nolit, efficere queam postea, ut publice innotescant, ac posteritati. Nam cum tandem intellexerim cum ex modo procedendi Patris B. tum ex plurimorum aliorum actionibus reperiri plures inter eos, qui sinistros de me spargant rumores, & cum non habeant modum nocendi mihi rationibus, putent tamen id se efficere posse suffragiorum multitudine, neminem eorum speciatim aggredi mihi animus est; quod cum insignem mihi pareret laborem, tum impossibile ferme esset; spero tamen me satis habi-

habiturum virium, ad resistendum ipsis in universum; & propositum meum est vel eos constringendi ad objiciendum mihi aliquando eas omnes rationes, quas adducere possunt contra mea scripta, quibus me reor satisfacere posse admodum facile, sicque veritati responsis meis inconcussam conciliare fidem, finemque hoc pacto meæ cum his imponere liti; vel ad illud mihi denegandum, quod facere non possunt, nisi hoc ipso significant se nihil fundamenti habere meis contradicendi placitis; post quod silentium, si quispiam eorum objecerit aliquid mihi absenti, fidem certe non merebitur. Denique tantam ipsis reverentiam & animi devotionem exhibere conor, ut siquidem me odio aut contemptui habeant, ex eo nihil præter ignominiam & ruborem reportaturi sint. Quod si tibi ingenuè fallis fuero, me non magna premi sollicitudine ob non receptas meas ab ipsis literas, vel si receperint, ob non datum ad eas responsum, sive tandem si illud fieret cum aculeis, ac supercilio, insuper si fecerint id, quod arbitrabuntur rebus maximopere obesse meis, dum id ego sciam, meaque ipsis tradatur Epistola. Multum tamen mea interest, si meæ ipsis exhibeantur literæ, & ut sciant quid facturi sint eam ob causam ne immeritò eos in publico aggrediar, priusquam id privatis facere licuerit literis. Prævideo tamen necessitatem mihi imponendam brevi hoc calcandi iter. Non significaveras mihi, si Pater Besset, qui vobis ipsemet suam obtulerit velitationem mihi transmittendam, ac qua occasione ipsam ab eo acceperis, cujus cognoscendi magno teneor desiderio, eo quod cum in ea nil admodum sit, quod vel non ingens spiret supercilium, vel crassam redoleat ignorantiam, quæ duo vix inducebam in animum adeò in bonum grassari potuisse Patrem, miror tamen ausum esse eam meo offerre conspectui.

Non existimo experimentum vestrum de vase plumbeo aqua pleno ad eam condensandam valere posse, eò quod vis aquæ condensatæ possit extendere plumbum. Quod aërem spectat, primo quantum fieri potest condensandum in vase aliquo, deinde ponderandum, existimo non inutile fore experimentum, eo fine ut sciatur pondus aëris, si modo sit perceptibile tali ratione, ad hoc autem ut cognoscatur pondus aëris condensati, oporteret ipsum ex vase in quo condensatus est, transire facere in vesicam vacuum, ac deinde ponderare vas relictum ab aëre. Quod concernit instrumentum Præpositi fodinarum, cui magnes quispiam inest ad metalla omnia trahenda, non existimo tale quidpiam in rerum natura dari, priusquam à te cognovero esse conspectum. Inaudivi quidem aliquos virgulis uti quibuspiam ad exploranda loca mineris secta, puto
tamen

tamen plus in hoc negotio superstitionis inesse, ac fraudis, quam veri-

Principium à me suppositum in mea Dioptrica, in quodque ob cavillationes Patris B. impeditus es animadvertere, est, quod vis motus non mutetur, nec diminuatur per reflexionem, undè sequitur ut ad determinationem de sursum versus deorsum, necessario succedere debeat alia de deorsum, sursum versus. Sicque pila non potest devolvi per longitudinem superficiei cui occurrit, nisi hæc adeò mollis sit, ut plurimum diminuat motum ipsius, hæc autem non intelliguntur de illis superficiebus, de quibus nobis quæstio est, nam reflexio non fit per angulos æquales.

Possumus fabricare machinam, quæ involitare queat aëri instar volucris, metaphysicè loquendo: nam volucres ipsæ ad minimum juxta meum placitum sunt ex eodem genere machinarum; at non physicè, ac moraliter loquendo, nam oporteret ad minimum subtilia formare instrumenta, æque ac robusta, quod tamen vix possibile est præstari ab hominibus.

Intellexi quoque sequius à vobis acceptum esse id quod ego desiderabam experiendum, quoad jactum aquæ, vix istimo me non satis clarè




meam tibi proposuisse intentionem, nam difficultas mea hæc est. Si ponatur tubus H A K ubique æqualiter largus, excepto solum unico loco, qui sit obturatus aliquo corpore veluti B, quod planè replet totam capacitatem tubi, quod corpus haberet foramen in medio, per quod aqua transire posset; dico nempe ut corpus illud obturans B immittatur in locum tubi signatum litera A, tunc non impediet illud corpus, quominus aqua fluat, impediret autem, si immitteretur loco signato litera K.

Scripseram vobis aliquoties me non credere velocitatem corporum descendentium augeri semper in ratione duplicata temporum, sed illam augeri posse paulo post tali pacto: principio videlicet dum descendunt, quamvis multa obstant ne hoc continetur, nam postquam certam quampiam acquisivere velocitatem, hæc non augetur amplius, quodque tu de guttis pluvie producis, idem confirmat.

Quæris ex me, cur columna aquæ quæ est intra tubum A B graver meam manum ipsi suppositam, curque columna aëris quæ est à B versus superiora, non gravet eandem eodem modo; hoc idè accidit, quia si manus mea removeatur à loco A, columna hæc aëris propterea non descenderet, descenderet tamen illa aquæ. Sciendum enim est 1 nihil esse

F

quod



quod gravet, quod non simul descendere possit, tunc cum corpus ponderi illi suppositum connivet. II. Quod cum non datur vacuum, tunc cum corpus unum descendat in locum alterius, hoc secundum debeat occupare locum sequentis, & sic consequenter eousque, donec postremum intret circulariter locum primi; quemadmodum aqua quæ est in A descendens versus C, ær qui est in C debet ascendere versus D, & hic debet ascendere versus E denique ille versus B in locum aquæ quæ descendit; adeo ut tota columna æris quæ est supra B usque ad cælum, non se moveat ullatenus, consequenter etiam non ponderat. Hinc ex parte intelligi poterit id, quod propositum est principio Epistolæ vestræ 19. Augusti datæ. Ad id autem ex Archimede pro nunc nil reperio, cum librum ejus ad manum non habeam. Certum est piscem innatantem vasi aqua pleno, quodque alicui bilancis scutellæ impositum est, non posse illud reddere gravius, aut levius, quamvis petat fundum vasis, sive dimidia parte sui extet aquâ. Ideoque credo, omnes pisces vivos ejusdem ferme ponderis esse, vel parum differentis ab aqua, ac quod cum dormiunt non habeant aliquid præter naturalem suum pondus, quod ipsos supra, infraque sustineat aquam, juxta quod graviore aut leviores sunt ipsa.

Miror eos, qui dicunt, ea quæ scripsi non esse propter Centones Democriti, cupereque nosse unde hos emendicaverim centones, ac si unquam visa sint Democriti opera, in quibus utiego, explicuerit salem, ac nivem hexagonam, iridem in cælo esse. Hoc genus hominum produnt suam malignitatem, ac impotentiam animi, effutientes adeo omnem extra rationem, quemadmodum illi quoque, qui stomachantur me scripsisse, vota facta esse juvandæ hominum fragilitati: nam præter id quod in scriptis meis expresse exceperim totum id quod concernit religionem, vellem sanè ab iis nosse, cui fini vota essent utilia, si homines essent immutabiles, ac absque omni imbecillitate. Et quamvis magnæ pietatis sit, sua Sacerdoti confiteri peccata, vota que emittere religiosa, locum tamen hæc non haberent, nisi homines peccarent.

Constat à figura plurimum impediri velocitatem corporis gravis, quamvis illa non semper impediatur motum, exempli gratia, lamina paulo levior aqua ascendet sursum sensim, contra globus quispiam ex eadem factus materia ascendet citius. Illud autem quod facit aciculas, sive alia corpora innatare aquæ, est quod superficies aquæ hujus, paulo difficilius dividi possit, quam interior pars ejus, ac quod parum eam penetrent, uti in meis memini meteoris. Curavi perquiri scripta Vieti apud Elsevirios, quæ

quæ ipsis commiseras; responderunt se ea reddere non posse, eò quod jam figuras confecerint, ac quod intenderent typis ea mandare, ignorarent tamen, quando id aggressuri essent, quod unus ipsorum brevi iturus esset Lutetiam, vobisque ea de re loquuturus. Permaneo interea

Vestri studiosissimus cultor

DESCARTES.

EPISTOLA VII.

Ad Reverend. Patrem Merseannum.

Reverendissime Pater,

CUM meæ ad Rectorem Collegii Claramontani Litteræ, nondum ei traditæ, sed à D. Mydorgio forsan ituro apud Reverentiam vestram relictæ sint, operæ pretium est, ut consilium quod in iis scribendis sum secutus, hic exponam; Judico enim amicissimum illum & prudentissimum virum, ad quem ipsas miseram, mihi timuisse, ne fortè omnes in me Patres Societatis Jesu irritarem, totque adversariis sustinendis impar forem, & idcirco in iis tradendis cunctantior fuisse. Atqui tantum abest, ut mihi aliquod eà de re periculum esse putem, quin è contra illorum benevolentiam iis ipsis litteris demereri quam maximè cupio, & spero. Nam quantum illos novi, docilibus ingeniis præcipuè delectantur, & eos doctrinæ suæ participes facere nunquam recusant; Nihil autem aliud testor in istâ epistolâ, quam discendi cupidissimum me esse, & quidem discendi ab illis potius, quam ab ullis aliis, quia jam olim mei præceptores fuerunt, atque ut tales etiam nunc in honore summo habeo, & diligo. Nec vereor ne quid hic simulatè dici arbitrentur, quia constans vitæ meæ ratio semper testata est, me & illos præcipuè observare, & nihil magis seriò quærere, quam ut discam. Non vereor etiam ne vitio vertam, quod ad Rectorem Collegii scribere maluerim, quam ad ipsum auctorem earum Thesium quæ mihi scribendi ansam dedere. Nam primo illum non noram, atque etiam, ut verum fatear, quanto charitatis Christianæ zelo teneatur, ignorabam; tam expresse enim in dissertatione de methodo rogavi omnes, ut me errorum quos in meis scriptis invenirent monere dignarentur, tamque paratum ad illos emendandos me esse testatus sum, ut non crediderim quemquam fore, qui vitam religiosam profiteretur, qui me mallet absentem apud alios erroris condemnare, quam

mihimetipsi meos errores ostendere, de cujus saltem charitate erga proximum non mihi liceat dubitare. Neque ob hoc mihi reliqui Patres Societatis possunt irasci, quia nullo modo in litteris de eo conquestus sum, & omnes sciunt nullum unquam esse corpus tam sanum, in quo non interdum aliqua pars aliquantulum laboret. Deinde speravi me longè plures, solidiores, & fortiores objectiones, ab omnibus simul, quam ab illo uno, esse accepturum; nec ut opinor, in eo studium meum reprehenderent, quod quam plurima, & quam optima discere velim. Non vereor etiam ne forte nihil inveniant in meis scriptis quod solidè possint refutare, atque ideo mihi malè velint, tanquam si illos ad aliquid suscipiendum invitassim, quod non præstiaturos esse confidebam. Nam neque ausim de meis qualibuscunque inventis tantum sperare, ut in nullo erraverim, neque, si fortè ita esset, ideo ab optimis religiosis, & summis defensoribus veritatis, ullam iram, vel odium, sed summam potiùs amicitiam expectarem. Itaque non video quicquam obistere quominus istæ litteræ, quas audio à D. Mydorgio apud Reverentiam vestram fuisse relictas, Reverendissimo Rectori reddantur. Nihil etiam ex quo scriptæ sunt novi accidit, propter quod eas nunc minùs quam antea dandas putem. Quin imo cum intellexim egregiam illam velitationem ad quam respondi, ab authore Thesium esse profectam, habeamque hîc testem auritum & oculatum, qui affirmat se interfuisse, quando illa in frequentissimo auditorio declamatoriâ voce recitabatur, ibique sub Anonymi personâ, paucis tantum quis ille Anonymus esset ignorantibus, vapulassim, atque ea quæ nunquam dixi pro meis proponebantur, & monstra opinionum vocabantur; Cùm inquam per hoc authorem illarum Thesium in manifestâ, & planè inexcusabili, ut quam mitissimè loquar, cavillatione deprehenderim, nisi jam priores litteras misissem, mei officii esse putarem novas scribere, quibus Superiores ejus facti, tali Societate quantum judico parum digni, admonerem; Quia nemo meliùs quam ego nosse potest, quid ille mihi affinxerit, & ipsos planè expedit scire, quam obliquas vias secutus sit, ut veritati fucum faceret, & hominis nec dese, nec de suis malè unquam meriti famam læderet. Quantum autem ad responsum, quod tanquam ab illis nuper accepi, nempe istas Theses à solo Patre B. reliquis Patribus non consultis, factas fuisse, hunc autem mei offendendi animum non habuisse, ac denique ipsum intra sex menses aliquid esse scripturum, quod antequam lucem videat, mihi legendum permittet, hoc etiam in causa est, cur magis velim meas antè scriptas litteras Reverendissimo Rectori tradi, quia scilicet ex illis agnosceret, me nihil tale quæsi visse. Neque enim quæsi vi an Pa-

ter

ter B. Patres alios sui consilii participes fecisset, quia non credidi hoc ad rem pertinere, jamque lectâ ejus velitatione magnam injuriam ipsis facere putarem, si quid tale suspicarer; Sed tantum istam arripui occasionem, ut illos omnes ad mea scripta examinanda quam potui amicissimè invitarem. Neque etiam quæsi, an ille me offendere voluisset; nam sanè non is sum, qui offender ex eo quod meæ opiniones refutentur, sed contra gratissimum mihi semper facient ii omnes, qui seriò & solidè illas impugnabunt, & si quis aliquid falsi in iis esse ostendat, summo me sibi beneficio devinciet. Quin etiam ii qui cavillationibus & Sophismatis ipsas convellere conabuntur, non quidem à me magni fient, sed tamen non offendent; earum enim veritatem hoc ipso confirmabunt, & eo pluris me ab ejusmodi hominibus fieri credam, quò evidentius invidebunt. Nec denique mihi magnæ curæ esset Patris B. scriptum videre, si ab illo solo veniret; audacter enim dico, post lectam ejus velitationem, in quâ veritatem non quæri, sed ea quæ nunquam scripti, nec cogitavi, mihi affigi tam manifestum est, ut nulla demonstratio Geometrica certior sit, meo jure, quicquid imposterum ab eodem autore solo proficiscetur, possum contemnere, & responsione, vel etiam lectione indignum judicare. Sed postquam ejus Rector meas litteras acceperit, percupide sane expectaboy & maximi faciendum esse putabo, id omne quod vel ab eodem Patre B. vel à quovis alio ex Patribus Societatis, de meis opinionibus scribetur. Tunc enim certus ero, illud, cujuscunque tandem nomen ferat, non ab illo uno, sed à pluribus ex doctissimis & prudentissimis ejusdem Societatis, compositum, examinatum, & correctum fuisse. Nullasque idcirco in eo esse cavillationes, nulla Sophismata, nulla convitia, nullamque inanem loquacitatem, sed tantum firmissimas & solidissimas rationes, atque ex iis argumentis quæ jure in me afferri possunt, nullum planè fore omisum; adeo ut per illud unum scriptum, erroribus me omnibus meis liberatum iri confidam; & si quid ex iis quæ vulgavi non fuerit in eo refutatum, à nemine posse refutari, sed omnino verum & certum esse arbitror. Talia enim sunt ea quæ scripsi, ut cum non aliis quam Mathematicis rationibus, aut certa experientia nitantur, nihil falsi possint continere, quod non facile sit viris tam ingeniosis & doctis evidenti demonstratione refellere. Neque, ut spero negligent illa examinare, quia Mathematicis rationibus probata sunt, & inter Mathematicam & Philosophiam distinguentes, hanc magis quam illam profitentur: Egi enim de multis quæ soli Philosophiæ tribui solent, ut inter cætera de omnibus Meteoris; & nihil optabilius esse puto in materia Philosophica,

quam ut Mathematica probatio habeatur. Et si autem fortè in multis fuerim hallucinatus, non tamen ut spero in omnibus. Nulla ironia uti volo, solent ipsimet mei inimici, cum cetera quæ ab amicis de me dicuntur negare student, fateri me in Mathesi aliquid scire: Atqui, si non omnis mea Mathesis me fecellit, & vel in unâ tantum aut alterâ Philosophicâ quæstione veritatem ejus ope sim assecutus, magnam à Reverendissimis illis Patribus, qui omnem ætatem in eâ quærendâ insumunt, gratiam inibo; Et quamvis in nulla non errassem, ideò tamen conatum hominis, candidè & ingenuè veritatem quærentis, & absque pertinaciâ doceri cupientis, non poterunt non laudare, neque hunc hominem non amare. Denique quoniam mea responsio ad velitationem Patris B. non tantum ipsi, sed etiam R. P. *Phelippeaux* ostensa est, non possunt jam reliqui Patres ignorare quid in illa contineatur. Memini autem me ibi litterarum quas ad Reverendissimum Rectorem scripseram mentionem fecisse, adeo ut jam mirari possit, cur sibi datæ nondum fuerint; atque etiam, quia satis liberè ad velitationem istam respondi, utpotè quam ab uno ex Patribus Societatis scriptam fuisse non suspicabar, occasionem habet hoc ipsum malè interpretandi. Et certè non benè hac in re mecum actum est, quod ipsis illa responsio, quæ admodum grata esse non potest, ostensa sit, non autem datæ litteræ quibus eorum mihi benevolentiam conciliare studebam. Quas ob causas etiam atque etiam rogo vestram Reverentiam, ut litteras illas Reverendissimo Rectori quam primum tradi curet, vel si non molestum est ipsamet tradat; Atque etiam si placet has quas nunc scribo ei det legendas, ut tanto melius quare ad illum scripserim, & quanta mea sit erga totam Societatem veneratio atque observantia intelligat. Vale.

Reverentiæ tuæ addictissimus,

R. DESCARTES.

EPISTOLA VIII.

Ad R. P. Merfennum.

Reverendissime Pater,

LEgi Velitationem in meam Dioptricam ab homine qui nominari noluit per Reverentiam vestram acceptam, & certè mirabundus legi; non quod mihi novum sit videre aliquos qui magno conatu nihil agunt, sed quia non possum suspicari quo instituto ejus author illam ad me mitti volue-

voluerit; In ea enim figmentum quoddam mihi tribuit, quod non modo nunquam scripsi, vel cogitavi, sed præterea quod ab omni verisimilitudine adeo alienum est, ut à nemine unquam credi possit: Atque hoc unum est quod refutat. Quo sanè non videtur ullum mihi negotium facessere voluisse, nec etiam ingenium suum aut candorem testari. Quid enim mihi facilius est, quàm negare me scripsisse quod non scripsi; & quâ arte illi opus fuit ad rem tum excogitandam tum refutandam, quæ ab omni verisimilitudine est aliena; & denique quo pacto potuit illam mihi affingere, quin sibi facti conscius esset. Ei tamen hîc paucis respondebo; non sanè quod ejus scriptum aliqua responsione dignum judicem, sed quia fortè ejus author eâ fiduciâ ad me misit, quod responsum non esse speraret, interimque inter imperitos me nihil respondendum habuisse jactare posset. Ut autem quàm maximè pateat veritas, apponam hîc ipsissima ejus verba, ne minimo quidem apice mutato, meaque animadversiones in margine adjungam.

Scriptum sine titulo ad me missum.

Hîc *Anonymum quendam* me appellando, videtur exprobrare velle A quod nomen meis scriptis non apposuerim; sed quam prudenter, non intelligo; cum ipse nomen etiam suum ad me scribi noluerit; Et sanè non vereor, ne qui scient cur ego & cur illa nomina nostra tacuerimus, id mihi majori vitio quam illi vertant.

Hæc verba; *Cessat illa, & sola*, &c. mala fide tanquam mea referuntur; B scripsi enim determinationem mutari, nempe Dioptricæ pag. 14. l. 16. & impediri, nempe pag. 15. l. 12. nullibi autem scripsi illam cessare; scripsi etiam restare determinationem dextrorsum, nullibi autem solam illam restare, tanquam si nulla determinatio sursum, in locum determinationis deorsum, succederet. Mirorque ingenium hominis, qui cum aliquid mihi vellet affingere quod refutaret, id tantum affinxit quod nemini unquam fiet verisimile me sensisse; quodque non modò ad conclusionem meam nihil juvat, sed contra illi manifestè adversatur.

Cui enim persuadebit me de reflexione agentem nescivisse mobile quod ex parte deorsum tendebat, dum movebatur, ab A ad B, tendere postea ex parte sursum, dum reflectitur à B ad F, & quam verisimilitudinem habuisset mea ratio, si hoc negassem. Non autem explicui istam mutationem determinationis deorsum in sursum, quia per se est satis nota; sequitur enim ex eo quod mobile incidens perpendiculariter in super-

Iam Analysis accuratæ rationes suas expendit? Et quidem, etiam si hîc, ubi de reflexione tantum agitur, verum posset concludi, quamvis fingeretur vim simul cum determinatione dividi, non tamen id esset fingendum, quia conclusio non procederet ex vi istius fictitiæ divisionis; Sed tantum novæ & supervacue difficultates occurrerent, ad explicandum quomodo vires, una trium, alia quatuor palmarum, ut loquitur, simul junctæ, possint componere vim quinque palmarum &c. Ac præterea cum de refractionibus ageretur, non amplius verum, sed falsum ex tali figmento concluderetur.

Hic fateretur id verum esse, quod solum requiritur ad vim max conclusionis. G

Notandum id omne quod admittere hîc recusat, pendere à vocabulo *Solum*, quod mihi affinxit, estque illi instar chimæ quæ debellandam suscepit; Quod hîc patet, ubi nihil probat, nisi non restare *Solum* determinationem dextrorsum, quia alia etiam est sursum. H

Hic verò nihil probat; Sed tanquam prorsus prælio sessus de conditionibus pacis agere videtur; petendo scilicet, ut ipse probem, primò cur perseveret eadem determinatio dextrorsum, non aucta, non imminuta; ac secundò cur determinatio deorsum mutetur in sursum, nec majorem nec minorem. I

Quæ duo, ex eo quod hîc dat, & ex eo quod paulò antè admisit ad G, manifestissimè demonstratur; Nam certè, cum maneat eadem vis quæ prius, & superficies C B E non opponatur determinationi dextrorsum, nihil excogitari potest propter quod hæc determinatio mutetur, ideoque debet perseverare non aucta, non imminuta; Et quia fieri non potest ut mobile decurrat secundo minuto quinque palmos, simulque maneat vis eadem, modo determinato dextrorsum quo prius, ita scilicet ut mobile feratur illo eodem secundo minuto dextram versùs ad quatuor palmos, nisi determinatio deorsum mutetur in sursum nec majorem nec minorem, sequitur hinc debere sic mutari. L

Sed nihilominus hîc rursus in chimæram suam se convertit, componitque ad præliandum gradum; *Involuta multa*, quæ nempe involvit; *Non coherent*, quæ disjunct; *Nihil ex antecedentibus rectè deducitur*, quia antecedentia ista distorsit, & quidem per scenicum verbulum *Sola*, ut mox patebit. Atque, ut idololatæ Deos adorant, quos manibus suis fabricarunt, ita hîc monstrum expavescit, quod ipse finxit, quodque nihil aliud est quàm impropria ejus locutio, notata ad C. Et quidem ut pateat quàm accuratâ hîc utatur Analysis, & quantam causam habuerit hoc

G

mon-

monstrum effingendi, mox me induxit dicentem, remanet eadem virtus, & paulò post ad H, superest determinatio dextrorsum, (verbulum enim *Sola* nihil hîc ad rem) ergo mobile movebitur dextrorsum, & idem faciet secundo minuto quod primo, palmos quatuor nempe mobile idem faciet, hoc est tantumdem movebitur dextrorsum; in quibus nihil planè est involutum, aut non coherens, aut malè ex antecedentibus deductum. Hîc verò ut monstrum habeat quod debellet, fingit me dixisse determinationem fecisse quatuor palmos, immemor hoc jamjam de mobili non de determinatione dictum fuisse.

N Perseverat usque ad finem magno conatu nihil agere: Interrogat, urget, respondet, atque ita scribit ut gesticulari & ludare videatur: Non enim vel minimum quidem invenire est in egregiâ istâ velitatione, à me aliquando scriptum vel cogitatum, quod vel minimum impugnetur, nihilque præter illa duo insulsißima figmenta, quæ ad B & C notata sunt.

O Nihilominus hîc videri vult vicisse; coëgit enim me scilicet ut faterer remanere virtutem quinque palmorum, & determinationem dextrorsum; Jam non *Sola*, quia alteri deorsum succedit similis sursum; quod principio afferri debuit, nempe ab ipso, si bona fide agere voluisset.

Adverto verò hîc illum ad novam expeditionem se accingere; novas enim chimæras hîc adornavit, quas fortè alia vice sit debellaturus; hîc enim repetit virtutem palmorum quinque idem esse ac virtutem palmorum trium & quatuor; & determinationi deorsum succedere similem sursum. Vbi in verbo *similem* captio est. Sed sanè prælictur in ventos si lubet, si meliora non afferat, non puto operæ pretium fore ut ampliùs illi respondeam. Satis enim apparebit iis qui hæc legent, qualis ille sit; & quamvis plura possem scribere, non tamen ideo possem efficere ut à pluribus legerentur. Ac præterea commodum expecto etiam objectiones in eandem meam de reflexione & refractione opinionem à Reverendis Patribus Societatis Jesu; Audivi enim ipsos nuper in Thesibus publicis illam impugnasse; Ideoque per littèras antè octiduum rogavi ut suas rationes me docerent, quod facturos esse non dubito; Et vel vinci malim ab istis catafractis, quam de isto velite triumphare.

EPISTOLA IX.

Ad Reverendum Patrem Merfennum.

Reverendissime Pater,

Vidi responſionem à Reverendiſſimis P. Societatis Jeſu per R.P. Bourdin ad me ſcriptam, talisque apparet, ut maximas illorum virtuti & humanitati gratias me debere exiſtmem; quod litteris ad ipſos datis ſignificarem, niſi vereretur ne fortè judicarent me ſcripturire nimis libenter, ſi rurfus illos, ubi nihil eſt neceſſe, interpellem; Et quia major mihi familiaritas cum veſtra Reverentia quam cum illis intercedit, hic opportuniùs ea ſcribi poſſe arbitror, quæ illos à me ſcire velim. Nempè imprimis & gaudere me, & gratias agere, quod tam humaniter & benevolè reſponderint; Quod autem addant, *Nullum à ſe ſuſcipi, nec iri ſuſceptum peculiare prælium adverſus meas opiniones*, neſcire an mihi gaudendum ſit, vel dolendum. Nam ſi fortè abſtineant, ut mihi gratificentur, tanquam ſi ex illorum numero eſſem qui ægrè ferunt ſibi contradici, valde doleo nondum ipſis potuiſſe perſuaderi, me nihil magis optare quam ut diſcam, atque ut meæ opiniones, ſi quæ falſæ ſint, & maturè, & ab illis poſſimum reſutentur, ne fortè familiam ducant. Si vero aliam ob cauſam abſtineant, quia tantum una alia eſſe poteſt, quod nempè nihil (ſaltem quod ſit operæ pretium) in meis ſcriptis invenerint, quod falſitatis argui poſſit, admodum lætor. Et ſanè ſola eſt tenuitatis meæ conſcientia, quæ prohibet ne in hanc maximè partem propendeam: Neque enim ſit veriſimile, illos negligere commodum quod univerſa res litteraria ex errorum meorum, ſi quos habeam, reſutatione colligeret, ut mihi commodi videantur. Et quicquid eà de re ſit, cum non aliam ob cauſam Reverendiſſimus Pater Bourdin nihil, ut ſcribit, antehac dederit petitioni meæ, in diſſertationis de methodo pagina 75. expoſitæ, quam quia illam non perlegerat, conſido ſaltem in poſterum, quoties alicui eorum aliquid occurrerit, quod meis opinionibus adverſabitur, illud mihi ab ipſo communicatum iri, atque hoc priùs quam ulli ex junioribus illorum diſcipulis; tum quia ego antiquior ſum illorum etiam diſcipulus, tum quia, ſi fortè (ut omnes homines ſumus, & jam Reverendiſſimi P. Bourdin exemplum teſtatur) contingeret, illum non affectum fuiſſe meam mentem, æquius eſt, ut me ipſum ejus ſumat interpretem, quam ut aliquid à veritate alienum aliis dicat; tum denique quia illos omnes quam maximè ſemper colui, & obſervavi.

Quantum ad Gallicam epistolam quam vestra Reverentia simul misit, ut sibi ante aliquot septimanas à Reverendissimo P. Bourdin ad me datam, quamvis nec superscripta, nec subscripta, nec clausa sit, quia tamen video illam esse cujus sit intentio in Latina, his verbis, *Nihil addam ab eo quod eidem Reverendissimo P. pridem significavi &c.* ejusdemque Reverendissimi P. Bourdin manu scripta est, nonnihil puto etiam ad eam debere responderi; Nempè nunquam me esse conquestum, quod nomen meum tacuerit, sed contra potius gratias agere, quod ubi debebam vapulare, non nisi personatum produxerit. Mirari autem quod iterum dicat, nec tamen probet, apparere ex meis scriptis, *solum* determinationem dextrorsum manere in reflexione; nam sanè ipsummet nomen reflexionis significat corpus deorsum impulsus, non dextrorsum magis quam sinistrorsum, sed necessario sursum resilire. Ac deinde, quamvis de isto resuult nihil dixissem, juxta quam, quæso, *Analysum* sequitur me idcirco illum negasse? Pari jure quoties *Géometrà* loquuntur de quadrati angulis, nec expressè dicunt rectos esse, vel de circuli *Diametris*, nec addunt esse inter se æquales, putandum erit illos id negare? Nullaque ullibi tam accurata & Mathematica erit demonstratio, in quâ non perfacile sit hac arte monstra opinionum invenire. Miror etiam quod affirmet *meam de reflexione demonstrationem non valere, imo potius contrarium ejus quod intendebam in ea concludi*, cum interim dicti nullam plane afferat rationem. Nam quia si verum diceret, ego ineptissimus & stultissimus essem putandus, utpotè qui in re tam evidenti, tam turpiter essem hallucinatus, ut verba, nihil nisi contrarium ejus quod intendebam probantia, pro Mathematicâ demonstratione vendidissem, injuriosum est mihi, quandiu hoc dicit & non probat. Neque illum excusant ii tractatus, quos eâ de re se composuisse affirmat; nec quod quædam ex iis excerpta se ad me mittere hîc scribat; nihil enim interim mittit; Nec magna in eo est æquitas, quod sibi velit in præsens credi, de re cujus rationes in diem tantum promittit, & fortè in diem nunquam venturam, quia nempè *aliter*, ut ait, *suaferunt amici*. Miror præterea quod addat, *præsentem meam demonstrationem posse accommodari per vias sibi cognitatas, sed quarum nulla vidit vestigia in meis scriptis, imo*, ut ait, *quas rejicio, tamquam ad rem non facientes*; Hæc enim conferendo cum quinta & sexta ex ejus *Thesibus optiis*, pagina 9. cumque integra ejus velitatione, nihil aliud mihi possum persuadere, quam illum de reflexione & refractione, eadem quæ ego, & quæ nullus ante me demonstravit, discipulos suos docuisse, mutatis tantum & distortis verbis, ut aliud dicere videretur; atque quædam

dam alia quæ culparet mihi affinxisse, ut ea deinde corrigeret. Nam quod affinxerit, ex velitatione manifestum est; quod verba distorserit, apparet ex quinta Thesi, in qua vocat angulum refractionis, non illum quem ego, cum cæteris omnibus opticis, sed illum alium qui angulus refractus solet nominari. Et cum ego Dioptrica pag. 21. l. 8. dixerim inclinationem linearum esse mensurandam secundum perpendiculares, quæ nempe brevissimam lateris à latere distantiam designant, non autem secundum angulos, sive arcus Circulorum; hic pro ista inclinatione angulos substituit, atque illos angulos esse mensurandos secundum brevissimam lateris à latere distantiam. Quod interim idem quod ego docuerit, patet tum ex ejus velitatione, in quâ omnia, quæ ad meam demonstrationem requirebantur, concessit, nec nisi monstra illa quæ ipse sinxerat oppugnavit; tum ex sexta Thesi jam citata, quæ idipsum tantum continet, quod inventi ea in re mei præcipuum est; præterquam quod verba à meis diversa nimium affectans, graviter in eo erraverit, quod dixerit, *Ut medium in quo sit incidentia, ad medium in quo sit reflexio aut refractione &c.* Neque enim hæc sunt in ipsis mediis, ut apud omnes Opticæ peritos est in confesso; sed refractione fit in superficie quæ duo media interjacet; reflexio vero in ea quæ unum terminat: Nam nunquam, ubi sit, duo media occurrunt, quin refractione illi adjungatur. Neque hic ullum habet effugium, nisi forsan dicat superficiem ipsam, medium à se appellari, quia media est inter duo illa spatia, quæ ab aliis media dicuntur, atque ita verborum significationes mutare pergat, & omnia confundere; Quæ hic obiter addo, ut intelligat, se non difficulter à me, si velit, impetraturum, quod hætenus ab ipso non potui, nempe ut meas, contra ea quæ in lucem edet, rationes ipsi exponam. Quod denique videri voluerit errores meos correxisse declarat ejus epistola, in qua præsentam meam demonstrationem dicit posse accommodari per vias sibi cognitæ, non autem mihi, qui illas, ut ad rem non facientes, rejeci; Quæ eadem multo adhuc magis illum apud alios, ubi nemo mihi adest amicus, jactitare credendum est, quandoquidem in hac ipsâ ad me epistolâ scripsit, quod fortè non fecisset, nisi ut apertam relinqueret. Caterum hic non dico illum in omnibus meas opiniones esse secutum, neque enim nisi valde pauca ex ejus scriptis vidi, sed planè affirmo neminem unquam, contra ea quæ de hac materia vulgavi, argumentaturum, nec etiam quicquam dicturum, quod cum meis non consentiat, quin ab illo vel paradoxum vel cavillationem committi probem. Faciat modo periculum, vel in unico exemplo, & quidem in eo quod optimum putabit ex iis

omnibus, quibus se meas opiniones refutasse cum strepitu fortè jactavit, & dabo libenter manus, si falsum aut ineptum esse non demonstrè. Sed si id præstem, vel si recuset mihi sua argumenta declarare, rogo illum etiam atque etiam, ne ampliùs de me malè loqui perseveret, ne tandem cogat me, meum jus etiam publicè defendere. Malim enim ut præterita sopiantur, & me tibi suisque addictum esse experiat. Sum

R. PATER,

V. R. devotissimus famulus;

DESCARTES.

EPISTOLA X.

Ad Reverend. Patrem Mercennum.

Plurimum Reverende Pater,

ID quod mihi de sancto Augustino scribis, ac Ambrosio, cor scilicet, cogitationesque nostras, in potestate non esse nostra, quodque mentem confundant alioque trahant, non debet intelligi nisi de parte sensitiva hominis, quæ species ab objectis recipit, sive internis, sive externis, quales sunt tentationes, qua in materia convenit mihi cum ipsis, nec unquam asserui omnes nostras cogitationes esse in nostra potestate, sed saltem si aliquid in nostra potestate est id certe sunt cogitationes nostræ, illæ nempe quæ oriuntur à voluntate, ac libero arbitrio, qua in parte dicti Patres mihi nullatenus contradicunt. Causa autem cur id scripserim non alia certe erat, quam ut ostenderem, non habere nos absolutam arbitrii libertatem in res corporcas quasunque, id quod absque controversia ratum est.

Miror sanè oblatum vobis librum Pentalogos ad legendum, quod si ab eodem illo qui vobis commendaverat librum Germanicum, in quo tam sublimes sunt discursus, ut meum fugiant captum. Ac ut verum fatear, si lubido subiret mente captos exercendi stylum, non pauciores sanè illo reperirent lectores, nam author Pentalogi, ejusdem apud me ac deliri est opinionis. Chymicus quispiam Bohemus incolæ Hagenfis, visus est plurimum præstitisse mihi honoris, quod postquam tentasset cuncta, nil reperiret quo me feriret.

Plurimum me devinctum sentio Domino Des-Argues, nec possum non credere Patrem Bourdinum meam non penetrasse demonstrationem,
nam

privato. Spero, auxilio Dei meis rationes æquæ sufficientes fore, explorandis, ac dijudicandis ipsorum argumentis, quæ authorum horum in alienis. Denique postrema Epistola, à te mihi transmissa, notum mihi fecit Parentis mei obitum, unde cum justè mœreo, tum piget me hac non adisse ætate Franciam, ut ante obitum, cum adhuc affari liceret; quia tamen sic visum superis, non reor me hinc moturum pedem, quam Philosophia mea perficiatur.

Permaneo vestri cultor studiosissimus

DESCARTES.

EPISTOLA XI.

Ad Rev. Patrem Bourdin è Societate Jesu.

Reverendissime Pater,

Ultimas tuas Litteras septimo Augusti datas, non ante diem hesternam, quæ sexta erat Septembris, accepi; & ad priores, etiam tardius quam ratio itineris postulabat mihi redditas, ante tres hebdomadas respondi. Miror verò, quod doctrinam, quam ais tibi visam esse dubiam, non dubitaris impugnare, atque ut planè ridiculam & falsam condemnare; cum me tamen reprehendas, quia scriptum, quod sine ullo dubio falsum mihi visum est, refutavi. Neque etiam refert integrumne opus fuerit, an inchoatum; annon ego satis multa argumenta reperi in inchoato, ad illud absque ulla hæsitacione improbandum, tu in integro non satis multa, ut fateris, nisi tantum ad dubitandum. Omitto cætera quæ in epistola tua habes, jam enim satis superque alias ad talia respondi. Sed unum est quod te rogem, nempe, ut quemadmodum ego tuum scriptum, quale acceperam, nulla ejus syllaba omissa, simul cum meis notis edi curavi, sic etiam tu, si quid in istas notas velis scribere, ne mutilas & imperfectas, sed integras simul cum epistola quam iis subjunxi proponas. Adde etiam, si lubet, reliquas tuas quæstiones; Sed si quam addas, cave ne quartam in quâ de Dei existentia es acturus omiseris. Nosti enim Atheos, ut sunt improbi & maledici; Certè si meis repudiatis argumentis nulla reponas meliora, te nulla habere dicturi sunt, ac etiam fortè hoc opprobrium, quod absit, in totam Societatem rejicient. Denique non est quod metuas, ne intercedam, quominus tua in me scripta absolvas, & vulges; nam contra plane suadeo, ut potius hoc agas, quam in privatis epistolis conscriben-

bendis diutius ludas; hoc enim daret occasionem malevolis existimandi te tergiversari, & querere insidias, teque aperto Marte nihil posse. Non etiam deprecor acerbiter stili, nec adversariorum multitudinem aut celebritatem. Dudum præcavi, ne quid veri de me dici possit, quod non audiam libenter. Si qui autem calumnientur, spero me facile ipsorum technas palam esse facturum, & prudentum Lectorum ludibrio se exponent; Atque quo plures, quo majoris nominis illi erunt, tanto magis mihi de invidiæ magnitudine gratulabor. Sed quantum ad illos qui amant veritatem, quales omnes patres Societatis esse confido, non dubito quin mihi omnes sint amici; Et ego ut virorum omnium doctrinâ & pietate insignium observantissimus sum cultor, ita etiam amicorum omnium sum humillimus & obsequentissimus famulus.

EPISTOLA XII.

Ad quempiam è Societate Jesu.

Plurimum Reverende Pater,

Felicem me, plus quam rebar, reperio in eo, quod me vestræ Personæ cum meritis inclaræ, tum ex Illustrissima Societate, amicitia jungi contigerit, quæque cum in aliis, tum Mathematicis præcipue insigniter desudarit: Hanc enim ego disciplinam eo semper dignatus sum honore, ut tota animi in eam incubuerim contentione, ut cultores ejus penitiori complecterer affectu, à quibus reciprocam etiam jure expecto benevolentiam, iis saltem, qui ex professò, ut ajunt, reque ipsa Mathematici sunt: nam odisse me, meique similes, eorum nempe est, qui nomen quidem disciplinæ hujus usurpant gloriose, à re tamen ipsa quam longissime absunt. Id quod me attonitum reddit, cum factum Rever. Patris Bourdini in mentem venit, cujus impotentiam animi quod palpaveris nullus dubito. Tentarem sanè tua ope cum ipso redire in gratiam, si id ullatenus possibile esset, at quoniam nulla ipsi à me ne noto quidem hætenus præstita causa, adeo me lacessiverit impudenter, hinc reor me in eo ad meliorem reduciendo frugem, oleum perditurum, atque operam. Ideoque contestari volo vestræ Reverentiæ, Reverendi Patris Bourdini iniquam contra me procedendi modum, non ejus momenti esse, ut eum idcirco vel odio prosequi, vel paribus impetere coner dictis, idque Societatis vestræ cujus membrum est intuitu, quam ego plurimis demerendam

mihi sentio obsequiis. Ac quandoquidem plus sim obligatus tibi, quam aliis è vestra Societate, idque ob affinitatem per fratrem contractam, desiderarem sanè ut nancisci occasionem possem, monstrandi mei erga te cultus, debitiq; in cuncta obsequiis: nec intermitterem sanè, quin hac eadem occasione meum tibi circa fluxum ac refluxum maris aperirem sensum, si liceret id mihi totum explicare, absque præsuppositis quamplurimis, quæ longe forsan essent difficiliora assensu, quam refluxus ipse, iis, qui mea nondum inspexerunt principia; quæ tamen ego intra breve tempus luci committam publicæ, tuncque tuo ibidem satisfiet desiderio cum in hoc, tum forsitan etiam in aliis.

Quod librum de Cive concernit, existimo authorem ejus eundem esse, qui & tertiarum, contra meditationes meas, objectionum, quemque ego commodiorem invenio tractandis moralibus, quam Metaphysicis aut Physicis, quamvis nequeam ullatenus approbare principia vel axiomata, quæ & pessima sunt, & periculosa etiam in eo quod supponat omnes homines esse perversos, ut ipsis saltem ansam ad flagitia præbeat. Unicus scopus ejus est splendor Monarchicus, quod tamen felicius, solidiusque præstare potuisset, si solidioris, virtutisq; magis consentaneis usus fuisset principis. Multa quoque ibidem involvit in Ecclesiæ detrimentum, Religionisq; Catholicæ, ita ut nisi magno alicui innitatur nomini, authoritatique, haud effugere valeat censuram.

Vester totus

DESCARTES.

EPISTOLA XIII.

Ad quempiam Patrem Societatis Jesu.

Reverende Pater,

Summopere gavissus sum, ubi plurima tuæ animadverti in me argumenta benevolentia, cum egregia mihiq; perquam honorifica, quam una accepi, Reverendi Patris Meslandi Epistola. Conor ipsi respondere liberrime, ac absque dissimulatione eorum quæ sentio, quod tamen non ea uti desidero, cura ac diligentia fieri potest, sum enim eo loci nunc constitutus, ubi plurimis impediō diverticulis, modicoque fruor ocio, postquam paulo ordinariam meam mutavi sedem, animo nanciscendi occasionem redeundi in Franciam, quo brevi me iturum spero, ac si ullatenus mihi

mihi possibile fuerit, omnem impendam operam, ut quamprimum vestro frui possim aspectu affatuque. Nam summopere desiderarem redire Flechiam, ubi octo aut novem continuos in adolescentia mea trivi annos, ibique omnium ferme eorum quæ nunc novi prima recepi semina, ac quali rudimenta, unde maximopere me vestra devinctum esse sentio Societati. Si testimonium Domini de Baune sufficit ad auctoritatem Geometriæ meæ conciliandam, quamvis nonnulli reperiantur etiam, qui eam intelligunt, existimo sanè censuram Rever. Patris Meslandi non minoris fore efficaciam, ad fidem meditationibus meis conciliandam, idque vel maxime quod eas dignatus fuerit reddere stylo docentibus usitato, quod sane magnum, mihi addit calcar ad obsequia mea ipsi devovenda; speroque experimento comprobatum fore, nil mea placita continere, quod vel veritati repugnet, vel à docentibus jure rejici queat, quin è contrario utilia, publicoque futura commoda. Duo sunt elapsi menses, ex quo Philosophiæ meæ principia lucem videre debebant publicam, si typographo confitisset fides, at retardata sunt ob figuras, quæ tam citò non poterant æri incidi quam speraveram; spero tamen brevi me tibi ea transmissurum, nisi aura quæpiam prius me hinc rapuerit, quam ea conficiantur. Vale.

DESCARTES.

EPISTOLA XIV.

Ad quempiam Patrem Societatis Jesu.

Plurimum Reverende Pater,

EDitis tandem in lucem publicam principiis hujus Philosophiæ, quæ quorumpiam videbatur perstringere fulgorem, tu sanè ex eorum numero es, cui vel maxime illa offerre cupio, idque cum propter summam meam erga te obligationem, eò quod omnes studiorum meorum fructus, quibus nunc matura fruitur ætas, tuis in adolescentia mea debeantur laboribus, ac fideli institutioni, tum quod te eà in Societate vestra sciam pollere auctoritate, ut facile possis obviam ire iis ex vestratibus, qui aliquos conatibus meis, ignari nempe bonæ meæ in publicum intentionis, struere queant obices. Non equidem metuo ne scripta spernantur mea, aut falsi à censoribus arguantur, semper enim perquam promptus ero, ad agnoscendos meos lapsus, corrigendosque, ubi eorum amice commonesciam; at pro virili evitare conabor falsa eorum præjudicia, quibus sus-

ficit me quippiam Philosophicum scripsisse (stylo communi non undique consentaneum) ut de eo male sentiant. Ac quoniam quotidiano doctior experimento, scripta mea admodum fortunata fuisse, ut plurimorum meruerint applausum; hinc non usque admodum metuo, meas confutatum iri opiniones. Video quoque eos ipsos, qui in corrupto pollent sensu communi, nec contrariis adhuc imbuti sunt opinionibus, summo opere in mea propendere placita, admodum ut inde verisimiliter liceat colligere, brevi ea à maxima lectorum admissum iri parte, ausimque mihi polliceri, à meliori pollentibus iudicio. Constat mihi credidisse aliquos, meas opiniones esse recentes, nihilominus tamen videbitur hic me nullo uti principio, quod non sit ab Aristotele receptum, ac ab iis cunctis, qui se studio immiscuerant Philosophico. Creditum etiam fuit, propositum mihi fuisse refutandi sententias in scholis receptas, easque ridiculas reddendi, at jam fiet palam, me nullam earum facere mentionem, quasi de iis nil inaudivissem unquam. Tandem somniabant aliqui, mox ac Philosophia mea lucem viderit publicam, plurimos in ea repertum iri errores, qui eam refutatu facilem redderent, at ego contrarium mihi spondeo, à melioris scilicet notæ ingeniis illam receptum iri, admodum ut qui eam impugnare ausi fuerint, plus inde dedecoris, quam gloriæ reportaturi sint, quodque exquisitioris censuræ Viri, honori sibi ducent si primi in meas iverint partes, hocque pacto plurimos è posteritate (nisi veritatem ejurare prorsus velint) habituri sint sequaces. Cui sapientiorum iudicio, si tu quoque pro tua adjicis calculum autoritate, uti te plurimum hac in parte valere nosco, erit sane tuorum in me cumulus beneficiorum, quibus & me dudum devinctissimum profiteor, & tuo nomini deditissimum.

DESCARTES.

EPISTOLA XV.

Ad Patrem quempiam è Societate Jesu.

Plurimum Reverende Pater,

EN tandem principia hujus infelicitis Philosophiæ, quam aliqui in matris adhuc conati sunt suffocare utero; spero eos opinionem mutatu-
ros, ubi eam inspexerint, minusque noxiam, quam putarant, judicatu-
ros. Forsan etiam eos offendet, quod nullam mentionem faciam animantium, plantarumque, quodque solum ibidem de corporibus tractem inanimatis; at facile animadvertere possunt, necessaria à me nullatenus
omissa

EPISTOLARUM PARS III. Epist. XVI. & XVII. 61
omissa fuisse pro eorum quæ tractavi intellectu; ac quamvis tractatus
meus brevis sit, existimo tamen me omnia comprehendisse necessaria in-
telligendis tractatis, adeo ut non necessum habeam quidpiam hac in ma-
teria addendi. Summopere satisfactum est desiderio meo, quod diebus
hisce potitus sim affatu Rever. Patris Bourdini, quique suorum mihi ob-
tulerit promptitudinem officiorum; scio te tam fortunatæ authorem po-
tissimum reconciliationis, hinc me tuo devinctissimum, æternumque
profitebor nomini clientem

DESCARTES.

EPISTOLA XVI.

Ad quendam Patrem Societatis Jesu.

Plurimum Reverende Pater,

Benevolentia, quam mihi prolixè tunc offerebas, cum tuo desidera-
tissimo fruerer conspectu, affatuque, præsentis causa est sive impu-
dentia, sive confidentia, dum te hisce aggredior, supplexque oro, ut
duodecim Philosophia meæ recipere digneris exemplaria, nec graveris ea
retento pro te uno tradere aut tradenda curare, iis è Societate vestra Patri-
bus, quibuscum notitia mihi intercedit ac amicitia, præcipuè verò Re-
verendo Patri Charlet unum, aut duo, ac tantumdem Reverendo Patri
Dinet, una cum literis meis ad eos directis: reliqua exemplaria, bona tua
gratia, pertinebunt ad Reverendum Patrem F. veterem meum Præceptor-
em, ac Rever. Patres Vazier, Fournier, Mesland, Grandamy, &c.

DESCARTES.

EPISTOLA XVII.

Ad Reverendum Patrem Charlet Societatis Jesu.

Admodum Reverende Pater,

Plurimum debeo Reverendo Patri Bourdino, qui fecit, ut vestras re-
ciperem literas, quæque mirum me recrearunt in modum, postquam
ex iis intellexi, vestram Reverentiam meis sese addidisse partibus, meas-
que ipsi non displicere lucubrationes. Prorsus etiam satisfactum est mihi,
intellecto, prædictum Patrem melius de me sentire cœpisse, quem ego
cunctis

cunctis olim demerebor officiis. Nam cum summopere vestrae obstrictus sim Societati, tum vel maxime tuae Reverentiae, quae me paterna semper in adolescentia mea complexa est benevolentia; perquam ingratum sanè mihi accideret, aliquas cum vestrae Societatis hominibus (cujus quo ad Gallicam Nationem caput es) alere similitudines. Mea itidem naturalis inclinatio, tum debiti respectus officii, ad vestram me ultro impellunt amicitiam procurandam; ad hæc iter à me calcari cœptum, novella nempe publicata Philosophia suadet vestrum in compendia mea implorare favorem, contrarium enim magnæ mihi futurum noxæ nunquam ambigebam, quod sanè vel unicum satis esset demonstrando, me non adeo protervum, contumacemque esse, quin eundem cunctis semper promoveri non insistam officiis, eumque pro virili meo promereri quæram. Quamvis enim recens hæc Philosophia, adeo inconcussis roborata sit demonstrationibus, ut nullatenus ambigam, eam cum tempore ab omnibus sanioris judicii receptum iri hominibus, nihilominus tamen inspecto, quod majorem partem Patres vestrae Societatis constituent eorum qui de ea judicium ferre possunt, nunquam mihi sponderem eoque supervivere, donec voti compossem mei, si minus propenso in me animo ab ejus lectione detinerentur; contra si benevolentia eorum invitarit ipsos ad legendum mea, ausim mihi promittere reperturos eos plurima quæ approbent, quæque communibus, ac in scholis doceri solitis, tuto substituant, ex iisque longe promptius res enodent fidei, idque absque ulla in textum Aristotelicum contradictione, sicque intra paucos annos Philosophia hæc fidem hoc pacto merebitur publicam, quam nulla alias vel post sæculum assequetur ratione. Ingenueque profiteor maximum hoc in passu meum contineri compendium: nam cum homo sim, ut & reliqui, profiteor, me non esse è faxeorum eorum genere, qui nullis moveantur successibus, qua in re, Vestra Reverentia potissimum plurimum mihi præstare valebit officii; ausim tamen asserere, è publico etiam id commodo esse, vestraque præprimis Societatis, quæ nullatenus tolerare debet, ut alicujus momenti dogmata, ab aliis potius, quam ab ipsa approbentur. Obnixè rogo, ignosce mihi libertatem, qua meos tibi aperio sensus, nec ideo id ago, quasi oblitus sim, mei erga te officii, at cum te Patris loco habeam, non reor meum inofficiosum visum apud te iri procedendi modum, quem sanè eundem cum proprio, si superviveret, observarem Parente. Permanco interea tui nominis devotissimus.

DESCARTES,

EPI-

EPISTOLA XVIII.

Ad quendam Patrem Societatis Jesu.

Plurimum Reverende Pater,

Vix animo concipere possum, quantum me sentiam obligatum vestræ Reverentiæ, eò quod favore, ac egregia sanè sua solertia, pro communi Societatis vestræ, jurene an injuria, a me formidata aversione, (cujus præludium certè Reverendus Pater Bourdinus jam fecerat) insignem nunc ausim mihi polliceri benevolentiam. Literæ à Reverendo Patre Charlet ad me directæ idem me sperare jubent; quem sanè Societatis vestræ ergà me favorem proprius animi ductus, ab adolescentia jam mea cum apud vos institueret se exerens, tum, nisi cæcutirè prorsus velim, privata quoque utilitas affectare cogit. Postquam enim semel Philosophico me commisi studio, probè novi Societatem vestram solam, universis plus valituram eruditis, ad approbandum, condemnandumque mea, ideoque non vereor, ne saniore aliqui pollentes judicio dubitent, cum de electione mea, tum de tam prolixa, in demerenda Societate, sollicitudine. Non parum etiam me exhilaravit, postquam cognovi, te cum laborem in legendis subiisse meis, tum eadem benigno approbasse calculo. Scio sanè quantum opiniones ab receptis diversæ coneutiant primo lectorem; nec sperabam scripta mea tam benevolum apud primos lectores meritura assensum; sperabam tamen sensim assuefactum iri Lectorem, ac quo diutius sæpiusque eadem lectitarit, eò plura ipsi placitura, rationique reperiuntur consona. Iveram hac ætate in Franciam, domesticorum negotiorum meorum gratia, at iis ocius expeditis reversus sum in Hollandiam, ubi tamen nulla alia commoror de causa, nisi quod ibidem commodius studiis meis vacare possim, eo quod consuetudo loci, crebras Amicorum, (surum nempe temporis, studendique commoditatis) non admittat visitationes, uti fit in Gallia. At quocunque tandem mundi reperiar in angulo, semper me tui devotissimum profitebor nominis clientem.

EPISTOLA XIX.

Ad quandam è Societate Jesu.

Plurimum Reverende Pater,

Multum tibi debeo, cum pro tua in me solitudine, tum præcipue quod literas Rev. P. Charlet ad me mittere fueris dignatus. Multum enim jam intercessit temporis, ex quo iis frui non valui. Vir hic tantæ sanè authoritatis est, ut eum summopere colam, plurimumque ex ejus affinitate accessisse mihi gloriæ confitear; præter obligationem maximam, ob teneram meam sub ejus scrula per octennium, cum Rectorem Fleschis ageret, benè collocatam ætatem. Ago insuper tibi gratias, eo quod mei Lutetiæ conspiciendi tenearis desiderio; vellem sane, ut lucubrationes meæ scholasticæ, quietem, ac solitudinem quærentes, cum jucundissimum Amicorum, quos abundè ibidem habeo, invenirent convertum, qui perquam exoptandus mihi esset sanè, nisi bona eum mihi quæpiam non invideret fors. Securus autem te reddo, causarum primam desiderandi revisere Parisios, esse summum tibi serviendi desiderium, monstrandique quod sim, non ore tantum, at & re Tuo nomini devotus cliens.

DESCARTES.

EPISTOLA XX.

Ad R. P. Mesland è Societate Jesu.

Plurimum Reverende Pater,

Epistolam, quam 4. Martii ad me dignatus es scribere, una cum Reverendi Patris Charlet data 3. Aprilis, non prius in manus venit meas, quam antè octiduum, ita ut tabellarius Romæ Parisios minus in itinere temporis consumpsisse videatur, quàm Aurelianus; quod tamen non refert. Summis me tibi obligasti nominibus, eò quod dignatus sis, tuam circa Principia mea transmittere censuram: desiderarem equidem ut disertè explicuisses mihi dubia tua: nam quoad rarefactionem, scito pro certo me nullum concipere posse; nam meo judicio nihil æquè promptum est concipere, quam modum, quo se spongia dilatat in aqua, rursuque constringit, ubi siccat. Quoad explicationem modi, quo Christus est in Eucha-

Eucharistia, constat non opus esse illam sequi quam tibi expresseram, ut Principiis meis congruat; neque verò eo fine eam proposui, sed tanquam maxime idoneam ad evitandas Hæreticorum Objectiones, qui in eo quod Ecclesia docet, impossibilitatem & contradictionem statuit. De epistola mea quicquid libuerit, decernes; & quoniam asservatu digna non est, rogo te ut saltem dilaceres eam, nec enim opus est remittere. Cæterum valde optarem, ut tibi vacaret penitiùs inspiciendi mea Principia, aude-rem quippe mihi persuadere, te in eis si nihil aliud, connexionem saltem & consequentias reperturum; in tantum ut vel negandum sit quicquid in posterioribus duabus continetur partibus aut non nisi pro hypothesis vel denique pro commento accipiendum, aut quicquid inibi est omnino amplectendum. Et quanquam non nisi pro hypothesis quadam accipiat, prout proposui, videtur mihi non rejicienda donec melior ad explicanda naturæ Phænomena inveniatur. Cæterum in eo non suppetit mihi de Lectoribus meis conqurendi ratio; ex quo enim ultimus ille Tractatus lucem aspexit, non rescivi quenquam cum criminari aggressum esse; idque de pluribus palmæ reportasse mihi videtur, quod addubitent, utrum quod scripsi non posset veritate niti. Verum enim vero nescio quid me absente dicat, habetque me hic angulus terrarum orbis, in quo ideo minus quiete & contentus agerem, si vel omnia cruditorum judicia mihi adversarentur. Nullis affectibus teneor erga eos qui me oderunt, sed erga eos saltem qui mihi favent, quibus qualibet occasione data inservire studeo; & cum te semper ex eorum numero deprehenderim, scias me esse & mansurum esse,

R. P.

Tui observantissimum

DESCARTES.

EPISTOLA XXI.

Ad Rev. Patrem quandam è Societate Jesu.

Reverende Pater,

MUltum me tibi devincis, quod placuit inspicere quem tibi trans-
misi librum; inque optimam accipio partem benevolentiam illam
qua polliceris te mecum amicè acturum, quanquam id de non utendo
nimio rigore interpreteris. Cum enim nihil æquè concupiscam, quam

veritatem cognoscere, indulgentiæ præfero rigorem, id est, curam & diligentiam observandi omnia, saltem ex vestro Consortio, quod non ignore non nisi bono zelo ferri, & ab omni injuria alienum esse. Neque vero moram impatienter fero expectandi judicium vestrum, ausim quippe mihi persuadere, quò tardius veniet, eò mihi fore favorabilius. Ante omnia optarem ut tibi allubesceret legere Geometriam meam, id quod fieri non potest, nisi præsentì calamo & sequendo calculos qui inibi continentur, qui prima quidem fronte difficiles videri possint, ut insoliti, sed paucis diebus opus est ut illis assuefias. Quod si transilias à primo libro in tertium antequam secundum legeris, plus fortasse facilitatis quàm ex opinione tua ibi reperies. Si mihi Dædalæ alæ essent evolarem ad te, ut tibi introitum ejus allevarem; sed ipsemet eum tibi aperire potes, certusque sum te postea insumpti temporis pœnitentia non actum iri. Tractatum illum fere solo interstitio temporis quo Meteora mea imprimabantur, composui, atque eo amplius partem ejus intra illud tempus inveni; neque tamen ideo minus mihi arrisit, imo forte magis quam cætera mea scripta solent. Nepos meus fortunæ litavit, qui te Magistrum habeat. Vale.

R. P.

Tibi addictissimus,

DESCARTES.

EPISTOLA XXII.

Ad Dominum * * *.

Multum delectatus sum pariter atque miratus, Domine, videndo egregiam regulam quam invenisti ad resolvendas hyperbolicè Problemata solida; non equidem crediderim ullam vel breviorē vel elegantiorē ea reperiri. Cæterum non minori rubore suffundor ob summæ urbanitatis officiosa testimonia, quibus erga me usus es; humaniùs quæso in posterum mecum agas, atque ita ut possim credere te ad me litteras dare, nimirum hominem, vulgarium saltem meritorum, neque dignum minimo titulo ex eis quibus illum condecorasti; sed qui occasionem tibi serviendi avidè sit arrepturus, quique in candoris ingenui argumentum hic tibi simplici stylo declarabit suam de eo quod ipsi transmisisti sententiam. Regula Hyperboles nequit meliùs con-

concipi, omniaque cætera quæ inibi sunt, me docent te multis parafangis ulterius quàm credideram processisse. Placet etiam, quod in res multæ difficultatis inquiras, qualis est resolutio in numero æquationum sex, & in lineis octo Dimensionum; sed quoniam ibi plus fortasse difficultatis reperies quàm prævideris, gradatim eo penetrandum existimo, præstaretque facere prius regulas ad solvenda Problemata solida cum qualicunque datâ sectione conica, & examinare Librum secundum Geographiæ meæ, reperires quippe in eo nonnihil de natura linearum curvarum: & advertendum est ad solutiones Problematum, quod nunquam ad eas adhiberi debeant lineæ curvæ ex genere composito, nisi impossibile sit facere quod opus est lineis ex simpliciore genere desumptis. Multum insuper acuminis deprehendi in eo quod de præliis discris, quanquam in ea materia præceptis præpollcant experientia & prudentia naturalis cum præsentis animi vigore, quibus destituuntur, quos in illa occasione metus occupavit. Denique stylum tuum Latinum eo nitore atque elegantia deprehendi, qualem vix à tuæ professionis homine expectassem. Auctor tibi sum ut pulcherrimas istas qualitates alere insistas, & si quid ad eas contribuere possim, volupe mihi erit tibi gratificari. Vale.

Tui observantissimus

DESCARTES.

EPISTOLA XXIII.

Ad Reverend. Patrem Merfennum.

Reverende Pater,

Literæ tuæ in itinere congelatæ fuerunt; dies enim quo datæ sunt, docet, debuisse me illas ante duas hebdomadas accipere, atque id in causa est quod citius non responderim. Gratias tibi habeo de eo quod mihi de PP. Jesuitis indicas, & videbis ex litteris meis Latinis qua ratione respondeam; & quidem te rogatum velim ut earum compotem reddas eorum Provinciale; vellemque, ut, si alia vice te denuò rogaturi sint ut mihi quidpiam eorum nomine indicares, id facere recuses, nili ab ipsis me scripto consignatum; quoniam facilius est insicias ire verba ore prolata, quam scriptis expressa: Atque etiamnum prævideo, eos partem aliquam de eo quod mihi eorum nomine scripsisti, cui respondendum mihi erat, negaturos; sed nihil refert, suppeditabitur tibi inde recusandi occasio,

sio, si quid tibi in posterum committere velint, nisi scriptis exprimant. Transmitto tibi P. Burdini epistolam, quam deprehendi parùm judiciosam; sed ne uno quidem verbo eam attingere volui, quoniam eo me prohibueras. Credo equidem Provinciale ejus ipsum misisse quæsitum utrum contra eos scriberem, non autem ut minitaretur mihi ejusmodi quæ ipsi non ignorant me non metuere, & quæ tantum absit ut me à scribendo abstercant, ut me etiam eò compellant. Constat, me optatum fuisse Patris Eustachii compendium, tanquam melius, si quenuquam refutare in animum induxissẽ; sed & verum est, me omnem illius Philosophiæ refellendæ animum exuisse; siquidem animadverto eam solâ positione meæ Philosophiæ ad eò solidè atque evidentè destructam esse, ut alia non sit opus refutatione; nihil autem de eo iis scribendum putavi, nihilque promittendum, quoniam fieri posset ut animum mutarem, si mihi occasionem ejus mutandi suppeditent. De reliquo, rogatum tẽ velim ne quicquam de me timeas; scias enim, si mea refert eorum gaudere benevolentia, illorum non minus interesse me ipsis favere, & non se conatibus meis opponere. Quod si facerent, inducerer ad examinandum quenpiam eorum Cursum, & ea sagacitate perquirendum, ut eos non intermorituro pudore afficerem. Simulavi, me ausum non fuisse te rogare, ut litteras meas Patri Provinciali communices, ægrè tamen ferrem nisi inspiciendas acciperet. Vale.

R. P.

XXII. Decembris;
1641.

Tui observantissimus

DESCARTES.

EPISTOLA XXIV.


Ad Reverend. Patrem Merfennum.

De litteris Domini Hobbes Crispi in Dioptricam Cartesii continentibus.

Reverendissime Pater,

LEgi partem Epistolæ ad vestram Reverentiam ex Angliâ missæ, hîc quæ à D. de Zuylichem mihi concessæ, & valde miratus sum, quod cum ex modo scribendi ejus author ingeniosus & doctus appareat, in nullâ tamen re, quam ut suam proponit, à veritate non aberrare videatur. Omittam initium de anima & Deo corporcis, de spiritu Interno, & reliquis
quæ

quæ me non tangunt: Etsi enim dicat materiam meam subtilem eandem esse cum suo spiritu Interno, non possum tamen id agnoscere. Primo quia illum facit causam duritiei, cum mea potius è contra mollitiei sit causa; deinde quia non video quâ ratione iste spiritus valde mobilis corporibus duris ita includi possit, ut nunquam ex iis egrediatur, nec quomodo ingrediatur mollia cum durescunt. Sed venio ad ea quæ scribit



contra Dioptricam. Imprimis ait me clariùs locuturum fuisse, si pro determinatione, motum determinatum dixissem; quâ in re ipsi non assentior: Etsi enim dici possit velocitatem pilæ ab A, ad B, componi ex duabus aliis, scilicet ab A, ad H, & ab A, ad C. Abstinendum tamen esse putavi ab isto modo loquendi, ne fortè ita intelligeretur, ut istarum velocitatum in motu sic composito quantitas,

& unius ad alteram proportio, remaneret, quod nullo modo est verum. Nam si exempli causa ponamus pilam ab A, ferri dextrorsum uno gradu celeritatis, & deorsum uno etiâ gradu, perveniet ad B, cum duobus gradibus celeritatis, eodem tempore quo alia, quæ ferretur etiam ab A, dextrorsum uno gradu celeritatis, & deorsum duobus, perveniet ad G, cum tribus gradibus celeritatis: Unde sequeretur lineam AB, esse ad AG, ut 2. ad 3. quæ tamen est ut 2. ad 1. 10. &c.

Quod ait postea, terram tollere celeritatem deorsum, est contra hypothesis: supposui enim nihil planè de celeritate detrahi; & contra omnem experientiam: alioqui enim pila perpendiculariter in terram incidens nunquam resiliaret. Nulla igitur in parte laborat mea demonstratio; sed ille seipsum valde sefellit, quia motum à determinatione non distinxit: motus enim ipse nullo modo minui debet, ut reflexio fiat ad angulos accuratè æquales. Præterea id quod assumpsit, *Nulla vi amoveri quod non cedit levissima*, nullam habet speciem veritatis; quis enim credat, exempli gratiâ, in balance pondus centum librarum aliquantulum cedere ponderi unius libræ in alia lancis parte positæ, quoniam cedit ponderi 200. librarum. Concedo tamen libenter partem terræ in quam pila impingit aliquantulum ei cedere, ut etiam partem pilæ in terram impingentem non nihil intorsum recurvari, ac deinde, quia terra & pila restituant se post ictum, ex hoc juvari resultum pilæ; Sed affirmo hunc resultum magis semper impediri ab ista incurvatione pilæ & terræ, quam ab ejus restitutione juvetur; Atque ex eo posse demonstrari reflexionem pilæ, aliorumque ejusmodi corporum non extremè durorum, nunquam fieri ad angulos accuratè æquales; Sed absque demonstratione, facilè est experiri pilas mol-

molliores non tam altè resilire, nec ad tam magnos angulos, quam duriores. Unde patet quam perperam adducat istam terræ molliem ad æqualitatem angulorum demonstrandam; præsertim cum ex ea sequatur, si terra & pila tam duræ essent, ut nullo modo cederent, nullam fore reflexionem, quod est incredibile. Patet etiam quam merito ego & terram & pilam perfectè duras assumpserim, ut res sub examen Mathematicum cadere possit.

Non felicior est circa Refractionem, cum distinguit eam quæ sit quando corpus motum permeat media, ab ea quæ sit quando non permeat; utraque enim sit versùs eandem partem, à corpore ejusdem generis. Nec satis intellexit id quod scripsi ea de re: Non enim dico lumen faciliùs propagari in denso quam in raro; sed in duro (in quo scilicet materia subtilis non communicat motum suum parietibus meatuum quibus inest) quam in molli, sive hoc sit rarius, sive densius; habeoque ejus rei & experientiam & demonstrationem, tam de ipso lumine, quam de corporibus quæ tactu sentiuntur; Nec valet exceptio ex tapetis asperitate desumpta, in tapete enim ex serico vel corio nullo modo aspero idem continget. Quod ait ab amico suo esse demonstratum non vidi, nec ideo possum de eo judicare. Miror vero quod subjungat meam demonstrationem non esse legitimam, cum tamen nihil planè afferat ad eam impugnandam, nisi quod dicat quædam repugnare experientiæ, quæ cum experientia consentiunt, & sunt verissima. Sed non videtur advertisse differentiam quæ est inter refractionem pilæ, aliorumve corporum in aquam incidentium, & refractionem luminis; cum tamen sit duplex & maxima. Primo, quia una refractio sit versùs perpendicularem, alia modo contrario; Et cum radii luminis tertia sui impetus parte, aut circiter, faciliùs per aquam transeant quam per aërem, non tamen ideo pila multari debet ab eadem aqua tertia parte suæ velocitatis, nullaque est inter ista duo connexio. Deinde quia lumen quidem debile, non ad alios angulos quam forte, ab eadem aqua refringitur; Sed planè aliud est de pila, quæ magna vi in aquam impulsæ, non tanta parte suæ velocitatis ab ea potest multari, quam si lentius procedat. Ideoque non mirum est, quod expertus sit globum plumbeum, maxima vis scopeto emissum, aquam ingredi in elevatione quinque graduum, quia tunc fortè non millesima suæ velocitatis parte multabatur. Astringit mihi postea quod supposuerim omnem jacturam velocitatis computandam esse in motu deorsum: dixi enim constantissimè computandam esse in toto motu simpliciter sumpto. Modus vero quo ipse utitur ad refractionis causam explicandam, vel ex eo apparet non esse accurata-

curatus, quod apertè pugnet cum eo quod antè admisit, ut ab amico suo demonstratum; Nempe esse in refractione, ut sinus anguli inclinationis unius ad sinum anguli inclinationis alterius, ita sinum anguli refracti in una inclinatione ad sinum anguli refracti in altera; exurgit enim ex ejus Parallelogrammo planè alia, & quidem maximè irrationalis inter sinus proportio. Reliquum Epistolæ nondum vidi, nec ideo possum respondere. Sum

R. PATER,

V. R. devotissimus servus,

DESCARTES.

EPISTOLA XXV.

Ad Reverend. Patrem Merfennum.

Responsio D. Hobbessii ad Epistolam præcedentem.

Reverendissime Pater,

Quod ea quæ superiori Epistolâ tuo jussu tibi scripsi, Domino Descartes minùs arrideant, plurimùm dolco, tum quod ingenium ejus plurimi æstimo, tum quod nullam rationem adhuc invenio propter quam ea quæ reprehendit debeam mutare; Libentissime enim mutarem (si Parallogismos meos possem detegere) quæ minus rectè dicta sunt; quippe qui nihil edidi in publicum, quo tenear, una cum honore, errores meos pertinaciter defendere; Ne tamen tanti viri autoritate existimatio mea apud te opprimatur, visum est mihi, Epistola hac, objectionibus ejus, eo ordine quò à te relatæ sunt, paucis quantum possum & qua possum perspicuitate respondere.

Dicis primo loco, Dominum Descartes, non agnoscere spiritum illum internum, quem ego ibi suppono, eundem esse cum materia subtili quam supponit ille.

Respondco, certè ego per spiritum intelligere me dixi corpus subtile & fluidum; quid autem interfit inter corpus subtile & materiam subtilem, equidem non intelligo.

Adducis proximo loco, causas quare hoc non agnoscit, quas dicis esse duas; primam, quia ego statuo spiritus internos causam esse duritiei,

tici, ille materiam subtilem causam esse mollitici; secundam, quia non videt ille, qua ratione iste spiritus valde mobilis corporibus duris ita includi possit, ut nunquam ex iis egrediatur; nec quomodo ingrediatur quando mollia durefcunt.

Quæro te Reverendissime Pater (tibi enim nunc soli satisfacere satago) nunquid tibi capere impossibile est, spiritum fluidum & subtilem, talem & tam velocem motum habere posse, ut partes ejus minùs cedant tactui & impulsui nostro, quam si eadem, alio motu, & minùs veloci concitarentur. Quid autem est durum, præter id cujus partes, stante toto, minus; molle, præter id cujus partes magis, corporis incurrentis impulsui cedunt? Quod si sit verum (nam supposui tantum hujusmodi motuum in spiritibus diversitatem, ut rem possibilem) sequetur idem corpus tenue, sive materiam subtilem, causam fore & mollitici & duritici, prout diversa velocitate, & diverso modo movebitur; Prima ergo causa propter quam negat eandem esse rem, spiritum & materiam subtilem, ostendit potius voluntatem, quam rationem dissentienti. Quod attinet ad secundam causam dissentienti, nempe quod non vidit qua ratione &c. Dico eam non esse sufficientem causam quare dissentiret, sed potius quare diligentius consideraret. Neque enim ego dixi durefcere corpora per ingressum spirituum, neque mollescere per exitum eorundem; Sed spiritus subtiles & liquidos, vehementia motus sui, posse constituere corpora dura, ut adamantem; & lentitudine, alia corpora mollia, ut aquam vel aërem. Hypothesis autem illa vehementiæ motus spirituum in uno corpore, majoris quam in alio, ad salvandum Phænomenon duritici, mihi quidem non videtur inferior illa Domini Descartes, qui ponit atomorum suarum nodos & implicationes quasdam, quibus partes corporum durorum debeant coherere. Si quis enim interrogaret illum, quibus vinculis & quibus nodis particulæ illarum partium crassiorum, quas in duris supponit, inter se cohercant, credo hæteret; neque se sciret ullo modo melius extricare, quam supponendo motum aliquem materiæ subtilis in illis ipsius atomis quas ponit pro minimis.

Dicis tertio, quod ubi dixerim illum clariùs locuturum fuisse, si pro determinatione, posuisset motum determinatum, cum mihi non assentiri, sed respondere, his verbis. Etsi enim dici possit velocitatem pilæ ab A ad B componi ex duabus aliis, ab A ad H, & ab A ad C, abstinendum tamen esse putavi ab isto modo loquendi ne fortè ita intelligeretur, ut ipsarum velocitatum, in motu sic composito, quantitas, & unius ad alteram proportio, remaneret; quod nullo modo est verum. Nam si exempli
gratia

te folius A E; sed celeritas quam participat A B, ab F A, & quæ operatur à B versus C, est ad celeritatem totam A B, in proportionem F A vel B D ad A B. Item celeritas quam habet A C, virtute A E, est ad celeritatem




totam A C, ut A E, vel D C, ad A C. Sunt ergo ambæ celeritates junctæ, quibus fit motus à B versus C, ad celeritatem simpliciter sumptam in A C, vel in A B, ut tota B C, ad A C vel A B. Quare sumpta præcedenti figura erunt celeritates per A B, A G, ut ipsæ A B, A G, hoc est ut 7. 2. ad 5. hoc est ut 7. 4. ad 10. hoc est ut 2. ad 5. & non ut 2. ad 3. Non igitur sequitur absurdum illud ab isto modo loquendi, quod putabat D. Descartes.

Vides Pater quàm proum sit etiam doctissimis viris per nimiam securitatem quandoque *conferre*.

Quartò, scribis dicere illum, non debuisse me dicere, celeritatem subleuantem esse à terra, propterea quod ille contrarium supposuerat, & propterea quod contra experientiam est; alioqui enim pila perpendiculariter in terram incidens nunquam resiliens.

Respondeo, certè ego in Epistola mea hypothefim illius non sustuli, sed dixi ipsam eam sustulisse, ideoque ea uti non debuisse (nam quantum ad meam de ea re opinionem attinet, puto sanè dari motum qui neque tolli neque ideo minui unquam possit) sed ut judices utrùm suam ipsius abstulerit hypothefim, nec ne, repetamus figuram. Supponit ille, mo-



veri A versus B, motu quidem nunquam cessaturo, sed tamen qui non semper erit in eâ determinatione, ut ille loquitur; hoc est, ibit semper æqualiter quod movetur, sed non ibit semper per eandem viam, siue lineam directam; Concedo.

Præterea componitur determinatio (siue via) ab A versus B, à duabus aliis viis (siue determinationibus) quarum una est deorsum ab A versus C, altera lateralis ab A versus H. Concedo quoque. Ex his probare se putat motum ab A in B procedere à B in F per angulum F B E æqualem angulo A B C, sine destructione hypothefis suæ; quod negavi. Quando enim pila quæ movetur ab A versus B pervenerit ad B, perdit determinationem (siue viam) quam habebat deorsum ab A H versus C B, restat ergo determinatio quæ dextrorsum erat ab A C versus H B; retinetur autem gradus velocitatis quem habebat ab initio; ibit igitur ad circumferentiam circuli in G. Oportuit igitur illum demonstrasse quod retentâ velocitate integra quam habebat ab A versus B, impossibile esset pilam promoveri lon-

longius in eadem determinatione, quam ad E, quod facere non potuit, nisi determinatio illa ab A versus H sumeretur pro motu. Sed & ipse videretur determinationem illam intelligere pro motu, quoniam in demonstratione ejus, attribuit ei quantitatem; determinatio enim, siue via pilæ, non habet quantitatem, nisi quatenus, secundum eam, pila lineam describit tantâ vel tantâ longitudine. Iam verò si determinationes illæ duæ perpendicularis & lateralis sint motus, manifestum est pilam, quando venit ad B, perdere partem illam motus sui quam habebat ab A versus C. Ideoque post impactum in B, minus velociter fertur quam ante; quæ est propriæ hypotheseos suæ destructio. Quod addit talem motus diminutionem esse contra experientiam, quia videmus ea quæ incidunt in terram perpendiculariter; ad perpendicularum resurgere, miror quomodo ab experientia sciri potest utrum reflexio hæc ad perpendicularum fiat, ab eo quod nulla sit motus jactura, an vero à motus restitutione; nam idem effectus fieri potest utrovis modo. Verum est, quod experientia docet fieri reflexionem per angulos æquales, sed non à qua causâ.

Scribis quinto, Dominum Descartes libenter concedere partem terræ incurrenti pilæ aliquantulum cedere, ipsiusque pilæ partem incurrentem non nihil introrsum incurvari, & utrumque, scilicet pilam & terram, se restituere, *Et nulla vi amoveri quod non cedit levissima*, videri ipsi nullam habere veritatis speciem.

Resp. Ostenderam tamen, si vis levissima non faciet cedere id cui impingit, saltem aliquantulum, dupla vis non sufficit, quia bis nihil, nihil est, & sic quotiescunque multiplicaveris vim illam, fiet nihil. Quæ sanè demonstratio est, cujus vitium ille non detegit; sed ait pugnare cum experientia; quia in bilance, appensum pondus 100. librarum movebitur à 200. libris ex altera parte jugi appensis, ab una libra non movebitur; quasi ego dixerim vim levissimam sufficere ad movendum à loco suo non modo partem in quam impingit & quam tangit, sed etiam totum quod illi parti adhæret. Quando is concedit partem terræ cui incurrit pila, aliquantulum cedere, intelligitne totum telluris orbem loco cedere? Puto non. Quare igitur non sufficit ad confirmationem propositionis meæ, quod sicut terra premitur, & parte sua aliqua recedit, propter pilam impactam, ita jugum bilancis aliquantulum premitur, & pars ejus deprimitur, propter pilam suspensam. Et sicut multiplicata vis impactæ pilæ, sufficit ad movendam totam tellurem, ita multiplicata vis suspensæ libræ, vel pilæ, vel si placet plumæ, sufficit ad tollendum pondus 100. librarum.


Sexto, quod dicis eum affirmare resultum pilæ magis impediri ab ista incurvatione pilæ & terræ, quam ab ejus restitutione juvetur, atque ex eo posse demonstrari reflexionem pilæ, & aliorum ejusmodi corporum non extremè durorum, nunquam fieri ad angulos accuratè æquales.

Respondeo, verum hoc est de pila & ejusmodi corporibus, propterea quod non modo velocitatis in iis continuè minuitur vel augetur à gravitate, sed etiam corpora in quæ incidunt, non perfectè compentant jacturam illam velocitatis, ideoque quatenus loquutus sum de pila, in exemplum reflexionis luminis, supponebam motum ejus neque minui eundo, & perfectè restitui quod perdidit in occurso corporis resistentis. Sed in lumine, cujus motus neque à gravitate neque à levitate divertitur, & cujus materia facillimè mobilis est, ideoque motus ejus restitui à resistente integrè potest, angulorum æqualitas rectè ex tali restitutione salvari potest.

Septimo ais, dicere illum, perperam à me adduci istam terræ mollietatem ad æqualitatem angulorum demonstrandam, præsertim cum ab ea sequatur, si terra & pila tam duræ essent, ut nullo modo cederent, nullam fore reflexionem, quod est incredibile.

Resp. primum me non adscribere reflexionem mollietati terræ, sicut neque vitri vel chalybis; Sed scire me, docente experientiâ, fortiorem esse reflexionem, quo durius est corpus in quod impingitur, & quod impingit, modò non sit durities ea actu infinita (quod est impossibile.) Nam si non sit ea durities actu infinita, cedit vi alicui, & proinde etiam ut ante ostensum est levissimæ. Dura autem quo magis sunt dura, tanto magis se restituunt, ideoque tantò fortiorem faciunt reflexionem. Quod si supponeret quis duritiem illam actu infinitam & impossibilem, tam in impingente, quam in eo in quod impingitur, nemo unquam experientiâ cognosceret, utrum reflexio fieret nec ne; Sit enim durum actu in infinitum, tam quod descendit per AB, quam quod subternitur in CD. Quæ ratio reddi potest quare non vel quiescat in B id quod ibi impingit, vel si frangi potest quare non pars altera moveatur per BC altera per BD; vel si descenderit oblique per EB, quid impedit (si frangatur) quo minus pars moveatur, fortasse pars major, per BC; altera pars minor, per BD. Nam quod aliter fieri videmus, id provenire potest ex eo quod non dentur corpora infinitæ duritiei.

Octavo quod dicis, distinctionem quam attuli inter refractionem eorum



rum quæ media permeant (ut quando pila permeat aërem & aquam) & eorum quæ non permeant, ab eo non approbari, propterea quod utroque modo, si corpora sint ejusdem generis, refringuntur versùs easdem partes.

Respondeo, me non satis intelligere quæ corpora ille sub eodem, & quæ sub diverso genere collocat. Ego sane duo genera propagationis motûs posui, quamquam in eodem genere corporis; Potest enim pila corpus durum perfringere, in quo casu dico viam pilæ refringi intra durum, in partes à perpendiculo averfas; potest etiam eadem pila à duritie corporis repelli, ita tamen ut motus propagetur successivè per totam corporis crassitiem, ut quando campana percutitur malleo: (vel, quando, ut ego censeo, lumen propagatur per medium durius eo ex quo venerat) & dixi in hoc casu, fieri refractionem versùs perpendiculum, quam ille distinctionem non confutavit, neque ego mutare debeo, nisi Dominus Descartes demonstret aliquid in contrarium. Nam suppositiones illæ de pororum parietibus, & de velociori motu luminis in duro quam in molli, vel in denso quam in raro, (utro enim modo loquendum sit nescio, donec mihi definitiones suas duri, mollis, densi, & rari communicaverit, quod in libris suis non fecit) aberrant, mea quidem sententia, à vera methodo demonstrandi.

Nono scribis, Domino Descartes videri, me nihil attulisse contra demonstrationem ejus refractionis, quam tamen damnaveram; neque advertisse differentiam quæ est inter refractionem pilæ aliorumque corporum in aquam incidentium, & refractionem luminis.

Respondeo me illam distinctionem & animadvertisse, & attulisse, nempe illam ipsam quam ille proxime supra damnavit, & ego defendi. Utrum autem nihil attulerim contra ejus explicationem refractionis, judicabis tu Reverendissime Pater, qui ipsam meam Epistolam apud te habes; Confitetur tamen objecisse me repugnantiam quandam cum experientia in hypothesi ejus, quod certè ipsum non est parum, cui tamen objectioni non respondet. Observavi quidem in fluminibus, velocius ferri aquam inter navigia quam liberam, & ubi non impeditur; Applicari autem hoc præsentî dubio non potest, quia id accidit ex elevatione aquæ, unde sequitur motus velocior à gravitate, quod fieri non potest in materia subtili dum permeat poros corporum durorum, quia nulla ibi fit elevatio, neque est ulla gravitas materiæ ejus subtilis; Similiter quando corpus grave movetur tardius super tapetem sericum quam super mensam marmoream, ratio ejus rei est quod insurgentes tapetis partes anteriores, opponunt se prementi gravi, & impediunt motum totius, propter consi-

stentiam ejus; Id tamen accidere non potest materiæ subtili, quæ & fluida est maximè, & minimè gravis; Adde quod corpus planum faciliùs movetur super tapetem sericum, sequendo inclinationem pilorum, modò extremitas corporis moti, promineat ultra extremitatem tapetis, & supposito quod tapes pressus non conetur se restituere. Quæ omnia impedimenta absunt à motu materiæ subtilis per duri poros.

Scribis decimo loco, quod queritur Dominus Descartes me affinxisse ei, quod computaverit omnem jacturam velocitatis in motu deorsum; dixisse autem illum constantissimè computandam esse in motu toto simpliciter sumpto.

Respondeo, fateor dixisse illum directè, computandam esse illam jacturam in motu toto; Sed cum dixit determinationem perpendicularem tantum & non lateralem, minui in primâ duri penetratione, dixit per consequens motum totum perpendicularem minui; nam determinationem minui non potest, nisi per determinationem intelligat motum. Non ergo constantissimè dixit jacturam motus computandam esse in toto motu simpliciter. Si igitur ille utrumque contradictoriorum dixit, ego autem alterum eorum ei ascribo, non est hoc ei aliquid affingere. Præterea, si ille jacturam velocitatis totam computat in toto motu, nullam autem computat in motu laterali, necesse est ut totam computet in solo perpendiculari.

Vides Reverendissime Pater, quam clarè & perspicuè illius objectionibus, breviter tamen, respondi. Ex quo patet doctissimum & ingeniosissimum virum, vel incuriâ vel præjudicio, non satis intendisse animum ad ea quæ scripseram; nihilominus liberum tibi sit, communicare ei reliqua quæ in eadem Epistola continentur circa refractionem; videbit enim Parallelogrammum illud quo usus sum, ad explicandam refractionem pilæ, minimè pertinere ad refractionem luminis, prout ille suspicatur. Quod attinet ad demonstrationem amici mei, eam, nisi periiit eo quem nostri casu, credo me habiturum proxima septimana, si habuero, tibi eam communicabo, neque Domino Descartes eandem invidebo, in quo judicandi facultatem summè admiror, diligentiam desidero, quam si auctore te in legendis meis adhibere velit, nemo est cui ego censuram eorum libentius deferrem. Plurimum vale, & sive

Parisiis Feb. vii.
1641.

Tui obsequentissimo

HOBBS.

EPI-

EPISTOLA XXVI.

Ad Reverend. Patrem Merfennum.

Reverendissime Pater,

ET si sperassem ea quæ in superioribus meis Litteris responderam ad initium scripti à doctissimo quodam Anglo ad Reverentiam vestram missi, me liberatura esse onere ad reliqua respondendi; quia tamen nihilominus ultima octo folia scripti à vestra Reverentia hodie accepi, simulque admoncor aliquos esse ex doctis viris, qui ea quæ ibi de refractionibus, aliter quam in mea Dioptrica traduntur, pro veris & rectè demonstratis admittant, officii mei esse existimo, breviter hîc monere quibus ex notis aurum ab orichalco dignosci possit.

In fine 3. folii utitur valde inani ratione, ut refutet id quod scripsi pag. 19. quia inquit, sequeretur pilæ inesse intellectum rerum Geometricarum; tanquam si ex eo quod aliquid fiat in natura juxta leges Geometriæ, sequatur idcirco in corporibus in quibus id fit esse intellectum. Ego vero satis esse putavi ad demonstrandum quid fieret, quod Geometriæ leges docerent ita fieri oportere; Nec ille quicquam novi hîc affert, sed tantum rem à me traditam magis explicat, dicendo in magna inclinatione resistantiam aquæ superare impulsus deorsum, quod, ut intellectu facilimum, explicare neglexeram; Sed hoc explicando in magnam difficultatem à suis principiis adducitur; Quomodo scilicet pila sursum resiliat; an enim dicet aquæ superficiem incurvari etiam instar arcus, & dum se restituit pilam sursum repellere.

In reliquis omnibus agit tantum de refractione, & in prima sua hypothefi falsum assumit, quod nempe omnis actio sit motus localis. Cum enim, exempli causa, baculo innixus terram premo, actio meæ manus communicatur toti isti baculo, & transit usque ad terram, quamvis nullo planè modo baculum illud, nec quidem insensibiliter ut infrà assumit, moveri supponamus.

Quintam etiam hypothefim, quod aer sit minus contumax adversus motum luminis, quam aqua vel vitrum, non probat; cumque ejus contrarium in Dioptricâ demonstrarim, ille vero nullam dicti sui afferat rationem, quæro utrius magis sit credendum: Neque enim verisimilitudinem aliquam in eo esse putandum est, quod aer facilius cedat motui manuum, quam aqua vel vitrum: neque enim actio luminis est in ipsis corporibus aeris & aquæ, sed in materia subtili eorum poris contenta.

Hîc

Hic autem ex occasione adverto, me in præcedenti Epistola scripsisse lumen facilius propagari in duro, quam in molli; quod ita est intelligendum, ut durities illa non referatur ad tactum manuum nostrarum, sed ad motum materiæ subtilis tantum; ne fortè quis putet inde sequi, refractionem esse debere multo majorem in vitro quam in aquâ; ctsi enim vitrum sit multo durius respectu manuum nostrarum, non tamen multo magis resistit motui materiæ subtilis.

Prima propositio planè est imaginaria, destruiturque ejus probatio ex eo quod utatur ad ipsam probandam, prima sua hypothesi jam refutata.


Secunda propositio, si in ipsâ, pro *rejectione* ponatur *repulsio*, ut de sola impulsione non de motu possit intelligi, vera est & mea.

Quæ in tertia habet de Systole planè destruitur ex jam dictis; ut & ea quæ dicit in corollario de inclinatione, quam vult esse motum, hocque ob egregiam rationem; quia, inquit, principium motus est motus; quis enim illi concessit inclinationem esse principium sive partem primam motus.

In propositione quarta malè dicit radium esse spatium solidum, melius fortè dixisset, esse vim per spatium solidum diffusam; Sed adhuc melius, si cum omnibus Opticis illum tantum ut lineam consideraret: utitur enim tantum postea radii latitudine, ut & sua linea lucis, ad imaginarias rationes adornandas.

Sed præcipuus ejus error est in causa Physica refractionis radiorum explicanda: tota enim fictitia est, & à mechanicæ principiis aliena. Fictitia, quia nititur latitudine quam radiis gratis affingit, quamque in decima quarta propositione iisdem detrahit, & nihilominus eodem modo refringi fatetur; Et quia si vera esset, multo magis haberet locum in motu pilæ quam in radiis luminis, quod tamen ipse suprâ negavit, atque experientia repugnat; Ut & ratio propter quam supra voluit pilam in aqua refrangi à perpendiculari, radiis luminis melius, vel saltem æque benè ac motui pilæ, potest applicari; In ipsâ enim nulla sit mentio motus successivi;

In altera autem quam assertit pro radiis, fictitii cujusdam Parallelogrammi considerat motum successivum, estque à legibus mechanicæ aliena; tum quia supponit motum partis D, Parallelogrammi A B C D, tantundem tardari à superficie aquæ E D F, cum primum illam ingreditur, quam paulò post, cum plures partes lineæ C D in aquam demersæ sunt,



sunt, tum quia in transitu radii à medio densiori in rarius vult augeri celeritatem motus, nec tamen dare potest ullam causam istius augmenti; facile enim intelligitur motum tardari à densitate medii; Sed non inde sequitur, ubi non est tanta densitas, illum augeri, sed tantum minus imminui; tum propter alias causas quas omnes recensere esset longum.

Quinta propositio, quod radius obliquè incidens sit considerandus ut habens latitudinem, jam est refutata, & pugnat cum decima quarta; nec valet ejus probatio, ad quam gratis assumit *considerari radium uno termino longius operari quam altero*. Quod nemo ipsi concedet qui radium absque latitudine considerabit.

Sequentia, usque ad decimam quartam propositionem, fatis ut puto sequuntur ex ejus principiis; dico, ut puto, quia fatis attente non legi, ut ausim affirmare. Cæterum non mirum est quod ex falsis hypothesebus sequatur verum, quia illas hypotheses ad veritatem sibi ante cognitam accommodavit.

In fine de Coloribus nihil habet quod non ante scripserim, nisi quod rem sufficienter non explicet; Et malè ait me globulos supponendo, priorem meam hypothefim destruxiffe; quia illos globulos describendo, non affirmavi nihil effe in spatiolis quæ ipsi non replent; nec opus habui plura explicare, quam quæ ad institutum meum faciebant; Denique ut verbo abfolvam, ne minimam quidem rationem in toto hoc fcripto reperi à meis diverfam, quæ vera & legitima effe videatur.

EPISTOLA XXVII.

Ad Reverendum Patrem Mersennum.

Responsio Domini Cartesii ad Litteras Domini Hobbes.

Reverende Pater,

L Ecto per otium postremo Angli vestri scripto, omnino confirmatus sum in ea sententia quam tibi de eo me concepisse ante octiduum indicavi; atque arbitror præstare ne quippiam mihi cum illo commercii intercedat, atque ut ob id à respondendo ipsi me abstineam; siquidem enim naturâ ejus animi sit, cujus ego illum esse judico, sique ea præsumat, quæ ipsum præsumere credo, communicationem inter nos incurdum brevi & necessariò subsequutura inimicitia turbaret; malimque ut res eo in quo est statu remaneat. Hoc saltem te rogatum velim, ut siquidem

Lilli

illi pollicitus sis, te operam daturum ut ad posterius illud scriptam respondeam, renuncies illi, me tibi rescriptis, causam, quæ me à respondendo detineat, eam esse, quod sperem, temet pro me respondurum, causamque meam multo melius acturum quam acturus ipse forem! præterquam quod ejusmodi negotiis distinear quæ mihi nullum ad tales congressus otium relinquunt; Adeoque poteris ipsi significare, me si forte fasciculus quispiam chartarum alius in itinere esset, me non responsurum, & operam omnem perdi si mihi in posterum ejusmodi mittantur. Cæterum ne existimes me propter defectum respondendorum, subterfugia quærere, subjiciam hic meam de quatuor primis articulis sententiam.

Primò, per spiritum, inquit, intelligere me dixi corpus subtile & fluidum, ergo idem est cum ejus materiâ subtili; tanquam si omnia quæ sub eâdem aliquâ generali descriptione conveniunt, eadem idcirco absolute dicenda sint; ut equus est animal quadrupes, caudatum; & lacerta etiam est animal quadrupes, caudatum; ergo equus & lacerta idem sunt.

Secundò, quandoquidem vult sustinere suum spiritum Internum & meam materiam subtilem esse unum & idem, duo hæc contradictoria habet probanda, nempe idem corpus subtile vi suæ agitationis esse causam duritiæ, ut ille opinatur, & simul vi etiam suæ agitationis esse causam molliæ, quod ego existimo. Sed mutat quæstionem, & postquam finxit duritiem esse à motu magis veloci, molliem verò à motu minus veloci, vult hoc sufficere ad suum institutum; quamvis ego contra putem motum magis velocem efficere molliem, & duritiem esse à quiete; Additque me hic ostendere potius voluntatem quam rationem dissentienti, nempe, quia nolo admittere ea, quæ planè contraria sunt, esse unum & idem. Nunquid ille potius ostendit sibi perinde esse quid sustineat, modo tantum possit disputare; Nam quid ad rem, si ejus corpus subtile idem sit quod mea materia subtilis, vel non sit, cum præsertim si idem sit, possim dicere illum à me esse mutuatum, quia prior scripsi; quidque magis absolum, quam quod velit ut fatear, me sentire planè contrarium ejus quod reverà sentio, & mille in locis testatus sum me sentire, ut scilicet ipsi assentiar. Cætera quæ hæc addit non sunt minus absorta; & mihi affingit opinionem de causâ duritiæ, quam nunquam habui, ut nosti; sed rogo ne plura ex te discat de meis principiis, quam jam novit.

Ad tertium, quod fassus sum dici posse, credidi aliquo sensu posse intelligi, quo verum esset; Sed & alio etiam sensu, eoque communiori, posse

poris: Nam quemadmodum mutatâ unâ superficie, non sequitur alias mutari, vel plus corporis vel minus illis adiungi, etiam si sint in eodem corpore, & non possint esse sine ipso; ita mutatâ una determinatione, non sequitur aliam mutari, vel plus motus sive celeritatis illi adjungi, quamvis neutra possit esse sine motu; Quod si noster intellexisset, non diceret oportuisse me demonstrasse, quod retentâ integrâ velocitate ab *A*, versus *B*, impossibile esset pilam promoveri longius in eadem determinatione



quam ad *E*; Vidisset enim id ex hoc ipso esse demonstratum, quod demonstrarim determinationem dextrorsum non esse mutatam; quia non potest augeri vel minui motus in illam partem, quin tantundem illi determinationi accedat vel decedat; ut neque potest corpus in superficie mutari, quin etiam superficies mutetur; Nec tamen determinatio est motus, ut neque superficies est corpus. Nec postea dixisset, jam vero si determinationes illa sint motus, &c. neque enim sunt magis motus quam superficies sunt corpora; Sed in hoc ipsum fallit, quod motum determinatum consideret loco determinationis, ut dixeram me probaturum. Puderet me reliqua eius verba hic persequi tempusque in re tam inutili consumere.

Ideoque certus sis me, quicquid ab ipso mihi missurus sis, nil respondendum; neque vero iis quibus me, ut scribis, extollit, elogiis capior; novi enim hoc non fieri nisi quo facilius persuadeat reprehensiones suas jure niti, & jure se mihi errores imputare.

Omnes amici tui quidem de arcu discernuerunt; sed Dominus à Robertal, inspexit primum momentum, in quo sagitta se movere incipit, ceteri verò id momentum considerarunt in quo cessat impelli per nervum. Vale.

Et in alia quadam epistola inveniuntur sequentia.

Quantum ad ea quæ mihi de Anglo renuncias, qui ait, spiritum suum & meam materiam subtilem esse unum idemque, quod ejus ope jam ab anno 1630. explicaverit lumen & sonos, id quod credat ad me usque pervenisse, futilia sunt & risu excipienda. Si quidem Philosophia ejus talis sit, ut metuat ne ipsi possessio ejus intervertatur, quidni eam in lucem emittit? ego verò ipsi affirmare ausim, me ne momento quidem metu ipsius in mea publicanda præstaturum. Posteriora ipsius argumenta, de quibus mihi scribis, æque levia sunt, ac omnia reliqua quæ de ipso

ipso vidi. Primo enim, quantumvis homo & Socrates non sint duæ diversæ hypothefes; nihilominus aliud per Socratem quam vocabulo Hominis significatur, nimirum differentia individuales & particulares; eo modo, motus determinatus non differt à motu & nihilominus determinatio aliud quippiam est quàm motus.

Secundò, veritati repugnat, quod causa efficiens motus sit etiam causa efficiens determinationis; ex. gr. impello pilam contra parietem, paries determinat pilam ad resiliendum versùs me, nec tamen est causa motus ejus.

Tertio, subtilitate exigui momenti utitur, cum querit, utrum determinatio sit in motu, ut in subjecto; ac si hic quæreretur, utrum motus sit Substantia an Accidens. Neque enim inconveniens aut absurdum est statueret, accidens aliquod subjectum esse alterius, uti dicitur, quantitatem esse subjectum cæterorum accidentium: Et cum dixi, motum esse ad determinationem motus, uti corpus planum est ad superficiem suam, non institui motum cum corpore comparare, ut duas substantias, sed saltem ut duas res concretas, ad demonstrandum eas esse diversas ab iis, quorum posset fieri abstractio.

Denique, valdè ineptè concludit, quod una determinatione mutata, etiam cætera mutantur; ideo, inquit ille, quòd omnes istæ determinationes nihil aliud sunt quàm accidentia sub diversis nominibus; Quod si verum est, consequitur Hominem & Socratem, ex ejus opinione, esse unum idemque sub diversis nominibus; adeòque nulla differentia individualis Socratis, ex. gr. cognitio Philosophiæ, perire potest, nisi eodem temporis puncto desinat esse Homo. Quod porro dicit, motum unum, non habere nisi unam determinationem, idem est ac si dicerem, rem extensam non habere nisi unicam figuram, quod non impediat quòd minùs figura ista possit dividi in plures partes, uti & ipsa determinatio dividi potest.

Quod in Dioptrica pag. 18. reprehendit, testatum facit, se nihil quam reprehensiones quærere, quoniam vel ipsa Typographi menda mihi vult imputare. Eo quippe loci egi de Proportionem duplici, uti simplicissima, ad rem facilius explicandam, quoniam vera determinari nequit eo quod pro diversitate subjectorum mutetur. Quod si vero in figurâ linea HF non præcisè duplum continet lineæ AH, Typographi illud erratum est, non meum. Et in eo quod dicit experientiæ refragari, fallitur omnino; quod in illo experientia variet pro varietate rei quæ in aquam conjicitur, & celeritate qua movetur. Neque verò sollicitus fui eo loci mendum Typographicum corrigere, cum facile mihi credendum fuerit, non in-

venatumi Lectorem adeo stupidum, cui intellectu arduum futurum sit, lineam quandam esse duplam alterius, ex eo quod figura talem repræsentet, quæ istam proportionem non habet, quique adeo iniquus foret, ut me eo nomine culpandum existimet. Denique cum ait me eam scripti partem approbare quam non reprehendo, & quam silentio prætereo, fallitur itidem; Verius quippe est, quod eam tanti non æstimaverim ut crediderim aliquam castigationem meruisse.

EPISTOLA XXVIII.

Litteræ Domini de Fermat ad Rever. P. Merfennum.

Reverende Pater,

Multum tibi debeo ob curam quæ tibi est, explendi curiositatem meam qui me compotem fecisti epistolæ & materiæ præstantia & verborum elegantia commendabilis; est illa signata nomine *Petit*, quod mihi notum non est, attamen grandi me desiderio affecit ad ejus notitiam perveniendi, & gratissimum mihi feceris si quidem ad eam mihi viam paraveris. Et existimavi quidem, neque te neque illum ægrè laturum quod mihi licentiam assumpserim ad calcem litura inducendi verba quædam, quibus asserit, Objectiones suas contra Dioptricam Cartesii, multo validiores & minus ac meas replicationibus subjectas esse. Hoc quidem mihi extra dubium est, quoniam de acuminè ingenii sui magnam concepisti æstimationem; optarem autem, si tibi placet, me extra stadium continere, atque intueri elegantissimas istas disputationes magis ut testis, quam ut numero partium. Magnum cæteris quæ tibi debeo pondus addes, si quidem mihi procures conspectum illius Dissertationis, quam auctor elegantissimæ hujus Epistolæ de *Refractione* pollicetur. Et si quidem sperare ausum communicationem experimenterum ab ipso factorum, forsitan intermiserem quippiam de Geometria, si quidem ea sententiæ meæ consentanea reperirem. Expectabo desideranter hanc gratiam, remittamque per primum quenque tabellarium scriptum, quod hæcenus retinui, ut ejus exemplum deducerem. Expecto itidem à benevolentia tua Responsiones Domini Cartesii ad difficultates quas ipsi in Dioptricam proposui, ejusque animadversiones in Tractatum meum de *Maximis & Minimis & de Tangentibus*. Et quanquam insit acrimonix quippiam ob contrarietatem opinionum nostrarum, non tamen eo avertaris à mihi commonstrandis.

dis. Profiteor enim nihilomagi me turbatum iri, remotum ab omni ambitione, neque adeò Dominum Cartesium me parvipendere posse, qui ipsemet me longè adhuc minoris æstimem; quod non eo sit, acsi urbanitatis lege compelli possem ad veritatem mihi probe perspectam retractandam, sed ut tibi exinde animus meus innotescat. Quærso verò ne ampliùs differas me compotem reddere scriptorum ejus; quibus anteverto polliceri tibi, me non replicaturum. Haud ita pridem coram mihi datum fuit videre & sermones miscere cum D. Espagnet, cum quo à multo temporis spatio amicissimè vivo; siquidem Parisios veniat, quo iturum se sperat, referet tibi se mecum sentire in omnibus Dissertationumculis quas habui, etiam non excepta Dioptrica. Expecto à te nova, &c.

Tholosæ 20. April. 1638.

Siquidem velis cessare conflictum meum minoris momenti cum D. Cartesio, non repugnabo; & si mihi honorem amicitiae suæ conciliabis, ero tibi multum obligatus.

EPISTOLA XXIX.

Litteræ D. Fermatii ad Reverend. Patrem Merfennum, continentes objectiones quasdam contra Dioptricam D. Cartesii.

Reverende Pater,

EXquiris judicium meum de Tractatu Dioptrices D. Cartesii; Enimvero temporis angustia qua me preffit D. Beaugrand qui mihi illum percurrendum commodavit, videtur me ab officio tibi exactè atque articulatum satisfaciendi immunem reddere; præterquam quod in materia in semet ipsa subtilissima & acutissima, sperandum mihi non est, cogitationes informes, neque adhuc benè digestas, tibi magnopere placituras. Cæterum, quando considero investigationem veritatis nullo non tempore laudem mereri, quodque sæpè numero cæcipientes & inter tenebras invenimus quod quærimus, tibi non ingratum fore existimavi, si explicem tibi quendam meum super illa re conceptum, qui cum adhuc obscurus sit & intricatus, cum fortasse alia vice illuminaturus sum, siquidem fundamenta mea fuerint approbata, aut nisi ipse animi mutationem patiar.

Cogni-

Cognitio Refractionum omni tempore sed frustra investigata fuit; Alhazen & Vitellion studio quidem illi incubuerunt, sed progressu sequiore; Recentiores animadverterunt, rem omnem in eo consistere, ut situatur certa quædam proportio, cujus ope una refractione cognita, cæteræ non magno negotio inveniri possint; Adco ut omnia Dioptricæ fundamenta in hoc articulo consistere debeant; nimirum in convenientia & similitudine quam una refractione cognita ad omnes alias habet.

Hoc supposito, necesse erat, ut illi qui Principia Dioptricæ statuere conati sunt, convenientiam illam & similitudinem quærerent.

Maurolicus Abbas Messianensis in Tractatu posthumo *De Lumine & Umbra*, statuit angulos, quos appellat *incidentiæ*, proportionales illis quas *Refractiones* appellat. Siquidem propositio ista vera esset, designaret nobis veram figuram quam oportet habere Corpora Diaphana, quæ tot mirabilia producant. Verum quia Maurolicus id non bene demonstravit, atque eo amplius experientia ipsa refelli videatur, multum D. Cartesius reliquum habuit in quo ingenii vires exercere potuit, nobis nova detegere lumina in istis corporibus, quæ quod sola eorum sint capacia, hæcenus veritatis in obscuro latentis eruendæ occasionem negaverit.

Tractatus ejus de Dioptrica in plures Dissertationes divisus est, quorum me judice primarii sunt duo priores, qui de Lumine & de Refractione agunt, quoniam fundamenta scientiæ continent, quorum mox conclusiones & consequentias perlegantes exinde deductas subijcit.

Sic autem propemodum ratiocinatur. Lumen nihil aliud est quàm inclinatio quam corpora luminosa habent ad se movendum: porro inclinatio ista ad movendum probabiliter sequi debet eandem cum motu ipso leges; Possumus ergo effectus luminis per cognitionem quam de effectibus motûs habemus, dirigere.

Considerat deinceps motum pilæ in Reflexione & Refractione. Et quoniam supervacuum pariter foret atque tædiofum omnem ejus dissertationem huc transcribere, sufficiat mihi indicare tibi quas in ea Annotationes fecerim.

Ac primo quidem, dubito, & ut mihi videtur, jure dubito, utrum inclinatio ad motum sequi debeat leges motûs ipsius, quoniam tanta inter ea differentia est, quanta inter potentiam & actum. Præterquam quod in hoc subjecto videatur quædam peculiaris discrepantia in eo, quod motus pilæ magis aut minus violentus est prout à viribus diversis impellitur, cum tamen lumen subito penetret corpora diaphana, nihilque successivi habere videatur. Vcrum Geometria materias Physicas profundius non rimatur.

Ad

accommodavit; nobisque de eo æque parum constat ac antea. Et hercle non videtur imaginaria divisio, quæ in infinitas formas diversificari potest, effectus cujusdam realis causæ esse posse.

Eodem argumento refutari possent luv Dioptrices fundamenta, quippe iisdem rationibus superstructa.

En tibi meam de hisce novis opinionibus sententiam, quarum consequentiæ quas ex ipsis ducit cum de figura tractat quam habere debent perspicilla, adeo lepidæ sunt, ut desiderarem fundamenta quibus superstructa sunt, validius probata esse. Vereor autem ne rei veritate æque ac probationibus destituantur.

Constitueram exinde explicaretibi meam de hac re sententiam; cæterum, præterquam quod ipsemet mihi nondum satisfacere possum, expectandas duxi omnes quas fecisti experientias, aut ad rogatum meum adhuc faciendas de diversis propositionibus angulorum inclinationis & refractionis; multum me tibi obstrinxeris, si me earum quamprimum reddideris participem, vicissimque me tibi polliceor nova quædam de illa materia communicaturum.

Cæterum quicquid hætenus dixi non impedit quo minus ingenium & inventionem Authoris magnificiam; sed junctis viribus investiganda est veritas illa quæ nos de ista materia adhuc latere videtur.

Duas præterea mihi transmisisti Dissertationes, alteram contra Dominum Beaugrand, alteram contra Dominum Desargues; sed hanc jam ante conspexeram, jucundam sane & acute compositam. Quantum ad primam attinet, culpari sane non poterit, si modo ab ea refecetur verborum quorundam acrimonia; Causa quippe Domini de Beaugrand plane complorata est. Ipsimet per litteras rationes impressi tui indicavi statim atque mihi Librum suum transmiserat.

Expecto favorem cujus mihi spem facis, inspiciendi ope tua reliquos Domini Cartesii, nec non Galilæi *De Motu* librum. Ego permanebo

Tui observantissimus

FERMAT.

EPISTOLA XXX.

Ad Reverendum Patrem Merſennum.

Reverende Pater,

Gavisus sum videre litteras Domini Fermat, tibiſque pro iis gratias ago quam maximas; verum defectus quem in demonstratione mea agnoſcit, imaginarius eſt, argumentoſque eſt cum non niſi oblique inſpexiſſe Tractatum meum; Reſpondeo ad ejus objectiones ſeparatim in ſchedula, quam ipſi ſi tibi videbitur, reddes, ſiquidem hominis cauſa cupias ipſum liberare ab onere quod ſuſcipit in hanc materiam calidius inquirendi. Demonſtratio iſta prætenſa Geſtaticæ admodum lubrica ſit oportet, cum & ipſe Fermatius, ſumma Authori amicitia junctus, eam improbet; ego autem qui eam non vidi, exiſtimaveram eam male refutatam eſſe, eo ſolo quod mihi perſuadere nequiveram, eam adeo exigui momenti eſſe quam fuit id quod refutatum videbam. Peto abs te, ut mihi tranſmittere perſeveres quicquid aut in me ſcriptum aut dictum erit, atque eo amplius rogare in me ſcripturientes, ut ad me mittant objectiones ſuas, pollicendo meo nomine non tardam Reſponſionem; uti revera non deero, nec ceſſabo eas typis committere, quamprimum numerus juſto volumini materiam ſuppeditabit. Accepi haud ita pridem quaſdam D. Fromondi Lovaniensis, cui librum quendam tranſmiſeram, eo quod de Meteoris ſcripſerit; poſtridie, quam eas receperam, ipſi reſpondi. Et ſane multum mihi gratulor, quod etiam validiſſimæ objectiones quas extranei in me torquent, non exæquant vim earum quas ipſemet mihi finxeram, antequam res à me ſcriptas ratas haberem. Vale.

R P.

Tuo nomini devotus

DESCARTES.

EPISTOLA XXXI.

Ad Reverendum Patrem Merſennum.

Reſponſio ad Objectiones D. Fermatii.


Reverende Pater,

Significavi mihi quendam tuorum amicorum inſpectâ Dioptrica inven-
niſſe quod culparet. Et primum quidem dubitare ipſum, *Utrum in-*

M 2

clina-


tem divisionem realem, non imaginariam) frustra cum colligere divisionem istius determinationis per superficiem CBE facta, quæ superficies realis est, illam nimirum corporis lævigati CBE non esse nisi imaginariam. Et manifesto Paralōgismo labitur in eo quod supponens lineam AF non nisi cum superficie




CBE parallelam esse, intenderit posse eo non obstante concipi, lineam istam designare latus cui superficies illa omnino non est opposita; non inspecto, quod non nisi sola perpendiculara, non in hac AF transversum ducta in sua imaginatione, sed in CBE, indicent quo sensu superficies ista CBE opposita sit pilæ motui; & quidem solæ illæ, quæ lineæ C parallele sunt, denotant sensum illum cui ipsa nullatenus opposita est. Cæterum ut evidentius constet quid inter

ambas nostras ratiocinationes interlit, eas alii subiecto applicabo: Et proinde ita argumentor.

Primo, triangulus ABC potest dividi in omnes partes ex quibus ipsum constare concipi potest. Potest autem, secundo, concipi, ipsum compositum esse ex quatuor triangulis æqualibus ADE, FED, EFB, DCF. Tercio & consequenter intellectu facile est tres lineas DE, EF & FD denotare locum in quo quatuor isti trianguli invicem junguntur ad illum componendum. Itaque si ducantur tres illæ lineæ, verè & realiter per illos in quatuor triangulos



æquales divisus erit.



En autem modum ipsius ratiocinandi, sive potius modum quo me argumentatum esse existimat. Triangulus ABC potest dividi in omnes partes ex quibus eum constare concipi potest; Concipi autem potest eum compositum esse ex quatuor triangulis inæqualibus AHG, IGH, HCI, IBG. Si itaque ducantur tres lineæ DE, EF & FD, dividant illæ triangulum istum in quatuor alios qui erunt inæquales. Persuasissimum autem habeo, quod quicumque rationi quippiam tribuere velit, non sit existimaturus duo hæc argumenta esse paria. Qualescunque verò sint Objectiones quæ contra scripta mea parantur, facies mihi gratissimum, si mihi eas transmiseris, neque enim cessabo ad illas


respondere; si modo ipsæ aut earum Authores tanti sint, ut responsio-
nem mereantur, & siquidem illas typis dignas existimaverim, cum justus
numerus implendo volumini mihi suppeditatus fuerit: secus enim nun-
quam mihi peractum foret, si unicuique sigillatim satisfacere intende-
rem. Vale.

EPISTOLA XXXII.

Litteræ Fermatii ad P. Merfennum, de Dioptrica D. Car-
tesii, continentes Replicationem ad ejus
Responsiones.

Reverende Pater,

- Art. 1. **P**erspexi ex Litteris Domini Cartesii quas mihi transmittere digna-
tus es, succinctas Responsiones datas ad Objectiones quas contra
Dioptricam ejus formaveram, ad quas citius replicâsem nisi negotiis
urgentibus fuisset distractus, cujus rei testem appello Dominum de
Carcavi. Protestor autem in limine, nulla me vel invidia vel æmulatione
ductum, sed saltem veritatis eruendæ causa Disputatiunculæ huic in-
sistere; id quod persuasum habeo Dominum Cartesium non in malam
partem accepturum; eò magis quod merita ipsius haud vulgaria agno-
scam, id quod tibi hic ultro profiteor. Addo, priusquam ulterius pro-
grediar, nolle me scriptum meum latius extendi quam quatenus familiare
Colloquium patitur; quod fidei tuæ committo.
2. **P**aucis verbis exigo Disputationem nostram circa Reflexionem, quam
quidem extendere potuissim, probando, authorem *Medium* suum suæ
Conclusioni accommodâsse, de cujus veritate jam antea certus erat. Si-
quidem enim illi negarem, Divisionem suam Determinationum ad mo-
tum esse eam quæ ponenda erat, cum earum infinitum habeamus nume-
rum, constringerem ipsum ad probationem propositionis, quæ ipsi mul-
tum negotii facceret; Verum cum nullatenus dubitemus, reflexiones
fieri per angulos æquales, superfluum esset de probatione disputare, cum
veritatem agnoscamus; & præstare existimo ut veniam ad Refractionem
tanquam Dioptricæ scopum.
3. **A**gnosco cum Domino Cartesio, vim aut potentiam moventem dis-
ferre à determinatione, & proinde determinationem posse mutari, non
mutata vi, & ex adverso. Exemplum prioris casus videre est in figura
pagi-




paginæ 15. Dioptrices, in qua pila à puncto A ad punctum B pulsa, deflectit ad punctum F; in tantum ut Determinatio ad se movendum in linea A B mutetur, non diminuat aut mutata vi motus sui. Possumus autem accommodare figuram paginæ 17. ad alterum casum. Siquidem enim concipiamus pilam pulsam è puncto H ad punctum B, cum perpendiculariter superincadat linteum CBE, evidentissimum est ipsam illud penetraturam in linea BG, atque ita vis ejus movens debilitabitur, ipsiusque motus retardabitur, etiam non mutata determinatione, cum motum suum in eadem linea HBG continuet.

Venio jam ad Demonstrationem Refractionis in eadem figura pag. 17.

Consideremus, ait author, quod duarum partium ex quibus determinationem istam constare concipi potest, illa saltem quæ pilam deorsum tendere facit, quadantenus objectu linteï mutari possit; & quantum ad illam quæ dictam pilam ad dextram inclinât, illa semper eadem remanere debet quæ fuit, ideo quod linteum istud illi nullomodo hoc sensu oppositum sit.


Animadverto à Principio, authorem immemorem esse differentię quam inter determinationem & vim moventem, vel celeritatem motus posuerat. Verum quippe est linteum CBE debilitare motum pilæ, non autem impedit quominus determinationem suam deorsum continuet, & quamvis hoc lentius fiat quam antea, dici tamen nequit, ex eo quod motus pilæ debilitatus sit, suam determinationem quæ ipsam deorsum mittit, mutatam esse; E contrario autem, determinatio ejus ad se movendum in linea B I æquæ, è mente authoris, composita est ex illa quæ ipsam deorsum mittit, & illa quæ ipsam à sinistra ad dextram declinare facit, ac prima determinatio ad se movendum in linea A B.

Demus autem Determinationem versus BG aut deorsum, ut ait author, mutatam esse; possumus exinde concludere Determinationem versus BE aut de sinistra ad dextram simul mutatam esse: Nam si determinatio



natio versus B G mutata est, hoc ideo factum est, quod in comparatione primi motus, pila quæ jam declinat & versus B I tendit, proportionem minus quam antea progreditur versus B G, quam versus B E: Sed & dicere possumus eam magis proportionaliter versus B E, quam versus B G progredi quam antea progressa erat. Et si primum nobis significat determinationem versus B G mutatam esse, alterum nos docet determinationem versus B E simul mutatam esse, eo quod mutatio ista æque causam habeat augmentationem quam diminutionem.

7. Ponamus insuper determinationem deorsum mutatam esse, non autem illam de sinistra ad dextram, & examinemus conclusionem Authoris, cujus hæc sunt verba: *Quandoquidem pila nihil plane perdit de determinatione quam habebat se movendi ad dextram, duplo temporis quod impendit ad transiendum à linea A C usque ad H B, consequens est, eam duplum via eodem debere conficere.*
8. En autem, ut in primum errorem relabatur, non distinguendo determinationem à vi motus. Id quo facilius intelligere possis, applicemus argumentum illius alii exemplo: Supponamus in eadem Figura, pilam à puncto H ad punctum B propulsam esse, certum est eam motum suum in linea B G continuaturam, & determinationem ejus non mutatum iri; sed & motus ipsius lentior est in linea B G quam fuerat antea. Et nihilominus si argumentum authoris validum esset, possemus dicere, quoniam pila nihil omnino perdit de determinatione quam habebat progrediendi versus H B G (una quippe eademque est) consequitur eodem tempore eam tantundem viæ emetiri. Vides Conclusionem hanc absurdam esse, & ut argumentatio efficax reddatur, necesse esset pilam nihil de sua determinatione aut vi amittere; unde animadvertere hic licet manifestum Parallogismum.
9. Cæterum ad Propositionem ipsius ex asse destruendam, examinanda sunt duo genera motuum compositorum, qui super duabus lineis rectis fiunt. Consideremus, ex. gr. duas lineas D A, & A O, quæ complectuntur angulum D A O cujuscunque magnitudinis, & imaginemur grave quippiam in puncto A, quod descendat in linea A C D eo ipso momento, quo linea hæc se protendit versus A N, eo pacto ut faciat semper eundem angulum




angulum cum AO , & ut punctum A ejusdem lineæ ACD semper sit in linea AN ; Si duo motus lineæ ACD versus AO & prædicti gravis in linea ACD sunt conformes, uti eos supponere possumus, certum est motum hunc compositum semper conducturum grave in linea recta, uti AB ; in qua si ponas punctum veluti B , è quo duceres lineas BN & BC parallelas lineis DA & AO ; cum grave in puncto B fuerit, in tempore æquali (siquidem solus motus super ACD adfuisset) fuisset illud in puncto C , & si alter tantummodo motus adfuisset, fuisset illud in puncto N : Et proportio vis illius quæ illud supra AD pellit, ad vim illam quæ illud ad AO ducit, habebit se ut AC ad AN aut ut BN ad BC . Illud genus est motuum compositorum quo utuntur Archimedes alique veterum in compositione suarum Helicum; quarum primaria proprietas est, quod duæ vires moventes se mutuo non impendant, sed semper eandem remaneant. Verum quia motus ille compositus non ita frequenter in usum cadit, oportet ut alio modo consideretur, & ut specialis de eo meditatio fiat.

Supponamus in eadem figura grave in puncto A , quod eodem temporis momento pulsus est per vim duplicem, quarum una ipsum versus AO , altera versus AD pellit, ita ut linea directionis primi motus sit AO & secundi AD . Si nihil adesset præter primam vim solam, grave illud semper super AO esset, super AD autem, si sola secunda adesset. Verum cum duæ illæ vires sibi mutuo resistant, seseque impendant, supponamus (& quidem in memoriam revocandum est, nos etiam omnes hos motus uniformes supponere, alias motus compositus non fieret super lineis rectis) in minuta horæ ex. gr. secundam vim facere ut grave se elonget à sua directione AO , juxta longitudinem NB , quæ cum AD parallela describenda est: Grave enim quod per vim secundam super AD abripitur, à prima impeditum, semper tendet & progreditur ab A versus D per parallelas lineæ AD . Supponamus etiam, quod in eodem horæ momento prima vis facit, ut grave à sua directione AD se elonget, juxta longitudinem CB , parallelam, ex præcedenti ratione, lineæ AO . Certum est in minuta horæ grave in puncto B exiturum, ubi est concursus duarum linearum BN & BC . Fiet ergo motus compositus
N
super

10.

super linea A B & possumus asserere grave istud percursum lineam A B
in minuta horz.

11. Supponamus jam angulum $D A' O$ mutatum & ex. gr. majorem esse. In sequenti figura, iisdem ut in antecedentibus positis, ajo in minuta horæ grave à sua directione $A O$ declinaturum, juxta lineam $B N$, æqualem illi quæ eodem nomine vocabimus in figura præcedenti; Cum enim vires sint eædem, secunda diminuet æqualiter determinationem primæ,



12. Sumo jam mihi punctum pro lubitu in linea AB , veluti F , ex quo duco lineas FE , FG , parallelas lineis AO & AD . FE se habet ad CB , uti FA se habet ad AB , hoc est, uti FG ad BN , juxta constructionem figuræ; itaque FE se habet ad FG , uti CB ad BN . In præcedente autem figura lineæ BN & BC æquales sunt, singulæ singulis, lineis BN & BC hujus secundæ figuræ (& quidem eadem ratione punctum eligere possumus pro lubitu in linea AB primæ figuræ, ad deducendam exinde conclusionem præcedenti consimilem): quaecunque itaque punctum sumperis in linea AB , sive primæ sive secundæ figuræ, parallelæ se habebunt uti BC se habet ad BN , id est, semper in eadem proportionem. Jam verò è puncto F ducamus perpendiculares FH , FI , super lineis AO & AD .

& AD, ad parallelogramma GA, EF, anguli AGF, AEF æquales invicem erunt utpote oppositi; Ergo trianguli GFH & EFI sunt æqui-anguli; Et per consequens uti se habet EF ad FG, ita se habet FI ad FH: Habet se autem FI ad FH uti sinus anguli DAF se habet ad sinum anguli OAF; Et per consequens, etiamsi in præcedenti figura eandem facias constructionem, concludes ad evitandas ambages, sinum anguli DAB se habere ad sinum anguli OAB in prima figura, uti sinus anguli DAF se habet ad sinum anguli OAF in secunda figura.



Hoc ita supposito & demonstrato consideremus figuram paginæ 20. Dioptrices, in qua Author supponit, pilam, quæ primo propulsa est ab A versus B, in puncto B exiitens denuo per reticulum CBE propelli, & quidem ad mentem authoris sine du-
bio versus BG: adeo ut ex his duobus motibus, quorum alter ad BD alter ad BG pel-
lit, componatur tertius, qui pilam in lineam BI deducit.

Concipiamus insuper, vim secundam æqualem illi, in quâ vis pilæ eadem est cum vi reticuli, angulumque DBG saltem majorem esse in hac secunda figura; Certum est per demonstrationes à nobis modo factas, talem fore proportionem sinus anguli GBI ad sinum anguli IBD in figura authoris, qualis est sinus anguli GBI ad sinum anguli IBD in secunda figura, quam nobis hic additam concipimus, saltemque brevitatis ergo omisimus: Quodsi Propositiones authoris veræ essent, talis futura esset proportio sinus anguli GBD ad sinum anguli GBI, in figura authoris, qualis sinus anguli GBD ad sinum anguli GBI in hac secunda figurâ quam in mente concepimus. Quoniam verò proportio ista ab altera differt, consequitur hancce subsistere non posse.

Cæterum primaria ratio demonstrationis Authoris fundata est in eo, quod credit motum compositum supra BI semper esse pariter velocem, etiamsi mutetur angulus GBD, comprehensus sub lineis directionis duarum vitrium moventium, quod falsum est, ut jamnum demonstravimus.

Asserere quidem nolim, in applicatione quam facit figuræ pag. 20. ad Refractionem, meam non ejus teneri debere proportionem; Certus quippe non sum, utrum motus ille compositus pro regula infractionis haberi debeat; de qua quid sentiam alia vice commodius expediám.

17. Expectabo Responſionem ad hanc Epiſtolam, cò quod mihi ejus ſpem facis, eroque ſemper tuus, Rever. Pater &c.

Excufatio eadem quam in fronte Epiſtolæ meæ vidifti, me denuo culpa liberat quod propria manu non ſcripferim.

EPISTOLA XXXIII.

Ad Reverendum Patrem Merſennum.

Reverende Pater,

AD trinas tuas litteras mihi reſpondendi onus incumbit, ad datas nimirum octavo Januarii, octavo & duodecimo Februarii, quarum ultimas hodie demum accepi; neque octiduum ceſſit, ex quo primas acceperam; Reſpondebo ordine ad omnia, quæ reſponſionem exigunt, poſtquam officioſè tibi gratias egerim pro ea fide, qua me multarum rerum certiorum facis, quas reſcire è re mea eſt, & tibi ultro declaraverim, tantum abeſſe, ut calumniis, quæ de me ſparguntur, excandeſcam, ut etiam ultro gaudeam, exiſtimando eas quò magis enormes & extravagantes ſunt (quippe tanto minus me feriunt) cò magis mihi honorificas fore, atque ob id cò gratiores; Et perſuaſum habeo, malevolos non tanta ſolicitudine in me debacchaturus, niſi ſimul eſſent, qui de me honorificè loquerentur ſentirentque; præterquam quod veritas interdum contradictione opus habeat, quo magis eluceſcat. Verum cachinno excipiendi ſunt illi qui ratione & fundamentis deſtitui loquuntur. Et nominatim quoad S. N. miror quod ipſum alloquio digneris poſtquam tibi tantopere impoſuit. Vellem equidem hiftoriam illam ex vero intelligere; diverſis quippe vicibus eam mihi indicalt, at diverſimodè, aded ut ignorem quidnam pro certo mihi de ea dicendum ſit aut ſcribendum, ſiquidem caſus ſerat ipſi pro merito gratias agendi. Quantum ad ejus ſimiliſque farinæ hominum ſermones, rogatum te volo ut illos aſperneris, notumque illis facias, & me illos contentui habere. Diſertis inſuper te verbis rogaverim, ne quippiam ab illo aliſve ſcripti accipias mihi tranſmittendum, ſi à quibus accipis ad calcem propria manu non conſentiant ut illa Typis mandem una cum mea Reſponſione; quod ſi facere recuſent, denuncia- bis illis, fore poteſtatis ipſorum mittere ſcripta ſua ad Librarium meum, uti dixi in Diſſertatione Methodi meæ pag. 75. verum ex quo ultimam Epiſtolam D. Fermatii inſpexi, ubi ait, nolle ſe eam imprimi, rogavi te nomi-

nominatim, ne mihi in posterum ejusmodi mittres. Quod si verò Rev. PP. Jesuæ, aut Orstori, aliive notæ honestatis viri, affectibus non alligati, mihi quippiam proposituri sint, tali præcautione opus non erit; deferam quippe omnino eorum voluntati, non autem malivorum, qui nihil minus quam veritatem querunt. Quantum ad illum quem me culpæ pare dicis quod Galilæum non nominaverim; apparet eum querere quod reprehendat, nec tamen ejus invenire causam. Neque enim ipse Galilæus sibi Perspicillorum inventionem attribuit, mihi autem non nisi de eorum inventore dicendum fuit. Neque etiam nominandi mihi fuerunt qui ante me de Optica scripserunt; neque enim scribere historiam animus erat, satisque habui in genere asseruisse, etiamnum fuisse qui plurima invenerint, ne possem argui me aliorum inventionem mihi attribuere voluisse; in quo plus mihi met ipsi injuriæ feci, quam illis quorum nomina omisi. Cogitari quippe potest eos multo plura fecisse, quam fortasse eos fecisse deprehenderetur, si dixissem quinam illi essent. Hæc ad primam tuam Epistolam.

Venio ad alteram, in qua mihi indicas distulisse te mittere Respon-
sionem meam de *Maximis & Minimis* ad D. Fermat, quod duo quidam amicorum ejus tibi dixerint, me errasse. In eo miror benevolentiam tuam, & ignoscas quæso si dicam credulitatem, quod tam facili negotio persuaderi tibi passus sis ab amicis antagonistæ mei, qui tibi non nisi ad lucrandum tempus, ista dixerunt, & ut impedirent, quò minus illam aliis exhiberes, ut interea temporis plenissime vacaret amico eorum ad mihi respondendum. Neque enim dubitare licet, quin ipsi argumentum transmiserint, & si quidem eam eorum potestati reliquisti, rogatum te velim, ut inspicias, utrum non induxerint, hæc verba E, usque ad, & eorum loco reposuerint B, *sumptum in*: ita enim me allegant in eorum scripto, ut corrumpant sensum ejus quod dixi, & quippiam obijciendum inveniant. Verum si quippiam mutassent in meo (cujus eos criminis arguere nolo) essent fallarii, atque ignominia & risu excipiendis. Mitto Responzionem meam D. Mydorgio, inclusi eam eum litteris ad ipsum, eum in finem, ut si quidem exultimes ægrè laturos, quod eam illi prius quam ipsis communicaveris, possis te ea ratione excusare. Peto, ut reddendo fasciculum D. Mydorgio, unà ipsi communices 1. Epistolam primam, quam ad te scripsit D. Fermatius contra meam Dioptricam. 2. Apographum scripti ejus de *Maximis & Minimis*. 3. Responzionem meam ad illud scriptum. 4. Apographum Replicationis D. de Roberval. 5. Et Replicationis D. Fermatii contra meam Dioptri-

cam; Quinque enim istis opus habet ad bene examinandum causam meam; & ego insigni afficerer injuria si eorum objectiones cum Responsionibus meis nemini communicarentur præterquam amicis D. Fermatii, qui eo pacto simul judices & partes constituerentur. De reliquo, obtestor, ut de omnibus Apographa conserves, eaque exhibeas omnibus illis qui ea inspiciendi curiositate ducti fuerint; ut inter alios valde optarem, ea à D. Desargues inspicere, siquidem id operæ assumere velit; verùm una charta non nisi juncta alteri exhiberi debet, cumque in finem vellem ut omnia iusto ordine in eadem charta conscripta essent. Caveas etiam ne Autographa tradas amicis Fermatii, non deducto Apographo, ne forte tibi non reddant; Ipsique si placet, mittes Responsiones meas, quamprimum Apographum earum confeceris. Utut Consiliarii & Præsides & magni Geometrarum sint viri isti, objectiones & defensiones eorum sustineri nequeunt, & menda eorum æquæ sunt evidentia ac duo & duo quatuor conficere constat. Apographum scripti *De locis planis & solidis*, quod tibi remitto, fasciculum magnopere augebit; sed eorum est, qui illud repetunt solvere portorium. In posterum rogo, ut exemplum retineas omnium eorum quæ mihi misurus es, aut quæ à me petiturus; sed & obsecro ne mihi in posterum ejusmodi scripta mittas, neque volupe est mihi iis legendis tempus terere; & necdum mihi vacavit hoc ipsum oculis perlustrare. Quantum ad rationes meas de existentia Dei: Spero illas tandem æquæ aut plus æstimatum iri quàm ulla alia pars Libri. Pater Vatierius videtur eas magnificare, testaturque mihi in suis postremis litteris, omnem approbationem quam à quocunque desiderare possem; unde id quod tibi de eo relatum est, vix videtur verosimile. Miror denuo, quod mihi significes, verti honorem meum in Responsione ad D. Fermatium, in qua michercule nihil est, quod mutatum vellem, si modo verba illa aut alia quæ tibi indicavi non sunt depravata, quod ex litteris cognosci posset; neque enim ullam quantum memini ipsemet feci. Miror etiam te annotaturum quicquid in Libro meo experimentis non respondere deprehenderis: Ausum quippe te securum reddere, nihil mihi experimentis contrarium reperiri, cum ipsemet ea experimenta fecerim, & nominatim illam, quam notas de aqua calida, quæ citius frigida congelatur; ubi nihil dixi de calida aut frigida; sed hoc dixi, quod aqua quæ diutius supra ignem fuit, citius congeletur quàm alia; Nam ut probè capiatur illud experimentum, oportet ut aqua prius cocta refrigeret, donec eundem gradum frigiditatis assumpserit quem habet aqua fontana, examinando ipsam per vitrum

tem-

temperamenti; tum aqua ex isto fonte haurienda, & utraque eadem quantitate paribusque vasis immittenda. Pauci autem sunt experimentis faciendis idonei, & sæpius cum perperam proceditur, contrarium ejus quod querendum erat, invenitur. Respondi tibi jam antea quoad Coronas candelæ, & existimo te jam dum accepisse meas litteras.

Venio ad ultimam tuam, quæ mihi hodie denum reddita fuit, jamque media nox est; ex quo enim eam recepi, litteras exaravi ad Dominos Mydorgium & Hardy, & Responfionem ad posteriorem Fermatii. Miror credulitatem tuam, quod tibi per amicos ejus passus sis imponere, veniam dabis te ob id culpanti; certus quippe sum nos ipsis pro fabula fore. Valde expecto judicium D. Bachet de mea Geometria. Doleo Galilæum usum oculorum amisisse, quanquam enim eum non nominatum exprimam, persuasum habeo ipsum Dioptricam meam non habiturum fuisse contentui. Non memini unquam vidisse D. Petit, cuius mentionem facis; quisquis verò sit, patiaris ipsum agere, neque deterreas ipsum à scribendo contra; scire saltem aucto quod mihi indicas ipsum scripto suo inseruisse, quod nolueris oculis meis subijci; neque enim adeo malum esse potest, ut illud æquo animo audire nequeam; rogo itaque, ut libere mihi quicquid id est significes. Analytici vestri nihil intelligunt in mea Geometria, & susque deque habeo quicquid oggerant: Addidi Construtiones & Demonstrationem omnium rerum quæ in eâ difficillimè occurrunt, leviores autem prætermisi, ne ansam mordendi ejusmodi hominibus præberem. Reperiuntur his in locis qui eam perfectè intelligant, è quorum numero duo sunt qui Mathesin militiæ adictos docent. E Professoribus autem Scholasticis nemo est qui eam intelligat, neque Golius, & multò minus Hortensius, qui sufficientibus ad eam præceptis non est imbutus. Non opus est ut ulla quæstiones à Geometris vestris mihi transmittendas petas; quodsi objectiones quasdam tibi offerant, poteris eas conditione supradictâ accipere: de reliquo, libere ipsis indicabis, me quamprimum inspexerim eorum scripta, judicio meo ipsis distributurum quicquid meruerint. Rogatum te velim, ut sigillatim mihi significes, quænam sit conditio, & quænam qualitates Domini Desargues, video enim illum in multis sibi me jam devinxisse, & suppeditabitur mihi forte occasio ad illum scribendi. Nullatenus autem desidero ut jussu Eminentiissimi D. Cardinalis adinveniendis Perspicillis opera detur, ob rationes quas tibi jam antea communicavi. Scias me Refractiones Geometricè demonstrasse, & à priori in mea Dioptrica, mirorque te de eo etiã unum dubitare. Sed versaris inter homines qui quantum pos-

sunt

sunt in mei præjudicium declamant. Non ignoro eos, qui iniquo erga me sunt animo te in eum finem invisere, & ut novi quippiam de me percunctentur. Adedòque mirandum mihi potius est, quod non obstantibus tantis eorum machinationibus, non debilitato amore me prosequaris, & in partibus meis perseveres; quâpropter tibi summopere me devinctum profiteor. Certus sum, vestros Geometras, qui in Academia sua examinant quicquid novi in publicum emittitur, meâ Geometriæ examinandæ parùm insudaturos, quod illam non capiant; culpa tamen ista penes ipsos potius erit quàm in Scripto meo; In hisce quippe regionibus sunt qui eam intelligunt, & qui ipsam æquè perspicuam, pars etiam Dioptrica & Meteoris evidentiorum existimant. Quantum ad Refractiones, pro comperto habeas eas nullo pacto sequi proportionem gravitatis liquorum: Oleum quippe Terebinthinæ, quod aqua levius est, eam multo majorem habet, & spiritus sive oleum salis, quod gravius est, eam quoque paulo majorem habet. Gratias tibi habeo pro eo quod mihi de D. Riveto indicas, diu est ex quo animum ejus perspectum habui, omniumque hujus regionis Theologorum, quorum nemo mihi favet; tacent tamen & muti sunt ad instar piscium: Gratias itidem habeo pro scripto cui titulus *Intus & Foris*: quo plura enim mihi scribendo indicas, eo majorem apud me gratiam inis; & ego me semper profitebor

R. P.

Tui devotum cultorem

DESCARTES.

EPISTOLA XXXIV.

Ad Dominum Midorgium.


Responsio ad Replicationem D. Fermatii concernens Dioptricam.

Vir Clarissime,

INtellexi è Rev. P. Merfенno, te interjecto quodam tempore partes meas eo præsentè sustinuisse; & benevolentia quam omni tempore erga me testatus es, certum me reddit te idem facere quavis occasione data; quæ quidem dubio procul frequenter occurrit; audio quippe me frequens confabulationum subjectum esse. Nolo hic prolixus esse tibi gratias agendo, neque enim satis verborum habeo ad exprimendas quas
tibi

tibi debeo. Imitabor autem eos qui pecuniam mutuo accipiunt; liberius semper compellant eum cui jam debent quam alios; itaque cum tibi jam multis nominibus sim obligatus, conabor me tibi arctius obstringere rogando ut placeat tibi inspicere acta litis Mather & quæ mihi cum D. Fermatio intercedit, atque de eo iudicium ferre, non quidem ex favoris sed veritatis & iustitiæ præscripto; Sed & insuper rogatum te velim, ut quod de ea laturus es iudicium omnibus, quibus illa innotuit, patefacias, id quod magni favoris & benevolentiae argumentum æstimabo. Prima actorum pars quam inspicias rogo, est Epistola quædam D. Fermatii ad P. Merfennum in qua refutat Dioptricam meam. Altera est Responsio mea ad istam Epistolam, cujus tibi apographum mitto. Tertia est scriptum quoddam Latinum D. Fermatii *De Maximis & Minimis*, quod mihi transmitti curavit, ad denotandum, me ejus materiæ in Geometria mea oblitum esse, seque habere modum inveniendi Tangentes linearum curvarum, meliorem illo quem in lucem emisi. Quarta est Responsio mea ad Scriptum illud. Quinta est scriptum quodpiam quorundam D. Fermatii amicorum, qui ejus loco replicant ad meam Responsionem. Sexta est Responsio mea ad amicos ejus, quam in hoc fasciculo tibi mitto; & velim te rogatum, ut apographum ejus retineas, antequam autographum iis per Rever. P. Merfennum tradatur. Septima est Replicatio D. Fermatii ad primam meam Responsionem quoad Dioptricam. R. P. Merfennus compotem se faciet omnium earum partium, quas tibi non mitto, aut si quidem quæpiam ipsarum illi desit, mittam etiam tibi, quamprimum id rescivero, ut causa mea plenissime instruat. De reliquo, ut commodius notare possis errores postremæ D. Fermatii Epistolæ, ad quam respondere nolui, ea, quam tibi indicavi, ductus ratione, eorum primarios hic subijciam. Primò, ubi ait me accommodasse *Medium* meum ad meam Conclusionem, & quod difficulter admodum probaturus sim, divisionem determinationum, qua utor, eam esse quæ amplectenda sit, unde è vestigio transit ad alias materias; testatum facit, nihil ipsi suppetiisse quod ad primam meam Epistolam responderet, in qua evidenter probavi quod quærit, demonstrando non considerandam esse lineam transversum ductam in sua imaginatione, sed parallelam & perpendicularem superficiæ ubi fit reflexio ad divisionem harum determinationum.

In articulo qui incipit *animadverto à Principio* vult me supposuisse talem differentiam inter Determinationem ad se ultro citroque movendum, & velocitatem, ut ex una esse non possint, neque diminui per ean-




dem causam, scilicet per linteum CBE; quod sententiz mez pariter & veritati ad- versatur; cum etiam determinatio hæc non possit esse absque aliqua velocitate: quantumvis eadem velocitas diversas Deter- minationes habere, & una eademque Determinatio diversis velocitatibus jungi possit.

Sequens articulus Sophisma, aut quod in materia demonstrationis idem est, Para- logismum continet, in his verbis: *Progre-*

ssione minus quam antea progreditur versus BG, quam versus BE; sed & dicere possumus eam proportionaliter magis versus BE, quam versus BG progredi, quam antea progressa erat. Utitur vocabulo proportionis, quod nequaquam in meo scripto est, ut causam haberet errandi; Et ex eo quod, siquidem minus versus BG quam versus BE progreditur propor- tionaliter (hoc est, conferendo saltem invicem BG & BE), etiam pro- portione magis progrediatur versus BE quam versus BG, concludit, verum esse absolute loquendo; *eam plus progredi versus BE quam antea progressa erat.*

Paulo post ubi ait, *En us in primum errorem relabitur*, ipsemet in pro- rem recidit errorem, statuendo distinctionem quæ est inter determinatio- nem & velocitatem aut vim motus, impedire quo minus una & altera possit per eandem causam mutari. Et Paralogismum committit in his verbis; quoniam pila nihil perdit de sua determinatione ad celeritatem; quod nullatenus à me mutatus est, cum nihil ejusmodi uspiam dixerim; eoque major est ejus error, quod me Paralogismi accuset.

Quicquid postea sequitur, dicitur saltem ad præparandum Lectorem ad recipiendum alium quendam Paralogismum, qui in eo consistit, quod de compositione motus duplici & diverso sensu loquatur, deque altero inferat, quod de altero probavia. Nimirum primo sensu sola determinatio motus hujus proprie composita est, velocitas autem ejus composita non est, nisi quatenus hanc determinationem comitatur, uti videre est in secunda figura, ubi ducendo AB æqualem NA atque etiam BN, motus ille compositus, qui ab A versus B procedit, neque magis minusque velox est quam quilibet duorum simplicium, quorum alter ab A versus N, alter ab A versus C eodem momento progreditur; atque ita dici nequit velocitatem ejus compositam esse, sed saltem ejus determinationem, pro- gre-



grediendi ab A versus B, compositam esse ex duabus, quarum una ab A versus N, altera ab A versus C progrediatur: quo non obstante velocitas motus ab A versus B potest esse vel idem, vel major aut minor prout angulus C A N est vel 120 graduum, aut magis acutus vel obtusus; Non ideo quod composita sit ex velocitate duorum aliorum motuum; sed in quantum debet comitari determinationem compositam, & se illi accommodare. In secundo autem ejus sensu, qui meus est, in figura paginæ 20. *Vid. fig. sola motus celeritas composita est, pag. 99.* nimirum componitur ex ea quam habebat pila veniens ab A versus B (nam etiamnum ab B versus D dur-

rat) & de ea quam reticulum à quo ad punctum B propellitur, ipsi addit. Aded, ut hic sola velocitas sequatur leges compositionis, non ipsa determinatio, quam diversimodè mutari oportet, prout requiritur in eum finem ut velocitati accommodetur. Et robur quidem demonstrationis meæ in eo consistit, quod inferam qualis determinatio esse debeat, cum alia inveniri nequeat quam qualem explico, ut referatur ad velocitatem, aut, ut rectius dicam, vim à qua incipit in B. Paralogismus autem ejus in eo consistit quod concludit de compositione velocitatis; postquam nihil probavit quam de compositione determinationis, vocans utramque Compositionem motus.

Continuat autem Paralogismus illum usque ad finem, ubi concludit motum compositum supra BI (hoc est, cujus velocitas est composita) non semper què velocem esse, si angulus GBD, comprehensus sub lineis directionis duarum virium (hoc est, sub lineis quæ notant quonam modo determinatio ex istis duabus viribus componatur) mutatus sit; Deducens ex eo quod antea probaverat quoad motum ex quo determinatio composita est, non autem velocitas, hanc Conclusionem, quod velocitas mutetur mutato angulo. Tu verò melius observabis ejus errata atque ego, & siquid difficultatis in omnibus istis superfuerit, quod non satis explicaverim, gratissimum mihi facies, si ejus me certiore reddas.

In Responsione mei ad scriptum ejus *De Maximis & Minimis*, nolui disertè exprimere, in quo consistat error sui axiomatici, aut sui exempli ad inveniendam tangentem Parabolæ, tam ad tentandum, utrum ipse eum sit correcturus, quam quia existimavi nolle eum à me erudiri. Perspicies autem errore axiomatici sui præcipue in his verbis consistere: *Intermediis sub A & E gradibus ut libet coefficientibus*; quod probari nequit, ut patebit per exemplum quod proposui de Parabolâ: Sed loco ut libet, dicendum esset, *vis à prioribus diversis, aut per diversum medium*, aut ejusmodi, & tunc censuram effugeret, inserviretque in eodem exemplo quod ad illud refutandum proposui. Sed & alia quædam ibi mutanda reperi quamvis non sint tanti momenti; hæc enim axiomatici pars maxime necessaria est: adeò ut eam ponendo parum se Analysin nosse, aut saltem nihil in eâ solidi & firmi nosse ostendat. Quantum ad errorem ejus in Exemplo in quo quærit tangentem Parabolæ, est ille sane prægravis; Neque enim quicquid inibi ponit quod determinet Parabolam magis quam aliam qualemcunque lineam, nisi quod *Major sit proportio c d ad d i quam quadrati b c ad quadratum o i*; quod æque aut magis verum est in Ellypsi quam in Parabola & c. Rogatum te velim, ut acta causæ meæ Domino Hardy communicentur. Neque verò cupio eorum conspectum denegari ullis qui ea videre desiderabunt. Sed quando duo D. Fermatii familiares in se susceperunt curam causæ ejus, persuasi mihi, tibi non displiciturum quod vestrum amborum patrocinium flagitem. De reliquo, liceat mihi ex te quærere qua ratione verses Geometriam meam; vereor equidem ne calculorum difficultas tibi à limine nauseam pariat, sed paucorum dierum opus est ad eam superandam, quo facto multo compendiosiores & commodiores reperiuntur calculi Vietæ. Tertius etiam liber secundo legendo anteverendus est, utpote intellectu multo facilior. Siquidem velis, ut singularia quædam adminicula tibi mittam ad calculum, est mihi amicus qui se obtulit ea describere, & ego quidem ipse me offerrem; Verum ad hoc ipse me magis idoneus est, eo quod non æque mihi promptum sit animadvertere istas difficultates. Vale.

EPISTOLA XXXV.

D. Fermatii ad D. Clerfelier, de Dioptrica D. Cartesii.

Vir Clarissime,

Reditæ mihi sunt litteræ tuæ una cum duobus apographis duorum D. Cartesii de veteri, quæ nobis intercessit, lite scriptorum; Optarem tibi quidem ad amussim satisfacere in eo quod à me petis ut veteres meas Responsiones reficiam, jam variè disjectas. Verum quoniam per naturam feror ad odio prosequendum quicquid veritati qualitercunque repugnat; cumque æque arduum mihi foret negotium restituere in pristinam faciem opus illud, quam Pictori effingere vultum meum illius temporis ad formam præsentis; præstare existimavi ut denuo ad te litteras darem, quibus rationes mearum oppositionum & veteres & novas complecterer, cui labori hanc septimanam impendam. Quantum ad impressionem, tecum sentio; mutare oportebit verba acriora & injurias redolentia, de cæteris mutandis non est laborandum; quod tuæ curæ committo. Quantum ad nostram quæstionem de Dioptricâ ingenuè tibi fateor, quod optarem me errasse; sed nullatenus à me impetrare queo, ratiocinationem Domini Cartesii esse Demonstrationem, aut quod proxime ad eam accedat. Intra Octidui spatium mittam tibi epistolam, quæ tibi dubia mea in hac materia declarabit.

Retinui hæc litteras, quæ præterita jam hebdomade ad te destinatæ erant, quod D. Digbium, per quem tibi eas transmissurus eram, Lutetia nondum rediisse existimaveram. Ambas itaque junctim recipies; & quamvis posteriores longiusculæ sint, scias me non sine labore eis detraxisse, multoque plura dicere potuisse, quæ alia vice subjiciam, siquidem Geometræ Parisienses propugnent Demonstrationem D. Cartesii.

Dabam Tolosæ 11. Martii 1658.

EPISTOLA XXXVI.

D. Fermatii ad D. Clerfelier, de Dioptrica D. Cartesii.

Clarissime Domine,

Conclusiones quæ deduci possunt ex propositione, quæ fundamenti loco est Dioptricæ D. Cartesii, aded. elegantes sunt, & ingenua virtute in omnibus operibus artis quæ refractionem concernunt, aded. pul-

chros debent effectus producere, ut optandum sit, non saltem in honorem amici nostri defuncti, verum etiam, ad ornatum & augmentum Scientiarum, propositionem istam veritate niti, & legitime probatam esse, eò magis quod sit ex eorum genere de quibus dici potest *Multa sunt falsa probabiliora veris*. Sed & progrediar ulterius & assimilabo illam famoso illi mendacio, cujus mentionem facit Tassius Poëta Italus, quodque ipsa veritate elegantius prædicat:


Quando sarà il vero

Si bello, che si possa à ti proporre?

En tibi exordium meum, Domine; ut tibi significem optare me ut lis quæ mihi cum D. Cartesio de hoc subiecto intercessit, pro eo decidatur; Foret hoc quovis modo ÷ re mea; gloria amici, quem multis nominibus colo, & qui jure inter magnos sui sæculi viros numeratus fuit, confirmatio veritatis Physicæ ÷ numero earum quæ maximi sunt momenti, & facillima executio mirabilium effectuum qui exinde infallibiliter deduci possent; Hæc, inquam omnia, multo plus apud me valent, quam victoria litis, si vel pro nihilo habendum esset illud *Mecum certasse feretur*, quod didicerit amici D. Cartesii jure optimo omnibus ejus adversariis solamen impertiri possunt. Formam itaque hominis mihi assumo superari optantibus, quod discretè profiteor:


namjam efficaci de manus scientie.

Verùm cum Demonstrationes sint rationes coactivæ, quodque nisi per eas convincamur, persuaderi per eas nequeamus, videamus, utrum consensus Lectorum possit effugere authorem nostrum, & an objectiones quæ ipsi opponi posse videntur, facili negotio diluere possimus. In eum finem verbatenus tenenda est demonstratio ejus, sufficiensque parenthesis includere quod ejus non est, quodque de meo subiecto. En tibi itaque verba pag. 19. Dioptricæ suæ Gallicæ:



Et primo quidem, supponamus pilam propulsam ab A versus B offendere in puncto B non quidem superficiei terræ, sed lineæ quoddam CBE, quod sit adeo tenerum & fragile, ut pila ista satis habeat virium ad ipsum percurrendum & penetrandum, amittendo saltem quandam suæ velocitatis partem, ex gr. medietatem. Hoc autem posito, ut sciatur, qualem viam secutura sit, consideremus infu-

insuper, motum ipsius à determinatione ejus ad se movendum in unam potius quam in alteram partem, plane differre, ex quo consequitur quantitatem eorum separatim examinari debere. Consideremus insuper, duarum partium, ex quibus determinationem istam constare concipere possimus, illam saltem, quæ pilam deorsum tendere faciebat, quadantenus objectu lineæ mutari posse, illam verò quæ ipsam ad dextram declinare fecerat, semper eandem remanere, idè quod linteum istud illi nullatenus eo sensu sit oppositum. [Numquid verò hæc ratiocinatio sensui communi non aliquatenus opposita est? An non vim quandam patitur Extensio quam de Reflexione ad Refractionem facit? Pagina 13. supponit pilam semper æquali velocitate progredi, tam in descensu quàm in ascensu, & continuare motum suum in eodem loco; exinde



deducit pag. 15. terræ objectum posse impedire determinationem quæ descendere faciebat pilam ab AF versus CE, ideo quod omne spatium occupet, quod est subter CE; non posse autem impedire alteram, quæ ipsam ad dextram deflexerat, quoniam ipsi nullatenus opposita est consensu; unde inserti æqualitatem angulorum Reflexionis & incidentiæ.

Verum utut argumentatio ista procederet in reflexione, Scepticus quidam scrupulosus non dubitaret allegare, tres esse in refractione circumstantias quæ consequentiam mutare, aut saltem impedire debeant ne et sine nova probatione recipiatur. Primum in Fig. pag. 17. aut pag. 18. pila non continuat motum suum æquali velocitate, siquidem ex supposito perdit ex. gr. medietatem suæ velocitatis jam ab ipso puncto B. Secundo, non semper per eundem locum transit, ut apparet ex Fig. pag. 18. Et denique Determinatio, quæ ipsam deorsum pellebat, non omnino impedita est objectu lintei, aut aquæ, sed mutata saltem aut diminuta. Consequentiam autem unam eandemque esse, non obstantè trium istarum circumstantiarum diversitate, vix mediocriter in Logica versatus dabit. Allegabit forte ad excusandam scrupulosam suam Logicam, non credidisse se vim sibi facere, quando pag. 15. concessit, determinationem à sinistra ad dextram restare eandem, cum pila semper eadem velocitate progrediens, posset servare alteram suam determinationem, alterâ solâ impeditâ; quod cæteroquin motus fiat in eodem medio; quodque deni-

grediendum dextram verius duplo temporis illius, quod impenderat ad progrediendum à linea A C uique ad lineam H B, oportet ut duplum via conficiat illuc. (Hic sane insidiis res geritur, & nimia credulitas ejus qui omnes suos scrupulos circa primum articulum excusserat, novos hic loci insultus patitur. Author sibi sperandi causam sumit, Scepticum nostrum, quod ipsi jamnum concesserit, determinationem dextram verius manere eandem, pariter non inficias iturum, determinationem aut directionem dextram verius esse æque velocem, & tantundem progredi quantum antea progressa erat. Verum enim verò incipit Scepticus jocos excludere; & quanquam ingenuè fassus sit determinationem dextram verius non mutari, protestatur tamen, non teneri se ad assensum, eam mutando medium semper æqualiter progredi, eò quod Author sapius & tam disertis verbis asseruerit, determinationem & vim motum omnino diversas & distinctas esse. Et quòd se in dubio suo confirmet, addit, quod si in figura pag. 17. pila esset propulsa ab H usque ad B, continuaretque motum suum verius B G, argumentum ejus qui assereret determinationem pilæ in tractu seu via H B G non esse mutatam in puncto B, cum sit eadem, & motus perpendicularis continuetur in eadem linea H B G, unde prædicta pila tantundem & æque velociter subter B progreditur, quam antea progressa erat; hoc argumentum, inquam, ridiculum foret; eò quòd determinatio aut directio motus à sua velocitate differat. Quamobrem igitur Scepticus noster teneatur gratis & non probatum concedere, motum qui sit verius dextram in figura pag. 18. æqualiter progredi ad dextram postquam mutavit medium? Non equidem acsi propositio hæc non possit esse vera, sed quod vera non sit, nisi casu quo Conclusio quam D. Cartesius inde deducit, vera est, id est, ratio aut proportio ad metiendas refractiones ab ipso legitime & verè assignata sit. Non itaque eam probavit per propositionem adeò dubiam & vis admittendam. Ut compendio dicam quod res est; etiamsi omnes oppositiones quæ argumento suo regei possent, mendosæ essent, nunquid ille pro vero venditare poterit quod neque axioma est, neque ex quapiam prima veritate per legitimam consequentiam deductum? Demonstrationes quæ non extorquent fidem, eo nomine indignæ censentur. Crediderisne tu autem, Domine, etsi propositio D. Cartesii demonstrativè probata esset, evidentiam ejus tenebras intellectus mei curriculo viginti annorum, qui à veteri nostra contentione effluxerunt, discutere nequijse, cum tibi in limine Epistolæ meæ profectus fuërim, id me in eo me agere, ut errore me exsolvam, quæcumque honestam me dederis

causam. Imò verò summopere gauderem, si mihi daretur firmare decus D. Cartesii vel cum propriæ existimationis iactura, & vellem quidem veritatem probationis suæ agnoscendo, antequam colophonem imponam, exclamare

——— ——— *Se clara videndam*
Obtusis Es parâ per noctem in luce resulsit.

Sed fiat quod tecum Nobilissimo Digbio visum fuerit. Submitto utriusque vestrum Logicam meam & Mathematicam, assentiorque ut eas viri Illustrissimi, qui fato abreptus semetipsum defendere nequit, memoriz sacrificetis. Sed quoad sententiam dixeritis, ajo veram refractionum rationem aut proportionem hactenus incognitam esse; Et quod *Quædam de præcedentibus nostris* in consortio tot aliarum veritatum quas posteritas, forsitan melius quàm præterita sæcula, deteger. Ignosce quæso ad nauseam litteras producenti, credasque

x. Martii, 1658.

Me tibi devotissimum

FERMAT.

EPISTOLA XXXVII.

Responsio D. Clerfeliæ ad D. Fermatium.


Clarissime Vir,

NOn anxie laborabo ad excusandam tarditatem Responsionis meæ ad binas epistolas tuas, quarum altera tertia, altera decima die Martii data est, planè persuasus, crediturum te faciliè magnis obstaculis me impeditum fuisse quominus ad tanta eruditionis atque humanitatis tuæ indicia in tempore responderem. Quippe infirma valetudo, quæ me toto illius temporis spatio lectulo affixerat, obstiteratque quominus ingenii mei vires ad arduas ejusmodi speculationes intenderem, vera causa fuit, quod tibi animi mei gratitudinem non maturius exposuim. Sed modici illud momenti foret, si modo nunc temporis ad omnia Sceptici tui dubia respondere & omnibus difficultatibus, quas in posterioribus tuis litteris proposuisti, satisfacere possem. Cum enim à tempore non pendeant, Responsio non minus acceptabilis ac demonstrativa foret ac si in tempore advenisset. Nihilominus dum tecum mihi res sit, non cum Sceptico tuo, cujus ingenium difficulter satisfactionem admitteret, sperare ausim me omnia ejus dubia & elucidaturum, adeoque, ni fallor, evi-

den-

denter demonstraturum, in quibus ipsemet argumentando erraverit, ut
 te ipso arbitro causæ, & iudice Conclusionum nostrarum constituto,
 Conclusionum ejus subtilitatem, at mearum, quæ sunt ipsius D. Cartesii,
 veritatem sis agnitus.

Primo, non perspicio argumentum quo utitur D. Cartesius occasione
 figuræ pag. 17. suæ Dioptrices, ullatenus sensui communi oppositum
 esse, neque extensionem reflexionis, quam inde ducit ad refractionem,
 vim pati; Eadem quippe ratio, ob quam pag. 15. conclusit, terram



CBE solam determinationem deor-
 sum non autem à sinistra ad dextram
 impedire posse, idè quod hæc omni-
 no opposita sit priori, nequaquam
 autem secundæ, ipsum induxit ad
 concludendum in secunda figura pa-
 ginæ 17. aut 18. determinationem ex
 alto sive supernè deorsum quodam-
 modo mutari posse objectu linteï vel
 aquæ, nequaquam verò illa quæ pi-
 lam ad dextram inclinat, eò quod

aqua vel linteum quodammodo uni non verò alteri opposita sit. Atten-
 das hic quæso ad modum loquendi D. Cartesii (ex eo enim pendet ex
 parte solutio omnium Sceptici tui dubiorum), qui non simpliciter ait
 determinationem supernè deorsum mutari posse objectu linteï, sed mu-
 tari posse *quodam modo*; Re vera enim non omnino mutatur, cum pila
 descensum continuat, sed mutata est aliquo modo, idè quod determi-
 natio quam habet mobile aliquò usque quodammodo progrediendi, mu-
 tetur, si quid fiat ut eodem momento non tantundem eò progrediatur
 atque antea progressum erat; id quod quantitatem suæ determinationis
 mutat.

Sed & tres illæ circumstantiæ, quas Scepticus vester notat ad impe-
 diendum, ne consequentia hæc admittatur, ipsam nullo pacto convellere
 possunt; Ut enim detur, *velocitatem diminutam*, medium mutatum &
 determinationem supernè deorsum omnino impeditam esse; pilam autem
 descensum suum continuare; nihil istorum mutationem infert determi-
 nationi à sinistra ad dexteram, cui nulla istarum circumstantiarum se op-
 ponit aut obstaculum creat: cum determinatio hæc possit manere eadem,
 utut mutata velocitate, eò quod una eademque determinatio diversis
 velocitatibus jungi possit. Medium etiam nullam mutationem huic de-


ratur ad velocitatem aut ad vim quæ ipsi superest & quæ ipsam in B exorditur. Et quamvis in cursu quem tenet, in æquali temporum spatio, tantundem dextram versùs progrediatur, quantum antea progressa erat, eoque pacto determinatio quam habebat eò progrediendi mutata non sit, non tamen inde sequitur eam pari velocitate progredi, quâ antea progressa erat; Id quod Scepticus vester semper metuisse videtur ad fatendum constringi, cum ipse D. Cartesius fateatur, duplo ipsi temporis opus esse ad conficiendum tantundem viæ quantum antea emensa erat; Verùm ut in cursu quem tenere cogitur plusquam antea dextram versùs inclinet, non tamen eò minus eodem progreditur, quanquam duplo minori velocitate.

Et in hoc, me iudice, consistit elegantia & vis argumenti Cartesiani, ad demonstrandum qualis in hoc casu debeat esse legitima via quæ pilæ tenenda est, quæ alia esse nequit quam ea quam inibi exposuit, ut referatur ad determinationem ad dextram quam tenere debet, & ad damnum velocitatis quod in puncto B passa erat.

Cæterum quod maxime fefellit Scepticum vestrum, fuit argumentum speciosum sane & ad fallendum alios vel etiam semet ipsum, efficax, nisi probè caveatur, revera autem falsum atque intentioni D. Cartesii repugnans; Est autem hoc argumentum: Cum determinatio ad dextram, uti D. Cartesius ad figuram pag. 17. asserit, eadem sit, etiamsi motus pilæ dimidio diminutus sit in puncto B, in duplo majori temporis spatio, debere eam & duplum progredi ad dextram; Itaque *à pari*, ait Scepticus vester, detur, pilam perpendiculariter propulsam esse ab H usque ad B, & continuare motum suum versus B G, determinatione pilæ super lineam B G non mutata in puncto B & eadem remanente, cum motus perpendicularis continetur in eadem linea H B G, in duplo majori temporis spatio, debet illa progredi duplo & æque celeriter subter B, quam antea supra progressa erat; quod absurdum est, quoniam supponitur, pilam in puncto B medietatem velocitatis suæ amisisse.

Sane, si consequentia ab ipso illata bene deducta esset ex eo quod D. Cartesius asseruit, concluderem & ego pari modo, D. Cartesium errasse argumentando, unde talis absurditas consequeretur. Sed & D. Cartesius aliud plane asseruit, quam quod Scepticus vester ipsi attribuit. Dicendo enim, determinationem, quam habebat pila ad progrediendum dextrorsum, eandem manere, & per consequens debere eam duplo temporis duplum quoque viæ illuc conficere, conclusionem eam exinde deduxit, quod, etiamsi supponatur pilam in puncto B

amittere medietatem celeritatis suæ, nihilominus illa de quantitate determinationis, quam habebat ad progrediendum dextrorsum deperdat, cui determinationi lineæ nullatenus eo sensu oppositum est, & quæ determinatio debet & potest accommodare se ad celeritatem quæ superest in pila, eo fine, ut non derogando damno illi quod passa est, & progrediendo lentius, progrediatur tamen tantundem dextrorsum, quantum progressa esset, si nihil de sua celeritate deperdidisset. Numquid verò idem dici potest de determinatione pilæ, quæ supponitur perpendiculariter super idem lineum decidere, nimirum, superficiem super quam decidit ipsi eo sensu nullatenus oppositam esse, & perdendo dimidium velocitatis suæ, nihil eam amittere de quantitate determinationis quam habebat ad progrediendum versus G, & determinationem istam debere & posse se accommodare velocitati quæ ipsi superest, ad eam propellendam æquali tempore in eodem cursu, tantundem ac progressa esset si nihil de sua velocitate perdidisset: Nemo sanè dixerit casum hunc similem esse priori, & consequenter eadem conclusio exinde deduci nequit.



Sed & totus error argumenti Sceptici vestri ex eo solo originem trahit, quod non attendisse videtur, hanc superficiem CBE in qua pila in puncto B perdit medietatem velocitatis suæ, semper oppositam esse determinationi quæ fit deorsum, sive descensus sit perpendicularis sive non; in tantum ut, etiamsi pila descensum continuat, imò descendat eadem lineâ cum perpendiculariter propulsa est, dici nequeat determinationem illam deorsum eandem esse, cum quodammodo mutata sit, ut ait D. Cartesius; pila enim non ampliùs descendit eadem determinatione, cum æquali tempore non tantundem procedat, quantum determinata erat ad procedendum antequam dimidium velocitatis suæ perdiderat, quæ est mutatio in determinatione quam habebat eò progrediendi.

Et si probè attendas, omnes mutationes determinationis, quam D. Cartesius dixit in pila sequi ex mutatione quæ accidit in ejus velocitate, aut in vi quæ ipsam propellit aut retardat in B (pro diversitate hypotheseum suarum) factas esse in determinatione deorsum, non autem in ea quæ est à sinistra dextrorsum, eò quod, uti pag. 17. versu 13. ait, duarum partium, ex quibus determinatio pilæ in cursu AB intelligitur esse com-

composita, illa saltem quæ pilam deorsum tendere facit aliquo modo ob-
jectu lintei mutari possit; Verùm multò potiori ratione linteum istud
efficere potest, ut determinatio perpendicularis mutetur, cui quidem
omnino oppositum est, quæque determinatio simplex est, nec composita
dici potest ex duabus aliis, quarum alteri nullatenus oppositum sit, uti
revera illi quæ à sinistra dextrorsum tendit si pila obliquè propulsa sit ad
ductum lineæ A B, non est oppositum.

Quænam autem mutatio fieri potest in hac determinatione deorsum,
quàm illa quam explicavit D. Cartesius, nimirum, quod pila ista descen-
sum continuans, modo plus modo minus deorsum progrediatur, quam
progressa erat, juxta mutationem, id est, juxta augmentum aut diminu-
tionem, quam velocitas ejus passa est in B, & pro relatione quam veloci-
tas ista reperta est habere cum determinatione dextrorsum, quæ semper
eandem manere debuit, ut sæpius dixi, id est, quæ efficere debuit, ut pila
semper tantundem eò progressa sit, quàm antea progressa erat.

Itaque tantum abest, ut absurditas quam Scepticus vester inferre co-
natus est, sequela sit assertionis D. Cartesii, ut ex adverso etiam planum
fiat, cum ipsum vice solidi argumenti sibi tricas injecisse per Sophisma,
supponendo, determinationem pilæ in descensu perpendiculari eandem
esse, eodem sensu quo determinatio à sinistra dextrorsum dicta est esse
eandem, cum pila obliquè decidit.

Quod si secundum ante dicta placuerit tibi examinare Responſionem
quam ipsemet D. Cartesius dedit ad reliquas Sceptici tui difficultates
olim sibi interventu Rever. Patris Mersenni propositas, & quibus tum
temporis satisfecit per Epistolam scriptam ad D. Midorgium, cujus apo-
graphum haud ita pridem tibi misi, pro comperto habebis assertionem
ejus veritateniti, nimirum, Scepticum tuum errasse in eo, quod de com-
positione motus in duplici sensu sit ratiocinatus, intuleritque de uno,
quod de altero saltem probaverat.

Non existimavi recolligendam hic ejus assertionem: nam præterquam
quod operæ pretium non foret, eo ipso momento quo talia tractabam,
compellavit me amicorum quispiam, D. Rohault, Mathematicus insignis
& Philosophiæ Cartesianæ apprime gnarus, offerens mihi Responſionem
quàm ad Litteras tuas P. Mersenno destinaverat, ratus D. Cartesium ad
eas non respondisse (neque enim ipsi Epistolam hanc ad D. Midorgium
exhibueram) nec te responſi quippiam accepisse, cum videret te in Epi-
stola quam ad me dare dignatus es, quàmque ipsi communicaveram, ur-
gere priores tuas difficultates, & in litteris ad D. de la Chambre, asse-
ruisse,

ruisse, te quondam D. Cartesio litem movisse de demonstratione sua circa refractionem (& ipsi quidem *viventi atque sentienti*) illum verò nunquam tibi satisfecisse. Et quia multo melius quàm ego intelligit materias itas, itidemque articulatim respondit ad Epistolam tuam, super sedebat tibi gravis esse differendo, ut plenius vacet tibi examinare Responsionem ejus. Si mihi maturiùs eam attulisset, ambos nos sublevasset, me quidem onere scribendi de materia quæ vires meas superat, te verò tædio legendi meas Litteras; Sed quod eas jam tum scripseram, nolui operam meam perdidisse, & præstare existimavi te gravare earum lectione, simulque testatum facere quid curæ impenderim, ut liberarem me potius eo quo tibi nexus sum debito, quàm ut suspicandi tibi præbeam occasionem me ejus forsitan memoriâ excidisse, & in alium laborem istum rejicere maluisse.

Denique rogatum te velim, ut excuses, si quid liberiùs dixerim respondendo Sceptico tuo, multo magis observassem humanitatis urbanitatisque leges, si tecum directo mihi res fuisset; tantum verò abest, ut metendum mihi sit te mihi jus negaturum, ut etiam gratiam aliquam à te petere ausim: sunt casus, in quibus tantillum favoris jus non violat: & si in hoc à partibus meis steteris, ausim tibi affirmare, me in omnibus aliis tuum fore &

Lutetiz Parisiorum,
xv. Masi 1658.

Tibi devotissimum

CLERSETER.

EPISTOLA XXXVIII.

Responsio Domini Rohault ad Epistolam D. Fermatii pag. 94.
in qua continentur veteres ejus Objectiones ad
Dioptricam D. Cartesii.

Vir Clarissime,

AN Rever. Pater Mercennus, ad quem epistola hæc directæ erat, eam D. Cartesio communicaverit, ignoro, & utrum D. Cartesio eâ visâ ob graves occupationes ad eam respondere non vacaverit: Apparet autem eum non respondisse, eò quod D. Fermatius, qui eam ante viginti annos scripserat, adhuc easdem propemodum difficultates repetat in Epistola quadam, quam hæud ita pridem, ad quendam amicorum scripsit. Conabor ergo ad eam respondere te id desiderante. Quod ut commodius

diùs fiat, exactè sequar omnes Epistolæ ejus articulos, singulos nominatim examinando.

Artic. 1. *Perspexi ex Literis &c.*

Primus articulus mera continet verba honoris D. Fermatii ad D. Cartesium, quo nomine memoria ejus ipsi semper erit devincta.

Artic. 2. *Paucis verbis exigo &c.*

Si D. Cartesius Medium suum Conclusioni suæ accommodasset, divisissetque determinationem motus uno potius quàm altero modo, non magis mirandum esset, quàm si Geometra una potius quàm altera constructione ad executionem cujusdam Problematis usus esset; Neque verò unquam viæ quam elegit contradicitur, dummodo ad finem perducatur id quod inchoavit. Cæterum debuit D. Cartesius dividere determinationem pilæ, quæ se movet in linea AB, in quandam quæ superficiei CBE foret perpendicularis & in aliam quæ ipsi parallela foret; siquidem cum hæc non offendant ullum oppositum, certum erat eam debere manere eandem; Idque ipsi medium tuit inveniendi quam quærebat veritatem, quod facere nequivisset, si aliam Methodum secutus esset.

Artic. 3. *Agnosco &c.*

Videtur D. Fermatius favere D. Cartesio fatendo se cum illo sentire quantum ad differentiam, quam statuat inter motum & determinationem, & conando pariter id probare; Sed & videtur quippiam subesse strategematis, quòd imputet D. Cartesio Opinionem quæ ejus non est, eo, ut videtur fine, ut eâ in sequentibus contra ipsum utatur.

In secundo Exemplo asserit, pilam à puncto H propulsam in punctum B perpendiculariter super superficie CBE nihil omnino perdere de Determinatione quam habebat ad progrediendum versus BG, idè, ait ille, quod penetrando per aquam aut linteum, continuet motum suum in eadem linea recta. Debebat autem considerasse, censeri debere determinationem mobilis mutari, non saltem cum declinat à linea in quâ se antea moverat, aut cum se contrario sensu movet in eadem linea; verum etiam cum se eodem sensu movet in eadem linea recta, dummodo plus aut minus longè, quam determinatum erat ad eo sensu progrediendum. Et hoc tertio modo quantitas determinationis pilæ, æque ac motus, diminuta est.

Artic. 4. *Venio jam &c.*

Articulus iste nihil præter Textum D. Cartesii continet.

Artic. 5. *Animadverto à Principio &c.*

Defectus memoriæ cujus hic arguitur D. Cartesius, fundatus est in eo quod D. Fermatius supponat, Determinationem deorsum Schematis

pag. 17. Dioptrices, non esse mutata[m], qui error similis est illi, quem ad articulum tertium notavimus. Neque verò suppositum ejus exinde fulcitur, quod determinatio in linea *BI* ex parte composita sit ex ea quæ mobile deorsum inclinatur, uti illa quæ illud antea eodem versum in linea *AB* movebat; latet quippe in hoc æquivocatio; Et quamvis seipsum notetur determinatio deorsum, secunda alia est à priore, eadem ratione ac decem Imperiales Thaleri, sunt alia quantitas Thalerorum quam quindecim Thaleri Imperiales, etiamli utrique sint Thaleri Imperiales.

Artic. 6. *Demus autem &c.*

Postquam D. Fermatius quasi renunciando juri suo concessisse videtur quod nullo jure impugnaret, multus est in probando D. Cartesius non animadvertisse determinationem à sinistra dextrorsum æque mutata[m] esse ac determinationem deorsum. Rationem ejus addit, quòd dici nequeat determinationem deorsum mutata[m] esse ob aliam causam, quàm quia ex quo mobile se movet in linea *BI*, quantitas ejus non amplius eandem rationem habet cum determinatione à sinistra ad dextram, quam habebat, cum mobile super linea *AB* ferebatur. Neicio, utrum hic D. Fermatius serio loquatur; cum propemodum æque ratiocinetur ac qui con-
dendo quindecim Imperiales Thaleros in unum, & triginta in alterum saccum, amissis casu quibusdam ex quindecim, animadverteret jacturam istam ex eo solo, quod id quod ipsi de quindecim superest, non amplius dimidium faciat summæ quam in altero sacco habet; quique postea, quo seipsum ob damnum passum consoletur, sibi imaginaretur summam quam in altero sacco habet, crevisse, eo quod compensationis ergo duplum plus faciat alterius. D. Cartesius alio plane modo ratiocinatur, & propemodum æque ac juvenis quidam, qui cum nunquam didicerit quidnam sit proportio, solum numerate sciat. Nam uti hic existimaret se perdidisse partem suorum quindecim Thalerorum, comparando id quod ibi superesset cum eo quòd in eodem sacco antea habuerat, non sollicitus eos comparandi cum triginta alterius sacci; Eodem modo D. Cartesius judicium fert de mutatione quæ accidit in determinatione deorsum, eo quod quantitas ejus non amplius eadem est, ex quo mobile est subter superficiem *CBE*, quæ fuerat quando supra erat. Et jure quidem asserit determinationem à sinistra dextrorsum non esse mutata[m], ideo quod quantitas ejus eadem sit, mobili in linea *BI* existente, quæ fuerat quando super lineâ *AB* ferebatur.

Artic. 7. *Ponamus insuper &c.*

Videtur denuo D. Fermatius gratis concedere quod nullo jure posset im-

impugnare, uti ex præcedenti annotatione liquet. Reliqua hujus Articuli implet solus D. Cartesii Textus.

Artic. 8. *En autem ut &c.*


Arguitur hic D. Cartesius in eundem denuo errorem recidere, quod in memoriam non revocaverit differentiam determinationis & motus; Verum accusatio illa in eo solo fundatur, quod D. Fermatius verba D. Cartesii strictius quàm par est interpretatur: Verba enim, *pilam duplum via eodem conficere debere*, non hoc significant, quòd pila se movere debeat in linea duplo majori quàm antea; sed quod, qualiscunque sit longitudo hujus lineæ, determinatio dextram versùs in tantum se accommodare debeat velocitati quæ ipsi restat, ut pila eodem duplo magis progrediatur, quàm antea progressa erat; Hoc sane sensu explicari debuissent verba D. Cartesii, non illo quo prætenditur illum duas res diversas confundere. Idque satis erat perspicuum, cum ibidem supponat motum integrum pilæ dimidio deminutum esse. Quod ex hoc articulo consequitur, & absurdum quod D. Fermatius ex eo concludit, nihil agit contra D. Cartesium, ingenuè negaturum determinationem deorsum eandem remanere, secundum id quod ad articulum tertium notatum est; arque hoc modo omnis ille argumentorum apparatus ad instar fumi evanescit.

Artic. 9. 10. 11. & 12.

Admitto quidem quicquid in his articulis continetur, verùm nihil id ad rem facit, erravitque in eo D. Fermatius, quod ibi alio sensu quàm locutus erat D. Cartesius, de motu composito loquatur.

Artic. 13. *Hoc ita supposito &c.*

Existimat D. Fermatius pag. 20. Dioptrices D. Cartesium supponere, augmentum trientis motus qui accidit pilæ, fieri simpliciter deorsum, aut secundum lineam BG, cum tamen fiat mensurando ipsum in linea quam actu delineare & percurrere debet: Id quod captu facile est; nam



si hoc foret, D. Cartesius non supposuisset, uti supposuit, vim motus pilæ triente auctam esse, sed supposuisset determinationem deorsum triente auctam esse, nec de motu integro sermonem fecisset. Itaque dicendum non est, ex mente D. Cartesii, pilam quæ movetur in BI, moveri ex motu composito ex illo quem habebat versùs BD, & novo quodam versùs BG, qui triente auget vim quam

Q 2

jamnum

jamnum eo sensu habebat; Sed motum actualempilæ triciente velociorem esse quàm antea; Definiat interim ratiocinatio, qualis exinde in determinatione decursum mutatio sequi debeat.

Artic. 14. *Concipimus insuper &c.*

Quod D. Fermatius in hoc articulo concludit, verum est in sua Hypothesi, quæ cum (ut anteverti dicere) ab Hypothesi D. Cartesii differat, mirum non est, eos diversas proportionones statuere, quarum una consequenter alteram destruere nequit.

Artic. 15. *Ceterum primaria ratio &c.*

Fatemur D. Cartesium intelligere, motum mobilis augeri semper pari quantitate penetrando per idem medium, etiamsi super ejus superficiem cum diversis inclinationibus decidat; Et hoc rationi maxime consentaneum est, siquidem augmentum celeritatis, sive facilitas ad se movendum, quam acquirit mobile in puncto objecti quod duo media separat, dependet à natura secundi medii, quæ non mutatur, sed semper eadem est in omnibus inclinationibus. Præcipuus autem error quem hic errat D. Fermatius, fundatus est in eo, quod credat motum compositum in BI non semper æque velocem esse, acsi penderet à directione aut determinatione duarum virium moventium, cum è contra ipsa determinatio se accommodare debeat viribus motus, qui quidem compositus est, non autem determinatio. In eoque hallucinatus est D. Fermatius, & exinde pullulaverunt omnia ipsius argumenta erronea; eaque fortasse etiamnum causa est, quæ ipsum impediat manum dare Demonstrationi D. Cartesii. Sed & illud quod postea addit, & quod demonstrasse se ait falsum esse, saltem in ejus hypothesi verum est, quam crediderat esse D. Cartesii; quæ tamen ab illa ut dixi multum differebat.

Artic. 16. *Afferere quidem nolim &c.*

Fatetur D. Fermatius, sibi liquidò non constare, utrum sequi oporteat propositionem suam potius quam illam in quam pugnam parat; Ego verò faciliè largior, suam retinendam fore, si acceleratio aut retardatio motus penderet hîc ab angulo sub lineis directionis duarum virium moventium comprehenso; Verùm cum à natura secundi medii quod corpori percurrendum est, ad facilitandum aut retardandum motum ipsius pendeat, me iudice perspicuum est, propositionem D. Cartesii retinendam esse.

Audiemus cum placuerit D. Fermatio Meditationes suas de Refractione; possum autem anticipare fatendo, illa quæ jam vidi in Epistola ejus ad D. de la Chambre exarata, acuta sane & ingeniosa esse.

Siqui-

Siquidem ipsum hujus scripti compotem feceris, taceas si placet, nomen in eum, aut si è re videatur illud indicare, sciat velim, non saltem nudius tertius, famam nominis sui ad nos delatam esse: sciat, me magni facere virtutes ejus, & quod ultro in gloriam ducturus sim, si me in numerum suorum amicorum admiseric.

EPISTOLA XXXIX.

Responsio D. Fermatii ad D. Clerfeliæ.


Clarissime Domine,

GLoria D. Cartesii mihi adeo cordi est, ut nullo officiorum genere me magis tibi devincire possis, quam refutando opiniones Sceptici, quæ opinionibus ejus adversari videntur. Sed observes quæso, multum referre ut laborem tuum ad finem perducas, & omnino detorqueas in aucthores id quod Paralogismos ac Sophismata appellas. Non sufficit asserere sensum D. Cartesii malè intellectum esse ab iis à quibus reprehenditur, sed demonstrandum est explicationem quam ipsi tribuis, rectà & sine ambagibus procedere ad suam Conclusionem, & denique probationes suas demonstrativas esse. Existimabamus pilam, quæ directionem & cursum suum conservat, determinationem suam non perdere; & nos id quodammodo per consequentiam deduximus è differentia, quam Dominus Cartesius statuit inter motum & determinationem. Cæterum omiſſa probatione ulteriore consequentiæ quam ex ejus argumento deduxeramus, satis superque nobis & suam & tuam opinionem innotuisse credimus, quæ id asserit, quod determinatio mobilis mutata censerī debeat, non saltem, cum recedit à linea, in qua se antea movebat, aut cum se contrario sensu movet in eadem linea, verum etiam movendo se eodem sensu in eadem linea rectà, dummodo magis aut minus longè, quàm eo sensu ad progrediendum determinatum erat. Et hoc tertio modo ais quantitatem determinationis pilæ diminutam esse tantundem quantum motus, quando illa super lineam HBG pag. 17. Dioptrices movetur. Cave verò ne Petitione Principii pecces. Ais ergo, pag. 17. cum linteum *nullatenus* sit oppositum determinationi à sinistra dextram versus, hæc verba ita esse intelligenda, quod determinatio tantundem dextrorsum progrediatur, quantum antea; Sed hoc ipsum est quod nego & probandum postulo. Quamvis enim linteum non impediat, quominus pila sem-

per dextrorsum progrediatur, non tamen eò minus dextrorsam progreditur, sive progressus ille lentior sit, sive velocior quam antea fuerat. Ex hoc vero solo, quod linteum non impediatur progressum dextrorsum, infero progressum istum eandem esse debere, id est, neque magis neque minus velocem quam antea; est itaque *aequalis*. Et alterutrum statuendum est, aut *medium* idem esse quod Conclusio, aut Conclusionem exinde male deductam esse. Dices fortasse vocem *nullatenus* omne mysterium constituere, & dicendo linteum illi nullatenus eo sensu oppositum esse, reliqua omnia inde facile deduci. Sed semper eodem recurrendum est; Si per vocem *nullatenus* intelligas, linteum non impedire quominus pila cursum suum dextrorsum continuet, progressusque ejus aequaliter & tempore aequali fiat, id ipsum est quod nego, & quod probari debet. Si verò intelligas linteum ipsi nullatenus oppositum esse, id est, ipsum non impedire quominus pila continuet progressum suum dextrorsum, nondum asserendo an progressus ejus fieri debeat tempore aequali, nunquam invenies in Conclusionem quod quaeris. Unde liquidò consequitur D. Cartesium intendisse verba pro rebus dare; & tractando duas propositiones differentes in subiecto reflexionis & refractionis, voluisse accommodare argumentum suum primæ propositioni, quam probè nōrat, & secundæ quam forsitan facilius quam par erat, crediderat. Non equidem, ac si, ut sæpius protestatus sum, propositio ejus de Refractionibus vera esse non posset; sed hoc saltem dico, me eam omnino pro demonstrata non habere; Et te utcunque humaniorem esse erga me, simulando te approbare sententiam meam de eodem subiecto; siquidem, si verum est quod de eo ad D. de la Chambre scripsi, id quod D. Cartesius putat se demonstrasse necessario falsum est; cum duæ istæ opiniones è dimidietate sibi contrariantur, seseque invicem haud compatiantur. Supponamus autem, si fieri possit, propositionem D. Cartesii veram esse; cavendum prorsus est, nequid ex post facto propriam fallitatem patefaciat; incumbitque amicis defuncti, prævidere omnes casus, qui veritatem suppositam hujus propositionis offuscare possent. Entibi ex. gr. casum quem si placet, resolvere cōnetis.


Suppone pag. 17. pilam, loco lintei aut aquæ, offendere corpus durum & impenetrabile, & cum pervenit ad punctum B, perdere dimidium velocitatis (hæc enim hypothesis possibilis est) & quamvis corpus CBE nihil contribuat ad diminutionem dictæ velocitatis, ut sit in exemplo à D. Cartesio proposito, cum habet obiectum linteum vel aquam, ut pila perveniens ad punctum B præcisè dimidium velocitatis suæ amittat, non

atten-



attento unde proveniat ista diminutio, siquidem ipse D. Cartesius pag. 20. supponat aut imaginetur sibi in puncto B yim novam quæ motum aut velocitatem pilæ augeat; In tantum ut non credam amicos D. Cartesii aded iniquos esse, ut negent, hypotheseim istam non saltem concipi, verum etiam in actum deduci posse; Hoc supposito, transferendum saltem est Domini Cartesii argumentum supra planum; Et poterit cum ipso asseri, ut sciatur, quem cursum pila sibi sumere debeat, considerandum esse motum ipsius omnino à determinatione ejus, ad hac potius quam illac se movendum, differre; unde consequitur quantitatem eorum separatim examinari debere. Consideremus etiam, duarum partium, ex quibus concipi potest hanc determinationem esse compositam, illam saltem quæ pilam deorsum deferrebat, mutari posse objectu plani CBE, & illam quæ pilam sinistram versus inclinabat, semper debere manere eandem quæ fuerat, ideò quòd planum ipsi nullatenus eo sensu oppositum sit. Deinde ducto è centro B circulo AFD, ductisque per angulos rectos super CBE tribus lineis rectis AC, HB, FE, ita ut inter FE & HB, duplum distantie ejus quæ est inter HB & AC relinquantur, videbimus pilam istam debere tendere versus punctum Circuli ubi linea FE intersecat circumulum super plano, id est, in puncto O: cum enim pila dimidium suæ velocitatis deperdat offendens planum in puncto B, ipsumque perrumpere nequeat ex supposito, duplum impendere temporis debet progrediendo superius à B usque ad punctum aliquod circumferentiæ Circuli AFD, quàm impenderat ad progrediendum ab A usque ad B; & cum nihil omnino perdat de determinatione quam habebat ad progrediendum ad dextram duplo temporis quod impenderat ad progrediendum à linea AC usque ad HB, duplum viæ eodem conficere, & per consequens pervenire debet ad punctum aliquod lineæ rectæ FE, eodem momento quo etiam pervenit ad aliquod punctum circumferentiæ Circuli AFD; Quod impossibile esset, nisi versus O progrediretur; cum hoc solum punctum sit super plano CBE, ubi Circulus AFD & linea recta FE sese intersecant. Si hoc argumentum quod idem plane est cum argumento D. Cartesii translatò saltem subter planum, nihil concludit, quidnam quæso concluder illud D. Cartesius? Numquid quæ demonstratio est ejus quod sit
supra,

A B se habebit ad B C; unde colligitur, angulos A B C, F B E semper æquales esse, qualicumque modo aut proportionem celeritas aut motus mutetur. Siquidem D. Cartesius attendisset, quod qualitercumque velocitas mutetur in puncto B, reflexio tamen fiat angulis æqualibus, nullo negotio ipse aut amicus ejus pilam e puncto B extraxissent, in quo ipsam inteliciter admodum hære viderant in exemplo Epistolæ meæ præcedentis. Non sustinuisset asserere, velocitate in puncto B mutata, pilam tamen progredi tantundem versùs dextram quàm antea progressa erat. Non sane ex ratione non saltem incerta, sed plane falsa suam retractionum proportionem deduxisset; Et denique ad figuram pag. 19. non subterfugisset determinare sub quo angulo pila in puncto B existens reflectatur ad punctum L. Quamvis enim ex sua dissertatione atque ex intuitu prædictæ figuræ appareat, intellexisse illum, Reflexionem hanc fieri angulis æqualibus, reliquit tamen aliquem scrupulum in animo lectorum, quibus jus est dubitandi, utrum in exemplo D. Cartesii pila de sua velocitate in puncto B quicquam deperdat. Si enim deperdit, reflexio fieri nequit angulis æqualibus, juxta ipsam D. Cartesii ratiocinationem; Si verò velocitatem suam in puncto B non diminuat, an quippiam plus adversabitur severissimis puræ Geometriæ legibus, quæ prohibet ab extremorum uno ad alterum progredi, nisi omnes gradus medii percurrantur? At ait D. Cartesius, amicusque ejus, pilam propulsam super aqua, aut linto diminueræ æqualiter velocitatem suam in omnibus inclinationibus, cum illam pervadit, & diminutionem istam fieri jam ab ipso puncto B. Quo-



modo ergò concipi potest, jam ab ipso primo angulo, ubi reflectitur, velocitatem ejus nullatenus minui, neque tamen majorem poni posse, in quo non minuatür ad certam quantitatem quæ semper sit eadem? Annon Geometriæ naturæque convenientiùs sustineri posset in opinione D. Cartesii, diminutionem velocitatis fieri inæqualiter; diminutionem istam omnium maximam esse in descensu perpendiculari ab H versùs B, semperque minui pro va-

riatione inclinationum, donec plane evanescat; id quod forsitan D. Cartesius fieri opinatus est cum reflectitur. Verum, quia demonstravimus, sive diminuatür sive augeatur velocitäs in puncto B, reflexionem tamen fieri angulis æqualibus, non est quod ankè investigemus tractum secre-

tum,

tum, quo natura utitur debilitando velocitatem pilæ æqualiter aut inæqualiter, prout inclinationes variant.

Quid verò tandem erit de ratiocinatione facienda subter plano CBE pag. 17. ex. gr. eadem erit cum præcedente; Ut enim velocitas in puncto B live objectu lintei, aut alio utcumque accedente modo, minuatur, unum semper idemque dicendum erit. Et cum in figura paginæ 17. pila transeat per linteam, & in puncto B velocitas ex dimidia parte minuat, nunquam poterit determinationem dextrorsum habere æqualem illi, quam haberet si nullum adeflet linteam, velocitate nihilominus in puncto B ex dimidia parte deminuta, nisi continuet semper cursum suum in linea recta ABD. Regetes fortasse, eo pacto neque determinationem deorsum objectu lintei mutatum iri; non nego. Et ut difficultas ista solide averruncetur & elucidetur, saltem dicendum est, te nihil unquam aliud deducturum è ratiocinatione D. Cartesii de motibus & demonstrationibus compositis, nisi reflexionem semper fieri angulis æqualibus, transitumque per medium semper fieri debere lineam rectam; Quod se etiam refert quod in posteriori scripto tuo ais, pilam semper eandem facilitatem habere ad transeundum per secundum medium in omnis generis inclinationibus. Unde consequi debet in applicatione argumenti D. Cartesii, in omnis generis casibus reflexionem fieri angulis æqualibus, transitumque etiam in omni casu fieri in linea recta; quia motus inferior in linea recta sequitur easdem leges, & præcise respondet superiori angulis æqualibus. Dices autem, nullam itaque ibi fore refractionem? regeo, motum pilæ & refractionem non æquiparari nisi per imaginariam D. Cartesii comparisonem; & vel, siquidem declinatio pilæ transeundo per secundum medium vera sit, aliunde deducendam esse rationem quam è compositione motuum, quæ nihil in hoc casu unquam producet quàm circulum Dialecticum, qualitercumque id sumas. Examinanda erunt Principia secreta, quibus utitur natura in productione refractionis; Et siquidem illud quod attigi in Epistola mea ad D. de la Chambre scripta, tibi non arriserit, opto ut solidius quoddam animo tuo occurrat, quo inveterata hæc contentio tandem integra aliquando solidaque veritatis detectione finiatur. Ego ex animo me profiteor

XVI. Junii, 1658.

Tuum cultorem

FERMAT.

EPISTOLA XLI.

Responsio D. Clerfelier ad duas præcedentes D. Fermatii Epistolas.

Clarissime Vir,

MAjorem hac vice respondendi difficultatem sentio, quàm nuperri-
mè senseram: sed & mutasti conditionem, & ex judice qui eras anta-
gonista mihi factus es. Quo tempore mihi coram te causa D. Cartesii
saltem contra Scepticum tuum defendenda erat, mihi non minus prospè-
rum eo quem habuit causa mea, successum pollicebar; Erat mihi defen-
denda causa optima, elucidandæ subtilitates; erat judex perspicacissimus
qui me audiebat & pronunciabat. Verùm cum te video tribunal dereli-
quisse, ut mihi te contra virum quem defendo adversarium constitue-
res, cultus quem tibi debeo, in qualicunque forma appareas, magna æsti-
matio quam de te semper conceperam, quæ apud me augetur quatenus te
ipsum manifestius prodis, denique usus rarissimus qui mihi est in ea ma-
teria de qua agimus, in comparatione habitus quem tu tibi in ea acqui-
sisti; omnia ista me perterrefaciunt, dubiumque reliquunt, qualem deni-
que omnes istæ contentiones sint exitum habituræ. Dicam autem in
limine, quod, siquidem minori ingenuitate agere animus esset quam per
honestissimum tuum agendi modum teneor, possem exceptione uti, quæ
forsitan satis legitima & admittenda videretur, concedendo tibi quæcun-
que asseris, & prætendendo omnia ista nihil agere contra D. Cartesium,
neque ullo modo doctrinam ipsius de Reflexione & Refractione im-
pugnare.

Demus enim, pilam figuræ paginæ 19. suæ Dioptrices ex hypothesi
tua in prima tua Epistola, impeditam esse ad inveniendum aliquem exi-
tum cursui suo continuando; Demus etiam, salvum conductum, quem
ipsi jam antea dedisti in tua secunda epistola, metuens ne forte satis nobis
sit autoritatis ad eum obtinendum, itidemque cursum quem ipsi eo in
loco assignaveras, ipsi adeo facilem & commodum esse, ut nullo negotio
eum sequatur; quidnam exinde contra D. Cartesium concludi posset à
qui eo loci in eum saltem finem exemplum pilæ attulit, ut explicaret cer-
tos quosdam effectus particulares luminis, nimirum Reflexionis, quæ
semper eodem modo fit, in eodem medio, & quæ mutatur secundum
proportionem, quæ est inter medium è quo egreditur, atque id in quod
ingreditur, unde modo appropinquat, modo remotius abit à perpendi-
cula-

culari; qui, inquam, nullam occasionem habuit explicandi casum quem proponis, cum nullam ad propositum ejus relationem habeat.

Tres autem casus erant qui inibi usui esse poterant, quos omnes explicavit; & me quidem judice ita evidenter, ut illi saltem quibus volupe sit nodum in scirpo quærere, ibi difficultates odorentur.

Casus primus qui explicat reflexionem, est pilæ, quæ propulsa secundum lineam AB oblique in cursu suo offendit corpus durum, impenetrabile & immobile. Quidnam reperiri potest simplicius atque evidentius, quam quod ista pila, quæ nihil perdit de velocitate sua, resiliat debeat angulis æqualibus, id est, eadem celeritate iterum ascendere quâ descenderat, & progredi tantundem quantum progressa erat illò ubi corpus durum nullatenus oppositum est.


Secundus qui ad refractionem refertur, cum à perpendiculari remotius abit, ejusdem est pilæ, quæ propulsa, ut antea, obliquè etiam aliud medium offendit, quod perfrangit, quodque partem quandam velocitati suæ detrahit. Quidnam clarius & simplicius dici potest, quam pilam istam, cum non possit progredi eadem celeritate qua antea progredi erat, tamen omnem conservare determinationem quam habebat ad progrediendum versus illud latus, cui medium hoc nullatenus oppositum est, & cui jactura, quam de sua velocitate fecit, non resistit, cuique se accommodare potest. Cur autem pilam istam constringamus ad plus faciendum quam potest? siquidem natura nihil frustra operatur.

Tertius denique casus, qui refertur ad Refractionem, cum perpendiculari appropinquat, qui solus ad explicandum superfuit D. Cartesio, commodè explicatur per eandem pilam, quæ propulsa, ut antea, obliquè etiam in cursu suo aliud offendit medium, in quod penetrat æquali facilitate ex omni parte, quodque celeritatem ejus ad certam quantitatem augeat. Quidnam simplicius aut naturæ convenientius excogitari potest, quam quod dicitur, pilam istam, cum velocius progredi debeat quam antea fecerat, nihilominus non ulterius progredi, secundum hanc determinationem, cui corpus istud quod celeritatem ejus auxit, nullo modo oppositum est.

Superfluous autem est casus quem insuper proponis in prima tua Epistola, neque accommodari potest ad explicandum ullum istorum Luminis Phænomenorum, idèque nihil ad rem facit; Et quaecunque inde sequeretur absurdum, præjudicare nequit illi quod D. Cartesius antea demonstravit, & per quod adeo evidenter explicuit mirabiles istos luminis effectus; qui eò non minus veritate niterentur, talesque essent quales

demonstraverat, etiamsi hypothesi tua per ejus principia explicatu difficilis esset; quod tamen facturum me confido, siue etiamsi ex tuis explicanda esset, quod susque deque habeo.

Caterum quando omnis nostra contentio hoc in cardine versatur, elucidandus mihi vel semel est articulus quidam, qui videtur à Domino Cartesio non usque adeò evidenter probatus, eò quòd demonstratio ejus non est purè Geometrica; sed fundata ex parte in quibusdam naturæ Principiis adeò evidentibus ut explicatione non indigeant. Sunt autem illa Principia: Primum, quod unaquæque res maneat in eodem statu, si nihil intercedat quod eam mutet. Secundum, quod duobus corporibus sibi occurrentibus, quæ in se modos continent incompatibiles, re vera mutatio quædam in istis modis fieri debeat, per quam reddantur compatibles; mutatione quidem semper quàm minima. Tertium, quod nullum corpus resistere aut mutationem causari potest in alio, nisi quatenus ipsi oppositum est.



Itaque si pila se movet ab A versus B in Schemate pag. 15. certa quadam velocitate, progreditur semper eadem velocitate in eadem linea, si nihil occurrat quod eam mutet. Quod si vero ipsi opponas corpus durum, impenetrabile & immobile CBE, cum modi duorum istorum corporum, quorum alter à B versus D tendit, alter se cursui isti opponit,

tati autem ejus se non opponit, sint incompatibiles, necessario mutatio sequi debet in alterutro horum modorum, sed quàm minima fieri potest. Pila itaque determinationem mutabit & conservabit celeritatem suam: Et quia corpus CBE uni saltem duarum determinationum, ex quibus liquet determinationem pilæ compositam esse, attendendo ad corpus CBE cui pila superincidit, oppositum est, nimirum illi, quæ eam descendere faciebat, non autem determinationi de sinistra ad dextram, corpus illud nihil mutationis adferre potest nisi isti, non verò alteri, cui non est oppositum. Itaque facit pilam regredi ascendendo, patiturque ipsam continuare & progredi dextrorsum, ut antea, nihilque hic immutat, cum modus corporis sui nihil incompatible & alteri oppositum habeat. Nihil ampliùs huic argumentationi addendum est, quàm quod ad Geometriam spectat, & probatio omnibus numericis erit absoluta. Sine-

ges

ges hanc probationem demonstrativam esse, me quidem fugit, quibusnam ratiocinationibus utendum sit ad componendam demonstrativam; ego verò talibus demonstrationibus acquiesco. Illa autem ipsa ratiocinatio, qua modo usus fui, accommodari potest ad schemata paginæ 17. & 19. atque omnibus omnino casibus qui proponi possunt, neque quicquam ibi diversum video præter hypothesium differentiam; Nimirum quod corpus CBE modo durum sit, modo liquidum, modo penetrabile, modo impenetrabile; quod velocitas modo augeatur, modo diminuatur, modo remaneat eadem; & quòd pila modo continuat descendendo, modo cogatur ascendendo regredi; imò, quod modo corpus opponi possit curvæ pilæ, modo non.


Examinemus jam ordine casus istos secundum hæc Principia, & videamus quidnam inde sequatur; Certus autem sum, repertum non iri, rem se eo, quo tu putas, modo habere debere, sed ad mentem D. Cartesii; hocque ipsum unâ omnibus tuis difficultatibus noviter exortis mederi potest.

Primo, optime dicis in limine secundæ tuæ Epistolæ, quod, si supponatur, pilam quæ volat in linea directâ AB amittere velocitatem suam pro dimidia parte veniendo in punctum B, illa semper progreditur in linea rectâ versus D, siquidem continuat progredi in eodem medio, neque planum CBE ipsi oppositum sit; cum hac saltem diversitate, quod à B usque ad D duplum sit impensura temporis, quàm antea ab A usque ad B impenderat; Quod ideo fit, quia corpus quodcunque debet manere in eodem statu in quo est, aut in quo esse supponitur, si quidem nihil interveniat quo mutetur. Itaque cum nihil in pila præter velocitatem mutetur, nihilque sit, per quod determinatio pilæ debeat deflecti hæc potius quàm illac; hæc omnia faciunt, ut debeat continuare in eadem linea, & saltem lentius progredi secundum hanc determinationem: Haud secus, ac cum corpus perpendiculariter decidens ab aëre in aquam progressum continuat in linea descensus sui, & saltem eò minus celeriter progreditur, quòd ejus celeritas objectu aquæ diminuta est.

Quodsi ad cavillandum animum applicare voluisssem (quod longe à me absit cui res est cum viro probo & erudito) potuisssem negare, casum quem proponis conceptibilem & admissibilem esse, nimirum, mobile aliquod non mutato medio posse uno eodemque momento transgredi ab una velocitate ad aliam non currendo per gradus qui inter eas sunt: quod ipsemet contrarium esse inviolabilibus puræ Geometriæ legibus asseris. Sed & ei legi naturæ adversatur, quæ vult, unumquodque corpus semper

in

locitate sua in puncto B, offendat planum CBE: Et si bene affecutus sum sensum secundæ tuæ Epistolæ, huic potissimum posteriori casui ea applicatur. (Verum observa hic in transitu, quod tibi plus æquo concedam; quomodo enim concipi potest pilam dimidiam suæ celeritatis partem in puncto B amittere, non interveniente alio corpore per quod ipsam perdat?)



Ad primum casum captu facile est, transferendam saltem esse (ut fecisti in prima tua Epistola) argumentationem figuræ pag. 17. supra planum, & dicendum, cum pila nihil perdat de determinatione quam habebat ad progrediendum dextrorsum, debere eam (cæteris conditionibus omnibus paribus) pervenire ad punctum O, ut bene notasti. Ideoque nolim tecum querere, cur argumentatio D. Cartesii concludat ad superius, si non concludit ad inferius?

Quæ demonstratio est in uno casu, fietne Paralogismus in altero? absit omnino; utrumque æque bene concludit.


In secundo casu pila potest sequi cursum quem notasti in secunda tua Epistola, & reflecti semper angulis æqualibus, qualicunque modo & proportionem celeritas aut motus mutetur in puncto B; sed revera non per illam quam tu allegasti rationem; Eadem enim proportio observari non debet per pilam, quæ offendens ex obliquo planum impenetrabile ad reflectendum obligatur, atque illa quæ observatur per aliam pilam quæ nullum planum offendere supponitur; Ideo quod pila quæ nullum offendit planum unicam tantum habeat determinationem & neque ad dextram neque ad sinistram declinet; cum è contrario pila quæ obliquè plano superincidit, eò semper progreditur cum duabus determinationibus, quarum unum planum illud oppositum est, non verò alteri; & circumstantia hæc effectum earum mutare debet secundum Principia supraposita.

Ecce autem qua ratione pila sequi potest viam quam designasti, & reflecti angulis æqualibus; nimirum, supponendum est, pilam in puncto B existentem, amissa dimidia parte velocitatis suæ (aut qualiscunque alterius quantitatis pro lubitu) ibi incipit sequi cursum quem sequeretur si incepisset ab isto puncto se movere cum illa celeritate quæ ipsi superest; Constat autem, quod si nulla habita ratione lineæ AB, quam percurrit cum duobus velocitatis gradibus, inciperet se inovere in B cum veloci-

*Vid. fig.
p. 134.*


tate quæ supponitur ipsi superesse & secundum directionem, quam re vera habet in puncto B, progredieretur versus D cum uno gradu velocitatis, eoque perveniret duplo temporis, quam ipsi opus erat adveniens ab A versus B, si nihil se ejus motui opponeret. Et si loco plani CBE in puncto B, illud ipsum planum ipsi in puncto D opponeretur, certum est ex eo quod antea diximus, quod planum istud eam saltem ulterius progredi impediatur, non autem declinare ad dextram, & neque minuens neque augens celeritatem cum qua ad illud pervenisset à puncto B, illam refuturam versus G, & facturam angulum reflexionis D K, æqualem angulo incidentiæ BD G, qui reperiretur æqualis angulo primæ incidentiæ ABC. Debet autem in puncto B eadem mutatio fieri in determinatione pilæ, quæ fieret in puncto D, si planum CBE ipsi in eo puncto oppositum esset, siquidem jam ab ipso puncto B pila omnem eandem celeritatem & determinationem habet, quam haberet in puncto D, postquam percurrit lineam BD; Atque ideo pila, ex hypothesi ista, in puncto B resilire debet secundum angulum æqualem angulo incidentiæ. Non equidem, ut dixi, ex ratione, quam tu attulisti; Neque enim verum est interpositione plani CBE impediante saltem unam partium ex quibus determinatio composita est, eamque à sinistra dextrorsum ducit, manere eandem quæ erat cum pila non haberet planum oppositum; hoc enim ultimo casu pila unam saltem habebat determinationem, neque dici potest progressam esse dextrorsum. Ideoque Conclusio, quam inde ducis, & ipsa vera non est: Pila itaque, ais, debuit tantundem progredi superius, ad dextram, quam progressa erat inferius, si planum non impedivisset cursum ejus: Et veluti cum futura esset in puncto B inferius, progressa esset duobus momentis tantundem superius ad dextram à B usque ad E; eodem modo ad progrediendum duobus momentis tantundem superius ad dextram, debet progredi ad punctum F, quod tantundem appropinquat ad dextram quam punctum D, & quod interfecat circulum superius, eadem proportionem qua D ipsum interfecat inferius, facitque angulum reflexionis æqualem angulo incidentiæ. Omnis enim ista proportio, quam dicis debere observari superius, ut observata fuisset inferius, si planum CBE non impedivisset cursum ejus, saltem imaginaria proportio est; siquidem inferius, si nullum planum interpositum sit, pila nullam directionem dextrorsum habet, ideo quod nec directio aut determinatio dextrorsum semper relativa sit ad planum quod ipsi interponitur. Et si, exempli gratia, planum CBE ipsi alio sensu oppositum esset, veluti in hac figura, ubi omnis tua argumentatio tenderet dextrorsum;

Verum



Verum id in tua hypothefi ipfa fieri debet, & in omnia, ex ratione, quam dixi, quæ legibus naturæ & Principiis antea politis convenit.

Ad pleniorẽ hujusce explicationem, fupponamus pro tertio cafu, ut fecit D. Cartelius pag. 19. Dioptrices circa finem, pilam primo ab A verfus B protrufam, offendere in puncto B planum CBE, quod triente augmentum motus, aut celeritatem ejus, ita ut poftea tantundem viæ conficere poffit duobus momentis, quam antea tribus confecerat; fequitur autem manifefte debere eam refilire in puncto F, fi quidem determinatio dextrorfum nequit augeri per planum CBE, cui nullatenus oppofitum eft; non verò in K, uti refilire deberet, fi tua argumentatio procederet. At non procedit,



cum fit contraria naturæ legibus, itidemque experientia, quæ docet nos reflexionem pilæ aliorumque itiusmodi corporum, quæ non perfectè dura funt, aut quæ aliis fuperincidunt quæ motum eorum debilitant, nunquam fieri angulis æqualibus; fic pilæ molliores non tantundem refiliunt, neque angulos reflexionis æque magnos faciunt, ac eæ quæ funt duriores.

Et obferva, quod, cum natura facile captu fit, ad efficiendum ut reflexio fiat angulis æqualibus, motum nullo modo debere augeri aut diminui objectu plani, ratio etiam naturalis nobis perfuadere debeat, quoddum cum planum iftud motum auget aut diminuit, angulus reflexionis ex proportionẽ major aut minor efle debeat angulo incidentiæ, non autem femper debere efle æqualem, ut ex tua argumentatione fequitur, quæ proinde tibi fufpecta efle debet, quanquam fit acutiffima.

Dices autem, quid tandem futurum fit de pila in hypothefi quam poftui ad finem primæ mæ Epiftolæ occasione figuræ paginæ 19. hoc enim punctum eft in quo difficultas vertitur, & necelfe eft tandem, ut de puncto illo fatali, in quod infelicitè admodum incidit, extrahatur; Id verò in honorem D. Cartefii ad præfens aggrediar, & Logica ejus non immutata, utendo in cafu à te propofito eodem argumento, quò jam ufus fum, cum progrederer ad fecundam tuam hypothefin.

Si itaque pila, cum pervenerit ad punctum B ex obliquo offenderit planum durum, impenetrabile & immobile CBE, perdideritque in

progressuram super Diametro eâ celeritate quæ ipsi superest; haud secus ac, cum supponis, quod nullum plane offendens planum quippiam de sua velocitate amittat, continuare debet cursum suum in eadem linea recta, quam percurrere cœperat. Hacque ratione idem huic pilæ eveniet, acsi, cum mota fuisset certâ quadam velocitate per tractum plani CBE, contingeretque ut existens in puncto B (per hypothese[m] impossibile[m] ac nulla ratione nixam) amittat velocitatis suæ partem, continuaret cursum suum super eodem plano eâ celeritate quæ ipsi reliqua esset.

Notabis hic, ad eruendum aliquem defectum in ratiocinatione Domini Cartesii, recurrendum esse ad hypothese[s] impossibiles, neque adeo mirum fore, si ex impossibilitate posita quædam sequeretur absurditas.

Ex his omnibus liquet, ex se ipso destrui quicquid in tua secunda Epistola asseruisti, adeoque nec responsione opus elic; nimirum, quod, si D. Cartesius aliqua ratione attendisset celeritatem mutari, id est, augeri vel diminui in puncto B, reflexio tamen angulis æqualibus fieret; quod ipsi & amicis ejus non anxie laborandum fuisset ad extrahendam pilam e puncto B, in quod infeliciter admodum in schemate posterioris meæ Epistolæ inciderat; quod asserturus haud fuisset, velocitatem in puncto B mutatâ pilam tamen tantum dextrorsum progredi quantum antea progressa erat; neque deducturus fuisset ex fundamento non saltem incerto, sed & plane falso, suam propositionem refractionum: Hæc omnia, inquam, utpote jam nulla solida ratione subnixa, sponte cadunt; æque ac illud quod ad calcem prædictæ Epistolæ annectis; nimirum, quod, cum secundum medium, ut dixi, se æque facile undique aperire posset, ad dandum pilæ transitum, quodque, cum pila semper habeat eandem facilitatem ad penetrandum per secundum medium in omnis generis inclinationibus, sequi, ais, debeat in applicatione argumentationis D. Cartesii, in omnis generis casibus reflexionem fieri angulis æqualibus, & penetrationem fieri itidem in omnis generis casibus in linea recta, cum motus qui fit inferius in linea recta sequatur easdem leges respondeatque exactè motui qui fit superius angulis æqualibus. Si enim satis perspicuè locutus fui, jam tibi aliæ conclusiones ex Principiis D. Cartesii deducendæ sunt, agnoscendusque, me judice, error ratiocinationis ex qua illas deduxeras. Caveas itaque asserere, motum pilæ & refractionem tibi non nisi per imaginariam D. Cartesii comparisonem assimilari; forte enim aptissima & clarissima est omnium quæ adferri possunt ad eum explicandum: Verum eo fine pila consideranda est absque pondere, magnitudine, figura & absque mutatione in sua velocitate in omnibus lineis

quas percurrit; quæ omnia infinitas varietates in reflexione & refractione pilæ producere possunt: Sed cum in actione Luminis, ad quam quicquid dixit referendum est, locum non habeant, D. Cartesius, illa non consideravit in motu pilæ de quo loquitur; Præcipue verò non consideravit hanc circumstantiam, ad quam attendas quæso, quæ communissima est, plusque subministrat rationis de assertionibus D. Cartesii dubitandi; nimirum, quod cum medium, quod pila percurrit, ipsi ut plurimum singulis momentis partem celeritatis suæ defalcet, eo quod pila ipsi de sua celeritate communicat; exinde fit, ut pila potuerit perdere in puncto reflexionis dimidiam partem, ex. gr. celeritatis quam ab initio habebat, ita tamen ut non desinat reflectere angulis æqualibus, idè quod eo momento, quo planum attingit, celeritas jam diminuta fuit per medium quod percurrit, & directio quam tunc habet non desinat eam determinare ad progrediendum secundum eandem lineam, in qua prima ejus directio eam tenebat, cum primum de manu exiret, aut supra reticulum, (dum gravitas, aut magnitudo aut figura ejus in eo non mutata fuerint). Et hoc quod dico de celeritate, quando medium eam diminuit, intelligendum etiam est, cum singulis momentis per suam gravitatem augetur. Veluti pila quæ cadit ad tractum plani inclinati, tum resiliet angulis æqualibus, etiamsi celeritas ejus aucta inveniat in puncto reflexionis, idque per eandem rationem, nimirum, quod augmentum illud ipsi non adveniat de plano, sed quod eam habuerit antequam id offenderit; Atque ita vides, quam firma sint D. Cartesii Principia, & quàm justo ordine dispositæ suæ argumentationes, examinando eas uti D. Cartesius eas examinavit. Sane D. Cartesius cordatior & ad res istas attentior fuit, quàm ut in errores istos aut visibiles aut crassos incideret. Et satis, me iudice, nobis causæ suppeditavit, ad melius de se sentiendum, credendumque nos potius errare, non assequendo sensum & rationes ejus, quam cum falsitatis arguere, saltem tum cum error quem eum errasse credimus æque crassus ac evidens est. Hoc saltem addam, quòd cum diversa experimenta quæ hîc fecit D. Petit (tibi bene notus) in omnis generis corporibus pellucidis, omnia proportioni, à D. Cartesio adinventæ sint consentanea, credendum est rationes, per quas illam adinvenit, veritate niti. Quomodo enim in tot casibus diversis adeò præcise ad verum collimari posset per unam eandemque argumentationem, si argumentatio ista falsa esset?

Quod si nulla dictorum habitâ ratione nolis admittere Conclusiones è Principiis D. Cartesii à me deductas, accipias saltem pro verâ conclusionem

sionem harum Litterarum, credasque, ut argumentationes meæ mendosæ sint, protestationes tamen animi mei sinceræ esse cum me assero Tuum &c.

xxi. Aug. 1658.

EPISTOLA XLII.

D. Fermatii ad D. de la Chambre, de Dioptrica D. Cartesii.

Vir Clarissime,


MAndato tuo de recipiendo nec tamen legendo libro tuo ut obtemperarem à me impetrare non potui. Tantum donum pretiosissimum tuæ qua me dignaris amicitia argumentum est; Lectio autem ejus ideam istius amicitia mihi repræsentavit tanquam bonum aliquod, quod cum cura, cultu & æstimatione conservari debet. Quod ut tibi demonstrem, nihil tibi dicam de aliis tuis meditationibus Physicis, utut acumine & soliditate rationum præstantibus. Satis mihi erit tecum disserere de materia reflexionum & refractionum; saltem ad compensandam jacturam Dissertationis cujusdam quam de eodem subjecto ad te direxeram jam elapso quorundam annorum curriculo, quam tibi redditam non esse postea rescivi. Cæterum eò maximè in eo confirmor, quod quædam sit opinionum inter nos societas; ausimque tibi in antecessum affirmare, quod si permittas mihi quippiam Geometria Physica tuæ adjungere communibus impensis opus perficiemus, quod nobis quamprimum tutamen erit adversus D. Cartesium amicosque ejus.

Agnosco primum tecum veritatem hujus Principii, Naturam semper agere per modos maxime compendiosos. Ex quo optimè deducis æqualitatem angularum reflexionis & incidentiæ; Et objectio eorum, qui asserunt duas lineas quæ conducunt visum aut lumen in speculo concavo, ut plurimum longissimas esse omnium, tanti non est, si saltem supponas aliud Principium cui contradici nequit, quod quicquid nititur aut firmatur super linea curva, cujuscunque sit naturæ, censeatur niti aut firmari super recta quadam, quæ tangit curvam in puncto ubi concurrunt; quod ratione Physica, sublevata per aliam Geometricam demonstrari potest. Principium Physicum est, Naturam facere motus suos per vias maximè simplices; cum autem linea recta simplicior sit circulari aut alia quadam curva, credendum est motum radii qui superincidit curvæ,
magis

magis se referre ad lineam rectam quæ attingit curvam, quàm ad curvam ipsam; Primo, quia linea ista recta attingentia simplicior est curva; Secundò, (& hoc ipsum est Geometria mutuatum est) quia nulla recta cadere potest inter curvam & tangentem ex præscripto Euclidis; Ad eò ut motus planè idem sit super linea recta quæ tangit, ac super curva quæ tangitur. Et hoc supposito, dici nequit duas rectas lineas, quæ ducunt lumen aut radium aliquando longissimas esse in speculis concavis, ideo quod in hoc ipso casu brevissimæ reperiuntur omnium earum quæ possunt reflecti super recta quæ curvam tangit. Et consequenter neque supponendum est, Naturam hoc in casu coactam agere, neque concludendum, sequi illam aliam motus rationem, quàm illam, quæ servatur in speculis planis & in omni alio speculorum genere; Et proinde Principium tuum quantum ad Reflexionem solidè firmatum intelligas.

Postquam verò eo usi sumus ad Reflexionem, numquid etiam conducet ad Refractionem? haud multi operis res videtur; & tantillum Geometriæ nobis eam expedit. Non ero multus in refutanda demonstratione D. Cartesii, quam olim ipsi negavi, ipsi, inquam, *Viventi atque sentienti*, ut ait Martialis; nunquam autem mihi satisfecit. Usus motuum istorum compositorum est materia valde tenera, nec nisi summa cautione tractari & impendi debet. Confero istam cum quibusdam ex vestris Medicamentis, quæ venena sunt, nisi bene & ex præscripto artis præparentur. Satis mihi itaque hæc loci sit, dixisse, D. Cartesium nihil probasse, meque tecum sentire in eo quod ejus Opinionem rejicis.

Verum ultra progrediendum est & invenienda ratio refractionis in nostro communi Principio, quod est, quod Natura semper agat modis maxime brevibus & facilibus. Videtur in limine res non procedere, neque ipsum tibi objectionem formasse quæ videtur invicta.



Nam cum pag. 315. tui Libri duæ lineæ CB, BA, quæ continent angulum incidentiæ, & Refractionis, longiores sint rectâ ADC quæ ipsis bascos loco est in triangulo ABC, radius est C in A, qui continet viam breviorẽ radio duarum linearum CB, BA, debebat ex ratione nostri Principii vera & sola esse via natu-

ra, quod tamen experientiæ refragatur. Verum huic difficultati facile consulitur, præsupponendo tecum & aliis qui de hac materia scripserunt, resistantiam mediorum diversam esse; semperque esse rationem aut cer-

tam

tam proportionem inter duas hasce resistentias, cum duo media certæ cujusdam consistentiæ atque invicem uniformia sunt.

Ne verò mireris, quod de resistentia loquar, postquam decidisti, motum luminis fieri in instanti, & refractionem non fieri nisi per antipathiam naturalem, quæ luminis cum materia intercedit; Sive enim mihi largiaris, motum luminis sine successione posse in dubium revocari, tuamque probationem non esse planè demonstrativam, sive tuæ decisioni standum sit, nimirum, Lumen fugere abundantiam materiæ, quæ ipsi inimica est: Video autem isto posteriori casu, quod, cum Lumen fugit materiam, neque fugiatur quàm quod molestiam parit, aut resistit, poterit, etiam non nimium recedendo à tua opinione, statui resistentia, ubi fugam aut aversionem statuis.

Sit itaque ex. gr. in schemate tuo radius CB, qui medium mutat in puncto B, ubi dirumpitur, ut veniat ad punctum A; Si hæc duo media essent eadem, resistentia quæ fit in transitu radii per lineam CB, se habitura esset ad resistentiam quæ fit in transitu radii per lineam BA, uti linea CB se habet ad lineam BA: Cum enim media sint eadem, resistentia quæ fit in transitu, eadem in ambobus esset; & proinde servaret illa rationem spatiorum per quæ cursus factus est; Ex quo consequitur, quod cum media sint diversa & proinde resistentia differat, dici amplius nequeat resistentiam in transitu radii per lineam CB habere se ad resistentiam in transitu radii per lineam BA, uti se habet linea CB ad lineam BA; Sed in hoc casu resistentia per lineam CB se habebit ad resistentiam per lineam BA, uti CB se habet ad aliam lineam, cujus ratio ad lineam BA exprimat rationem harum diversarum resistentiarum.


Veluti si resistentia per medium A duplum sit resistentiæ per medium C, resistentia per CB se habebit ad resistentiam per BA, uti linea CB ad duplum lineæ BA. Et si resistentia per medium C dupla est resistentiæ per medium A, resistentia per CB se habebit ad resistentiam per BA, uti se habet linea CB ad medietatem lineæ BA; adeoque his duobus casibus duæ resistentiæ per CB, & per BA si jungantur, poterunt exprimi sive per lineam CB junctam medietati lineæ BA, sive per lineam CB junctam duplo lineæ BA.

Prævides dubio procul jamnum Conclusionem istius argumentationis: Pone enim ex. gr. duo puncta C & A in duobus diversis mediis, separata per lineam DB, quæque sint ejus naturæ, ut resistentia unius sit dupla resistentiæ alterius, querendum est punctum B, in quo radius qui penetrat à C in A aut ab A ad C secetur aut rumpatur.

T

Si

Si supponamus, hoc jam factum esse, cum Natura semper agat per vias breviores & faciliores, resistentia per CB juncta resistentiæ per BA , continebit summam duarum resistentiarum, & hæc summa, ut Principio satisfiat, debet esse minima omnium earum, quæ in qualicumque alio puncto lineæ DB reperiri queant; Hæc vero duæ resistentiæ junctæ, hoc casu, ut demonstravimus, denotantur sunt sive per lineam CB junctam medietati lineæ BA , aut per eandem lineam CB junctam duplo lineæ BA .



Quæstio igitur ad hoc Problema Geometricum reducitur. Pone duo puncta C & A , & rectam DB ; inveniaturque punctum in DB , ad quod si deducas lineas rectas CB & BA , summa lineæ CB & medietatis lineæ BA , contineat minimam omnium summarum eodem modo sumptarum, aut summa lineæ CB & dupli lineæ BA , contineat minimam summarum pariter sumptarum; Et punctum B , quod per constructionem hujus Problematis inventum fuerit, erit punctum in quo fiet refractionis.

Percipis exinde radium secari & rumpi debere cum media inter se differunt: Quamvis enim summa duarum linearum CB & BA , semper major sit quàm summa duarum linearum CD & DA , aut quàm integra CA , nihilominus linea CB juncta medietati aut duplo lineæ BA , potest esse brevior quàm linea CD juncta medietati aut duplo lineæ DA .

Fateor Problema istud non esse è numero leviorum. Sed cum natura id faciat in omnibus suis refractionibus, ut consuetis suis agendi modis insistant, quidni id resolvere conemur?

In antecessum polliceor tibi, me id solutarum quodcumque tibi placuerit, itidemque consequentias deducturum quæ veritatem sententiæ nostræ solidissimè firmaturæ sunt. Deducam inde è vestigio, radium perpendicularem non rumpi, Lumen rumpi jam ab ipsa superficie, non mutata obliquitate cui insisterat; radium ruptum appropinquare aliquando ad perpendicularem, aliquando recedere, prout è medio raro transit in aliquod densius, aut contra; & ut verbo absolvam sententiam istam exactè respondere omnibus apparentiis. In tantum, ut si ea vera non sit, possit tamen de ea dici quod Galilæus in dissimili subjecto pronuntiavit, quod Natura nobis eam inspirasse videatur, *per pigliarsi gioco di nostri ghiribizzi.*

At

At ego me culpa vix liberare queo, qui non meminerim solam gratiarum actionem subjectum hujus Epistolæ esse debere. Rogatum te velim, Domine, ut ignoscas ejus prolixitati, cum & tua res agatur, accipiasque eam utcumque tanquam pignus æstimationis qua prosequor eruditionem tuam. Vale.

Toloxi mense Augusto,
1657.

Tui observantissimus

FERMAT.

EPISTOLA XLIII.

D. Fermatii ad D. de la Chambre de Dioptrica D. Cartesii.


Vir Clarissime,

Æ Quum est ut obsequar tibi finiamque denique te arbitro inveteratam litem quæ mihi est cum D. Cartesio in materia refractionis, & forsitan satis felix ero ad proponendam tibi pacem quam ambabus partibus honorificam arbitraberis.

Dixi tibi aliquando in prima mea Epistola, Dominum Cartesium nunquam Principium suum demonstrasse; quod, præterquam quod Comparationes ut plurimum non valeant ad fundandas Demonstrationes, ille suas contrario sensu expediat, itidemque supponat transitum Luminis per corpora densa faciliorem esse, quam per rariora, quod procul dubio falsum est. Nil tibi dicam de defectu Demonstrationis in se ipso, quantumvis comparatio, qua utitur, bona & in hac materia admissibilis esset, quippe de quo amplissimè egi in Epistolis meis ad D. Cartesium cum in vivis esset, aut in iis quas post ejus obitum ad D. Clerfeliæ exaravi. Hoc saltem addam, quod viderim illud ipsum D. Cartesii Principium in pluribus Authoribus, qui post ipsum scripserunt; eorum tamen Demonstrationes haud magis quam ipsius D. Cartesii, recipiendæ, aut nomen istud mereri videntur. Herigonus utitur ad illud demonstrandum, æquiponderantibus, & ratione ponderum super planis inclinatis; P. Maignan alia viæ ad eò pervenire conatur; sed visu facile est, eos neutrum demonstrare, & lectis examinatisque studiosè eorum Demonstrationibus, nos æque incertos esse de veritate Principii ac lectis iis quæ scripsit D. Cartesius.

Quo tandem nos è tris istis expediamus, detegamusque veram refractionum rationem, indicavi tibi in Epistola mea, quod si in investigatione ista adhibere vellemus commune hoc & firmatum Principium,

Naturam semper agere per viam quam maximè compendiosam, facile inveniremus quod ad rem nostram facit. Quoniam verò in ipso lumine dubitavimus, an Natura, conducendo Lumen per duo latera trianguli, unquam possit agere viam què compendiosam, ac si illam conduceret per basim aut per hypothenusam, demonstratum eo contrarium opinionis tuæ, aut potius dubii tui, exemplo capto facillimo. Sit in figura hic apposta Circulus A C B G, cujus diameter sit A O B, Centrum O, & alius diameter G O C. E punctis G & C ducantur lineæ perpendiculares super primo Diametro G H, C D. Præsupponamus primum Diametrum A O B separare duo media diversa, quorum unum quod est inferius A G B densius, & superius A C B rarius sit, in tantum, ex. gr. ut transitus per medium densius ratione duplici.



Ex hac hypothese sequitur tempus quod mobile aut Lumen à C in O impendit, minus esse illo, quod illa in O & G ducit: Quòdque tempus motus à C in O, qui fit in medio rariore, saltem dimidia pars est temporis motus ab A in G; Et per consequens, mensura motus integri per duas rectas C O & O G potest repræsentari per summam dimidiæ partis C O & integræ lineæ O G. Eodem modo, si statuas aliud punctum veluti F, tempus motus per duas rectas C F & F G repræsentari potest per summam dimidiæ partis lineæ C F & integræ F G. Supponamus jam, radium C O esse 10, & consequenter Diameter totalis C O G erit 20. Sit recta H O 8, recta O D sit itidem 8. Denique recta O F sit saltem 1; Ajo in hoc casu motum qui fit per rectam C O G, impensurum esse tempus multo majus, quàm ille qui fit per duo latera trianguli C F, F G.

Siquidem enim probamus, dimidiam partem lineæ C O junctam integræ O G, continere plusquàm dimidium lineæ C F junctæ integræ F G, conclusio erit manifesta, siquidem hæ duæ summæ exactè faciunt mensuram temporis istorum duorum motuum; Summa autem medietatis lineæ C O & integræ O G exactè facit 15, atque evidenter ex constructione apparet, lineam C F æqualem esse radici quadratæ numeri 85. Sed medietas primæ radicis juncta secundæ, minus facit quàm $\frac{17}{2}$, & $\frac{17}{2}$ adhuc minus sunt quam 15. Itaque summa medietatis lineæ C F & integræ F G, minor est summa medietatis lineæ C O & integræ O G, adeoque

motus

motus per duas rectas CF, FG, citius peragitur, & minori temporis spatio, quàm per basin aut hypothenusam COG.

Huc uique haud arduo negotio processimus; verùm investigatio longius deducenda fuit: & quia, ut Principio meo satisfiat, non sufficit invenisse punctum veluti F, per quod motus naturalis fiat celerior, facilius & minori tempore, quàm per lineam rectam COG, inveniendum est insuper punctum, quod conductum peragat minori tempore, quàm aliud qualecunque, desumptum ex utroque latere, coactus fui hac occasione recurrere ad Methodum meam *De Maximis & Minimis*, quæ ejusmodi quæstiones satis feliciter extricat.

Quamprimum Analysin istam adoriri animus erat duo mihi obstacula removenda occurrebant: Primum, quòd quamvis veritatis Principii mei certus fuerim, nihilque æquè probabile sit atque ista hypothesis, quòd Natura semper agat per modos maxime faciles, hoc est, aut per lineas brevissimas, quæ longiore tempore non opus habeant, aut, quicquid accadat, per tempus brevissimum, ut compendium faciat laboris sui, & quo citius perveniat ad scopum operationis suæ (id quod præfens calculus confirmat, eò magis, quod exinde apparet, Lumen multò difficilius penetrare per media densa quàm rara, cum videas refractionem ad perpendicularem collimare in meo Exemplo, uti experientia confirmat, quod tamen hypothefi D. Cartesii adversatur); Nihilominus undiquaque & præcipuè à D. Petit, viro magnæ penes me autoritatis, commonefactus sum, experimenta exactè respondere Proportioni quàm D. Cartesius refractionibus præscripsit; quòdque etiam demonstrationis ejus mendosa esset, metuendum sit, ne frustra coner introducere proportionem proportioni ejus contrariam, quòdque experimenta post publicationem inventi mei facienda, ipsam è vestigio destruere possent. Secundum obstaculum quod investigationi meæ adversabatur, fuit tædium & difficultas calculi, quæ in resolutione Problematis, cujus in Epistola mea mentionem feceram, & de quo tibi dixeram, non esse è numero leviorum, statim proponit quatuor lineas per radices earum quadratas, & per consequens rem asymmetris involvit, quæ in tædiosam prolixitatem producantur.

Primum obstaculum removi eo quod sciam infinitas esse proportionēs, à verâ discrepantes, at illi ad eò imperceptibiliter appropinquantēs, ut possint fallere exactissimum quemque & maxime industrium observatorem. Atque ita cum secundum saltem obstaculum superandum sit, sæpius constitueram, amabilem Geometriam advocare (ita cum Plutar-

chus appellat) ad tibi mihiq; ipsi satisfaciendum; Verum metus, ne, exantlata diuturna & tædiola operatione, offendam operationem quandam irregularem & phantasticam, & inclinatio mea naturalis ad otium, deferuerunt negotium in isto statu, usque dum denique D. Miremontius tuo nomine, cujus autoritas mihi pro lege est, quæ metum meum & pigritiam longè vincit, novum calcar adderet, in tantum ut quantocys tibi obtemperare decernerem.

Itaque ex vi Obedientiæ, ut Monachi loquuntur, statim me accinxi ut iussa tua exequerer; Totamque Analyfin concinnavi certa Methodo, in quâ desiderium tibi satisfaciendi inspiravit mihi viam, quæ dimidio compendiosorem reddidit laborem meum, quæque quatuor illas asymmetrias, quas prima vice adnotaveram, ad duas saltem redegit, unde non parum fui sublevatus.

Pretium autem laboris mei fuit maxime insolitum, inopinatum, atque omnium felicissimum; Postquàm enim omnes æquationes, multiplicationes, antitheses & alias operationes Methodi meæ percurrissem, tandemque conclusissem Problema quod in schedula separatâ accipies, deprehendi Principium meum plane & præcisè eandem refractionibus dare proportionem, quam D. Cartesius stabiliverat.

Tam insperato successu magnopere commotus & admiratione perculsus fui: Reiteravi sæpius Algebraicas meas operationes, eodem semper successu, quamvis demonstratio mea supponat, transitum Luminis per corpora densa difficiliorem esse quàm per rara; quòd verissimum esse credo, & contradictionem non pati; D. Cartesius verò contrarium asseruit.

Quidnam ex omnibus istis nobis concludendum est. Nunquid amici D. Cartesii non satis habebunt, quod ipsi possessionem sui Theorematis liberam relinquant? Annon magnæ ipsi gloriæ erit cognovisse processum Naturæ primo intuitu & absque ulla demonstratione? Itaque palinam ipsi relinqu; Sufficit mihi quod D. Clerfelier admittat me in societatem probationis tanti ponderis veritatis, quæ tam mirabiles consequentias producere debet.

Addo insuper in gratiam amici sui, videri insignem istam veritatem naturalem non ausam esse resistere tanto ingenio, seseque ipsi deditisse & detexisse non coactam vi demonstrationis, uti fit in fortaliis, quæ cum cætera sint optima & captu difficillima, tamen solâ famâ ad oblidium venientis non expectatis tormentis bellicis, ad deductionem compelluntur.

Prædico tibi itaque, Domine, & D. Clerfelier omnibusque D. Cartesii amicis, solam Geometrarum incredulitatem obstaturam, quominus revera deprehendantur miracula illa quorum D. Cartesius Ipse nobis fecit, nimirum Perspicillorum Ellypticorum & Hyperbolicorum, dum artifices satis idoneos reperire queamus qui ea conficiant.

Levissima quædam difficultas superest, quam Comparatio D. Cartesii producere videtur; Nimirum quòd nondum appareat, quare pila quæ in aquam protrusa est, non appropinquet ad perpendicularem ad modum Luminis; Verùm, præterquàm quòd suspicari possumus, reflexionem in hoc Exemplo misceri refractioni, figuramque aut gravitatem quippiam posse contribuere ad differentiam hujus motus, nolim me implicare materiæ purè Physicæ; Foret hoc falcem in tuam segetem mittere, & tui domini fines invadere, Domine, qui in Physica Dictaturam geris. Finio itaque postquàm tibi declaraverim, non me refugere, quominus, si id tibi visum fuerit, transactio me inter & Cartesianos in Academicis divulgetur: Accipias, obsecro, vel effectus promptissimi obsequii mei, in argumentum solidissimum & plus quàm demonstrativum, me esse Tuum &c.

Siquidem perseveres denegare Lumini motum successivum, & defendere quod fiat in instanti, saltem tibi comparandæ erunt aut facilitas, aut fuga, aut resistantia major aut minor, prout media variant; Cum enim facilitas ista aut resistantia major aut minor sit in differentibus mediis, & quidem in diversa proportionem, pro majori diversitate mediorum, poterunt illæ considerari certa quadam ratione, & idèò cadere sub calculum, æquè ac tempus motus, & demonstratio mea ibi semper eodem modo utilis esse poterit.

Non extendi integram meam operationem, nec enim necesse erat, si quidem Methodus mea latè impressa est Tomo sexto Cursus Mathematici Herigoni: ubi dixi quod ad capiendum sensum meum sufficiebat. Si mihi injungas, ut percurram in forma omnes anfractus Analyseos, faciam; neque etiam ardui operis mihi erit facere demonstrationem per compositionem, nimirum, si lingua Euclidis loquamur.

duo rectangula debent ex præceptis Artis adæquari duobus rectangulis MN & BN.


Ducantur omnia quadraticè, ut tollatur asymmetria, deinde ablatis communibus, & termino asymmetro ex unâ parte collocato, fiet novus ductus quadraticus; Quò peracto, demptis communibus, & reliquis per E divisis, ac tandem elitis homogeneis, ab E affectis, juxta præcepta methodi, quæ dudum omnibus innotuit, & factò parabolisimo, fit tandem simplicissima æquatio inter A & M. Hoc est à primo ad ultimum; & ruptis omnibus asymmetriarum obicibus, recta DH, in figura, sit æqualis rectæ M. Unde patet punctum Diastolicum ita inveniri, si ductis rectis CD & CF, fiat ut resistentia medii densioris ad resistentiam medii rarioris, sive ut Bad M, ita recta FD ad rectam DH; Et à puncto H excutitur recta HI, ad Diametrum perpendicularis, & circulo occurrens in puncto I, quo refractione vergit; Ideoque radius à medio raro ad densum pertingens frangetur versus perpendicularem. Quod congruit omnino & generaliter invento Theoremati Cartesiano, cujus accuratissimam demonstrationem, à principio nostro derivatam, exhibet superior Analysis.

Proposuit Doctissimus Cartesius refractionum rationem, experientia ut ajunt consentaneam, sed, cum ut demonstraret, postulavit, & necesse omnino fuit ipsi concedi, Luminis motum facilius & expeditius fieri per media densa quam per rara; quod Lumini ipsi naturali adversari videretur.

Nos itaque dum à contrario axioma (motum nempe Luminis facilius & expeditius per media rara quam per densa procedere) veram refractionum rationem deducere tentamus; In ipsam tamen Cartesii proportionem incidimus; An autem contrariâ omnino viâ eidem veritati occurrì possit *ad Galileum*, videant & inquirent subtiliores & severiores Geometrae. Nos enim missâ Matrotechniâ satius existimamus veritate ipsâ indubitanter potiri, quam superfluis & frustratoriis contentionibus & jurgiis diutius inhærere.

Demonstratio nostra unico nititur postulato; Naturam operari per modos & vias faciliores & expeditiores; ita enim *æterna* concipiendum censemus, non ut plerique, naturam per lineas brevissimas semper operari. Utenim Galileus, dum motum naturalem gravium speculatur, rationem ipsius non tam spatio quam tempore metitur, par ratione non brevissimâ spatia aut lineas, sed quæ expeditius, commodius, & breviori tempore perstriti possint, consideramus.

Hoc supposito, supponantur duo media diversæ naturæ in primâ figurâ, in qua circulus A H B M, cujus Diameter A N B separat duo illa media, quorum unum à parte M, est rariùs, alterum à parte H est densius ;



Et à puncto M versùs H, inflectantur quælibet rectæ MNH, MRH, occurrentes Diametro in punctis N & R. Cum velocitas mobilis per MN, quæ est in medio raro, sit major, ex axioma, aut postulato, velocitate ejusdem mobilis per NH, & motus supponantur uniformes, in quolibet videlicet medio, ratio temporis motus per MN, ad rationem temporis motus per NH componitur, ut notum est omnibus, ex ratione MN ad NH, & ex reciproca ratione velocitatis per NH ad velocitatem per MN.

Si fiat igitur ut velocitas per MN ad velocitatem per NH, ita recta MN ad NI; tempus motus per MN ad tempus motus per NH, erit ut IN ad NH.

Pari ratione demonstrabitur, si fiat ut velocitas per medium rariùs ad velocitatem per medium densius, ita MR ad RP, tempus motus per MR ad tempus motus per RH, esse ut PR ad RH. Unde sequitur tempus motus per duas MN, NH, esse ad tempus motus per duas MR, RH, ut summam duarum IN, NH, ad summam duarum PR, RH.

Cum


Cum igitur Natura lumen à puncto M versus punctum H dirigat, debet investigari punctum, ut N, per quod, per inflexionem aut refractionem, brevissimo tempore à puncto M ad punctum H perveniat. Probabile namque est naturam, quæ operationes suas quam citissime urget, cò sponte collimaturam. Si itaque summa rectarum IN, NH, quæ est mensura motus, per inflexam MNH, sit minima quantitas, constabit propositum.

Hoc autem ex Theoremate Cartesiano deduci vera non fucata Geometria statim demonstrabit.

Propōnit quippe Cartesius, si à puncto M, ducatur radius MN, & ab eodem puncto M demittatur perpendicularis MD, fiat autem ut velocitas major ad minorem, ita DN ad NS; à puncto autem S excitetur perpendicularis SH, & jungatur radius NH, lumen à medio raro in punctum N incidens, refringi in superficie medii densi versus perpendicularē ad punctum H. Huic vero Theoremati Geometria nostra, ut constabit ex sequenti propositione purè Geometricà, non refragatur.

Esto circulus A H B M cujus Diameter A N B, centrum M, in cujus circumferentiâ sumpto quovis puncto M, jungatur radius MN, & demittatur in Diametrum perpendicularis MD; Detur pariter ratio DN ad NS, & sit DN major ipsâ NS; à puncto S, excitetur ad Diametrum perpendicularis SH, occurrens circumferentiæ in puncto H, à quo jungatur centro N radius HN; Fiat ut DN ad NS, ita radius MN ad rectam NI; Ajo summam rectarum IN, NH esse minimam, hoc est; si sumatur exempli gratia quodlibet punctum R, ex parte Semidiametri NB, & jungantur rectæ MR, RH, fiat autem ut DN ad NS, ita MR ad RP; summam rectarum PR & RH esse majorem summâ rectarum IN & NH. Quod ut demonstremus, fiat ut radius MN ad rectam DN, ita recta RN ad rectam NO, & ut DN ad NS, ita fiat NO ad NV. Ex constructione patet rectam NO minorem esse rectâ NR; quia recta DN minor est radio MN; Patet etiam rectam NV minorem esse rectâ NO, cum recta NS sit minor rectâ ND. His positis, quadratum rectæ MR æquatur quadrato radii MN, quadrato rectæ NR & rectangulo sub DN in NR bis, ex Euclide; Sed cum sit ex constructione, ut MN ad DN, ita NR ad NO; Ergo rectangulum sub MN in NO æquatur rectangulo sub DN in NR; Ideoque rectangulum sub MN in NO, bis æquatur rectangulo sub DN in NO bis. Quadratum igitur rectæ MR æquatur quadratis MN & NR & rectangulo sub MN in NO bis. Quadratum autem rectæ NR est majus quadrato rectæ NO, cum recta

NR sit major rectâ NO. Ergo quadratum rectæ MR est majus quadratis rectarum MN, NO, & rectangulo sub MN in NO, bis. At hæc duo quadrata MN, NO, unâ cum rectangulo sub MN in NO, bis,



sunt æqualia quadrato quod fit ab MN, NO tanquam ab unâ rectâ; Ergo rectâ MR est major summâ duarum rectarum MN & NO. Cum autem ex constructione sit ut DN ad NS, ita MN ad NI, & ita NO ad NV; Ergo erit ut DN ad NS, ita summâ rectarum MN, NO, ad summam rectarum IN & NV. Est autem etiam ut DN ad NS, ita MR ad RP; Ergo ut summâ rectarum MN, NO, ad summam rectarum IN, NV, ita rectâ MR ad RP. Est autem rectâ MR major summâ rectarum MN, NO; Ergo rectâ PR est major summâ rectarum IN, NV. Superest probandum rectam RH, esse majorem rectâ HV, quo peracto constabit summam rectarum PR, RH esse majorem summâ rectarum IN, NH. In triangulo NHR, Quadratum RH æquatur quadratis HN, NR, multatis rectangulo sub SN in NR, bis, ex Euclide; Cum autem sit ex constructione ut MN radius, sive NH ipsi æqualis, ad DN, ita NR ad NO; ut autem DN ad NS, ita NO ad NV; Ergo ex æquo erit ut HN ad NS, ita NR ad NV. Rectangulum ergo sub HN in NV, æquale est rectangulo sub NS in NR; Ideoque rectan-

rectangulum sub HN in NV, bis, æquatur rectangulo sub NS in NR bis. Quare quadratum HR æquatur quadratis HN, NR, multatis rectangulo HN, NV, bis. Quadratum vero NR probatum est majus esse quadrato NV; Ergo quadratum HR majus est quadratis HN, NV, multatis rectangulo HN, NV bis; Sed quadrata HN, NV multata rectangulo HN, NV bis, æqualia sunt ex Euclide, quadrato rectæ HV; Ergo quadratum HR quadrato HV majus est; Ideoque recta HR, major rectâ HV; quod secundo loco fuit probandum.

Quod si punctum R sumatur ex parte Semidiametri AN, licet rectæ MR, RH sint in directum, & rectam lineam constituent, ut in secunda



figura (demonstratio enim est generalis in quolibet casu) idem continget; Hoc est rectarum PR, RH summa, erit major summâ rectarum IN, NH. Fiat ut supra, ut MN radius ad DN, ita RN ad NO; Et ut DN ad NS, ita NO ad NV; Patet rectam RN esse majorem rectâ NO, rectam vero NO esse majorem rectâ NV; Quadratum MR æquatur quadratis MN, NR multatis rectangulo DNR bis, sive ex superiori ratiocinio rectangulo

MNO bis. Cum autem quadratum NR sit majus quadrato NO; Ergo quadratum MR erit majus quadratis MN, NO, multatis rectangulo MNO, bis. Sed quadrata MN, NO multata rectangulo MNO, bis, æquatur quadrato rectæ MO; Ergo quadratum rectæ MR quadrato rectæ MO majus erit; Ideoque recta MR erit etiam major rectâ MO. Cum autem sit ex constructione ut DN ad NS, ita MN ad IN, & ita NO ad NV; Ergo ut MN ad IN ita erit NO ad NV, & vicissim ut MN ad NO ita erit IN ad NV; Et dividendo ut MO ad ON ita IV ad VN, & vicissim ut MO ad IV ita ON ad NV, sive DN ad NS, sive MR ad RP. Probatum est autem MR ipsâ MO esse majorem; Ergo PR rectâ IV major erit. Superest ergo probandum, (ut ex omni parte constet propositum) rectam RH esse majorem summâ duarum rectarum HN & NV, quod ex prædictis est facillimum. Quadratum enim RH æquatur quadratis HN, NR unâ cum rectangulo sub SN in NR bis, sive ex prædemonstratis unâ cum rectangulo sub HN in NV bis. Quadratum autem NR est majus quadrato NV; Ergo quadratum

HR majus est quadratis HN, NV, unà cum rectangulo sub HN in NV bis. Vnde sequitur rectam RH ex superius demonstratis esse majorem summâ rectarum HN, NV. Patet itaque rectas PR, RH, sive unicam rectam PRH, (quando id contingit) esse semper majores duabus rectis IN, NH. Quod erat demonstrandum.

Tolozæ 1. Jan. 1662.

EPISTOLA XLIV.

D. Clerfeliier ad D. Fermatium occasione posterioris ejus
Epistolæ ad D. de la Chambre de Dioptrica scriptæ.

Clarissime Vir,

NE tibi persuadeas, me turbandæ pacis ergo, quam omnibus Cartesianis offers, calamum arripere; conditiones enim quibus eam illis offers adq̃ opimæ sunt & mihi nominatim honorificæ, ut causa non sit cur repudiari debeant; & si omnes illi, quibus unquam cum Magistris suis contentiones intercessere, æque sinceri essent, videres ipsam propediem omnibus partibus applaudentibus stabilitam. Duorum generum adhuc satisfaciendum erat Geniis quantum ad refractionem; quorum alii in Mathematicis parum exercitati assequi nequibant rationem desumptam è motibus compositis, quos tu verò rationi aurem accommodare docuisti, proponendo ipsis aliud Principium, speciosius quidem, eorumque viribus accommodatus, nimirum, Naturam semper agere viâ quàm maxime brevi & simplici: alii Mathesi nimium inhaerentes rationibus Metaphysicæ puris & simplicibus deferre non poterant, quæ tamen illis necessario jungi debet, ad tribuendam illis vim Convictionis; tu verò illis hoc obstaculum removisti, conducendo Principium tuum per argumentationem purè Geometricam. Et quia ista duo personarum genera dubio procul majori numero fuerant quàm cæteri, etiam tu absque controversia majorem partem gloriæ, quæ tam pulchræ & magni momenti inventioni debetur, merebaris. Neque tibi invidéo, Domine, imo polliceor me id ubique vulgaturum, ultroque confessorum, nihil me unquam vidisse ingeniosius, nihil melius excogitatum quàm Demonstrationem à te allatam. Hic mihi saltem permittas, allegare rationes quas Cartesianus Zelosus producere posset ad consulendum juri & honori Præceptoris sui, & conservandam possessionem & præcedentiam quâ hæcenus gavisus est.

1. Prin-

1. Principium quod statuis pro fundamento tuæ demonstrationis, nimirum, Naturam semper agere via aut modo quam maxime brevi & simplici, non Physicum, sed Morale saltem Principium est, quod nunquam est aut esse potest causa ullius effectus naturæ. Non est causa; cum non illo Principio ad agendum impellatur, sed vi secreta & virtute quæ in qualibet re est, quæ nunquam determinata est per istud Principium ad hunc illumve effectum, sed per viam quæ inest omnibus causis ad unam eandemque actionem concurrentibus, & per dispositionem, quæ actu ipso inest omnibus corporibus in quæ vis ista agit; Sed neque potest esse causa, hoc enim posito, præsupponeremus cognitionem in Natura; hic autem per Naturam nihil aliud intelligimus quam ordinem istum & legem istam in mundo stabilitam talem qualis est, quæ non agit ex prævise, aut consuectione, aut determinatione aliqua necessaria.

2. Idem Principium Naturam dubitationi implicare nititur, ut scilicet ignoret, quò se determinare debeat, cum radius Luminis corporis rari in densum aliquod transmittendum sumit. Quæro enim, an verum sit, Naturam semper agere debere per vias maxime compendiosas & simplices, cum linea recta procul dubio & brevior & simplicior sit omnibus aliis, si radius Luminis transire debet à puncto corporis rari ad definendum in puncto corporis densi, nunquid non ibi nascitur occasio faciendi hæsitare Naturam, si velis ut secundum hoc Principium agat, ad sequendum lineam rectam & que cito ac ruptam; si enim hæc brevior reperiatue tempore, altera brevior deprehendetur & simplicior mensura. Quisnam igitur de eo sententiam feret & difficultatem decidet?

3. Sicuti tempus non est causa movens, ita nec causa determinans motus esse potest; Et si semel corpus motum fuerit & determinatum aliquò progrediendi, vix credendum est tempus longius aut brevius posse efficere ut corpus istud determinationem mutet, utpote quod in ipsum non agit nec ulla in id vi pollet. Verum, ut omnis celeritas & omnis determinatio motus istius corporis à vi sua dependet, & à dispositione roboris sui, multò naturæ convenientius, Physicæque præceptis accommodatius est, ad modum D. Cartesii dicere, celeritatem & determinationem corporis hujus mutari per mutationem quæ accidit in viribus & in dispositione virium istarum, quæ veræ motus sui causæ sunt, quam tecum asserere, eas mutari per intentionem quam Natura habet ad semper progrediendum per eam viam quæ ipsi brevior & facilior est; neque enim intentionem habere potest, cum sine cognitione agat, quæ nullum effectum in corpus istud producit.

4. Sicuti

4. Sicuti sola linea recta determinata est, ea etiam sola est, quò Natura tendat in omnibus suis motibus: Et quamvis aliquando corpus per motum suum actualiter describat aliam lineam; nihilominus si singula puncta quæ percurrit consideremus, deprehendemus esse potius puncta totidem linearum rectarum, quas successive relinquit, quam lineæ cujusdam curvæ, quam tendat ad describendam; ea verò citius percurrit quatenus talia, quam secus; quamprimum enim corpus istud derelictum & traditum est robori, quod illud in quolibet puncto movet, inclinat se ad sequendum lineam rectam, ad quam punctum illud pertinet; nullo verò modo lineam curvam, quam descripsit. Hoc posito, si quæzatur de transferendo radio Luminis à puncto M in punctum H, certum est Naturam ipsum recta per lineam MH, si fieri possit, missuram; Neque sane unquam in eo fallit, si medium simile sit & æquale; Quod si medium per quod Lumen transit, Naturam mutet, opponatque plus aut minus resistentiæ cursui aut transitui ejus, quidnam poterit mutare directionem ejus objectu hujus medii? Quænam ejus rei causa excogitari potest? Num temporis brevitās? Neutiquam. Cum enim radius MN pervenerit in punctum N, ipsi secundum hoc Principium perinde esse debet progredi ad omnia puncta Circumferentiæ BHA, cum æquali tempore opus habeat ad progrediendum versùs unum quàm alterum; Cumque hæc ratio brevitatis temporis ipsum tunc non possit abripere hùc potius quàm illuc, rationi consentaneum esset, ut potius lineam rectam sequatur; Nam ad eligendum potius punctum H quàm aliud quoddam, supponendum esset, radium hunc MN, quem Natura eò mittere non potuit absque tendentia quâdam indefinita in linea recta, memoriæ recolere, se è puncto M egressum esse, cum mandatis quærendi, objectu alterius illius medii, viam quam posset percurrere minori temporis spatio, ad illinc perveniendum in H. Quod, ut verum fateamur, imaginarium est, & radices in Physica nescit. Quidnam igitur faciet mutari directionem radii MN, (postquam pervenerit ad punctum N) objectu alterius medii, nisi id quod allegat D. Cartesius? nimirum, quod eadem vis quæ agit & quæ movet radium MN, reperiens aliam dispositionem ad recipiendum actionem ejus in hoc medio, quàm in altero, quod suam dispositionem ejus intuitu mutat, format directionem istius radii secundum dispositionem in qua tunc erat. Et quoniam in puncto contingentis alterius hujus medii, sola vis quæ radii indeorsum fert sentit diversitatem ad recipiendum actionem ejus, quæ est inter medium unde egreditur & illud in quod intrat, (illa vi quæ ipsum ad dextram fert id non sentiente, idèd quod me-

diam

brevissimus omnium qui ad illud punctum tendere possunt: Denique ad progrediendum ab R in H, via rectissima & brevissima est si rectè versùs H progrediatur. Atque ita, si Natura ageret secundum tuum ipsiusmet Principium, deberet progredi directè ab M, versùs H; Nam ex una parte necesse est ut statim dirigat radium suum versùs R, & exinde tuummet Principium eam defert versùs H.

7. Et quantumvis tibi evidenter demonstraverim, secundum tuam suppositionem, tempus duorum radiorum M N, N H, simul sumptum, brevius esse tempore duorum aliorum qualescunque simul sumantur, non tamen ratio brevitas temporis hos duos radios per duas istas lineas defert. Numquid enim possibile esset, radium qui jam in aëre est, qui jam directionem suam habet plane rectilineam, quique aliò neutiquam tendit, quamprimum ipsi aqua aut vitrum opponatur, consilium capere declinandi, prout facit, eà solà intentione ut præcisè quæsitum eat punctum, ubi motus ejus compositus sit brevissimus eorum omnium qui eò progredi possunt ab eo loco unde ipse exierat; Ratio hæc verè Metaphysica foret pro subjecto quodam planè materiali. Annon credendum potius est, ut jam dixi, quod sicut vis motus & ejus determinatio conducerunt radium istum in prima linea quam descripsit, nullo per tempus addito adminiculo, ita etiam mutatio quæ accidit in vi ista & determinatione, ipsum inclinet ad arripiendum cursum, sibi describendum, absque adminiculo per tempus suppeditato, cum tempus nihil producat?

8. Denique differentia quam reperio inter te & D. Cartesium est, quod tu non probes sed præsupponas saltem, Lumen faciliùs transire in corpora rara quàm in densa; cum è contra D. Cartesius probe, non saltem supponat, ut tu ais, Lumen transire facilius in corpora densa quàm rara. Posito enim tuo Principio, & dato insuper, Naturam semper agere per modos breviores aut promptissimos; optimè concludis Lumen debere sequi viam cui insistit, in refractione; cum D. Cartesius nullo præsupposito sola experientiâ nitatur, ad concludendum Lumen faciliùs transire in corpora densa quàm rara, eodemque momento modum proponat metiendi proportionem qua id fiat. Et quoniam probe cognoscebat experientiam quotidianam contrarii præbituram nobis dubitationis ansam, Physicam ejus rationem reddit pag. 23. suæ Dioptrices, quo recurrendum est.

Quodsi autem verum sit Lumen difficiliùs transire in corpora rara quàm densa, uti ratio ibi per D. Cartesium allegata probare videtur; Si denique verum sit, Naturam non semper agere per vias breviores, uti

osten-

ostenditur exemplo pilæ quæ ab aëre in aquam propellitur, jam concidei omnis tua demonstratio; Sed & quod ais, te quondam proposuisse difficultates tuas D. Cartesio, & ipsi quidem, *viventi atque sentienti*, neque tamen ipsum, nec amicos ejus, tibi unquam fatistecisse; annon etiam dici posset, ipsum tibi cum adhuc inter vivos ageret, amicos autem ejus ex quo fati concesserat, respondisse, *tibi, inquam, viventi, &, nisi dicere nefas esset, adderem, & non intelligenti*; cum sint qui sibi persuadeant se eam probe intelligere. Et denique, ut ais, videri naturam tantum honoris & cultus detulisse D. Cartesio, ut sese ipsi dediderit, aperueritque suas veritates, non coactam vi demonstrationum; Annon dici potest, te vim intulisse Geometriæ (ut ut admodum rigidæ) ad tibi aliquam suppeditan- dam ope istius duplicis falsæ positionis. Quæ cum ita sint maxime severis & perspicacissimis Physicis judicandum relinquo, uter vestrum rem melius tetigerit causam refractioni assignando.

Hoc tamen non obstante rem alia ratione considerans fateor tecum, Naturam semper agere per vias breviores & faciliores: Sicut enim sola vi agit quæ ipsam necessario abripit, semperque in actione sua determinata est, semper facit quicquid facere potest, atque ita qualemcunque cursum sibi sumperit, erit ille semper quam brevissimus & facillimus esse potuit, habito respectu ad omnes causas actionis & determinationis ejus.

Postquam tibi hoc modo proposui id, quod me in prima mea sententiâ continet, non tamen effugere quæo quin quodammodo cogar me tibi dedere, & acquiescere qualitercunque sententiæ tuæ: Tantumque abest, ut tibi denegandam sustineam gloriam societatis in probatione veritatis tanti ponderis, ut etiam medium vos conciliandi, relinquendo utrique partem quæ ipsi debetur, reperisse arbitrer. Sicuti Lumen nobilissima naturæ productio est, ita videtur eam ipsi permittere ut agat modo quam maxime regulari & universali; facereque, ut in actione ejus, quicquid Principiorum in omnibus aliis causis impendit, in hac universum & collectivè reperiat. Itaque cum motus aliorum corporum pendeant à vi quæ eos movet & ab ejus determinatione, Lumen secundum leges istas, continuat modo in linea recta, modò ab ea declinat, appropinquando aut recedendo à perpendiculari. Verum cum itidem videamus, Naturam semper agere per vias breviores & faciliores, oportebat, ut Lumen se legi huic accommodaret. D. Cartesius ostendit, Lumen in refractione ne leges consuetas motûs omnium corporum sequi: Et tu Domine, probasti, quòd, quamvis Lumen in refractione videatur declinare, atque

oblivisci quòd agere debeat per vias breviores, tamen ita exactè hanc legem observet, ut nihil hìc desiderari possit. Atque ita dici potest, te cum D. Cartesio laboris societatem iniisse in defendenda natura, & reddendâ ratione modi ejus agendi: Quod ipse quidem præstitit per rationes naturales & communes omnibus corporibus: tu verò, Domine, per rationes Mathematicas è pura & subtili Geometria desumptas: Quin imò, cum probatio ista Geometrica difficillima inventu & explicatu fuerit, non recuso tibi palmam dare: & ex hoc ipso momento subscribo paci perpetuò duraturæ inter vos, neque amplius litem tibi movebo de inefficacia Principii tui & de differentia quæ inter tuum est & D. Cartesii Principium, cum idem concludant & eandem veritatem patefaciant. Vale.

vi. Maji, 1662.

EPISTOLA XLV.

D. Clerfelier ad D. Fermatium de eadem materia.

Vir Clarissime,

Litteras hæcæ jussu Congregationis quæ singulis septimanis in ædibus D. Montmort habetur, ad te exaravi, ad corrigendum vitiosum vocabulum Latinum, quo in Epistola, quam ante octiduum ad te misi, quamque præterita Martis in congregatione legi, usus fui. Hoc unum improbat; & sensi id quidem ipse in actu Scriptionis, conatusque fui id emollire per correctorium quod antecedit; Verum hoc non inspecto, publicè culpatus fui, & tum quamprimum animo agitabam per litteras à te veniam petere; Id quod hodie eò libentiùs facio, quòd, præterquàm quòd per istam submissionem, tibi testatam reddam actionis meæ ingenuitatem, occasio sit tibi significandi, me coactum fuisse respondere ad objectiones quasdam, ab aliquibus prædictæ Congregationis mihi factas, quò sententiam D. Cartesii magis illustrarem, exemplo familiari, & quod subjecto maxime convenit. Si non præstinassem tibi mittere quod jam à quatuordecim diebus paratum erat, quodque ob commercium quod mihi cum D. de la Chambre intercedebat, ipsi communicare coactus eram, evitasset improprium Congregationis, neque istius culpæ reum me reddidisset.

Metui autem, ne diutius mihi differendum esset indicium ejus quod Congregationi facere decreveram, utpote quæ jam bis distulerat lectio-

ncm

ipſum deſert ad dextram, cui medium illud nullo modo oppoſitum eſt; & ſi ipſi alio modo opponeretur, eadem directio, quæ modo à ſiniſtra dextrorſum fert, poſſet eſſe talis quæ illum ad id medium deſert, & altera talis, cui hoc medium non foret oppoſitum; Et prout medium hoc magis minusve inclinatum eſt ad hunc radiū, duæ, quas ejus intuitu habet, tendentiæ aut directiones, ſunt diverſæ, poſſuntque altera alterius intuitu diverſas habere proportionēs.

Cæterum cum de tendentia, directione aut determinatione mihi ſermo eſt, ne tibi perſuadeas, velle me directionem ſine vi aut motu, quod chymæricum foret & impoſſibile, cum nulla poſſit eſſe directio ſine motu aut viribus: verum per vocabulum directionis aut determinationis ad certum locum intelligo omnem partem motus, qui determinatus eſt ad progrediendum verſus illum locum.

Itaque prout medium magis minusve inclinatum eſt ad radiū, vis, quæ ejus intuitu ipſum ad certum locum deſert, poteſt eſſe major aut minor, quam illa quæ ipſum ad aliū locum deſert. Ex. gratia, ſi angulus ABC æqualis eſt angulo ABH , duæ partes motus, quarum una ipſum deorſum, altera dextrorſum fert, ſunt æquales; Siquidem ille minor ſit, vis ejus minor eſt, & ſi major ſit, vis ejus quoque major eſt; Qualiſcunque autem ſit inclinatio radii ſuper medium, ſemper pars erit virium motus ejus, cui medium illud oppoſitum eſt, & alia cui oppoſitum non eſt. Cæterum quamdiu radius in aëre eſt, proportio, qualiſcunque tandem illa ſit, quæ eſt inter has duas partes motus, quem uniformem ſupponimus, deſert ipſum in lineā AB ; & quamdiu nihil illam mutet, aut dum hæ mutantur, conſervando ſemper inter ſe eandem proportionem, radius ſemper lineā rectā progreditur.


Verū cum radius AB paginæ 17. perveniendo ad punctum B , offenderit aliud medium; ſi quidem medium iſtud radio non eandem offert facilitatem ut patiat ſe penetrari, veluti aër, oportet ut mutatio interveniat in curſu radii, aut in ea motus parte, quæ ipſum ad id & non ad alterum deſert; Quod ſi minus offerat facilitatis qua penetretur, quā aër, reſiſtentia quam opponit ei parti motus quæ ad illud tendit, non verò ad alterum, quæ in hoc ponit attingentiæ eadem præciſe remanet, facit, ut, cum non ampliùs ſit eadem proportio inter has duas motus partes, quæ ambæ ſimul antea radiū in lineā AB ferebant, oporteat ejus determinationem per illas mutari, & ferri verſus punctum illud ad quod directio tendit, quæ ſe ad proportionem quæ tunc inter illas reperitur, accommodat; unde à perpendiculari multum recedet.

Quodſi



cularem; quod accidit tùm cùm radius Luminis transit ab aëre in aquam aut in vitrum.

Quæ omnia ut exemplo facili clariora reddantur, finge tibi corpus sphericum durum & politum, superimpositum asseri durissimo & optimè lævigato, cujus ora nitatur extremitate tabulæ cujusdam, in tantum ut asser sit inclinatus super tabulam faciatque cum ea angulum acutum:



Constat mobile istud super asseri progressurum esse, & quidem tardius aut velocius, prout asser magis aut minus super tabula inclinatus fuerit. Sed qualiscunque fuerit motus mobilis super isto asseri, constat, intuitu tabulæ duas esse determinaciones, alteram quæ mobile ad ipsam ferat, per quam descendat, alteram, quæ ipsam ad quandam parietem Cameræ deferat, per quam eò progrediatur; Atque adeò verum est, quod mobile duas istas impressiones habeat, ut ambas etiam tum cum in aëre extra asserem est, servet; Et siquidem earum saltem una ipsi superesset tunc cum extra asserem delatus est, illam factem solam sequeretur, ex. gr. perpen-

pendiculariter in terram caderet, quamprimum exierit ex aëre, siquidem nulla ipsis superesset quam sola impressio descensus sui.


Considera autem id quod accidit mobili in puncto ubi deserit aërem, & videbis idem plane accidere lumini, cum ab aëre in aquam transit: Et quoniam tum pars motus quæ mobile deorsum fert plus facilitatis aut minus resistentiæ, quæ fiat actioni suæ, deprehendit, cum extra aërem & in aëre est, quàm habebat cum adhuc super aëre esset, quòdque ea pars quæ ipsum parietem versus defert eadem remaneat (quamvis adhuc eadem vis integra sit quæ mobile in punctum illud propellit, visque duarum partium motus ejus separatim sumptæ sit eadem) nihilominus, quia proportio quæ antea fuerat inter facilitatem aut resistentiam, quam offerebat medium his duabus viribus, mutata est, quòdque in puncto isto exitus, plus facilitatis inveniat ad descendendum quàm antea, non reperta quidem majori aut minori facilitate ad progrediendum versus parietem, inde fit, ut non amplius sequatur directionem lineæ quam percurrerat super aëre, sed aliam sibi sumat, quæ ad majorem facilitatem quæ tum in una suarum virium plus quàm in altera reperitur, proportionem habet; unde fit, ut mobile descendendo de aëre accedat ad perpendicularem, uti etiam facit Lumen ingrediendo in aquam, propter eandem rationem.

Et mea quidem sententia captu facile est hoc possibile esse; & hoc esse judico quicquid D. Cartesius de Refractione dicere voluit. Nec tamen tuum assensum extorsisse prætendam, satis habens, me explicuisse, ne credas me in verba jurasse Cartesii, aut tibi ex petulantia saltem contradicere. Te sequor in hoc casu, in quo nihil præter veritatem quæro; & ea ipsa, quam tecum habeo, conformitas in spem me adducit, tibi non ingratum fore quod me fatear, Tuum &c.

AD illustrandam magis hanc materiam, adducam adhuc exemplum, quod, me iudice, omnes difficultates quæ formari possunt contra doctrinam D. Cartesii de Refractione in Dioptricen ejus relatam, explicat.

Constat experientia, quòd qualicunque modo globus A propulsus sit ad punctum B per globos C, D, E, F, G, & qualescunque sint determinationes diversæ, ex quibus determinatio cursus eorum composita intelligi potest, semper ab iis versus H pelletur.

Primum, quantum ad globum E, constat cum debere propellere globum A versus H, ideo quod iste globus A determinationi globi E plane
sit



fit oppositus; Et quod de globo E constat, æquè intelligendum est de aliis, qui, quamvis oblique veniant ad globum A, ipsum in puncto B non attingunt, neque propellunt, nisi quatenus descendunt versùs H, & non quatenus progrediuntur versùs I (aut versùs K) unde nequeunt huic globulo alium imprimere motum, quàm ut eum ad H pellant. Cæterum, utut determinationes globorum D & F oppositæ sint, quatenus una dextrorsùm, altera sinistrorsùm progreditur, tamen non sunt oppositæ quatenus descendunt, atque ita in globum A eundem effectum habere debent, nimirum ut eum versùs H propellant.

Verùm si supponamus globum A durum esse & immobilem, omnes isti globi, qui ipsum offenderint, coacti erunt mutare determinationem, quam habebant progrediendi versùs H, in determinationem progredien-

Y

di

di aut reflectendi versùs L, & servandi alias si quas habeant, quibus iste mutationem inferre nequit, ideo quod ipsis eo sensu non fuerit oppositus; Et hoc explicat reflexionem quæ fit angulis æqualibus.

Quodsi supponamus globos istos communicasse quippiam de motu suo globo A, fieri hoc nequit, nisi eo sensu, quo ipsis oppositus est; Et proinde solus motus versùs H potest recipere alterationem, non verò motus ad I aut versùs K, qui proinde idem & integer remanere debet: Ita ut si globi isti perdant in puncto B vim quæ ipsos determinat ad progrediendum versùs H, & nihil perdant de ea quæ ipsos determinat ad progrediendum versùs I, oportebit eos declinare, & eo ipso assumere aliam directionem, quam semper conservent, qualemcunque resistantiam medium possit opponat; quod equidem velocitatem cursus eorum minuire, non autem eorum directionem mutare potest; ideo quod quidem eorum velocitati oppositum esse possit, non verò directioni eorum quam assumpserunt, quoniam supponimus æquè facile ac difficile esse aperire se aut penetrare ex omni parte. Et per hoc explicatur refraction quæ à perpendiculari recedit.

Quodsi è contrario supponamus, globulis istis in B existentibus globum A facilius cedere, eosque secum (ut ita loquar) trahere versùs H: hinc fit, ut globi isti velocius descendant; verum hoc nihil mutationis adfert motui eorum ad dextram, aut sinistram, cui ipse non est oppositus. Atque ita cum hi globi, quo momento sunt in puncto B, magis inclinent ad progrediendum versùs H, quàm antea, nec magis minusvè, quàm antea, inclinent ad progrediendum versùs I, mutare debent directionem, & servare illam quam assumpserint; Et per hoc explicatur refraction ad perpendicularem.

Utque demonstremus, resistantiam majorem aut minorem corporis medii nihil eò contribuere, neque mutare determinationem quam globus sumit in puncto B, consideremus quid accidere possit globo A, secundum diversos casus quos contempere possumus. Ex. gr. Quonam ibit globus E si perpendiculariter superincadat puncto A, ipsique dimidiam partem motus sui communicet? Dubio procul ibit versùs H, & vis quam illo momento recipit eum non potest determinate nisi ad eò progrediendum; Sed an proinde progrediendo versùs H describet duobus momentis lineam æquè longam quam descripsit E uno momento? Ita sane, si supponas, medium quod percurrit ipsi æquè facilem transitum concedere ac alterum medium concesserat; quodsi medium illud magis resistat, describet lineam breviorē; uti etiam describere potest æqualem, vel etiam

etiam longiorem, si medium illud æquè aut minus resistat viribus quas receperat.

Quodsi supponamus quendam reliquorum globulorum C, D, F, G, offendere A in puncto B, idem sequetur, nimirum, coactum cum iri per vim quam accipit assumere determinationem suam versùs H, ut antea, eo ipso momento quo ab ipsa tangitur; Et qualitas medii non mutabit hanc determinationem, nisi quòd accepta minori vi, eò quòd, cum non nisi oblique tacta sit, non propellatur omni vi globi qui illam attingit, minus celeriter sit progressurus.


Sin vero supponamus globum A jam in motu esse & se movere versùs I; descensus unius istorum globulorum super illum, non affert quicquam mutationis determinationi, quam habebat eò progrediendi, hoc est, integris viribus motus sui, qui ipsum determinabat ad progrediendum versùs I, & proinde continuare debet eò progredi uti antea progressus erat; sed & eodem tempore progreditur eò quò ipsum determinat impressio illa quam denuò accepit per descensum alicujus istorum globulorum; adeò ut ex eo ipso momento debeat assumere directionem suam.

Si denique supponamus, medium in quo posthac existit, ipsi resistere magis, quàm alterum restiterat, non inde mutabitur determinatio quam sibi sumpserat, sed hoc saltem fiet, quod ipsum minus celeriter percurreret, quàm secus percurrissèt; Nam proportio quæ eo momento erat inter duplicem ejus vim, determinavit illum ad aliquò progrediendum; & qualemcunque facilitatem aut difficultatem adferat ex post facto corpus medii quòd percurrere debet, uti æqualis est omni sensu, id nihil mutationis afferre potest determi-

nationi quam sibi sumpsit in ejus superficie, neque magis minusque eum deflectet: & eadem proportio hic servata est inter motus vehementes ac debiles æqualiter proportionatos.

Exempli gratia, propellatur globus A per vim duplicem æqualem versùs B & versùs C eodem temporis momento, quidnam eveniet, cum erit in aère? Fiet ut daz vires


Y 2 istz



istæ multum in eum pollentes, in momento eum propellant usque in D; verum si in aqua esset, tum duæ vires istæ, tantum in eum non valentes, ipsum saltem in E propellent; attamen propterea directionem suam non mutabit.

Idque quod assero de globo A propulso per vires æquales in duo media diversa, etiam intelligi debet de quocunque alio genere proportionis quæ est inter duas vires istas; Nimirum, quod diversitas medii non mutet directionem ad quam vires quas habet, eum in primo momento determinant, possit autem mutare velocitatem ejus.

Exempli gratia, propellatur globus A eodem momento per duas vires, quarum una eum duplo plus pellat versùs C, quàm altera eum pellat versùs B, quidnam accidet cum pervenerit in aërem? Fiet, ut duæ



vires illæ, cum multum in eum valeant, eum momento pulsurræ sint usque in D; quod si in aqua esset, tum duæ vires tantum in eam non valentes, & tamen ex omni parte effectum sibi proportionatum habentes, cum aqua se ex omni parte æqualiter aperiat, illum saltem usque in E propellent, ille verò directionem suam, quam à primo momento sibi sumpsit, propterea non mutabit.

Atque ita inspectis primis hypothesibus quas facit D. Cartesius cum utitur exemplo pilæ, ad explicandam reflexionem & refractionem, capite 11. suæ Dioptrices, nimirum, supponens, neque gravitatem neque levitatem pilæ, neque magnitudinem, aut figuram ejus, neque ullam talem causam extraneam mutare cursum ejus, verum est & id quod consequenter dicit, nimirum debere considerari solam determinationem, quam pila sibi sumit eo momento, quo est in puncto B, non inspecto, quid possit

possit accidere mutationis in ejus velocitate, in medio quod postea percurrit: cum in puncto B demum coacta sit mutare directionem, ob mutationem quæ accidit in hoc puncto in proportionem quæ est inter duas vires, quæ componunt omnem motum ejus; & directionem quam semel assumfit in puncto B, postea servat, eamque magis aut minus velociter sequitur, pro majore & minore resistentia medi.

xiii. Maji, 1662.

EPISTOLA XLVI.

Responsio D. Fermatii ad D. Clerfelier.

Vir Clarissime,

Binz litteræ datæ sexto & tertio decimo Maji eodem tempore mihi redditz fuerunt, majori me honore prosequuntur, quàm ulla ratione expectare debebam; Tantumque abest, ut vocabula tua Latina me offenderint, ut etiam mihi persuadeam, in hypothesi sententiz tuæ ad subjectum Demonstrationis D. Cartesii, in quibusdam Epistolæ tuæ locis magis idonea reperiri non posse. Si enim hæc demonstratio sit in regulis Demonstrationum certarum & infallibilium, nihil verius est; nisi quoddam qui de ea convicti non sunt, eam non intelligunt. Qualitas essentialis Demonstrationum est cogere ad assensum; adeo ut illi qui non sentiunt vim istam, neque ipsam Demonstrationem sentiant, id est, non intelligant. Itaque temperamentum illud, quod Viri Clarissimi vestræ Congregationis tibi inspiraverunt, attribuo soli eorum humanitati atque comitati, tibi que eo nomine gratias ago quàm maximas. Quantum ad Quæstionem primariam, & tibi & D. de la Chambre sæpius dixi, me non prætere nec unquam præterdisse participare de confidentia secreta Naturæ; Habet enim illa vias obscuras & latentes, quas nunquam institui penetrare; obtuli saltem illi adminiculum quoddam Geometriæ in subjecto refractionum, si forte eo opus haberet: Sed cum mihi asseras, posse illam agere quæ sua sunt, non addito hoc adminiculo, sitque contenta cursu illo, quem D. Cartesius illi præscripsit, renuncio alacriter præsentæ possessioni Physices, satisque habeo ut possessionem mihi inturbatam relinquo Problematis mei Geometrici purissimè, *et in abstracto*, cujus ope reperiri potest cursus mobilis cujusdam, quod transit per duo media differentia, quæritque finire motum suum quamprimum poterit.

Y 3

Et

Et quidem nescio, utrum non majus sit miraculum, si supponatur, me male divinasse ratiocinationem Naturæ; Nunquid enim quippiam magis insolitum concipi potest, quàm quod mihi accidit? Scripti jam ante decennium ad D. de la Chambre, me in ea sententia esse, quòd refractione debeat reduci ad Problema istud Geometricum, tumque temporis persuasissimum habebam, Analysin istius Problematis daturam mihi proportionem ab Analyfi D. Cartesii differentem. Nihilominus tentando Problema, quod satis difficile est, decennio post, proportionem D. Cartesii proportioni respondentem inveni. Siquidem mendacium dixi, annon optime jure defendam, esse illud ex eorum numero, de quibus Tassus Poëta Italus, ut superius dixi, scripsit:

*Quando sarà il vero
Si bello, che si possa a ti proporre?*

Ecce satis superque dictum, complico arma. Hic mihi saltem permittas certum reddere D. Chanutum, Dominumque Abbatem Issoriensem filium ejus, mei humillimi obsequii: Patri quidem notus non sum: cur autem solus sum totius Europæ, qui cum non veneretur? Ego persisto

Tui observantissimus,

FERMAT.

EPISTOLA XLVII.

Ad Reverendum Patrem Merseenum.

Rèverende Pater,

Reditum mihi est D. Fermatii scriptum, cum schedula quam tu inseruisti fasciculo Majoris (uti vocant) atque ex eo obtiduum distulisti responsum, expectans interea temporis fasciculum quem mihi eodem tempore transmissum esse, in ista schedula significas; sed non accepi, adeoque vereor ne perierit, nisi cum alia via quàm per Postam transmiseris. Mitto tibi Autographum præsentis ejus Demonstrationis contra meam Dioptricam, eo quod mihi dicis, te illud inconsulto autore mihi transmississe. Sed quantum ad scriptum ejus *De Maximis & Minimis*, siquidem Confiliarius est, è numero amicorum ejus, qui ipsum tibi tradidit mihi transmittendum, penes me servandum duxi ejus Autographum, misso ad te ejus Apographo, præcipuè cum errores adeo evidentes con-

contineat, ut fortasse me falsi accusare posset, nisi manum ejus retinerem. Sane ex eo quod de ipso vidi, deprehendere possum, esse ingenium igneum, plenum inventione atque aulis, quod me iudice præfestinavit, quodque, cum subito famam acquisierit scientiæ Algebraicæ, eò quòd forte laudatum fuerit per ejusmodi homines, qui satis operæ non adhibuerunt ad judicandum de ea, aut judicare non potuerunt, eò audaciæ provectum est, ut rem agendam non ea quâ decet aut oportet attentione committeretur. Impatienter expecto ejus declarationem tam ad epistolam huic additam, per quam respondeo ad scriptum ejus, de *Maximis & Minimis*, quam ad præcedentem, per quam ad Demonstrationem ejus contra meam Dioptricam respondi. Utramque enim scripsi, ut earum, si tibi placuerit, compos fiat. Neque verò nomen ejus exprimendum existimaui, ut minus erubesceret ob errores, quos ipsi expono, quodque nunquam id agam ut indignationis causam cuiquam præbeam, sed saltem ut me defendam; Eamque ob causam, quod autumo cum se in pluribus ejus scriptis in præjudicium mei jactasse, consultum duxi pluribus inspicere defensionis meæ copiam facere: Rogatum te itaque velim, ne eam illi transmittas nisi retento apographo. Et si quidem tibi de mittendis aliis posthac scriptis sermonem faciat, roges ipsum, si placet, ut melius ea digerat præcedentibus, secus enim gratum mihi feceris, si transmittendi officium recuses. Dictum enim tibi volo, quod si cum voluerit objectiones contra me formare, plus operæ non impendat, quam prima vice impendit, erubescerem si oporteret respondere ad res tam exigui momenti, neque tamen honestè refugere possem, cum notum fuerit per te transmissas esse. Vellem equidem, eos qui in me objectiones parant non præfestinare, at probe examinare scripta mea, ut intelligant, antequam de parte earum judicium ferant: sunt enim inter se connexa, finisque inservit probando Principio. Persuasum verò habeo, te mihi semper liberè indigaturum quicquid de me dicatur, sive boni sive mali, ejusque in posterum majorem habebis occasionem, quam antea, cum Liber meus jam Parisios delatus sit. De reliquo, cum vulgò non ignoretur, quod me honore tuæ amicitiae digneris, sit ut te præsentè nihil de me dicatur, quod per te relatum iri non præsupponatur, atque ita eo jam abstinere nequis nisi velis mihi injuriam facere.

Quæris à me, utrum credam aquam in suo statu naturali esse, si sit liquida, an si sit congelata; ad quod Respondeo, me nihil violentum in Natura agnoscere, nisi respectu intellectus humani, qui violentum appellat, quod voluntati ejus non respondet, aut secundum quod judicat
esse

esse debere; quodque tam sit de natura aquæ ut congeletur, quàm ut liquida sit quando minus frigida est, cum utrumque effectus sit causarum naturalium. Vale.

Tuus &c.


DESCARTES.

EPISTOLA XLVIII.

Ad Reverend. P. Merfennum de Libro D. Fermatii
De *Maximis & Minimis*.

Reverende Pater,

MAllem equidem nihil dicere de Scripto quod mihi transmisisti, eò quod non tantum quantum vellem in laudem authoris proferre possum. Verùm cum animadvertam, esse illum ipsum qui quondam conatus est refutare Dioptricam meam, cumque tu mihi significes, cum hoc misisse postquam legit Geometriam meam, sed & miratum esse, quod non idem deprehenderim, nimirum (ut ego interpretor) ad incundam concurrentiam, & ad monstrandum se in eo plus scire quàm ego; tum etiam, cum intelligam per litteras tuas, eum famam magni Geometræ nactum esse, teneri me credo ad ipsi respondendum. Primò itaque, manifestè errorem deprehendo in regula ejus, & manifestiùs adhuc in exemplo




quod affert ad inveniendas tangentes parabolæ. Quod ita probò. Detur parabola BDN, cujus DC sit Diameter, & è puncto dato B ducatur linea recta BE, quod offendat DC in puncto E, & quæ sit maxima earum, quæ ex eodem puncto E usque ad parabolam duci possunt. Sic enim proponitur querenda Maxima. Dicit ipsius Regula, Statuatur quilibet questionis terminus esse. A, Sumo itaque EC loco A, ut ipse fecit, & inveniatur maxima (nimirum BE) in terminis, sub A, gradu ut libet involutis. Quod commodius fieri non potest, quam

quam hoc modo: Fac BC, esse B, quadrum BE crit $Aq \uparrow Bq$, propter angulum rectum BCE. Ponatur rursus idem terminus qui prius, esse A \uparrow E. Nimirum, efficio ut EC, sit A \uparrow E; (aut secundum ejus exemplum A — E, perinde enim est) iterumque inveniatur maxima (nimirum BE) in terminis, sub A, & E, gradibus ut habet coefficientibus. Quod melius fieri nequit quam hoc modo. Ponamus C D antea fuisse D, quando BC erat B, & latus dexterum parabolæ crit $\frac{Bq}{D}$, quoniam ad BC, linea ordine applicata, se habet uti BC ad CD, segmentum Diametri cui applicata est. Itaque cum jam CE sit A \uparrow E, DC est D \uparrow E; & quadrum BC, est $\frac{Bq \text{ in } D \uparrow Bq \text{ in } E}{D}$, quod additum quadro CE, quod est $Aq \uparrow A \text{ in } E \text{ bis } \uparrow E q$, faciet quadrum BE. Adæquantur duo Homogenea maxime æqualia. Hoc est, ponatur $Aq \uparrow Bq$ æquale $Bq \frac{\uparrow Bq \text{ in } E}{D} \uparrow Aq \uparrow A \text{ in } E \text{ bis } \uparrow E q$. Et demptis communibus. Superest. $\frac{Bq \text{ in } E}{D} \uparrow A \text{ in } E \text{ bis } \uparrow E q$ nulli æquale. Applicentur ad E, &c. Efficitur $\frac{Bq}{D} \uparrow A \text{ bis } \uparrow E$. Elidatur E, superest $\frac{Bq}{D} \uparrow A \text{ bis}$, nulli æquale. Quod non efficit valorem lineæ A, uti asserit author, & per consequens regula ipsius falsa est.

Plus autem adhuc hallucinatur in exemplo parabolæ, cujus tangentem invenire conatur. Nam præterquam quod nullatenus sequatur regulam suam, uti evidenter apparet ex eo quod calculus ipsius se non referat ad illum quem modo posui, utitur argumento, quod tale est, ut si saltem loco vocabulorum *Parabolæ* & *Parabolæ*, ubique in Dissertatione ejus ponatur *Hyperbolæ* & *Hyperbolæ*, aut nomen alicujus lineæ curvæ, qualiscunque sit, omnia eodem modo sequentur, uti sequuntur quantum ad Parabolam, usque ad illa verba: Ergo probavimus CE, duplam ipsius CD, quod quidem ita se habet; nec unquam fallit methodus: quorum loco poni potest: Non ideo sequitur CE duplam esse ipsius CD, nec unquam ita se habet alibi quam in parabola, ubi casu, & non ex vi præmissarum, verum concluditur; semperque fallit ista methodus. Si quidem author iste miratus sit, quod nullas ejusmodi regulas in Geometria mea statuerim, multo magis mirandum mihi est, eum ad eod male armatum in arenam descendere ausum esse. Sed dabo ipsi adhuc tempus resiliendi in equum, & melioribus quæ poterit invenire armis redeundi in prælium; sunt autem illa arma, quod, si mutantur quædam verba regulæ quam proponit ad inveniendam Maximam & Minimum, possit illa vera & satis bona effici. Quod tamen dicere nequirem nisi id scivissem etiam antequam scriptum ejus inspexeram; Cum enim tale sit, impediisset me potius eam invenire,

quàm ad inveniendum eam adjuviffet. Sed quantumvis eam ignoraffem, ille verò optimè noviffet, non mihi videtur ob id jure ipsam conferre cum ea quæ est in mea Geometria, quoad idem subjectum. Nam primo, Regula ejus (nimirum ea quam ad invenire fategit) talis est, ut non datâ operâ & fortuito aut facile possimus incidere in viam, quæ tenenda est ad ipsam inveniendam, quæ nihil aliud est, quàm falsa hypothesis fundata super modo demonstrandi, qui reducit ad impossibile, & qui vilissimus est & crassissimus omnium eorum, quibus in Mathematica utimur; Cum è contra mea Regula deducta sit è cognitione Naturæ æquationum, quæ nunquam, quod sciam, alibi satis explicata fuit, quàm Libro tertio meæ Geometriæ. Adèò ut per ejusmodi personam quæ ignorasset fundamenta Algebræ, inveniri non potuiffet. Et sequitur quidem illa nobilissimam demonstrationem, nimirum illam quæ appellatur à priori. Sed & insuper Regula ejus non est universalis, ut ipsi videtur; neque extendi potest ad quæstiones utcunque difficiles, sed saltem ad faciliores, uti animadvertere poterit, si postquam eam meliùs digesserit, eâ utatur ad inveniendas tangentes, ex. gr. linearum curvæ BDN, quam suppono



talem esse, ut in quocunque loco circumferentiz ejus sumatur punctum B, ducta perpendiculari BC, duo cubi duarum linearum BC, & CD, sint æquales parallelipedi earundem duarum linearum BC, CD & linearum datæ P, (nimirum si P est 9. sique CD sit 2. BC erit 4. ideo quòd cubi 2. & 4. qui faciunt 8. & 64. faciunt 72; quodque parallelipipes compositus ex 9. 2 & 4. est etiam 72.) non enim potest applicari neque ad hoc exemplum, neque ad alia quæ sunt difficiliora. Mea verò generaliter se extendit ad omnia ea quæ possunt cadere sub examen Geometriæ; non saltem in eo quod

& facillimum est eam applicare ad inveniendas *Maximas & Minimas* in omni alio genere Problematum.

Adèò, ut si eam bene cepisset, non dixisset eâ lectâ, me materiam eam in Geometria omisisse. Verum quidem est me non usum esse terminis istis de *Maximis & Minimis*, eâ ratione, quod cogniti non sint, nisi ex eo quod Apollonius eorum argumentum fecerit quinti sui Libri, ego verò in animum non induxerim inhzrere explicationi cujuspiam rei per alios

author-


authores olim cognita; neque reparare libros Apollonii perditos, uti Vieta, Snellius, Marinus Geraldus, &c. sed saltem transilire omnia latera, uti perspectum dedi incipiendo per quaestionem quæ Pappo teste à nemine Veterum potuit inveniri; & eodem componendo & determinando omnia loca solida, id quod Apollonius adhuc investigabat; tum reducendo in ordinem omnes lineas curvas, quarum pleraque pars neque in imaginationem devenerat, & dando exempla modi, per quem omnes earum proprietates inveniri possunt: Denique, construendo non saltem omnia Problemata solida, sed etiam omnia ea quæ pertingunt ad super-solidum, aut quadrum Cubi: atque eodem modo docendo rationem eas construendi infinitis & diversis modis: Ex quo etiam addisci potest, quomodo diversificari possit infinitis modis regula quam tradidi ad inveniendas tangentes; veluti si totidem diversæ essent regulæ. Ausim vero asserere, nullam tam bonam & generalem inventurum iri, ac mea, quæ ex quopiam alio fundamento deducta sit. Cæterum quamquam dixerim, Problema istud ad inveniendas tangentes esse omnium quæ noverim elegantissimum & utilissimum, animadvertendum est, me non ideo dixisse, esse etiam difficillimum, & manifestum est, ea quæ sequuntur, de figuris vitrorum causticorum, quæ id præsupponunt, difficiliora esse. In tantum, ut qui testatum facere velit, se tantum scire in Geometria, quantum est quod de ea scripsi, non debeant satis habere Problema istud aliis quam feci modis quaerere, sed potius operam dare deberent componendi omnia loca super-solidi, ut ego composui solida, & explicandi figuram vitrorum causticorum, cum una eorum superficierum sit Sphæræ pars aut Conoïdis datæ, quo modo explicavi rationem ea conficiendi, quæ alteram suarum superficierum pro lubitu concavam aut convexam habeant. Et denique construendi omnia Problemata quæ ascendunt ad quadrum quadri quadrati, aut ad cubum cubi, uti construxi ea omnia quæ ascendunt ad quadrum cubi; Et cum hoc invenerint, volo ut mihi gratias debeant, si saltem eo fine Geometria mea usi sint, illa quippe continet viam quæ tenenda est ut eò perveniat; Atque etiam si ea usi non fuerint, non propterea quippiam palmæ præripere possunt, cum nihil earum rerum sit, quam non inveniam, in quantum inveniri potest, siquidem operam ponendi calculi impendere velim. Existimo autem me horas meas utilius ad alia destinaturum. Vale.

EPISTOLA XLIX.

Responſio ad Scriptum cujuſdam ex Amicis D. Fermatii
ad D. * * *.

Clariffime Vir,

Miror Libellum de *Maximis & Minimis*, qui mihi haud ita pridem miſſus fuit, quique, uti poſtea didici, Dominum Fermatium authorem habet, reperit patronos; neque tamen video per eos ullatenus defendi. Primo enim, affingunt mihi aſſertionem quandam, de qua nunquam cogitavi, ut anſam habeant quippiam refutandi; præſupponunt enim me loqui, de ducenda linea reſta è puncto *B* dato in parabola *BDN*, nimirum, lineam reſtam *BE* qua Diametrum *CD* in puncto *E* offendit, qua linea *BE* maxima ſit omnium earum qua duci poſſunt ex eodem puncto *B*, ſumpto in parabola, & interſecante eundem Diametrum *CD*.




Sunt hæc eorum verba, & fa-
teor quidem cum illis eſſe hoc ab-
ſurdum; ſed aliud plane dixi, ni-
mirum *querendam eſſe lineam BE*,
qua offendar D C in puncto E, *que*
ſit maxima omnium earum, qua
duci poſſunt ex eodem puncto E
uſque ad parabolam. Conſtat au-
tem poſſe duci lineam ex iſto
puncto *E*, verſus parabolam, quæ
ſit maxima omnium earum, quæ
duci poſſunt ex eodem puncto *E*
uſque ad eandem parabolam, nimi-
rum illa, qua ducetur ad punctum
B, ſi ſupponatur eam contingere
parabolam in iſto puncto *B*. Fru-
ſtrâ enim diceretur, ex. gr. *E*, *P*,
eſſe majorem *EB*, ideo quod iſta

linea *PE* non ſaltem uſque ad parabolam ducta eſt, ſed ultra parabolam,
ſeſeque ultra eam extendit ab *S* uſque ad *P*, in tantum ut ejus pars ſaltem
ES uſque ad parabolam ducatur, & *ES* quidem minor eſt quàm *EB*.
Id quod ab hominibus judicio præditis negari nequit, neque ei unquam
contradictum fuit. Quo poſito evidentiffimè demonſtravi regulam

D. Fer-


D. Fermatii ad inveniendam *Maximam & Minimam*, esse imperfectam, id quod insuper infinitis exemplis demonstrare possem si operæ pretium foret; Dicam saltem, quòd si regula illa corrigatur uti debet, verus modus eam applicandi ad inveniendas tangentes linearum curvarum, sit, ut ita quærat punctum E, ex quò possit duci linea usque ad B, quæ sit maxima aut minima earum quæ possint duci ex eodem puncto E usque ad propositam lineam curvam. Quod D. Fermatius ignorasse videtur, cum alia plane ratione agat, quærens tangentem parabolæ; ea nempe ratione in qua (ut res vero earum nomine indigitemus, absque animo lædendi) invenitur Paralogismus nullo modo excusandus. Fatebor autem, ad applicandum argumentationem illius ad Hyperbolen, non saltem substitui debere *Hyperbolen* loco *Parabolen*, verum etiam mutandum esse quoddam exiguum vocabulum nihil ad rem faciens, & ad quod me non attendisse fateri non erubescio; In ipso limine siquidem adedè evidenter Paralogismus illius scripti agnovi, ut id non dignatus fuero ulteriori aspectu, credidique neque ipsum authorem id gravatè agniturum, quam primum de eo certior factus fuerit. In eo autem consistit mendum illud, quòd pro eo quòd dixit, *Major erit proportio CD ad DI quam quadratus BC ad quadratum OI*, cum de Hyperbole sermo est, dicendum fuisset,



Major erit proportio CD, ad DI, quam BC ad OI, sive, Major erit proportio quadrati CD ad quadratum DI, quam quadrati BC ad quadratum OI. Ex quo omnia reliqua sequuntur æque ac si comparantur lineæ CD, & DI quadratis BC & OI. Idque ipsum generaliter se extendit ad omnes lineas curvas quæ sunt in toto mundo. Sed ut omni excusationi ansa præcidatur, ponatur, non *Hyperbolen*, sed *Ellipsin* aut *Circuli Circumferentiam* loco *Parabolen*, & tum non opus erit, ut quicquam mutetur de reliquo uti manifestè hinc apparebit.

*Argumentatio per quam D. Fermatius conatur invenire
tangentem Parabolæ.*

Sit data parabola BDN, cujus vertex D, diameter DC, & punctum in eâ datum B, ad quod ducenda est recta BE, tangens parabolam, & in puncto E, cum diametro concurrens; Ergo sumendo quodlibet punctum in recta BE, & ab eo ducendo ordinatam OI, à puncto au-



tem B, ordinatam BC, major erit proportio CD ad DI, quam quadrati BC, ad quadratum OI. Quia punctum O est extra parabolam. Sed propter similitudinem triangulorum, ut BC quadratum, ad OI quadratum, ita CE quadratum ad IE quadratum; Major igitur erit proportio CD, ad DI, quam quadrati CE, ad quadratum IE. Cum autem punctum B detur, datur applicata BC; Ergo punctum C. Datur etiam CD. Sit igitur CD, æqualis D datæ. Ponatur CE esse A. Ponatur CI, esse E. Ergo D, ad D-E, habebit majorem proportionem quam


Aq, ad Aq + E q - A in E bis. Et ducendo inter se medias & extremas, D in Aq + D in E q - D in A in E bis, majus erit quam D in Aq - Aq in E. Adæquentur igitur juxta superiorem methodum. Demptis itaque communibus, D in E q - D in A in E bis, adæquabitur - Aq in E, aut quod idem est, D in E q + Aq in E, adæquabitur D in A in E bis, omnia dividantur per E.

Ergo D in E + Aq adæquabitur D in A bis. Elidatur D in E. Ergo Aq æquabitur D in A bis. Ideoque A æquabitur D bis. Ergo CE probavimus duplam ipsius CD, quod quidem ita se habet; Nec fallit unquam methodus.

Appli-

Applicatio ejusdem argumentationis ad omnes lineas curvas, in quibus segmina Diametri majorem inter se proportionem habent (nimirum majus ad minus) quam quadrata linearum quæ eis ordine applicata sunt.

Sit data Ellipsis BDN, cujus vertex D, diameter DC, & punctum in eâ datum B, ad quod ducenda est recta BE, tangens Ellipsim, & in puncto E, cum diametro concurrentis; Ergo sumendo quodlibet punctum in recta BE, & ab eo ducendo ordinatam OI, à puncto au-



tem B, ordinatam BC, major erit proportio CD ad DI, quam quadrati BC ad quadratum OI, quia punctum O est extra Ellipsim. Sed propter similitudinem triangulorum, ut BC quadratum ad OI quadratum, ita CE quadratum ad IE quadratum. Major igitur erit proportio CD ad DI, quam quadrati CE ad quadratum IE. Cum autem punctum B datur, datur applicata BC; Ergo punctum C. Datur etiam CD. Sit igitur CD æqualis D datæ. Ponatur CE esse A. Ponatur CI esse E. Ergo D, ad D-E habebit majorem proportionem quam Aq ad Aq + E - A. *in E bis.* Et ducendo inter se medias & extremas, D in Aq + D in E q - D in A in E bis, majus erit quam D in Aq - Aq in E. Adæquantur igitur juxta superiorem methodum. Dempnis itaque communibus, D in E q - D


in

in A in E bis, adæquabitur - A q in E. Aut quod idem est D in E q + A q in E. Adæquabitur D in A in E bis. Omnia dividantur per E.

Ergo D in E + A q adæquabitur D in A bis. Elidatur D in E. Ergo A q æquabitur D in A bis. Ideoque A æquabitur D bis. Ergo CE probavimus duplam ipsius CD quod nullo modo ita se habet; Sed semper fallit ista methodus.

*Applicatio ejusdem argumentationis ad Hyperbolen
& omnes alias lineas curvas.*

Sit data hyperbole BD N, cujus vertex D, diameter DC, & punctum in eâ datum B; Ad quod ducenda est recta BE, tangens hyperbolen, & in puncto E, cum diametro concurrens; Ergo sumendo quodlibet punctum in recta BE, & ab eo ducendo ordinatam OI, à puncto autem



B ordinatam BC, major erit proportio CD ad DI, quam quadrati BC ad quadratum OI, quia punctum O est extra hyperbolen. Sed propter similitudinem triangulorum, ut BC quadratum ad OI quadratum, ita CE quadratum ad IE quadratum; Major igitur erit proportio CD ad DI

quam CE ad IE, cum autem punctum B detur, datur applicata BC; Ergo punctum C. Datur etiam CD. Sit igitur CD æqualis D datæ. Ponatur CE esse A. Ponatur CI esse E. Ergo D ad D - E habebit majorem proportionem quam A ad A - E. Et ducendo inter se medias & extremas, D in A - D in E, majus erit quam D in A - A in E. Adæquatur igitur juxta superiorem methodum. Dempis itaque communibus, - D in E adæquabitur - A in E. Aut quod idem est D in E adæquabitur A in E. Omnia dividantur per E.

Ergo A adæquabitur D, nihilque hic est elidendum. Sed A, æquatur D, quod nullo modo ita se habet, &c.

Si-

Siquidem concedatur, argumentationem istam conducere ad Parabolam, fatendum simul est eam conducere ad Ellipsin & Hyperbolen, omnesque alias lineas curvas quæ in mundo sunt; at verò cognoscitur dilucidè eam non concludere veritatem. Quantum ad alia, quæ per Dominum Fermatium inventa asseruntur, credam quicquid asserentibus amicis ejus placuerit: Verùm cum nunquam aliud scriptorum ejus viderim præter hoc de *Maximis & Minimis*, & apographum Epistolæ per quam refutare prætendebat secundam Dissertationem Dioptrices meæ: & quia in utroque Paralogismos inveni, judicare non potui nisi secundum illa quæ in manibus mihi erant. Interim rogatos eos velim, ut siquidem quædam mihi illique, ut ipsi dicunt, animositas intercedat, credant esse eam omnem ex parte ipsius. Nam quoad me, non existimo ullam mihi causam esse incandescendi illis, qui experimentum virium suarum contra me faciunt in prælio tali in quo sapius sine ignominia succumbitur. Cumque animadverterim D. Fermatium tales habere amicos, qui ejus defendendi curam suscepunt, existimo eum ejusmodi qualitatibus præditum esse, per quas ad amandum eum & defendendum inducuntur. Sed & magni apud me sit fides eorum quam erga ipsum testificantur, quæ cum talis sit virtus, quæ mihi omnibus aliis videtur amabilior, sua vi me inducit ad illis testificandum me esse illis addictissimum.

Et ipso momento quo litteras hæc complicueram, accipio Epistolam D. Fermatii ad D. Mersennum scriptam, quæ continet Responsionem ad id quod antea scripsi ad objectiones quas contra secundam Dioptrices meæ dissertationem formaverat: Et quoniam ex primis lineis agnosco, nolle ipsum ut scriptum ejus publicetur, perlegendum non existimaui: Neque tamen ex postfacto desistere potui; & quod responsionis loco esse debet, non inveni in eo quicquam quod excuset errores quos in præcedentibus ejus Objectionibus notaveram, aut quod quicquam in me valeat; sed in omni articulo novarum quas format Objectionum, deprehenditur novus Paralogismus, aut sensus rationum mearum pervertitur, adeo ut videatur eas non intelligere. Quod luce meridiana clarius me demonstraturum obstringo, siquidem ipsi visum fuerit, ut orbis litteratus posteritasque publice constituantur judices, secundum ea quæ dixi pag. 75. Dissertationis meæ Methodi: Neque enim in tantum abuti tempore animus est, ut illud impendat ad respondendum Objectionibus singulorum, & vel ad eas legendum, nisi quatenus eas cum Responsionibus meis in lucem emittendo, unà omnibus illis qui iisdem dubiis gravari possent, satisfaciam, veritatemque ed me

lius explanem. Quantum ad illos qui scripserunt schedulam cui in hisce respondi, cum ipsis placuerit defendere causam deploratam adversarii mei, spero ipsos se non pro iudicibus meis gesturos, neque indignaturos quod eos recusem simul cum aliis ejus amicis. Neque enim præter duos Parisiis novi, quorum iudicio in hac materia me submittere vellem, nimirum, D. Mydorgium cum D. Hardy: non equidem, ac si plures idonei ad ferendum iudicium ibi non invenirentur, sed quod mihi ignoti sint; Eos verò, qui conantur calumniari Geometriam meam, ipsi non bene intellectam, eos, inquam, susque deque habeo.


EPISTOLA L.

Scriptum quorundam D. Fermatii Amicorum continens
Responsionem ad præcedentem Epistolam.

CUM D. Cartesius probè ceperit Methodum D. Fermatii *De Maximis & Minimis, & de inventione tangentium linearum curvarum*, mirari desinet, eam Defensores invenisse, fatebiturque plane Methodum esse præstantissimam sane & dignam autore suo. Cæterum verisimile non est D. Cartesium eam hætenus intellexisse, cum, primo suo scripto absurdis contra eam formatis objectionibus, quibus secundum nostrum illius Methodi intellectum respondimus, ita replicat, ut se in alias æquè aut magis absurdas prioribus implicet; & in utrisque argumentationes ad suum modum explicatur, quas ex hac Methodo deducere prætendit, supponitque D. Fermatium similes in similibus questionibus fabricaturum fuisse: quantumvis rationes istæ non saltem eidem Methodo, verum etiam universæ in omnibus subjectis ratiocinandi Methodo adversentur, peccentque in consuetas Logicæ regulas. In tantum ut D. Cartesius alterutrum evitare nequeat, nimirum, ut aut Methodum ignoret, secundum quam ita perperam ratiocinatur, in talibus questionibus, in quibus facile est argumentari secundum eandem Methodum, aut ut non bona fide agat, si præstantiam Methodi probe cognitam habens, de industria male ratiocinetur ut calumniandi authoris occasio sit: sed posterius illud fidem nostram excedit, cum evitare nequiret, ne calumnia in se ipsum recideret, dum ipsi cum Viris talium rerum non ignaris res esset; arbitramurque cum prudentiorem esse, quam ut se periculo huic exponat.

Sed,

Sed, ut ad rem veniamus, asserimus, D. Cartesium formasse duas objectiones planè absurdas. Prima est, quòd supponat lineam EB , quæ parabolam in puncto B tangit, esse maximam earum quæ possit duci è puncto E dato in Diametro, usque ad parabolam. Concedimus enim esse punctum E quod datum est in Diametro, cum in priore suo scripto dicat punctum datum esse B , in parabola, id quod in secundo scripto correxit.




Ubi animadvertimus cum non probè inspexisse Responzionem nostram, in qua duobus verbis statuimus, utrumque æquè absurdum esse, velle ducere è puncto B ad Diametrum usque maximam lineam, aut maximam è puncto E usque ad Parabolam, eò quod utroque modo ea maxima sit infinita atque idèò impossibilis; Unde præstantia Methodi eò magis elucet, cum in quæstionibus absurdis, detegat absurditates, id quod unicum est quod in simili casu à bona Methodo sperari potest. Absurdum verò esse, quòd BE sit longissima linearum, quæ possunt duci è puncto B usque ad Diametrum

C , fatetur D. Cartesius in scripto suo, pariterque ipsi fatendum est, EB non esse longissimam quæ duci potest è puncto E dato Diametro usque ad Parabolam, cum ipsemet eò ducat EP longiorem quàm EB , puncto E existente in Diametro, & puncto E in parabola, atque ita EP ducitur è puncto E dato in Diametro usque ad Parabolam, ad quam terminatur in puncto P . Quantum enim ad id quod ait, lineam istam PE non saltem usque ad parabolam ductam esse, sed etiam ultra parabolam, id æquè absurdum est, ac si dicatur punctum B esse ultra Parabolam, quod tamen est in ea, uti etiam infinita alia, magis magisque remota usque in infinitum, ad quæ lineæ rectæ duci possunt è puncto dato E , quæ semper crescent, etiam si maxima determinari nequeat.

Possset eidem absurditati convenienter defendi, è puncto dato extra circulum aliquem in ipsius plano, maximam linearum, quæ possint duci ad circumferentiam usque, esse tangentem, adeòque falsi arguere possi-

mus Euclidem, qui demonstravit, hanc maximam illam esse quæ ex eodem puncto ducitur per centrum usque ad Circumferentiam concavam; de qua maxima ex ratione D. Cartesii dici posset, eam non saltem ductam esse usque ad Circumferentiam Circuli, verum etiam ultra Circumferentiam, quamvis in puncto aliquo istius Circumferentiæ terminetur. Si vero dicatur, eum per maximam lineam intelligere eam, quæ parabolam saltem in uno puncto offendit, hoc contradictionem implicat, cum ea non sit linearum maxima; Ut ut sit, fatendum est eum abuti vocabulo *Maxima*, assignando ei tangentem, quam D. Fermatius invenit per ratiocinationem ei rei maximè accommodatam; uti ex ejus scripto apparet. Itaque ad probandum D. Fermatii errorem, D. Cartesius fabricaretur argumentationem ad suum modum, venditando illam pro argumentatione D. Fermatii: id quod attribui nequit nisi ignorantia D. Cartesii quantum ad Methodum de qua quæstio est: Neque enim malæ fidei eum insimulare animus est. Vellemus itaque eum penitiùs inspicere Methodum, & deprehenderet, D. Fermatium usum esse argumentatione quæ Maximæ inveniendæ propriè inservit; & ad inveniendas tangentes usum esse argumentatione congrua, non abutendo vocabulo *maxima* loco *tangentis*, uti hac occasione facturus esset D. Cartesius, si per Maximam intelligeret illam quæ parabolam non offendit nisi in unico puncto.

Secunda D. Cartesii objectio est contra Methodum per quam D. Fermatius invenit tangentes linearum curvarum, & præcipuè contra Exemplum ejus propositum in parabola, de quo D. Cartesius in primo suo scripto dixerat, si saltem loco *Parabole* & *Parabolen*, ubique ponatur *Hyperbole* & *Hyperbolen*, aut nomen qualifcunque alterius linæ curvæ, de cætero ne unico quidem mutato verbo, omnia sequerentur eodem modo quo ipse agit quantum ad parabolam; ex quo tamen sequeretur absurditas. Verum inspectâ nostra Responsione & animadverso errore suo, conatus fuit eum emendare in secundo scripto, persistens semper in sua objectione. Quod tam male illi cessit, ut unius erroris loco duos commiserit vel maximè insignes; Primus est, quod fabricaturus argumentationem ad suum modum applicatam Ellipsi, ut parallelam faciat ei quæ utitur D. Fermatius in parabola, ut exinde absurditatem contra ejus Methodum deducat, postquam supposuit, lineam BE tangere Ellipsin in puncto dato B, & offendere Diametrum CD in puncto E, ait, Ergo sumendo quodlibet punctum O, in recta BE; & ab eo ducendo ordinatam OI, a puncto autem B ordinatam BC; Major erit proportio CD ad DI, quam qua-



quadrati BC ad quadratum OI , quia punctum O est extra Ellipsim. Argumentatio ista vera non est in Ellipsi omnium punctorum quæ sunt in linea BE universaliter loquendo, uti vult Methodus; Idque est quod fefellit $D.$ Cartesium, qui punctum O non consideravit nisi inter PE , neque etiam ultra punctum B , uti debebat. In hac quippe figura in qua punctum O est in linea BE , ex altera parte puncti B , falsum est majorem rationem esse CD ad DI , quàm quadrati BC ad quadratum OI . Itaque ut ex præscripto Methodi ratiocinemur, verum esse oportet de omnibus punctis quæ sunt in linea BE ex utraque parte puncti B , quod in parabola sola accedit, cui proprietas ista specifica est; Ideoque $D.$ Fermatius eâ usus est in parabola, quod neque $D.$ Cartesius neque quisquam alius in Ellipsi efficere potest, neque in qualibuscunque aliis lineis curvis, quibus proprietas ista specifica non est; sed neque hæc proprietas illis convenit, atque adeo inutilis est ad concludendum alias proprietates específicas earundem linearum. Quodsi loco Ellipsis proposita esset Hyperbole, sumpto puncto O in linea BE ex altera parte puncti B ; tum multo major ratio fuisset DC ad DI , quàm quadrati BC , ad quadratum OI : Verum puncto O sumpto inter puncta BE , potuisset fallere argumentatio, fefellissetque omnino, cum punctum O satis propinquum esset puncto B ; Constat itaque argumentationem istam claudicare & in Ellipsi & in Hyperbole; peccaturque contra Methodum, si quis ea in hac uti velit, uti facit $D.$ Cartesius. Ubi notatu dignum est, quod postquam

miscantur, inserviunt ad concludendum reliquas proprietates specificas, quæ ad rem ejus faciunt.

Contra D. Cartesius D. Fermatio præter rationem contradicturnus in subiecto tangentium Hyperbolæ, fabricatur argumentum ad suum modum, in quo non utitur nisi proprietatibus adeo universalibus, ut non saltem omnibus Sectionibus Conicis conveniant, verum etiam lineis rectis, non utendo qualicunque proprietate specificâ. Subjicimus Eruditorum judicio Consequentias quæ ex tali imperfecta argumentatione duci possunt, contrariâ non saltem Methodo de qua agitur, verum etiam regulis in quibuscunque materiis ratiocinandi universalibus. Est autem talis argumentatio. Postquam supposuit constructionem figuræ, ut antea, ait: *Major est proportio CD ad DI, quàm BC ad OI, quia punctum O est extra Hyperbolæ.* Hæc proprietas Majoris rationis lineæ CD ad lineam DI, quàm lineæ BC ad lineam OI, præterquam quod vera non esset, si punctum O ex altera parte puncti B sumptum esset, qui error est priori similis, non soli Hyperbolæ convenit, verum etiam Parabolæ & Ellipsi; còque ampliùs lineis rectis BE & CE, si non esset aut Pa-



rabola, aut Ellipsis aut Hyperbole. Itaque per hanc proprietatem adeo universalem, adhibitam ita absque aliis magis specificis, impossibile est invenire tangentes Hyperbolæ, quæ ex Natura & proprietatibus ejus specificis dependent. Si quispiam dixerit, saltem Methodum in eo fore mendosam, quod Author non præmonet argumentandum esse per proprietates specificas; respondebimus, eos qui ratiocinari solent,

non debere ignorare hanc conditionem, quæ est è puræ Logicæ præscripto, quam supponit eos qui lecturi sunt Tractatum ejus, non ignoraturos; secus enim remittit eos ad Scholas, ut ibi discant argumentari, auctorque ipsis est ne scripta ejus manibus terant, antequam Logicam & subiectum quod ille tractat pernoverint.

Ut verò dissertationem nostram immutemus, attentè satis legimus
D. Car-

D. Cartesii Librum, qui quatuor continet Tractatus, quorum primus attribui potest Logicæ, secundus ex Physica & Geometria mixtus est, tertius purè Physicus, quartus autem purè Geometricus est. In tribus prioribus satis distinctè deducit opiniones suas particulares de subiecto uniuscujusque; Utrum veræ sint an non, novit ille qui omnia novit: Quantum ad nos, non suppetit nobis Demonstratio neque *pro* neque *contra*, neque forsitan ipsi Authori suppetit, cui, ut nostra quidem sententia fert, arduum foret, si propositiones suæ sibi demonstrandæ essent. Possent enim deprehendere, id quod ipse sibi Principium fecit ad fundandas ratiocinationes suas, alijs maximè dubium videri: Sed neque id magnopere curare videtur, satis habens se ipso contentum esse; in quo nihil nisi humani patitur, quodque patres erga liberos solent. Parum certe non esset, si id quod posset adhiberi tanquam Hypotheses ex quibus possent deduci Conclusiones experimentis consentaneæ; hoc quippe casu magni momenti foret utilitas. In quarto Tractatu adnotabimus ipsi omissionem, & aliud quippiam quod nobis mendo carere non videtur. Omissio est pag. 404, 405. & 406. ubi ait Circulum I P posse secare curvam A C N in sex punctis, quam tamen non nisi in quatuor secare potest; Omisit autem sociam ejus descriptam ex altera parte lineæ B K per intersectionem Parabolæ, & regulæ, quæ fiet in puncto E, quæ socia poterit interfecare Circulum in duobus punctis ad complenda sex illa. Mendum verò invenitur pag. 347. ubi quod dicit de æquatione, quæ duas radices æquales habet, verum quidem est in æquationibus planis eisque qui exinde dependent, falsum verò nobis videtur in Cubicis ac independentibus. Inquirat in id accuratiùs, siquidem operæ pretium duxerit, & siquidem ipsi de illo subiecto alijsve communicare libeat, inveniet nos quibuscum amice agi poterit. Non improbamus, quod nostrum judicium recusât in causa D. Fermatii, cum ignoret neque ipsum neque D. Fermatium nobis hic præter quam ex famâ notum esse. Quod si ipsi causa sit cur nos suspectos habeat, erit hæc dubio procul, quod pronunciaturi sententiam simus pro eo ex cujus parte jus steterit; Neque etiam refugimus, quò minus typis mandet, quicquid à nobis scriptum fuerit, dum nihil mutet, quàm ut loco nominis D. Fermatii, ponat: *Author Tractatus de Maximis & Minimis*. Nos autem permancimus ejus cultores &c.

EPISTOLA LI.

Ad Rev. Patrem Merfennum occasione Epistolæ
præcedentis.

Reverende Pater,

Reditum mihi est scriptum amicorum D. Fermatii, neque ad id respondi, cum videam authorem ejus exandescere; cum autem deferbuerit ira ejus, poteris ipsi indicare, quàm nulla ratione incaluerit conando probare lineam E B simpliciter loquendo maximam esse; cum tamen, non ignarus eam ad minimum certis conditionibus maximam esse, docere debuisset, quomodo ea pæt regulam D. Fermatii deberet inveniri, postquam asseruit, regulam istam docere, quomodo debeant quæri Maximæ sub qualibuscunque conditionibus; & quærebatur quidem, utrum bona esset. Quod in neutro horum duorum scriptorum probavit, nisi quod dicat, apparere ejus bonitatem ex eo quod in hoc exemplo non succedat. Si quidem hoc bene ratiocinatum credat, doleam ipsum non dicere, se pessimè argumentari; Video autem eum passionibus abreptum omnia aliis quam debebat nominibus expressisse. Ita, cum ad elucidandum & confirmandum quod in primo meo scripto posueram, in secundo adjunxi, quòd etiamsi non datum fuisset punctum B, sed punctum E, regula D. Fermatii non eo magis procederet in hoc exemplo, ait ille, me memet ipsum correxisse & in eo errorem meum agnovisse. Pari modo, accusat me pessimæ ratiocinationis in Exemplo de Ellipsi & de Hyperbole, quod non proposui quàm ut inidoneum, facta comparatione cum exemplo D. Fermatii quantum ad Parabolam, & ad demonstrandum eum ibi non bene ratiocinari. Ubi æquè agit ac si crimen intenderet verbi Divini Præconi, quia ad probandam enormitatem peccati blasphemiam, in suggestu dixerit, eos non saltem jurare per nomen Dei, verum etiam per mortem, per sanguinem, per caput &c. Itaque tandem immutata dissertatione, ad censuranda experimenta quæ typis evulgavi, non animadvertit se, dum ea contemnere putat, melius de iis sentiendi occasionem subministrare, quàm non subministrarent elogia ea approbantium. Existimari quippe potest, ex quæ his placent obesse, quominus eorum naves, quos alias notare possent, perspiciant, aut in causa esse ut perspectos dissimulent. Ille verò, è cujus stylo animus insultandi mihi elucet, duo saltem ibi reprehendit, quæ cum nullo modo reprehensione digna sint, comper-

B b

tum

tum reddunt, nihil mendi cum reperisse; non ideo tamen asserere velim mendis omnino carere; sed eò amplius, id quod de Geometria scripsi vires cognitionis ejus exsuperat. Quod enim errorem vocat pag. 347. veritas est certissima, cujus demonstrationem ignorare nequit, cum probè expenderit ea quæ scripsi libro tertio de natura *Æquationum*. Et quantum ad id, quod pag. 404. me omisisse ait, nimirum sociam lineæ curvæ, quam describo, errorem sane crassum errassem si eam ibi omisissem: Constat quippe sociam illam locum non habere in Regula quam statui, neque inquam posse secari per circulum eo modo quo ipsum describo, & supponendo, ut supposui, omnes radices *Æquationis* esse veras, quantitatemque cognitam tertii termini majorem esse quadrato medietatis quantitatis termini secundi. (vid. pag. 403.) Neque dici potest, ignarum me fuisse istius lineæ, ut pote quam expressè inserui figuræ paginæ 338, ubi locum habet, & ubi ipsam appello alterius oppositam, ideo quod ab ea per asymptoton separata sit, ut solent Hyperbolæ oppositæ. Verum quod ipsi errandi præbuit causam est, quod assequi non potuerit, lineam ipsam in sex locis à circulo secari posse, quod tamen verissimum est; Id quod omnino accidit quotiescunque sex veræ radices *æquationis* sunt reales, neque ulla adsit earum quas *imaginarías* voco; uti videre poterit examinando demonstrationem, quæ incipit paginâ 408. Figura autem paginæ 404. promovit ejus errorem, ideo quod curva ibi per circulum in quatuor saltem locis persecetur; quod inde accidit, quod supponendo quantitates datas ad mensuram hujus figuræ, duæ radices in hac *Æquatione* habentur, quæ saltem *imaginarie* sunt; Et data quidem opera eam hoc modo efformari curabam, ideo quod in exemplis, in quibus sex veræ radices reales sunt, Circulus adeò obliquè persecet lineam curvam, ut puncto intersectionis vix discerni queant, ut notavi pag. 412. versu 15. Oportet autem ut de me quidem pessimè, de se verò optimè sentiat, eo quod puris suis imaginationibus fidat, neque demonstrationibus innitatur, ad culpandum quæ scripsi Geometrica. Non committas, si placet, quo minus ipsum certiores faciās, me esse ipsi additum, neque magis injuriæ ducere quicquid in scripto ejus continetur, quam in lusu ducitur perdentium ira. Cæterum uti injucundus est lusus contra illos qui facile exandescunt, ita nunquam amplius respondebo ad quaecunque scriptum, in quo plus animadvertero passionum, quam desiderii cognoscendæ veritatis, neque verò operæ pretium existimabo ea perlegendi, siquidem ea pro talibus cognovero. Vale.

EPISTOLA LII.

Ad Reverendum Patrem Merſennum.

Reverende Pater,

EXcessere dies aliquot, ex quibus ultima tua epistola data 26. Martii, mihi reddita fuit, in qua mihi indicas exceptiones eorum qui patrocinantur Scripto D. Fermatii, *De Maximis &c.* Cæterum exceptiones istæ adeo pallidæ sunt, ut responſionem non mereri arbitratuſ fuerim. Nihilominus, quia hætenus nihil de te audiui, vereorquæ ne expectatio Responſionis meæ tibi scribendi officio interdicat, malui uno ictu evacuare, quicquid de ipſo ſentiam, ut in poſterum ſcribendi neceſſitate liberer. Primum ergo cum ajunt, non reperiri *Maximam* in Parabola, Dominumque Fermatium invenire tangentes per regulam quandam omnino ſeparatam ab ea qua utitur ad inveniendam *Maximam*, injuriam ipſi faciunt, per id perſuadere ſatagentes ignoraffe eum, regulam quæ docet invenire Maximas, inſervire etiam ad inveniendas tangentes linearum curvarum; quæ ignorantia foret craſſiſſima, cum ad hoc primariò inſervire debeat; Mendaciique arguunt ſcriptum ejus, in quo, poſtquam explicavit Methodum ſuam, ad inveniendas Maximas, expreſſe ait: *Ad ſuperiorem Methodum, inventionem tangentium ad data puncta in lineis quibuſcunque curvis, reducimus.* Non quidem eam ſecutus eſt in Exemplo quod de illa propoſuit quantum ad parabolam; ſed patet ejus rei cauſa; Cum enim ad caſum iſtum propter defectum ejus accommodari nequeat, (ſaltem eo quo proponit modo) ſcopum ſuum attingere non potuit eam ſequendo, unde aliam inſiſtere viam coactus fuit, per quam inveniens Concluſionem, quam abſque eo ſciebat eſſe veram, credidit cum fruſtu laboraſſe, non animadverſo quod in argumentatione ſua deſiceret. Præterea, cum ajunt lineam *E P*, ductam intra Parabolam, abſolute loquendo, majorem eſſe linea *E B*, nihil dicunt quod cauſæ eorum patrocinetur: Neque enim neceſſe eſt eam abſolute loquendo Majorem eſſe, ſed ſaltem certis conditionibus, uti ipſimet definierunt in limine ſcripti quod mihi tranſmiſerunt, ubi ajunt hanc inventionem D. Fermatii concernere Maximas & minimas lineas, aut *maxima & minima ſpatia, quæ duci poſſunt, aut fieri ſub certis conditionibus*; & neque inſicias ire poſſunt, lineam *E B* eſſe maximam quæ duci poſſit è puncto *E* uſque ad Parabolam, ſub conditionibus illis quas propoſui, nimirum, ut procedat ſaltem uſque ad illam, neque illam pertranſeat; quod ab initio


B b 2

ſta-


statim observasse debebant. Verum ut clarius innotescat, excusationem eorum rejiciendam esse, dabo hinc aliud exemplum, in quo neque de tangente, neque de Parabola verba faciam, in quo tamen regula D. Fermatii deficit eodem modo, quò in precedenti. Sed & tu ringeris, si tibi inanes chartas mitto, nec aliam mihi materiam suppeditasti ad folia ista replenda.

Detur Circulus BDN, detur & punctum E, quod extra est, oporteatque duci è puncto E versus Circulum istum lineam rectam, adeo ut pars lineæ istius, quæ erit extra Circulum illum, inter circumferentiam ejus & punctum datum E, sit maxima. Ecce tibi, qua ratione Regula à D. Fermatio proposita in eo procedendum doceat. Ductâ lineâ EDN per centrum Circuli, parteque ejus ED appellatâ, B, & parte ejus DN quæ facit diametrum, existente C, *Statuatur quilibet questio- nis terminus esse, A;* quod licet commodius nequit, quam ducendo BC perpendiculariter super DN & sumpta A loco CD, *Et inventa Maxima* &c. Ad inveniendam itaque *Maximam* istam, nimirum BE, cum DC sit A, & DN sit C, quadratum BC est A in C - Aq, & cum DC sit A, & DE sit B, quadratum CE est Aq + Bq + A in B bis, quod junctum quadrato BC, facit quadratum Maximæ BE, quæ est A in C + Bq + A in B bis. Ponatur rursus idem qui prius terminus esse A + E, utrumque inveniatur maxima. Quod aliter fieri nequit secundum antecedentia, quam statuendo A + E loco DC, & tum quadratum BC est C in A + C in E - Aq - A in E bis - E q. Tum quadratum CE est Aq + A in E bis + E q + Bq + A in B bis + E in B bis, quod additum alteri facit A in C + E in C + Bq + A in B bis + E in B bis, pro quadrato maximæ BE; Adequentur, id est, ponatur A in C + Bq + A in B bis, æqualis ipsi A in C + E in C + Bq + A in B bis + E in B bis. Et demptis æqualibus, restat E in C + E in B bis nulli æqualis. Unde manifeste,prehenditur regulæ mendum. Et ut in posterum nemo adeo cæcus sit quin id videat, dicam qua ratione corrigenda sit. Quanquam enim verbo quippiam de eo dixerim in litteris ad D. Mydorgium, tamen ita ibi comparatum est, ut nollem id vulgo & à quibulvis intelligi. Primum itaque hæc verba: *Et inventa maxima*, addi convenit, vel

alia



alia qualibet, cuius ope possit postea maxima inveniri. Sæpius enim hac ratione quærendo maximam, calculo non necessario irretimur. Verum non est illud essentialè punctum. Primarium enim & quod totius Regulæ fundamentum est, omissum est eò loci ubi hæc verba habentur: *Adequantur duo Homogenea, maxima & minima æqualia*, quæ nihil aliud significat quam summam, quæ explicat *Maximam inter terminis, sub A gradu ut libet involutus*, debere supponi æqualem illi quæ explicat *Inter terminis sub A & E gradibus, ut libet, coefficientibus*. Et tu, si placet, quæres ex iis qui eam detendunt, an non eo modo eam intelligant, antequam certiores fiant ejus quod addi debet. Nimirum, pro eo quod simpliciter dicitur: *Adequantur*, dicendum fuisset, *adequantur tali modo, ut quantitas per istam Equationem inveniendâ, sit quidem una, cum ad maximam aut minimam refertur, sed emergens ex duabus quæ per eandem æquationem possent inveniri, essentque inæquales, si ad minorem maximam, vel ad majorem minimam referrentur*. Ita in Exemplo, quod modo proposui, non sufficit quærete quadratum maximæ duobus modis; sed dici insuper debet, uti hoc quadratum, cum est *A in C + B q + A in B bis*, est in eodem quadrato, cum est *A in C + E in C + B q + A in B bis + E in B bis*; ita *C in A - A q*, quod est quadratum ipsius *B C*, est à *C in A + C in E - A q - A in E bis - E q* quod est etiam idem quadratum. Tum multiplicando primum istorum quadratorum per quartum, supponi debet æquale secundo multiplicato per tertium, & tum extricando hanc æquationem ad præscriptum regulæ, invenitur quod quæritur, nimirum quod *C D* sit *C in B* uti esse debet.




Eodem modo in exemplo Parabolæ, quam sumpsit D. Fermatius, quamque secutus eram in primo meo scripto, en tibi modum procedendi. Detur *BDN* parabola, cujus *D C* sit Diameter, & cujus è puncto *B*, ducenda sit linea recta *BE*, quæ offendat *D C* in puncto *E* & quæ sit maxima quæ duci possit ex eodem puncto *E* usque ad parabolam, (nimirum extra hanc parabolam, uti qui sponte surdi non sunt, facile intelligunt, ex eo quod ipsam *maximam* appellem). Sumo *B loco B C*, & *D loco D C*, unde sequitur,

Bb 3

tur, latus dextrum esse $\frac{Bq}{D}$, & nulla ~~mo~~ interposita ad quæren-
dam maximam, quæro saltem quadratum BC in aliis terminis quam iis
cogniti sunt, sumens A loco lineæ CE, tum sumens A†E pro ea-
dem, nimirum, quæro eam primo per triangulum BCE; Nam uti A
se habet ad B, ita A†E se habet ad $\frac{A \text{ in } B \dagger E \text{ in } B}{A}$, quæ per consequens
repræsentat BC. Et quadratum ipsius est $\frac{Aq \text{ in } Bq \dagger A \text{ in } Bq \text{ bis} \dagger E q \text{ in } Bq}{Aq}$.
Tum quæro per parabolam, nam cum EC est A†E, DC est D†E,
& quadratum BC, est $\frac{Bq \text{ in } D \dagger Bq \text{ in } E}{D}$ quod debet esse æquale præce-
denti, nimirum $\frac{A \text{ in } E \text{ in } Bq \text{ bis} \dagger E q \text{ in } Bq}{Aq}$ æquali ipsi $\frac{Bq \text{ in } E}{D}$. Unde se-
cundum regulam, deprehenditur A, id est CE, duplam esse D, id
est CD, uti esse debet. Notari autem debet, hanc conditionem quæ
omissa erat, eandem esse quam explicavi pag. 346. tanquam fundamen-
tum Methodi, quo usus sum ad inveniendas tangentes, eamque con-
stituere pariter omne fundamentum cui regula D. Fermatii debet super-
strui. In tantum, ut cum eam omiserit, testatum fecerit, invenisse se re-
gulam suam palpitando, aut saltem non clare concepisse ejus Principia.
Neque mirum est potuisse eam absque hoc formare, succedit enim in
pluribus casibus, etiamsi non cogitetur de observanda hac conditione,
nimirum in illis, in quibus ad æquationem perveniri nequit nisi ea obser-
vata; Major autem pars est ejusdem generis. Quantum ad alterum Arti-
culum in quo reprehendi modum quo utitur D. Fermatius ad invenien-
dam tangentem parabolæ; tu dicis, illos omnes asserere, sumendam esse
proprieta-tem quandam specificam Hyperboles, aut Ellipseos, ad inveni-
endas earum tangentes, in quo puncto nobis convenit; idem quippe
asserō, & de industria attuli exempla Ellipseos & Hyperboles, quæ pes-
simè concludunt, ad demonstrandum D. Fermatium etiam male conclu-
dere quantum ad parabolam, cujus non dat proprietatem specificam.
(Neque enim ad rem facit si quis dicere velit, majorem proportionem
esse CD ad DJ, quam quadrati BC, ad quadratum OI, cum ea non sit
proprietas specifica parabolæ, ideo quod omnibus ellipsis conveniat,
infiniteque aliis lineis curvis, saltem tum cum sumitur punctum O inter
puncta B & E, uti ipse sumpsit, & si quidem illud ultra ea desumpsisset,
etiam hyperbolis convenisset.) In tantum, ut ad eam reddendam spe-
cificam, non simpliciter dicendum fuisset, *sumendo quodlibet punctum in
recta BE, verum addendum erat sive sumatur illud intra puncta B & E sive
ultra*

ultra punctum *B*, in lineâ *E B* producta. Neque vero hoc subintelligi potest in sua dissertatione, ideo quod ibi describat lineam *B E*, velut utrinque terminatam, nimirum ex uno latere per punctum *B*, quod datum est, ex altero objectu Diametri *CD*.




Construendæ insuper erant duæ æquationes, demonstrandumque idem inveniri supponendo $E I$ esse $A \dagger E$, qua supponendo illam esse $A - E$; Secus enim ratiocinatio operationis hujus imperfecta est, nihilque concludit. Entibi ipsissima rei veritas.

De reliquo, quantum ad id quod addis, viros istos eruditos cognita nostra liticula operam dedisse ut me *D. Fermatio* reconciliarent, persuasissimum illis facias, nomine hominum, æque ac ego, desiderare honestorum virorum amicitias; & vix me adduci posse ut credam, cum in malam partem accepturum,

genuinum à me redditum de scripto ejus judicium, præsertim cum me ad id provocaverit. Non respondet sane animo meo exercitium illud culpandi alios, neque id quod sciam tanto animo feci, quàm hac occasione datâ. Sed neque eam provocatûs ab ipso evitare potuisssem, quàm contemnendo, quod ipsum sine dubio plus mea Responsione irritasset. Vale.

Schedula litteris præcedentibus annexa.

AD intelligendam probè tertiam Epistolæ meæ paginam, pariterque vitium quo laborat regula *D. Fermatii*, inspiciendæ sunt tres hæ figuræ, cogitandumque, quòd cum dicit, *Statuatur idem qui primum fuit esse* $A \dagger E$, hoc significetur, quod posita *E C* loco *A*, & *E I* loco $A \dagger E$, imaginetur sibi $E I$ esse æqualem *E C*, uti videre licet in tertia figura, quodque nihilominus earum calculum ita ponat ac si inæquales essent, uti videre est ex prima & secunda figura, quærendo primum *E B* per *E C*, quam appellat *A*, tum *E O* per *E I* quam appellat $A \dagger E$, & hoc



*Notandum
me hic
supponere
punctum
E datum
esse, non
vero pun-
ctum B*

hoc quidem pulchre procedit; sed in eo cubat vitium, quod calculo ita de iis posito, simpliciter dicit, *Adaquentur*. Potestque id evidenter cognosci è prima figura, in qua si supponatur linea EO æqualis lineæ EB , nihil est quod determinat duo puncta B & O , ad conveniendum in uno potius circumferentiæ circuli loco, quàm in alio, nisi quòd omnis ista Circumferentia non esset nisi unicum punctum; unde accidit, ut omnes quantitates quæ remanent in Æquatione, nulli reperiuntur æquales. Cæterum ad efficiendum, ut duo ista puncta B & O in uno saltem loco convenire possint, nimirum in illo, ubi EB maxima est, qualis esse potest sub conditione proposita, consideranda est secunda figura; & quantum ad duos triangulos similes ECB & EIO , dicendum est, uti se habet EC aut BC ad EB , ita se habere EI , aut OI ad EO ; qua via id efficitur, ut pro modo, quo quantitas EB major supponitur, quantitas EO minor supponatur, ideo quod puncta EBO semper ibi sunt in linea recta; atque ita tum cum EB supponitur æqualis EO , supponitur illa maxima quæ esse possit; ideo invenitur ibi quod queritur. Idque ipsum est fundamentum regulæ quod omissum est; Credo autem peccaturum me si velim docere eos qui omnem sibi scientiam vendicant, quique per hominem æque rudem ac ego informari erubescerent: Tu vero facies quod libuerit. Vale.

EPISTOLA LIII.


Ad Dominum Hardy.

Clarissime Vir,

Magnopere tibi devinctus sum quod partes meas tutatus fueris, quantum ad regulam de *Maximis* D. Fermatii, neque verò miror te eam non majoris facere quam feci ego: Nam quo modo proposita est, verum est quicquid de ipsa dicis.

Cæterum cum in primo statim scripto meo asseruerim, posse eam corrigendo bonam reddi, quod ipsum tractu temporis defendere non destiti, persuasissimum habeo tibi non displiciturum, si ejus tibi hîc fundamentum dicam; sed & facile credo viros istos eruditos, quibus illa tanti fit, & eam & Authorem ejus non intelligere.

Detur itaque linea curva ABD , detur etiam punctum B lineæ istius, nimirum facio ordinatam $BC \parallel b$, & Diametrum $AC \parallel c$, & petatur punctum in hoc Diametro, veluti E , quod tale sit, ut linea recta quæ exinde deducta erit versus B , interfecet hanc curvam in B , & adhuc in alio puncto, veluti D , adeo ut ordinata $D.F.$ se habeat ad ordinatam BC , in ratione data, e. g. uti g ad h . Non ignoras ad inveniendum punctum istud E , posse poni $EC \parallel a$, & $CF \parallel c$, dicique primo, propter triangulos similes ECB , & EDF , uti $CE \parallel a$, se habet ad $BC \parallel b$, ita $EF \parallel a \dagger e$ se habet ad DF , quæ per consequens est $DF \parallel \frac{ba \dagger be}{a}$. Deinde, cum DF est una ordinatarum in linea curva, invenitur ea etiam in aliis terminis, qui diversi sunt secundum diversas proprietates ipsius lineæ curvæ.




Ex. gr. siquidem sit prima linearum quas D. Fermatius animo concepit, ad imitationem parabolæ, hoc est, in qua segmenta Diametri in se habeant eandem proportionem quam ubi ordinarum, dicitur, uti $AC \parallel c$, se habet ad $FA \parallel c \dagger e$, ita cubus lineæ BC qui est b^3 , se

Cc

habet

habet ad cubum DF , qui per terminos antea inventos, est
 $b_3. a_3. \dagger 3b_3. aae \dagger 3b_3. aee \dagger b_3. e_3$. Hic est enim cubus $\frac{ba \dagger be}{a}$. Tum
multiplicando medias & extremas harum quatuor proportionalium $c \mid c$
 $\dagger c \mid b^3$ & $\frac{b_3. a_3. \dagger 3b_3. aae \dagger 3b_3. aee \dagger b_3. e_3}{a^3}$ habebitur $c b^3 \dagger e b^3 \parallel$
 $cb_3. a_3. \dagger 3b_3. caae \dagger 3b_3. aeee \dagger cb_3. e_3$. Et dividendo totum per b^3 , & mul-
tiplicando per a^3 efficitur $a^3 c \dagger a^3 e \parallel ca^3 \dagger 3 caae \dagger 3 caee \dagger ce^3$, &
non ablato utrinque ca^3 , superest $a^3 e \parallel 3 caae \dagger 3 caee \dagger ce^3$. Et deni-
que cum totum possit dividi per e , efficitur $a^3 \parallel 3 caa \dagger 3 cae \dagger ce^3$.
Verum cum hic duæ sint quantitates incognitæ, nimirum a & e , & una
saltem inveniri possit per unicam æquationem, quærenda est adhuc alia,



& facile est per propor-
tionem linearum BC
& DF datam, nimirum,
uti g se habet ad h , ita
 $BC \parallel b$ se habet ad D
 $F \parallel \frac{ba \dagger be}{a}$ & per
consequens $b h \parallel$
 $\frac{ba \dagger be}{a}$ aut $h a \parallel g a$
 $\dagger g e$; Et hujus æqua-
tionis ope facillè inveni-
ri potest alterutra dua-
rum quantitarum a aut

e ; in cujus locum postea substituendi sunt in altera æquatione termini
qui ipsi sunt æquales, in eum finem ut postea altera quantitas incognita
quæri possit. Et hæc est via ordinaria Analyseos ad inveniendum pun-
ctum E , aut lineam CE , si data sit ratio quæ est inter lineas BC & DF .
Jam verò, ut hæc omnia applicemus inventioni tangentis (aut, quod ad
idem recidit, maximæ) attendendum saltem est, quod tum cum EB est
tangens; linea DF una saltem sit cum BC , & tamen per eundem calcu-
lum quem modo posui, quæri debeat, supponendo saltem proportionem
inæqualitatis, loco illius quam nominavi à g ad h ; Ideo quòd DF facta
sit æqualis lineæ BC per EB , in quantum est tangens (saltem tum cum
tangens est) pari ratione ac duplex aut triplex &c. facta est lineæ à BC , per
eandem EB , in quantum curvâ in hoc aut illo puncto interfecat, cum
eam ibi interfecat. In tantum ut in secunda æquatione, loco $h a \parallel g a \dagger$
 $g e$, quoniam h est æqualis g , saltem habetur $a \parallel a \dagger e$, id est, e æqualem
nulli.

nulli. Unde constat, ad inveniendum valorem quantitatis a substituendum saltem esse Zero, in locum omnium terminorum multiplicatorum per e, qui sunt in prima æquatione, quæ est $a^3 || 3 caa \uparrow 3 cae \uparrow cee$, quod significat eos saltem delendos esse. Quantitas enim realis multiplicata per aliam quantitatem imaginariam quæ nulla est, nunquam quicquam producit. Et hæc est elisio Homogeneorum D. Fermatii, quæ omnino gratis non fit illo sensu. Factâ autem istâ elisione in nostra æquatione hic nihil superest quàm $a^3 || 3 caa$, aut $a || 3 c$; Unde discitur, tum cum E B est tangens lineæ curvæ propositæ, lineam E C necessario esse triplam lineæ A C.

Hoc est itaque fundamentum regulæ, cuius virtualiter insunt duæ æquationes, quamvis non opus sit ibi expressam mentionem facere quàm unius solius, idèd quod altera saltem ad delendas Homogeneas istas interserviat. Vero autem perquam simile est D. Fermatii non fuisse eam mentem, neque cum nisi palpitando eam invenisse, ideo quod primariam conditionem omiserit, nimirum eam quæ supponit hoc fundamentum, uti videre est ex eo, quod antea misi ad eam corrigendam, in Epistola quadam ad D. P. Merfennum exaratâ. Vale.

EPISTOLA LIV.

Ad Reverendum Patrem Merfennum.

Rev. Pater,

Vidi eam partem litterarum D. Fermatii ad te exatarum, cujus me compotem facere dignatus es: & primo quantum ad id, quod dicit invenisse se in mea prima schedula verba expectatione sua acriora, rogatum eum obnixè velim, ut ea mihi ignoscat, credatque se mihi ignotum fuisse; Verum cum scriptum ejus de *Maximis*, mihi redditum sit tanquam libellus provocatorius, per eum qui jam conatus fuerat refutare meam Dioptricam, vel antequam in vulgus emitteretur, eo animo ut eam ante partum opprimeret, postquam nactus esset Apographum ejus, quod in eum finem non miseram in Galliam, visum erat, non posse me respondere blandius, ad evitandam ignaviæ aut debilitatis alterius notam. Et sicut illi qui in Bacchanalibus personati discurrent in injuriam non trahunt, si quis eos irrideat, aut si insalutati prætereantur in publico, qui si consueti habitu amicti incederent, salutari deberent, ita videtur mihi eum non in malam partem debere accipere, quod scripto ejus respon-

derim longe aliter quàm personæ ejus, respondiſſem, utpote quam pro meritis illius colo. Fateor autem mirari me ſummopere, non ſaltem quòd rationes D. Paſchal & D. de Roberval approbet, urbanitas enim ipſi hanc præſcribit legem, & ſane nescio an meliores ad ſubjectum ſuppeditari poſſent, verum ex eo quod non additis aliis, ſupponere vult illis me omnino convictum eſſe, eaque ratione nixus refugere, quominus mihi tangentem lineæ curvæ mittat, quam ipſi propoſueram. Satis enim ſuperque in omnibus liſteris meis demonſtravi, eos ad nullam mearum objectionum directè reſpondiſſe; quodque tempus terere diſputando, utrum linea-EB absolute debeat appellari maxima aut ſub conditione ſaltem, hoc non ſit probare regulam, quæ hanc maximam invenire docet, bonam eſſe; Denique non eſſe hoc argumentum bonitatis hujus regulæ, ſi dicatur illam non procedere in hoc exemplo, quæ unica eſt ratio quam de eo produxerunt. Et quantum ad omnia alia exempla, quæ mihi iteratis vicibus ſcribis tibi à D. Fermatio miſſa eſſe, etiamſi vera eſſent, quod ſuppono, cum ea non viderim, non tamen poterunt probare Methodum ejus generaliter bonam eſſe; ſed ſuccedere ſaltem in quibuſdam caſibus, quod nunquam animus fuit negare, ſaltem quantum ad regulam ejus *ad inveniendam Maximam*; Nam quantum ad modum quo quærebat tangentem parabolæ, non inſpecta ulla proprietate quæ ipſi ſpecifica eſſet, concluſi ut debui, *quod ſemper fallat iſta Methodus*; Gloſſa autem quam addit in hac poſteriori epiſtola, reſertur ad id quod in meis ſuperioribus dixi corrigendum eſſe, oſtenditque fateri illum tacitè me verum dixiſſe, tam in hoc quam in reliquo, ad quod nihil omnino reſpondet. Adeo ut humanitas quidem me obſtringeret ad ſilentium, ne amplius ſuper iſto ſubjecto inſtarem, niſi hoc non obſtante, ibidem aſſereret, Methodum ſuam incomparabiliter ſimpliciorẽ, breviorẽ & faciliorem eſſe, quàm illam qua uſus ſum ad inveniendas tangentẽs. Ad quod ſane reſpondere teneor, prouliſſe me in ſcripto meo priore, ut & in ſequentibus, rationes contrarium evincentes, & quod & ipſe & ejus patroni nihil ad ea reponentes, ſilentio ſuo veritatem eorum agnoverint; Adeo, ut ſiquidem veritate non offendatur, credam poſſe me abſque blaſphemia dicere, ſimilem cum eſſe homini qui in terram ab aliquo proſtratus adeo ut nec hætenus propriis viribus reſurgere potuerit, jaſtaret ſe tamen multo fortiorẽ & cordatiorẽ eo qui ipſum proſtratum tenet.

De cætero quamvis recipiatur ejus regula pro bona quatenus correctæ eſt, non tamen inde ſequitur eſſe eam æque ſimplicem & æque facilem
atque

atque ea qua usus sum ego, nisi vocabula *simplex* & *facilis* accipiantur pro parum accurata, quo casu certum est eam prævalituram, ideo quod saltem eum modum probandi sequatur qui redigit *ad absurdum*, uti in primo statim scripto meo animadverti; si vero sumantur in sensu contrario, etiam propter eandem rationem contrarium de ea statuendum est: Et quod dicitur esse eam brevior, poterit ejus experimentum capi in exemplo tangentis, quod ipsi proposueram, siquidem eam tibi transmissurus est, uti transmittendam obtulit; Cum enim eodem tibi tempore eam missurus sim, poteris tu discernere uter modus procedendi brevior sit. Denique ut nulla ipsi relinquatur excusandi se occasio ad effugiendam transmissionem, asseres ipsi, si placet, me semper defendere ut antea, neque istam tangentem, neque infinitas alias similes posse per Methodum ejus inveniri; neque debere eum sibi persuadere, me sententiam mutaturum cum eam melius intellexero. Neque enim credo unquam me melius intellecturum; Et sane liquidò asserere ausim, me eam scivisse vicennium integrum, antequam ejus scriptum conspexissem, neque tamen me propterea unquam doctiorem existimasse, neque credidisse plus eam elogii mereri, quàm quo eam hætenus exornavi. Neque verò metuo ne illi, qui de rei veritate ex probationibus judicaturi sunt, difficulter admodum cognoscant uter melius intelligat, illene qui eam imperfectam composuit, quique eam colit, an qui observavit ea quæ ei addenda sunt ut bona reddatur, quique eam non majoris facit, quàm meretur.

Hic autem subsisto, nolim enim continuare hanc disputationem; & si quidem hic alibive quippiam inseruerim, quod displiceat D. Fermatio, veniam ejus rei ab ipso peto, rogoque ut consideret necessitatem, qua adactus fui ad me defendendum, absque lædendi animo; Rogatum eam pariter velim, ut me excusatum habeat, quod ad alias ejus quæstiones non respondeam; Huic enim exercitio, quod in prioribus meis tibi indicavi, omnino nuncium remisi. Præterquam quod inspecto, cum tibi scribere, me Theoremati suo de Numeris non satisfecisse, quamvis nihil dicere possit, quàm quod neglexerim id ulterius explicando persequi quantum ad fractiones, postquam id explicavi quantum ad integros, ideo quod facilius mihi visus est quam ut scribendi operam mereatur, jus mihi sit metuere ne unquam illi quacunque in re satisfacere possim. Quod verò ait, illud ipsum quod omisi tanquam facile nimis, sane difficillimum esse, volui ejus experimentum facere in persona junioris Gillotii, qui me invisens biduo abhinc elapso, in tempore advenerat. Communi-

cavi illi Responſionem quam dederam ad hoc D. Fermatii Theorema, quærens ex ipſo, utrum ex eo, quod deſonſtraveram quantum ad numeros integros, idem ex eo deducere poſſet quantum ad fractos; id quod nullo negotio præſtitit chartæque mandavit quam tibi tranſmitto, ut ex ſtylo ejus agnoſcas, adoleſcentem eſſe nullis unquam litteris imbutum, qui hanc ingentem difficultatem reſolverit; ſanctæ autem aſſeverare queam nulla mea opera adjutum fuiſſe. Volui etiam ut inveſtigaret ſolutionem quaſtionis, quam D. Fermatius mihi & Domino *Sainte Croix* formavit, quæ eſt de inveniendis tribus triangulis rectangulis, quarum areæ ſumptæ binæ & binæ componant tres numeros, qui ſint latera trianguli cujuſdam rectanguli; invenit autem ſolutionem ejus multis modis. Nam, ex. gr. ſtatuit triangulum cujus latera ſunt $\frac{24}{5}$, $\frac{15}{12}$, $\frac{117}{60}$, & area eſt 7; tum illum cujus latera ſunt $\frac{8}{3}$, $\frac{21}{2}$, $\frac{65}{6}$, & area eſt 14; cum illo cujus latera ſunt 12, $\frac{7}{2}$, $\frac{25}{2}$, & area eſt 21. Tres enim iſtæ areæ 7, 14, 21. binæ & binæ ſumptæ faciunt 21, 28, & 35, quæ ſunt latera trianguli rectanguli ſimilis illi cujus latera ſunt 3, 4, 5, qui eſt omnium quæ fieri poſſunt ſimpliciſſimus. Statuit etiam areas 15, 30, 45, quæ binæ & binæ ſumptæ faciunt triangulum ſimilem præcedenti. Item, areæ 14, 21, 70, quæ componunt alium triangulum ſimilem illi, cujus latera ſunt 5, 12, 13; areæ 22, 33, 110, faciunt etiam ſimilem, & areæ 30, 45, 150. Item areæ, 39, 65, 116, faciunt ſimilem illi cujus latera ſunt 8, 15, 17; & areæ 126, 210, 504, & areæ 330, 350, 1320, faciunt idem; Denique areæ 330, 440, 2310, ſimilem componunt illi cujus latera ſunt 7, 24, & 25. Hæc novem exempla ſufficere mihi videntur, ad oſtendendum poſſe illum facile multa invenire; ideo noluit ut tibi regulam ejus tranſmitterem. Rogavi etiam, ut quæreret Centra gravitatis alicujus figuræ, quod D. Fermatius deſideraverit quæpiam mihi proponi; & electo illo Conoïdis, quæ pro baſi habet Circulum, & deſcripta eſt per parabolam quæ circa axem ſuam rotatur, eo quod tu in quadam tuarum præcedentium mihi dixeris, idem tibi à D. Fermatio miſſum; deprehendit Centrum gravitatis hujus corporis dividere axem ipſius in tres partes æquales, in tantum ut diſtancia, ab iſto Centro uſque ad ſummitatem iſtius Conoïdis, dupla eſt ejus, quæ eſt ab eodem Centro uſque ad baſin. Proponerem ipſi plura invenienda niſi cras proficiſci conſtituiſſet, poteſt enim ea, in quantum poſſibile eſt, omnia & quidem ſatis facile invenire. Verum cum Pariſios aliquando profeſſurus ſit, malui ut eò uſque expe-

expectaret, tam ut non sit mihi necesse illum adjuvare, quàm ut cognosci possit eum non indigere meo auxilio.

Proposui ipsi & quartam quæstionem Domini *de Sainte Croix*, de inveniendis duobus numeris, quorum quilibet, uti etiam summa aggregati eorum, trium saltem sit tetragonorum, ideo quod mihi scribis illam D. Fermatius omnium difficillimam visam esse. Ille verò non majorem in ea atque ego difficultatem reperit, neque arbitratus est debere eam accipi alio sensu quàm illo quo eam resolveri, & quo illam etiam aliis modis resolvere posset; nisi forte quis intelligat, singulos numeros quæsitos adeo ex tetragonis constare, ut sine fractione non possint dividi in tres alios tetragonos: sed & eo sensu facillime eam resolvere novit & pluribus aliis modis, uti demonstravit per exempla sequentia, quorum unumquodque rem expedit. 3, 19, 22; & 3, 45, 46; & 6, 24, 30; & 6, 42, 48; & 11, 19, 20; & 11, 24, 35; & 11, 35, 46; & 11, 46, 57; & 22, 35, 37; Non enim possunt dividi 22, quam in tres tetragonos qui sunt 9, 9, 4; neque 35, nisi in tres alios, qui sunt 25, 9, 1; nec denique eorum aggregatum 57, nisi in tres qui sunt 49, 4, 4. & sic de reliquis.

Transio jam ad Geostaticam, quàm tandem accepi, & quamvis adeo crassa sint scripti ejus menda, ut neminem fallere possint, eoque magis contentnenda quam refutanda sint, nihilominus quia tu meam de eo sententiam exis, dabo eam paucis.


In toto isto libro, qui in foliis impressus est, unicam saltem propositionem inveni, quamvis Author 13. numeret: Nam quoad tres priores & decimam, continent eæ saltem res Geometricas, adeo faciles & communes, ut Euclidis elementa iis ignoratis intelligi nequeant; quinta, sexta, octava, nona & undecima nihil aliud sunt quàm consequentiæ aut repetitiones quartæ, quæ veræ esse nequeunt, nisi illa vera sit; quantum ad septimam, duodecimam & decimam tertiam, verum est eas non dependere ita de hac quarta, sed ideo quod Author ea utitur ad conandam earum probationem, quin imo ea sola ad id utatur, de reliquo autem, uti cæteræ, non magni sint ponderis, earum non est habenda ratio. Adeo ut quarta saltem supersit expendenda; Illa verò jamjam adeo solide refutata est per D. *la Brosse*, ut nihil addi possit. Nam de quinque aut sex vitiis, quæ ibi observat, vel minimum sufficit, ad demonstrandum, argumentationem hujus Authoris nullius esse momenti. Pœnitetque me præterito anno visa hac D. *la Brosse* refutatione etiam non inspecto libro quem refutabat, ei non applausisse. Verum sola ratio quæ me abstinuit, erat, quod mihi imaginari non poteram, ea quæ refutabat adeo absurda esse,

esse, uti illa repræsentabat; Persuasumque habebam, cum saltem exaggerare quasdam omissiones, aut errores ex incuria ortos, neque primarias Authoris rationes attingere; Percipio autem primarias istas rationes quas præsupposui inveniri in egregio illo libro, nullibi comparere; Et quamvis multas quadraturas circuli viderim, & perpetua mobilia, aliasque ejusmodi prætensas demonstrationes, quæ falsæ erant, possum tamen serio affirmare, nunquam me vidisse tot errores in una sola propositione lociatis. In aliorum Paralogsimis vulgo nihil in limine offendi solet, quod speciem veri non habeat, adeò ut non facile inter plurimas veritates parva mixtura falsitatum, quæ causa est ut Conclusio vera esse non possit, deprehendatur. Hic autem vice versa, ardui negotii res est ullam invenire veritatem, cui Author iste ratiocinationem suam superstruxerit, neque aliud divinare possum, quid ipsi occasionem dederit concipiendi propositum suum, nisi quod æquivocatione laboraverit super vocabulo *Centrum*; quòdque cum audisset nominare centrum bilancis, æque ac Centrum terræ, imaginatus sibi sit, id quod de uno verum est, & de altero verum esse debere; quòdque consequenter, uti in bilance FGD pondus



D tanto minus grave est quam pondus F, quanto minus recedit à Centro G, ita generaliter in toto mundo, unumquodque corpus

tanto gravius aut levius sit, quanto plus à Centro terræ recedit aut ad id accedit; Et visio ista ipsi adeò placuit, ut sine dubio sibi imaginatus fuerit veram esse. Verum ut alii eam lubentius acciperent, obducere illi larvam demonstrationis Mathematicæ voluit; in eum finem elegit hanc figuram, in qua A repræsentat Centrum mundi, G Centrum bilancis,



cujus duo brachia sunt GF & GD, tum ponendo pondus in punctum F, & aliud annexum puncto D, quod inferius pendet ad usque punctum E, conatus est probare, pondus hoc E tanto levius esse quanto propius est Centro terræ. In quo multoties erravit, ut sequitur.

Primus error, quod etiam si verum esset pondus ita positum levius

levius esse respectu aliorum ponderum ipsi in hac bilance oppositorum, ex illo tamen non sequatur, debere id esse levius, si consideretur extra bilancem.

Secundus est, quod ad usum suum accommodat id quod Archimedes, Pappus &c. dixerunt de Centro gravitatis, nimirum si Centrum illud duorum corporum gravium jungatur, divisurum esse lineam rectam quæ conjungit eorum Centra in ratione reciproca gravitatis eorum, etiam si hoc verum esse nequeat; neque pro tali unquam acceptum sit ab Archimede, neque ullo alio, qui qualemunque Mathematices cognitionem habeat, quam casu quo supponitur, corpora gravia tendere deorsum per lineas parallelas, & non inclinando versus idem punctum. Cum è contra ad ipsius propositum expresse contrarium supponi debeat, idèd quod omnis ejus argumentatio super sola consideratione Centri terræ fundata sit; Reddiditque inexcusabilem istum errorem, in eo quo ipsum excusare conatus est, non afferendo in eum finem aliam rationem, nisi quod neget, Archimedem in libris de *Equiponderantibus*, supposuisse corpora gravia descendere per lineas parallelas; Perspici enim exinde potest, eum nihil intelligere neque in Archimede, neque in Mathematicis in universum.




Tertius ejus error ex eo apparet, quòd si hypothesis ejus vera esset, tum falsum esset quod ait de Centro gravitatis; atque ita nullatenus eo uti potest ad illam probandam. Nam ex. gr. si pondera F & D sunt æqualia, commune centrum Gravitatis eorum secundum Archimedem erit in puncto G, quod lineam FD in partes æquales dividit; cum ex averso secundum hunc Authorem, si pondus D sit propius terræ Centro quàm pondus F,

Centrum hoc Gravitatis inter F & G; Et si ab eo remotius sit, inter G & D esse debeat.

Quartus error ejus in eo consistit, quod supposito pondus I habere se ad pondus B, tum cum æqualiter à Centro terræ distant, ut isse habet linea E H ad F H, ea non in æquali distantia statuat, sed in longe diversâ, nimirum, alterum in puncto F & alterum in puncto B; Tum supponit, punctum H esse centrum Gravitatis eorum, haud secus ac si æqualiter distarent. Atque ita ad probandum, mutationem

D d

tionem



tionem istam distantie mutare gravitatem, supponit non mutare, unde sibi contradicit.

Quintus est, quod omnem suam argumentationem in eo fundet, quod punctum F in figura sua longius recedit à Centro terræ A, quàm punctum E, aded, ut si illi propius supponatur, recipiatur pro vero quicquid de reliquo differit,

plane contrarium ejus quod exinde deducit concludi debeat; & nihilominus dum figuram suam construit, expressè facultatem permittit faciendi in ea lineam AF talem qualem placuerit: Quod D. la Brosse per quatuor suas figuras diversas clarissime & solidissime demonstravit.

Sextus error est, quod faciendo conciperet lineam FD ut bilancem, cujus Centrum est G, & ponendo pondus in puncto F, & aliud in puncto E, quod pendet de puncto D, quarit centrum Gravitatis duorum istorum ponderum in linea EF, quasi simpliciter juncta essent per hanc lineam. Ubi duplicem ignorantiam non levioris momenti exerit. Primo enim, pondus quod pendet è puncto D usque in E, ita ut angulus GDE mutationem recipiat, prout bilancx in unam alteramve partem inclinat, non gravitat in hac bilance nisi in quantum trahit punctum D, atque ita non est oppositum puncto F nisi secundum lineam FD & non secundum lineam FE. Secundo, etiamsi supponat lineam DE firmiter junctam esse lineæ GD, in tantum ut angulus GDE non possit mutari, nihilominus propter punctum G, quod cum sit centrum bilancis, fixum esse debet, centrum Gravitatis duorum ponderum, unum in F & alterum in E, plane aliud esse debet, quam si non in una eademque bilance considerata essent. Et per hoc ostendit se non magis Staticæ gnarum esse, quàm cæcus est colorum.

Cæterum, postquam tanta virtute demonstravit propositionem suam, conatur eam confirmare autoritatibus, quarum usus ridiculus est in his materiis, quæque cum sine dubio falsæ sint, neque ab ipsis quos allegat, & qui adhuc inter vivos agunt, agnoscantur, fortiter evincunt haud multum fidei scriptis ejus adhibendum esse.

Quo facto, specie respondendi objectionibus, quæ contra ipsam formari possunt, conatur refutare opinionem eorum, qui statuunt gravitatem.

tem corporum, quæ sunt in una balance mensurandam esse per magnitudinem perpendicularium ductarum è Centro hujus bilancis, versus lineas secundum quas hæc pondera tendunt ad descendendum, idque per tres diversas absurditates quas inde deducit; quæ vero tantum inter se differunt, quantum pileus albus differt ab albo pileo. Prima enim est, pondera B & C, suffulcita per punctum D (in figura paginæ 11.) fere in æquilibrio; secunda, suffulcita per punctum E non fore in æquilibrio; Et tertia, si hoc modo per punctum E suffulciantur, pondus quod est versus B magis gravitaturum altero. Ad demonstrandum autem, hanc consequentiam, ita tripliciter personatam, esse absurdam, dicam saltem, ipsum nihil allegare nisi hypothesein Archimedis, Pappi &c. quoad centrum Gravitatis, quam etiam tripliciter invertit, quæque, uti jam dixi, vera esse nequit nisi quatenus supponatur corpora gravia deorsum tendere per lineas parallelas; cum tamen omnis illa quæstio super eo solo fundata sit quod eò non tendant; sed & quicquid de Archimede & de Pappo allegat, verum esse nequit, nisi prætenfa ejus demonstratio falsa sit.

Possẽ itaque Conclusionis loco asserere, omnia illa quæ Liber ille de Geostatica continet, exigui momenti esse; adeo ut mirum sit viros eruditos operæ pretium duxisse illa perlegere; & puderet me ejus quam impendi exponendâ meâ de iis sententiâ, nisi tuo rogatu id fecissem. Non equidem ignoro te in eum saltem finem id rogasse, ut opinionem meam de materia, quam tractat, eliceret, neque te magnopere curare quo modo eam tractet. Cæterum est illud subjectum ex eorum genere quæ meliorem quandam otii mei partem merentur, neque enim huic impendi nisi eam quam perdere volui. Malim itaque id tibi proxima occasione separatim transmittere. Sed & alia multa mihi sunt, quæ tibi propediem per litteras indicabo.

EPISTOLA LV.

Ad D. Fermatium.

Clarissime Domine,

NON minori gaudio exultavi, quo tempore mihi reddebantur à te litteræ, quas mihi in pignus amicitiz constituisti, quam si ab amica, cujus benevolentiam & gratiam summo desiderio expectassem, eas accepissem. Et tua præcedentia scripta memoriam mihi renouant Brada-

D d 2

mantiz

mantia istæ Poëtis nostris decantatæ, quæ in numerum amicorum suorum neminem recipiebat, nisi virtutis ejus certamine singulari cum illo habito, experimentum fecisset. Quod non ideo dico, ac si præsumerem me conferre cum Rogerio isto, qui solus in mundo valuit ad illi resistendum; qualiscunque vero sim, ausim tibi affirmare, me tua merita summo honore prosequi. Et viso posteriori modo, quo usus es ad inveniendas tangentes linearum curvarum, nihil mihi ad illi respondendum superpetit, nisi eum perelegantem esse, & si eum à principio ita explicasses, tibi nullatenus contradixissem. Possent quidem proponi diverſi casus, qui nos adigere possent ad quærendum alia media, quibus extricentur; verum nullus dubito te illa æquè ac istum inventurum. Fateor autem nondum me concipere, quam ob causam velis, ut prima tua regula, ad inveniendas maximas & minimas, possit applicari inventioni tangentis, magis considerando lineam quæ eam secat angulis æqualibus, utpote brevissimam, quam considerando hanc tangentem ut maximam sub conditionibus, qui eam talem reddunt: Nam dum causa non adducitur quare in uno modorum istorum magis succedat quàm in altero, nihil ad rem facit, si dicatur, hoc saltem fieri, ut ex eo inferri possit, eam etiam tum cum probè operatur, incertam esse. Et sane impossibile est comprehendere omnes casus qui possunt proponi in terminis unius solius regulæ, nisi reservetur facultas in ea quippiam pro re nata immutandi, uti feci in eo quod de ea scripsi, ubi me nullis qualiscunque regulæ terminis alligavi; exposui saltem fundamentum modi mei, ejusque quædam proposui exempla, ut quis ea postea applicet pro ingenio ad diverſos casus qui accidere possint. Cæterum præter mentem longius ab eo à proposito hujus Epistolæ, quod aliud non est, quàm ut tibi gratias agam pro oblatione amicitiaæ tuæ, quam mereri conabor quærendo occasionem, quâ possim tibi testificari, me esse &c.

EPISTOLA LVI.

Ad D. Fermatium.

Vir Clarissime,

Non equidem ignoro approbationem meam non esse necessariam, ut existimare possis quam de te ipso sententiam ferre debeas; si verò illa quicquam conferre potest, ut scribis, teneri me credo ad tibi libere consistendum, me neminem unquam novisse qui mihi majorem, quàm tu,

Geo-

Geometria scientiam ostenderit. Tangens lineæ curvæ, quæ per motum rotulæ describitur, quod ultimum est eorum quæ Rev. P. Merfennus mihi tuo nomine communicavit, id evidenter probat. Nam cum illa videatur dependere ex relatione quæ est inter lineam quandam rectam & quandam circularem, non facile est eò applicare regulas quæ aliis inserviunt; Et D. de Roberval, qui eam proposuerat, quique dubio procul inter primarios seculi nostri Geometras censeri debet, falsus est se eam ignorare, sed neque novisse quodcunque medium eò perveniendi. Postea quidem asseruit se eam invenisse, verum altero plane die ex quo resciverat, me & te eam ipsi transmittere; & errasse cum ex eo constat, quod dixit, se eodem tempore deprehendisse, Constructionem tuam falsam esse, cum basis curvæ major minorve esset Circumferentiâ Circuli; Quod idem plane de mea dicere potuisset, nisi quod eam nondum viderat, tuæ enim omninò consentanea est. De cætero, rogatum te velim, Domine, credas, etiamsi olim declaraverim mentem meam non approbando omnimodo omnia particularia quæ à te veniunt, non ideo declarationem quam modo feci, falsam esse: Nam uti vel minimi Adamantum navifacilius observantur quàm labe lapillorum communium, ita credidi peditiùs introspectiendum esse, quod à te exiit, quàm si ab alio, quem tanti non facerem. Neque etiam reformidabo tibi dicere, eandem rationem esse consolatricem mei, cum video acuta ingenia id operam dare, ut reprehendant ea quæ scribo, adeò ut pro indignatione me ad gratiarum actionem ipsis teneri credam. Ex quo me iudice confirmari potes in opinione mei erga te obsequii &c.

EPISTOLA LVII.

Ad Reverendum Patrem Merfennum.

Rev. Pater,

Gavisus sum videre quæstiones, quas, ut tu dicis, Geometra vestri, atque ipse D. de Roberval, qui inter eos facile principatum tenet, se ignorare fatentur; potero quippe demonstrare, si in eas inquiram, Analysin meam Analyti eorum præstare.


Prima istarum Quæstionum est de inveniendis tangentibus curvarum descriptarum per motum rotulæ. Ad quod respondeo, lineam rectam quæ transit per punctum curvæ, cuius tangens quaeritur, & per punctum bascos, quam tangit rotula dum illud describit, semper angulis

circumferentia circuli, quem ducit circa centrum rotulæ punctum illud quod eam describit, duæ ejus extremitates extrorsum recurvantur; adde ut plures ejus resolutiones talem figuram faciant.



Et ad inveniendas ejus tangentes, & sciendum ubi ipsa incipiat recurvari, concipiatur punctum quod illam describit, esse in rotula, supponaturque ita secunda basis BG , super qua se movet rotula FG , cujus circumferentia æqualis est huic basi, dum punctum D , quod describit curvam super altera basi AE , describit e Centro rotulæ Circulum DE , tum ad inveniendam tangentem puncti C sumpti pro lubitu in hac curvâ, ducenda est CN parallela basi, & jungendum punctum N , quod est in Circulo DE in puncto G , ubi rotula tangit basin suam, tum ducenda CP parallela NG ; & CL , quam offendit angulis rectis erit tangens quæ quærebatur.

Deinde ad inveniendum punctum H , ubi pars curvæ AH definit esse concava, & HCD esse convexa, ducenda saltem est e puncto G linea veluti GR , quæ attingat circulum DRE in puncto R , & ex hoc puncto R ducenda est RH parallela basi,



Et notandum est, nullam posse ibi dari lineam rectam quæ attingit hanc curvam $AHCD$, in hoc puncto H , idè quod separationem faciat duarum ejus partium, quarum una concava, altera convexa est. Hæ verò determinationes adeò simplices facilesque accipi possunt pro secundare, quam magnus ille Geometra vester se

ignorasse fassus est. Quamvis enim dixerit, habere se ejus demonstrationem, sed quæ longiuscula sit, desiderare se autem breviorē, non tamen poterit habere talem quæ exactè determinet quandam harum rerum, cum tangentes invenire non potuerit.

De cæteris observandum est, & hoc quod hic de tangentibus dixi, & id quod tibi olim indicavi de spatio quod continent hæ lineæ descriptæ per

$$2x^3 - 4ex^2 + 2e^2x \\ - 2fx^2 + 4efx - 2e^2f || 0.$$

Æque ac

$$2x^3 - 3vx^2 + 3v^2x - v^3 || 0. \\ - nx^2 + nvx.$$

Et termini multiplicati per x^2 , faciunt $2f || 3v + n - 4e$, tum termini multiplicati per x faciunt,

$$6ev + 2en - 6e^2 || 3v^2 + nv. \text{ aut} \\ v^3 || -\frac{1}{3}nv + 2ev + \frac{2}{3}ne - 2e^2.$$

Hoc est, ideo quod e æquale est x , v æquale est $x - \frac{1}{6}n = \sqrt[3]{\frac{1}{36}n^3 + \frac{1}{3}nx - x^3}$, quod omnino determinaret tangentem quæ quærebatur, si quantitas x cognita esset, verum quia hæc cognita non est, ulterius hoc modo procedendum.

Cum y sit æquale $x - v$, & v modo inventum est, habeo etiam $y || \frac{1}{6}n = \sqrt[3]{\frac{1}{36}n^3 + \frac{1}{3}nx - x^3}$, quod si substituatur in locum y & cubus ejus in locum y^3 in prima æquatione, deprehenditur ipsam extricando eam ad hos terminos reduci:

$$x^4 - \frac{1}{3}n^3x + \frac{1}{54}n^4 || 0.$$

Et per regulam meam quæ est in mea Geometria pag. 383, scribo in locum eorum,

$$z^6 - \frac{2}{27}n^4z^2 - \frac{1}{54}n^6 || 0.$$

Tum per pag. 381. invenio valorem z^2 qui est $\frac{1}{3}n^3$ & $z || n\sqrt[3]{\frac{1}{3}}$. Qua ratione per pag. 383. divido æquationem $x^4 - \frac{1}{3}n^3x + \frac{1}{54}n^4 || 0$ in duas alias quæ sunt

$$x^3 - nx\sqrt[3]{\frac{1}{3}} + \frac{1}{6}n^2 - \frac{n}{6\sqrt[3]{3}} || 0.$$

$$\text{Et } x^3 + nx\sqrt[3]{\frac{1}{3}} + \frac{1}{6}n^2 + \frac{2}{6\sqrt[3]{3}} || 0.$$

Et per primam harum duarum æquationum, cognosco valorem x qui est $x || n\sqrt[3]{\frac{1}{12}} = \sqrt[3]{\frac{n^3}{6\sqrt[3]{3}} - \frac{1}{12}n^3}$

De-

Denique cum querendo eodem modo lineam AB per tangentem CB, plane similis æquatio resalteret, exinde discitur lineam AG esse $n \sqrt{\frac{1}{12}} + \sqrt{\frac{n^2}{6V_3}} - \frac{1}{12}n^2$ & AD esse $n \sqrt{\frac{1}{12}} - \sqrt{\frac{n^2}{6V_3}} - \frac{1}{12}n^2$; & consequenter

DG esse $\sqrt{\frac{n^2}{3V_3}} - \frac{1}{3}n^2$ & CF esse $\sqrt{\frac{n^2}{3V_3}} - \frac{1}{3}n^2$; quæ est maxima latitudo folii quæ quærebatur; In tantum ut, si linea n sit 9, CF erit $\sqrt{36V_3} - 54$, & si n est 3, CF erit $\sqrt{4V_3} - 6$ & sic de cæteris.

Cæterum, cum videam ipsum delectatum esse considerando figuram lineæ istius, quam nominat *galand*, aut *fleur de pascmin*, dabo ipsi aliam, quæ non minus quam illa his titulis digna, & quæ tamen multo facilius est descripta, eò quod inventio omnium ejus punctorum non dependeat ab ulla æquatione cubica. Est autem talis, ut sumpta A K pro axe cujusdam horum foliorum, & in A K punctum N pro lubitu, id saltem agendum sit, ut quadratum ordinatæ LN habeat se ad quadratum segmenti AN, uti alterum segmentum NK habet se ad aggregatum totius A K, & tripli AN, & hoc modo habebitur punctum L, nimirum omnia illa lineæ curvæ, cum punctum N pro lubitu sumatur.

Possent ipsi dare infinitas alias lineas quæ non forent naturæ magis compositæ quàm ista, & quæ nihilominus repræsentarent flores aut ut ipse vocat (*galands*) magis duplos & elegantiores. Cæterum ut ingenuè loquar, adeò floccipendo istas phaleras ut erubescam de iis scribere. Et miror equidem cum ultro in gloriam ducere quod perfunctorie observaverit figuram lineæ cujus ipsi definitionem transmiseram; Potest enim illa evidenter cognosci nullo acumine, nulla scientia, si quis eam delineaverit.

Nihil hic resolvendum superest, quàm ultima ejus quæstio, quæ talis est; Lateribus AD & AE quadrilateri ADCE datis cum angulo DAE & longitudine diagonalis AC & denique proportio quæ est inter duas lineas AG, & AH perpendiculares super lateribus incognitis CD & CE, querenda sunt reliqua.

Ad quod respondeo: Problema istud generaliter propositum neque planum, neque solidum esse, & tamen semper construi posse per regulas à me in Geometria mea datas, id eò quod semper possit reduci ad quadratum cubi aut ad minus: Et en tibi modum procedendi.

Cum latera AD, AE & angulus DAE data sint, basis DE simul data est, & perpendicularis ejus AF, & segmenta ejus DF, FE; Ideo facio AF || b, DF || c, FE || d, facio etiam AC || a, & ut ratio AG ad AH
E c 2 sit

fit ut g ad b ; Deinde ducta AB parallela DE , quæro perpendicularẽ
 CB quam voco y ; Eoque fine prolongo AB usque ad K & L , ubi
 offendit CD & CE , super quibus duco perpendicularẽs LQ & KN .
 Cæterum quia facio $CA \parallel a$ & $CB \parallel y$, habeo $AB \parallel \sqrt{a^2 - y^2}$; Et uti
 CI quod est $y - b$, se habet ad IE , quod est $d - \sqrt{a^2 - y^2}$, ita CB quod
 est y se habet ad BL , quod per consequens est $\frac{d - \sqrt{a^2 - y^2}}{y - b}$ & AL est
 $\frac{d - b\sqrt{a^2 - y^2}}{y - b}$, & $LC \parallel \frac{y}{y - b}$.

$\sqrt{-2by + b^2 + d^2 + a^2 - 2d\sqrt{a^2 - y^2}}$. Eodem modo
 ac $CI \parallel y - b$ se habet ad $ID \parallel C \parallel \sqrt{a^2 - y^2}$. Ita $CB \parallel y$ se habet ad
 BK quod per consequens est $\frac{y + \sqrt{a^2 - y^2}}{y - b}$ & AK est $\frac{y + b\sqrt{a^2 - y^2}}{y - b}$ & CK
 k est $\frac{y}{y - b} \sqrt{-2by + b^2 + d^2 + a^2 + 2c\sqrt{a^2 - y^2}}$ & kL est $\frac{d + y}{y - b}$.

Facio insuper $AG \parallel gz$, & $AH \parallel bz$, & sicut Ak se habet ad kL ,
 ita AG se habet ad LQ ; Unde efficitur $LQ \parallel \frac{d + y + c\sqrt{a^2 - y^2}}{y + b\sqrt{a^2 - y^2}}$. Et uti se
 habet AL ad kL , ita AH se habet ad kN , unde discio kN esse
 $\frac{d + bz + c\sqrt{a^2 - y^2}}{d - b\sqrt{a^2 - y^2}}$. Denique uti LQ se habet ad kN , ita CL se habet ad Ck ;


Unde concludo $dgy - bg\sqrt{a^2 - y^2}$ multiplicata per $\sqrt{-2by + b^2 + d^2 + a^2 + 2c\sqrt{a^2 - y^2}}$ æquale esse $chy + bb\sqrt{a^2 - y^2}$ multiplicata per
 $\sqrt{-2by + b^2 + d^2 + a^2 - 2d\sqrt{a^2 - y^2}}$; Et extricata hac æquatione evidenter
 cognoscitur, non posse inde elici majorem terminum quàm y^6 . Ad eò ut
 illa semper possit per Geometriam meam resolvi, neque opus est ut ul-
 terius procedam, nam vel tyro eam ad finem deducere posset. Verùm
 pro Conclusionem dicere possem, quod si vestris Geometris hisce solutio-
 nibus non satisfaciam, nunquam spes mihi erit illis satisfaciendi, etiamsi
 miraculorum potestatem haberem. Ideoque ea non ampliùs attingam.

Quod D. Fermatium concernit, nescio quid respondendum sit; Nam
 post verba honoris quibus alter alterum compellavimus, nollem ipsi
 displicere; Videtur autem mihi, ob ardorem quo continuat suam exal-
 tare Methodum conando persuadere me illam non intellexisse, & me
 errasse in eò quod tibi de ea dixi, teneri me adjungere his veritates quas
 dam, quæ mihi videntur ipsi nullo modo favere.

Transmiseras mihi præterita hyeme ipsius nomine regulam ad inve-
 niendas Maximas & minimas in Geometria, quam manciam pronuntia-
 vi, id quod abunde demonstravi per exemplum illud quod ipsemet pro-
 posuit; Verum addidi, posse eam corrigendo reddi satis congruam,
 quan-

illustraverint, siue quòd fortuna ipsi magis faveret quàm antea; ad summam, *quod felix sanctumque sit*, post dilationem sex mentium, invenit medium ipsam de novo detorquendi, cuius ope quodam modo hanc tangentem exprimit; *Io Triumpho*; annon meretur illa res ut pleno gutture victoria decantetur? Non autem morabor hic dicendo novas illas ambages quas invenit, inventu faciles fuisse, potuisseque illam Geometria mea eas petere, in qua similem adhibeo modum, ad evitandam difficultatem, quæ primam ejus regulam in hoc exemplo inutilem reddit; Non dicam illum proinde non satisfecisse ei quod proposueram, quod non erat de invenienda tangente, siquidem eam Geometria mea petere poterat, sed de inveniendâ illa, adhibita solâ illius prima regula, quam ad eò generale & præclaram prædicabat. Et denique, non esse hoc plenissime invenire tangentes, si quis eas per duas quantitates indeterminatas x & y exprimat; Nam quantitates hæ X & Y , non sunt datae separatim, sed quærenda est altera per alteram. Et qui hæcenus uti voluerunt regula ipsius ad inveniendam tangentem, quæ facit angulum quadraginta quinque graduum, cum axe hujus curvæ, facile per ipsam experientiam defectum illum cognoscere potuerunt. Nolo, inquam, omnibus istis immorari; dicam saltem, consultius ipsam facturum fuisse, si nullum omnino de hac tangente verbum emisisset, id eò quòd rumor quem de ea spargit, inducit ad credendum, rem ardui negotii fuisse inventionem istam; considerassetque, quòd, cum hæcenus silentio præciterit omnia quæ illi objeci, exinde necessario sequatur, nihil ipsi quod responderet suppetiisse; neque etiam adhucdum certum esse fundamenti regulæ suæ, cum demonstrationem ejus non transmisisset, etiamsi de eo per te rogatus id præstiturum pollicitus fuerit, fueritque illud unicuique medium probandi certitudinem ejus, quàm inutiliter conatus est totâ alijs persuadere modis. Constat quidem, ex eo tempore, quo testatur feci, debere quippiam in ea immutari, non posse eum ignorare amplius modum eâ utendi; Verum, si quidem illi quod interea temporis ad Mydorgium mihi de causa elisionis certorum terminorum, quæ ibi gratis fieri videtur, non communicatum fuerit, excusatum me habeat, quod adhuc in sententia perstem non posse eam demonstrari. De cætero miror eum conari persuadere, modum quo invenit hanc tangentem esse eundem, quem proposuerat ab initio, quodque ad id probandum utatur eadem figura, ac si ipsi cum literarum plane rudibus res esset; Nam legendum est saltem utrumque scriptum ad cognoscendum ea longè differre. Miror etiam, quòd cum solidè demonstraverim quicquid in regula ejus corrigendum dixi,

dixi, cui nihil quicquam opposuit, audeat tamen dicere mihi rem non ex voto cessasse, loco gratiarum actionis quam mihi debere; sed & addit insuper me errasse in eo quod dixi, danda esse duo nomina lineæ quam vocat B, &c. quod non succedere ait nisi in quæstionibus facilibus, cum agnoscere debuisset errasse se ipsum, ideo quod in hoc textum ejus de verbo ad verbum secutus sim, ut facere me oportuit ad cum corrigendum. Annon iniquum est, quod velit me in regula ejus ante sex menses invenisse id quod nudius tertius saltim in ea mutavit, & errasse me in eo, quod non correxerim rem quandam, quæ ipsam nullatenus falsam reddit; Nam, ut dixi, eo sensu sumptam succedere eam in quæstionibus facilibus, quanquam in aliis non succedat, quod exinde provenit, quod illis applicari nequeat, planeque respondeat ei quod de ea scripseram. Et ut cognitum ipsi fiat, novum ejus modum non extendi eò usque quod sibi imaginatus erat, operam det, si ipsi placuerit, ut eo utatur ad invenientiam tangentem lineæ cujusdam curvæ quæ hanc habet proprietatem, ut aggregatum quatuor linearum ductarum ex unoquoque punctorum ejus versus quatuor alia puncta data, veluti A, B, C, D, semper æquale sit lineæ cuidam datæ, & certus sum ei non minus occurrurum difficultatis, quam si primo usus fuisset, licet multo minus sit compositus quam suum X^o + B X^o quod allegat. Miror etiam, quod adeo speciatim sibi attribuat hanc



Methodum, ut ex ipsius verbis posset videri magnum mysterium, quod à nemine præter ipsum potuerit explicari. Nam, ut dicam quod res est, nihil in ea reperitur quod justius sibi appropriare possit, igne & aqua, & viâ regiâ, quam menda illa sub quibus eam proposuit. Quicquid in ea bonum est, adeo simplex est & inventu facile, ut nemo Analysis studiosus ejus non sit capax, dum modo ipsi proponantur, aut sibi ipse fortuito proponat certas quæstiones quæ eò conducunt; Et si quidam sint, qui majus in ea se jus prætereendere possint, eos esse necesse est, qui ejus fundamenta & rationes intelligunt, ex quorum numero ipsum fuisse hætenus deprehendere non potui. Non addo, me mirari, quod pergat defendere objectiones, quas olim contra meam Dioptricam formavit; Certus quippe sum plures alios esse, qui id æquè mirentur atque ego; neque id agam ut eum avertam à tali exercitio, quod mihi necessario proficuum fore prævideo. Suar autem præcipuè argumentationem quâ utitur circa finem epistolæ suæ, cujus hæc sunt propria verba: *Cum videam nihil me hætenus proposuisse, cui discipulus ejus non satisfecerit, quod tibi rescripsit, junctum*

stum est ut & ipsemet propositionibus sequentibus elucidandis operam det; Quibus consequenter proponit mihi quatuor Problemata, ad quæ respondeo, quod etiam si operæ pretium esse: ea resolvere, quod nullatenus existimavi ex quo primum ea conspexi; aut etiam si earum resolutionem jam num scirem, quod tamen pro vero venditare nolim, ne exprobandi mihi occasio sit, me in mustaceo laureolam quærere; & denique etiam si non mihi superesset dignius aliquod objectum cui illaborarem, nihilominus ei solutionem eorum mittere nollem, ne videar ipsi concedere, æquum esse ut illis extricandis operam dem, eoque modo facere potestatem temporis meo detrahendi omnibus illis, quibus id aliquando tentare placuerit. De cætero non desinam illi inservire in quibus potero, neque eos averfor qui ipsum defendere conati sunt; persuasissimum enim habeo eos aliquando vi veritatis conversum iri. Vale.

EPISTOLA LVIII.

Ad Reverendum Patrem Merfennum.

Rev. Pater,

Magnoperè lætatus sum, quòd D. de *Sainte-Croix* ad te litteras dedisset de Responsione, quam ad quæstiones ipsius concinnaveram; Animadverto in iis plures Considerationes quantum ad numeros, de quibus nihil unquam audiveram; veluti inter alia, differentia quam statuit inter *medium* & *medietatem*, mihi incognita est, & si hæc vocabula distinguere voluissem, vocabulum *mediis* non accepissem pro una parte quantitatis, sed saltem pro loco illo ubi sit separatio medietatum. Non equidem ignoro, regulam quam dedi ad solvendam primam ejus quæstionem, præstaturam fuisse, si modo ei addidissem modum quendam ad determinandum uno ictu tetragonos utiles, non examinandis sequenter omnibus imparibus. Sæpius autem accidit in quæstionibus de numeris, ut non adeo plene per regulas determinari possint quominus aliquid per inductionem quærendum super sit: Veluti Euclides in regula quam ponit ad invicendos numeros imperfectos, vult examinari omnes numeros, qui sequuntur ex unitate, proportionem duplici, donec quispiam inveniatur, de quo si auferatur unitas, reliquum sit numerus quidam primus; cum docere debuisset modum ad excipiendum omnes qui ab unitate aliqua defalcati, non sunt numeri primi. Ex. gr. debebat ab ea accepisse omnes numeros qui sequuntur de 4. in proportionem quadruplici,

plici, veluti 16, 64, 256, &c. Demonstratu quippe facile est, diminutos ab unitate quadam necessario esse divisibiles per 3, & omnes illos qui sequuntur de 8, in proportionem octuplici, veluti 64, 512, 4096, &c. Nam diminuti à quadam Unitate necessario sunt divisibiles per 7. Atque ita illi qui sequuntur de 32 de 128 &c. Non autem existimo æquè facile esse dare regulam ad inveniendos trigonos utiles ad quæstionem propositam, non examinandis etiam pluribus inutilibus.

Quantum ad secundam quæstionem, plus mihi videtur illa requirere indultrix ad solvendum, id agendo ut latera trigonorum sint de numeris fractis, quàm secus, ideo quod eò non perveniri possit palpitando, uti perveniri potest cum supponuntur integri. Præterquam quòd numeri ad eam in fractiones resolvendam inservientes, inserviant etiam ad eam resolvendam in integros, si fuerint multiplicati. Neque ullatenus capio quid D. de *Sainte Croix* intelligat hîc per latera primitiva trirectangulorum; Nam si hoc vellet quòd non deberent esse divisibiles per ullum numerum, exemplum ejus quæstioni non satisfactorium esset, cum 210, 720, & 750, divisa per 30 producant 7, 24, 25, quæ sunt latera primitiva trirectanguli.


Quantum ad tertiam quæstionem, credo me illi satisfecisse demonstrando esse eam impossibilem; atque ita quarta saltem superest, in qua nunquam divinasset debere inveniri numerum compositum ex tribus quadratis excluso 4; Cum enim ignorem observationem D. Bachet super ea re, non plus videbam rationis ad excludendum 4 quadratos, quàm quinque, aut sex aut majorem numerum. Quod si eam cognitam habuissem, respondiissem, eo sensu quæstionem non posse resolvi per alios numeros quàm per 3, 3, 6; 3, 11, 14; & 3, 21, 24; Nam supposito Theoremate D. de *Sainte Croix*, nimirum, quòd omnis numerus possit reduci ad tres trigonos, ad quatuor quadratos, ad quinque pentagonos &c. aut ad minores, credo me posse demonstrare, omnes numeros divisibiles in tres quadratos, qui excedunt 33, posse etiam dividi in quatuor quadratos, exceptis saltem illis qui producuntur à 6 aut 14 multiplicatis per 4, veluti 24, 96, 384, 1236 &c. & 56, 224, 896, 3584 &c. qui non sufficiunt ad hanc quæstionem, ideo quòd aggregatum duorum ex talibus numeris, nunquam possit esse æquale alii cuidam ejusdem naturæ.

Verum quoad hoc Theorema, quòd sane elegantissimum est omnium eorum quæ de numeris inveniri possunt, nescio ejus demonstrationem, eamque adeo difficilem judico ut eam tentare non auserim. De reliquo, multum debeo D. de *Sainte Croix*, ob judicium quod in mei favorem tulit,

sint æquales eidem AB , plus linea az , evidentissimum est, quod superest kL & GH , simul æquale esse huic lineæ az , quæ tantum remota est & à Centro rotulæ, quantum kL & GH remotæ sunt à puncto E , id est, à linea FE . Et quia puncta N & P fuere sumpta secundum directionem, præterquam quod sint æqualiter remotæ à puncto O (quæ causa est ut lineæ kL & GH etiam æqualiter remotæ aut elongatæ sint à linea FE) hoc generaliter intelligendum est de ambabus lineis ductis inter rectam AC , & curvam $AF C$, quæ sunt parallelæ cum FE , & æqualiter ab ea distantes, altera ab una, altera ab altera parte, nimirum quod simul æquales sint lineæ rectæ inscriptæ in rotula & tantum remotæ à centro suo quàm lineæ istæ remotæ sunt à puncto E aut etiam à linea FE .

Unde consequitur, quod si super eadem linea recta, veluti $\alpha\beta\phi\omega$ describatur semi-circulus $\alpha\delta\beta$, æqualis semissi rotulæ, & figura $\phi\gamma\kappa\psi\omega$, cujus pars $\phi\gamma\kappa\theta$ æqualis sit & similis $FGCHE$, & altera pars æqualis & similis $E L A k F$ (nam cum AE sit æqualis EC , & angulus AEF angulo DEC , liquet duas istas partes figurarum jungi posse) basis $\phi\omega$ erit æqualis $\alpha\beta$, & altitudo hujus figuræ $\phi\kappa\omega$ æqualis altitudini semi-circuli $\alpha\delta\beta$; Porro, omnia segmenta earundem linearum rectarum parallelarum cum base $\alpha\beta\phi\omega$, quæ comprehensa erunt, unum in figura $\phi\kappa\omega$, alterum in semi-circulo, erunt æqualia unum alteri, uti $\gamma\psi$ erit æquale $\mu\nu$, 4, 5, æquale 2, 3, δ , 9, æquale 6, 7, & sic de cæteris.

Quod evidenter probat spatium $\phi\kappa\omega$ esse æquale semi-circulo $\alpha\delta\beta$, illis quidem, qui non ignorant, quod in universum, cum duæ figuræ eandem habent Basim & altitudinem, & cum omnes lineæ rectæ parallelæ



cum suis basibus, quæ in una earum inscribuntur, sunt æquales illis quæ inscribuntur in altera pari distantia, una tantum spatii contineat quantum altera. Verum cum fortasse sint qui Theoremati isti non applaudant, pergendum duxi hoc modo:

Du-

Ductis lineis rectis $\delta\alpha$, $\delta\beta$, $\kappa\phi$, $\kappa\omega$, patet triangulum $\phi\kappa\omega$ esse $\alpha\omega$ quale $\alpha\delta\beta$; accipio enim κ , & δ , pro altioribus harum duarum figurarum punctis. Eodem modo ductis lineis $\mu\alpha$, $\mu\delta$; $\nu\delta$, $\nu\beta$; $\gamma\phi$, $\psi\kappa$, $\psi\omega$ patet triangula $\gamma\kappa$, ϕ & $\psi\kappa\omega$ simul α qualia esse duobus $\mu\delta\alpha$, & $\nu\delta\beta$; Nam cum $\phi\omega$ α qualis sit $\alpha\beta$; 12, 13, etiam α qualis est 10, 11, & quia $\gamma\psi$ α qualis est $\mu\nu$, γ 12, plus 13, ψ , quæ bases sunt triangulorum $\gamma\kappa\phi$, & $\psi\kappa\omega$ simul α quales sunt μ , 10, plus 11, ν , quæ sunt bales triangulorum $\mu\delta\alpha$, & $\nu\delta\beta$, & quatuor hæc triangula ejusdem sunt altitudinis. Ita rursus inscribendo alia triangula è punctis 45, δ 9, & 23, 67, & quotquot libuerit in infinitum, deprehendetur semper eodem modo, triangula figuræ $\phi\kappa\omega$ α qualia fore triangulis semi-circuli, & per consequens tota ista figura α qualis est huic semi-circulo; Cum enim omnes partes quantitatis unius sint α quales omnibus partibus alterius, totum necessario α quale est toti. Quæ notio adeò evidens est, ut credam, neminem nisi eos qui soliti sunt res omnes appellare nominibus quæ veris contrariantur, eam negaturos, & dicturos hoc saltem quadantenus conclusivum esse.

De cætero, cum spatium comprehensum inter rectam A C & curvam A K F G C α quale sit semi-circulo, evidentissimum est, omne spatium A F C B esse triplum semi-circuli; triangulum quippe rectilineum A B C α quale est integro Circulo, cum linea A B supponatur α qualis semissi circumferentiæ ejus & B C ejus Diametro. Verum etiamsi hæc linea A B supposita fuisset major aut minor (utitum cum concipitur punctum, quod describit curvam A F C aut extra aut intra rotulam & non in ejus Circumferentia esse (spatium comprehensum inter dextram A C, & curvam A F C, non eò minus foret α qualis semi-circulo, cujus Diameter foret α qualis B C, adeo ut saltem triangulum rectilineum A B C in magnitudine sua mutationem pateretur; uti manifestum est ex eo solo, quòd etiamsi magnitudo linæ A B mutata sit, nihilominus nihil sit mutandum in demonstratione quam modo proposui; quodque hîc amplissimè deduxi, ut etiam ab iis intelligar, qui Analysis non utuntur, potest per calculum quantocyus inveniri.

Duo folia præcedentia cæteris reddenda erant. Venio jam ad diversos epistolæ tuæ articulos, quorum primus est, D. N. tibi dixisse Capucinos in Congregatione eorum generali, in universum per id quod contra me scripserit, in admirationem raptos fuisse; quod mihi copiosam ridendi materiam suppeditat. Neque enim verosimile est devotionem bonis viris adeo ingenii acumen obviare, ut animadvertere nequeant

menda quæ insunt singulis dissertationis ejus versibus, aut ut approbent impia ejus animi sentia, quæ in quibusdam locis talia sunt, ut si quidem in certis terrarum locis Inquisitioni subjectis degeret, flammæ ipsi metuendæ essent. Præterquam quod Professio eorum eos obliget ad reprehendenda vitia, & culpandum calumniandi desiderium, quo apparet cum non minus ferventer actum fuisse, quam Sanctissimi Ordinis eorum amore Divino acti sunt. Ego verò nullus metuo viros judicio præditos, aut qui me cognitum habent, sibi imaginaturos esse, arduum mihi fuisse ipsi respondere, siquidem Decori legem id exigere existimarem. Dicam autem, quod non minus erubescerem scriptis decernere cum ejus farinae homine, quam immorari persequendo catello qui me transeuntem latratu peteret. Quod tamen non obstat, quod minus conaturus sim elucidare rationes quas proposui de existentia Dei; verum publico exponam Latino sermone. Et quia major pars objectionum mihi transmissarum, quasque typis mandare constitui cum congrua mihi eorum copia fuerit, Latino sermone concepta est, placeret mihi, ut qui in posterum aliquas formaturi sunt, eas eodem Idiomate proponant. Et quia ariolor Jesuitas Fleschieneses mihi aliquas misuros, rogatum te velim ut eos ejus rei certiores facias, nullus dubitans quin de eo præmoniti Latinum Sermonem Gallico tuis exprimendis præoptaturi sint; quod tamen fieri vellem non data operâ, sed arrepta occasione, si forsitan de eo nequidem cogitaverint. Gestio etiam scire quo modo tractent Meteora mea in eorum Philosophia, nimirum an ea refutent, an vero silentio involvant; Neque enim jamnum mihi putandum est, quod ea sequantur, quod & ex publicis eorum Thesis, quas hoc anni tempore conficere solent, videre est.

D. Des-Arques me sibi devincit, quod curam mei gerat, in eo quod sibi dolere teltetur quod studio Geometriæ nuncium remiserim; Verum constitui saltem repudiare Geometriam abstractam, sive scrutinium earum quæstionum, quæ non nisi exercendo ingenio inserviunt; Idque ut eò magis mihi vacet invigilare alii Geometriæ generi, quod sibi pro quæstione proponit explicationem Phænomenorum naturæ. Si enim ipsi placuerit inspicere quod de Sale, de Nive, de Iride &c. scriptis elaboravi, facile cognoscet omnem meam Physicam nihil nisi Geometriam esse.

Quantum ad id, quod desiderat nosse sententiam meam de exiguis partibus Corporis, dicam tibi, me illas non secus concipere, ac lapides ex quibus murus quispiam constructus est, aut ut ligna ex quibus navigia

con-

constant. Nimirum, possunt ea multo facilius ab invicem separari, quàm frangi, aut rejangi, aut aliis figuris donari: Sed & omnia hæc fieri possunt, si quis idoneis ad ea Instrumentis abundet.

Quantum ad difficultates tuas ad pag. 258. Meteororum meorum, merentur ex amplissima verba, totiusque libri difficillimus ille locus est; Ego autem de his prolixè egi in Responsione ad quasdam Objectiones, quæ mihi Lovanio transmissæ fuerant, quas spero te typis vulgatas inspecturum, antequam annus præfens elapsus sit. Dicamque tibi in antecessum, globos qui in hac pagina picti conspiciuntur, saltem exempli loco esse, accipique debere pro globis ligneis, aut aliis, non autem pro partibus materiæ subtilis. Secundo, rem multi operis esse & fortasse parùm utilem, cogitare de determinanda absolute celeritate rotationis partium hujus materiæ subtilis; meque eam saltem determinasse in comparatione motus recti, nimirum, quòd si rectus superatus sit à Circulari, hoc producat rubicundum aut alium huic proximum colorem in forma umbratica, pro portione majore aut minore qua ab eo superatur; & quòd si fiat contrarium, producat color cæruleus. Nihil tibi antea respondi quoad sententiam Domini Ga. ad explicandas refractiones, quoniam cum mea nihil omnino commune habet.

Quantum ad Gæostaticum, scias me pargi admodum pendere, si ipse & talis farinæ contra me scribant; nam quo plures erunt, qui male scribant, eò magis apparebit veritas; illum autem non nisi pessimè scripturum jam certò prænovi.

Argumentatio Domini F. quæ idem quod Gæostaticus probare intendit duplici defectu claudicat: Quorum primus est, quòd supponat pondus C cum pervenerit ad Centrum terræ, ulterius ex altera parte progredi debere, quod ipsi probandum esset; cum ratione enim negati potest: Secundus, quòd consideret B & C veluti duo Corpora separata, cum tamen si jungantur per lineam B C, quæ supponitur habere firmitatem baculi, non debeant considerari nisi tanquam unum & solum Corpus, cujus centrum Gravitatis cum sit in puncto A, mirum non est si altera hujus corporis pars elevetur, in eum finem ut reliquæ descendant, donec Centrum ejus gravitatis se Centro terræ adjunxerit.

Gratias ago D. Des-Argues pro observatione quam à Minoribus se didicisse ait; sed difficile est bene judicare de causa talium experimentorum, cum ex aliorum tantum relatione in cognitionem eorum incidimus. Præterquam


terquam quodd investigandum esset utrum idem etiam in aliis regionibus eveniat, & ubique eadem hora; quod si ita sit, res sane multam considerationem meretur, mihiq; magno commodo foret.

Quamvis id quod de Geostatica scripsi nullatenus mereatur typis mandari, nihilominus, si, quod scribis, id vulgò desideretur, mea parum refert, dum nomen meum frontispicium non insigniat: sed & desalcen- tur, si tibi placet, hæc verba: *Testatur in eo plus sibi fuisse impudentia & protervitas, quam ignorantia*, in quorum locum substitui posset: *Testatum per id facit non deberi fidem ejus scriptis adhiberi integram*. Et inferius, ubi habetur, *Librum istum adeo absurdum, ridiculum, & contemnendum esse*, possunt refecari verba *absurdum & ridiculum*, & dici *Librum istum adeo contemnendum esse*. Non equidem, acsi hæc epitheta in eum non optime quadrarent, neque etiam acsi ullatenus vereretur eum offendere; sed quodd videatur talis scribendi ratio mihi non convenire; & verba illa festinanti calamo effluerant, saltem intuitu imposturæ quam ab eo passi sumus ratione Privilegii.

Huc usque processeram, cum novissimæ tuæ secundo hujus mensis datæ mihi reddebantur, quarum fasciculus nihil nisi scripta D. Fermatii continet, quibus non est quod multo negotio respondeam; Nam quantum ad illum ubi explicat Methodum suam *Ad Maximas*, satis mihi palmam tribuit, cum alio longè modo agat, ac prius egerat, ut eam accommodaret ad inventionem tangentis, quam ipsi proposueram; & secundum hanc ultimam obliquitatem quâ illam reformavit, certum est illam optimam esse, quoniam ad id redit, ad quod antea dixeram eam corrigendam esse. Atque ut de eo inter nos verum dicam, existimo, si non vidisset id quod in ea corrigendum dixi, res ardui laboris illi fuisset eam extricare. Credo etiam omnem istam cavillationem de linea E B, nimirum utrum illa debeat appellari maxima, quam amici ejus Parisienses in sextum usque mensem traxerunt, saltem in eum finem ab ipsis excogitatam fuisse, ut ipsi tempus suppeditarent ad melius quippiam, quod mihi responderet, invenendum. Neque etiam mirum est eum intra sex mensium spatium novam viam invenisse, per quam regulam suam idoneam reddiderit; verum inconvenienter admodum hoc illis exprobraretur; neque enim interest, quo temporis spatio, aut quo modo eam invenerit, dummodo invenerit. Neque etiam convenienter dici posset, quartum numerum cujus partes aliquotæ faciunt duplum, quem tibi transmittit in novissima sua Epistola, eum plane eundem esse quem tibi antea misi, & ideo verosimile, eum ab aliquo Parisiensi ipsi communicatum, quem tu aut D. de Sainte Croix ejus com-

compotem feceritis; & certus plane sum rem se ita habere; manifestè quippè id significat per illud ipsum quod tibi scribit, dum eum transmittit, nimirum, quòd cum per Methodum meæ consentaneam invenerit &c. & præcipue, quod paulo ante de quarta quæstione Domini de *Sainte-Croix* dicat, me in ea forsitan eodem æquivoco peccasse, quod ipsi acciderit, quo tempore primùm proponebatur, quodque forsitan sufficere crediderim, numeros quæsitos neque quadratos esse, neque ex duobus quadratis compositos, quamvis è quatuor consent, quod tamen non sit ad sensum Authoris &c. quomodo enim divinare potuisset, me id cogitasse, & quomodo potuisset asserere non esse id ad verum sensum Authoris, nisi hoc ipsi per quendam Parisiensem rescriptum fuisset. Cæterum nemo earum rerum jure reus agi potest, nisi clarissimè probari possint, permissum id saltem est cogitationibus in mente retentis. Interim omnis iste procedendi modus indirectus fastidire me cogit eorum commercium, quod ut quamprimum finiatur expeto.

Quantum ad objectionem D. Fermatii contra meam Dioptricam, adèdè serius est in ea re, ut incipiam persuasum habere, credere ipsum summo se jure niti, adèdèque neutiquam id in malam accipio partem. Existimo autem me optimo jure illi regerere, magnopere memirari virum cætera doctum & acuti ingenii, conari refutare demonstrationes solidissimas argumentis fragilibus & quæ nullo negotio dilui possunt.



Nam quantum ad posterius illud, nimirum, quòd, si pila quæ in puncto B protrudatur per duas vires æquales, quarum altera ipsam à B versùs D ferat, & altera à B versùs G, debeat illa movere se versùs I, adèdè ut angulus GBI sit æqualis IBD; Quòd pari ratione protrusa à B versùs N & versùs I, debeat progredi versùs L, quæ dividat angulum NBI in duas partes æquales; Præmissæ istæ veræ quidem sunt, sed nihil continent quod refractiones concernat; neque enim creantur per duas vires æquales quæ protrudunt pilam, sed saltem ex obliquo objectu superficiei, ubi

fiunt; atque ita nescio ex cujus Logicæ regulis exinde inferre satagit, id quod de eo scripsi veritati repugnare. Sed non displicet, quòd conetur respondere ad id quod transmiseram D. Mydorgio, de reliquis ejus objectionibus. Certus quippe sum, quòd si id accuratiùs examinet,

Gg

depre-

deprehensurus sit, quæ subterfugia appellat, esse veritates certissimas, per quas ad sophisinata respondeo; Et si plures sint, qui demonstrationem meam non capiant, ex eo non inferendum est, eam non esse evidentem, sed saltem ejus materiam esse difficilem; Haud secus ac Demonstrationes Appollonii & Archimedis evidentissimæ sunt, quamvis multi honesti viri, & qui in aliis scientiis excellunt, eas capere nequeant. Poteris, si placuerit, transmittere D. Fermatio lineas istas, quamprimum ad ipsum litteras dabis.

Et Dominus de Roberval, quantum ad suum (*galand*) eadem mihi vanitate turgere videtur, quæ femina, quæ coloratis fasciis crines colligit, ut pulchra appareat; Neque enim ipsi ulla industria opus fuit ad inveniendam figuram hujus lineæ, siquidem ejus definitionem ipsi trans-miseram; Neque aliud prodest ejus Scriptum, quam ut ex eo cognoscam, eos illam probe examinasse, & multum sudasse antequam ejus tangentem invenire potuerint; Abhinc enim sex aut septem mensibus eam ipsis proposueram, neque tamen nisi ab uno mente de ea loqui cœperunt. Te autem obtestor, ne me cum illo amplius committas; Fastidio enim magnoperè ejus commercium, nihilque rationis invenio in omnibus illis quæ hic profert; veluti quòd existimet modum concludendi *ad absurdum* multo esse acutiorem altero, absonum sane est; neque Appollonius & Archimedes eo usi sunt, quam tum cum copia meliorum Demonstrationum eos defecerat.

Perspicies clarissimè, quare corpus appensum chorda, minus gravitet si sit prope Centrum suæ detentionis, quam si ab eo longius absit, si quidem attendas ad id quod de plano inclinatio de vecte & de balance scripsi: Movet enim se sequendo planum multo magis inclinatum super horizonte. Non mitto tibi Centrum gravitatis quod petierunt, neque enim hæc vespere mihi vacat ejus calculum ponere, & puto me tibi alia non modico numero ante duas hebdomadas misisse; Malim Gillotio ea tradere querenda cum adveniret, quod intra quinque aut sex septimanas fore confido; tum ea ipsius nomine ipsis mittam. Et quantum ad Gillotium, dicam tibi, quòd etiam si forsitan non tantum Parisiis lucrari possit quam in his locis, optarem tamen eum illic esse, ut Geometriam meam exponat. Et si solummodo certus essem, media ipsi illic fore absque indigentia subsistendi, non committerem, quin illum eò ablegarem; Absque eo enim vereor ut illa intelligatur ab illis qui antea Analyseos nesciji fuerunt, & experior eos qui Analyseos nōrunt, illi injurios esse, & conari illam pro sua virili contemptui subijcere. Quod si deprehenda-

hendatur, introductionem hinc eò missam posse ad id inservire, non repugnabo quin Jesuitæ illam inspiciant; vellem enim eam à pluribus intelligi.

Illiqui verbum *tantost* (modo) in pag. 380. reprehendunt, idem agunt, ac si mihi exprobarent collare meum oblique in humeris residere, neque enim id magis ignominiosum est, quam alterum; & si quidem non probent, quòd scripserim, *ut modo dictum est*, debuissent etiam reprehendisse verba *dictum est*, & adgisse me ad reponendum, *scriptum est*, sive potius, *ut antea impressum est*, cum sit Liber impressus, non manuscriptus.

Quantum ad verba, *nam aut quantitas* (car ou bien la quantité) p. 381. ea non intelliguntur ab his, qui non animadvertunt disjunctivam *aut* maxime necessariam esse, æquæ ac lineæ sequentes, uti cognoscere poterunt per exemplum ibi à me propositum, mutatis saltem signis \dagger & -, ut legatur $\dagger 7 \dagger 8 \dagger 124 \dagger 77 \dagger 64 \parallel 0$; Binomium enim rationale, per quod æquatio ista dividi potest, est $77 \dagger 16$, & tamen radix quæ sita non est 16, sed $4 \dagger \sqrt{12}$, aut $4 - \sqrt{12}$. Dolendum sane est culpari in bene dictis, ex eo solo, quòd qui de iis judicare satagunt, ea non intelligunt. Ferè oblitus eram gratiarum actionem pro pictura Coronarum, quas mihi transmisisti; Summa cum voluptate eam intuitus sum, nam cum iis quas descriperam omnino convenit. Vale.

Extractum Litterarum D. Cartesii ad P. Merfennum.

SI de numero quodam mensurato per 8 detrahatur unitas quæpiam, numerus qui superest, neque quadratus erit neque compositus ex duobus quadratis, neque ex tribus quadratis. Et si de numero quodam mensurato per 4 defalcetur unitas, numerus qui superest neque quadratus erit, neque compositus ex duobus numeris quadratis. Quod ex eo solo facile probo, quod, si de quocunque numero quadrato, qui impar est, detrahatur unitas quædam, quod superest mensuratur per 8. & per consequens etiam per quatuor (uti probatur ex eo, quod omnes produci possint, addendo 8 ad 1, quod facit 9. & bis 8 ad 9, quod facit 25. & ter 8 ad 25, quod facit 49. atque in infinitum) quodque quilibet numerus quadratus qui par est, mensuratur per 4. Unde liquet, duos numeros quadratos sibi junctos componere unum, qui aut mensuratur per 4, nimirum, si hi duo numeri sint pares, aut, quod majus est unitate quâdam, quàm numerus mensuratus per 4. nimirum si alteruter eorum impar sit, aut qui sit major duabus unitatibus, si ambo impares sint;

G g 2

Et

Et exinde demonstratur secundum eorum Theorema. Nam si quilibet numerus quadratus, aut ex quadratis compositus, non potest superare numerum mensuratum per 4, nisi uno aut duobus, omnes illi qui eum superant tribus, quod faciunt omnes illi qui unitate quâdam minores sunt quàm numerus mensuratus per 4, nequeunt esse, neque quadrati, neque ex quadratis compositi. Eadem ratione, si jungantur tres quadrati qui sint pares, non poterunt illi superare numerum mensuratum per 8, nisi ad quantitatem 4; Et si alteruter eorum sit impar, nequeunt eum superare nisi ad quantitatem 1 aut 5; Et si sint duo impares, non superabunt ipsum nisi ad quantitatem 2 aut 6; Et si omnes tres sint impares, ipsum non superabunt nisi ad quantitatem 3; ad eò ut ipsum nunquam possint superare ad quantitatem 7, uti faciunt omnes numeri mensurati per 8, postquam unitas quâdam ipsis detracta est; quod erat demonstrandum. Et quantum ad fractiones idem est. Altera eorum questio est

P R O B L E M A.

Inveniantur numeri quàmplures, quibus binis & binis sumptis, unus sit aequalis partibus aliquotis alterius, & reciprocè alter aequalis partibus aliquotis primi. Cui satisfacio per hanc Regulam.

SI sumatur Binarius, vel quilibet alius numerus ex solius Binarii multiplicatione productus, modo sit talis, ut si tollatur unitas ab ejus triplo, fiat numerus primus; Item, si tollatur unitas ab ejus sextuplo, fiat numerus primus, & denique si tollatur unitas ab ejus quadrati octodecuplo, fiat numerus primus. Ducaturque hic ultimus numerus primus per duplum numeri assumpti, fiet numerus cujus partes aliquotæ dabunt alium numerum, qui, vice versâ, partes aliquotas habebit æquales numero præcedenti. Sic assumendo tres numeros 2. 8. & 64. habeo hæc tria paria numerorum, aliaque infinita possunt inveniri eodem modo.

284. cujus partes aliquotæ sunt 220. & vice versâ.

18416

17296

2437056


2363584

EPISTOLA LIX.

Ad Dominum Cartesium.

Nobilissime Domine,

Quantum ad D. Roberval, vim magnam ille pulchrarum novitatum speculando invenit, & Geometricarum, & Mechanicarum; Inter alias tibi unam significabo, nimirum, eum demonstrasse, spatium comprehensum per lineam curvam ACB, & rectam AB triplum esse Cir-




culi aut rotæ sive rotulæ AEF; Prædictum verò spatium factum est per rotulam, quæ se movet ab A usque ad B, super plano, aut super linea AB, cum linea AB æqualis est Circumferentiæ dictæ rotulæ. Deinde demonstravit proportionem istius spatii ad dictum Circulum, tum cum rotula describit AB majorem aut minorem sua circumferentia, *in quacunque ratione data.*

2. Jam mihi permittas tibi proponere duas difficultates, super quibus mihi lis est cum D. Roberval, quas mihi resolvere optestor, si possis. Prima est, supposito quod Deus nihil creasset, prædixit ille, fore adhuc idem spatium solidum reale, quod nunc est, fundatque veritatem æternam Geometriæ super hoc spatio, tali quale foret spatium, in quo sunt omnia corpora in firmamento inclusa, si Deus annihilaret omnia ista corpora. Ego autem dico, nullum fore spatium reale, secus enim daretur Ens quoddam reale, quod à Deo non dependeret.

3. Secunda difficultas, de qua nisi memoria me fallit, tibi jam antea dixi, est de arcu, nimirum, si chorda tensa ab A usque ad D, resoluta è D non celerius progrediatur à D ad C, quàm à C ad A perficiendo cursum suum; Ajo, quòd, eum majorem vim patiat in D, quàm in C, eam celerius progressuram exiendo è D, quam transiendo & viam faciendo per C; ipse verò ait, eam celerius ituram in C, & adhuc celerius

G g 3

cum.



cum pervenerit in A, ubi est ejus terminus. Quod illi patrocinatur, est, quòd si illa celerius progredetur in D, supposito, chordam detineri in C, tractus protrusus à D in C, celerius progredetur, quàm cum integer in A esset; Atque etiam, quod triangulus EDF major sit quàm ECF, atque ita longiori ipsi tempore opus sit ad movendam & attrahendam chordam à D ad C, quàm à C ad A; Ego vero fun-


damentum meum pono in vi maximâ, aut in fortissima tensione chordæ in D. Adjungit ille, quòd, sicut chorda GH, annexa in G, & tracta ab H in I, lentius descendit & movetur, incipiendo motum ejus in I, & celerius in H, per quam transit, quàm ullibi locorum, eodem modo chorda exiens à D lentius progreditur quàm in ullo alio loco manubrii arcus DA, & in A multo celerius quàm in ullo alio loco. Cæterum quòd me suspensum tenet, est, quod cum chorda tam celeriter & tam fortiter feriat sagittam in A, si illa non veniret nisi de C in A, non emitteret adeò longe sagittam, quàm si chorda veniret à D aut remotius, hoc est, quod arcus quamvis minus celer & minus fortiter feriens sagittam, eam longius emittit, si major sit; Adeò, ut si cum eadem sagitta tendas arcum duplè majorem præcedentibus, emittet ille sagittam multò longius, etiamsi multo labore tibi opus sit ad tendendum magnum arcum, quam parvum & consequenter, etiamsi parvus sagittam celerius & fortius feriat; adeò ut longitudo conductus chordæ arcus videatur imprimere novas vires sagittæ; neque magna illa celeritas chordæ ferientis eam longius propellat, sed longitudo cursus qua chorda comitatur sagittam; Quid igitur futurum esset, si chorda comitaretur sagittam spatium decempedale? Credo equidem illam conjunctionem qua chorda comitatur emissam sagittam, post certum spatium nihil magis operari, uti fit in tormentis majoribus bellicis quæ post emensam certam longitudinem tractum potius diminuunt quàm augent; at forsitan impossibile est determinare quàm longè chorda eam comitetur, & in quo finiatur ejus utilitas.

4. Deni-

4. Denique & hoc nobis non mediocrem difficultatem causatur, quare globus tormentarius non tantum effectum habeat, quindecim aut viginti pedes elongatus ab ore machinæ bellicæ, quàm elongatus pedes quinquaginta, cum videatur multo celerius volare primis viginti pedibus, quàm postea; Idem est si quis lapidem jaciatur, si è manu enissus attingeret statim corpus tuum, non æquè læderet, quàm elongatus decem duodecimve passus; Itaque non sola celeritas missilium facit maximam impressionem, aut verò non eadem celeritate in principio quàm postea progrediuntur, quod & tuæ & meæ opinioni refragatur. Et non ignoro unum circuitum deambulationis in Musæo tuo tardo incessu factum, tibi satis consilii suppeditaturum ad expediendas istas difficultates.

Extractum Epistolæ D. Fermatii, insertæ cuidam ad
Rev. P. Merfennum datæ.

5. *Esto parabolicus Conoïd O B A u, cujus axis I A, basis circulus circa diametrum C I u. Querere centrum gravitatis, perpetua & constanti, quâ, maximam & minimam & tangentes linearum curvarum investigavimus, methodo, ut, novis exemplis, & novo usu, eoque illustri, pateat falli eos, qui fallere methodum existimant.*



Vellem scire judicium DD. de Roberval & Pascal. de mea *Isagoge topica*, & de Appendice, si utrumque inspexerint; & ut ipsis desiderium moveam rei præclaræ, extendenda sunt loca puncti ad plura in infinitum; Et ex. gr. pro eo quod vulgò dicitur: inveniat parabolam in qua sumendo punctum pro lubitu, producat illud semper eundem effectum, hoc proponam:

Inveniat parabolam, in qua sumendo talia 2, 3, 4, 5, &c. puncta quæ volueris, ea producant semper eundem effectum, atque ita in infinitum.

Sed &, resolutionem hujus quæstionis dare possum.

Inveniantur totidem linearum curvæ ac placuerit, in singulis earum summatur numerus punctorum pro lubitu, omnia ista puncta simul sumpta producant eundem effectum.


6. De reliquo, superest mihi adhuc alia difficultas, disputata nuperime mihi & D. Des-Argues, cujus mihi, si placet, solutionem dabis, si possis. Fuit illa de globo, qui currit super plano, nimirum, utrum movendo se ab uno puncto ad aliud, uti eveniat si ludatur brevi globo super plano perfecto cum globo perfecte rotundo, usque dum redeat in idem punctum, descripturus sit lineam super plano æqualem suæ Circumferentiæ. Ratio dubitandi est, quod nulla pars lineæ curvæ potest convenire cum hoc plano ad illam tangendam; itaque non tangitur illa nisi per sola puncta globi, non autem per ejus partes; Atque ita super linea plana, totidem hiatus aut vacua erunt, quàm puncta, & consequenter non erit ista linea continua.

EPISTOLA LX.

Ad Reverendum Patrem Merfennum.

Rev. Pater,

R Ediditæ mihi sunt eodem temporis momento litteræ tuæ 28. Aprilis & primo Maji datæ, & præter aliorum litteras, invenio ibi 26. paginas tua manu scriptas, quæ responsum flagitant. Multum sane tibi debeo; neque in memoriam revocare possum onera quæ tibi injungo, quin grati animi stimulos pro tuis in me meritis in me persentiscam. Sed ad rem. Inchoasti per inventionem D. de Roberval, de spatio comprehenso in linea curva quam describit punctum aliquod Circumferentiæ circuli, qui concipitur rotari aut currere super plano quodam; quam mihi fateor nunquam in mentem venisse, & ejus annotationem perelegantem esse; Caterum non video rem tanti esse, quæ buccinâ vulgetur, cum sit inventu facilis, quamque vel mediocriter in Geometria versatus certo invenire potest, si eam quærat. Nam si ADC sit ista linea curva, & AC recta æqualis Circumferentiæ Circuli $STVX$, si dividatur hæc linea AC in 2, 4, 8, &c. partes æquales per puncta B, G, H, N, O, P, Q , &c. evidentissimum est, perpendicularem BD esse æqualem Diametro Circuli, & totam aream trianguli rectilinei ADC esse duplam Circuli. Tum sumendo E pro puncto, ubi idem Circulus attingeret curvam AED , si positus esset super basi ejus in puncto G , & sumendo etiam punctum F pro puncto, ubi attingit hanc curvam, si ponatur super punctum H bases suæ, evidentissimum est, duos triangulos rectilineos AED & DFC esse æquales quadrato $STVX$ inscripto in Circulo.




culo. Eodemque modo, sumendo puncta I K L M pro iis ubi Circulus attingit curvam, si tangat basin ejus in punctis N O P Q evidens est quatuor triangulos A I E, E K D, D L F & F M C esse simul æquales quatuor triangulis isoscelibus inscriptis in Circulo S Y T, T Z V, V I X, X 2 S, & octo reliquos triangulos inscriptos curvæ super lateribus horum 4, fore æquales 8 inscriptis in Circulo, & sic in infinitum. Unde liquet, totam aream duorum segmentorum curvæ, quæ pro basibus habent A D, & D C esse æqualem areæ Circuli; & consequenter tota area comprehensa inter curvam A D C & rectam A C, esse triplum Circuli.

2. Quantum ad Quæstionem, utrum foret spatium reale, uti nunc, si Deus nihil creâsset, quamvis illa videatur transilire fines humani ingenii, neque cum ratione de ea disputari, non magis quàm de infinito; nihilominus existimo, eam saltem vires imaginationis nostræ superare, uti superant quæstiones de existentia Dei, & de Mente humana, & intellectum quidem nostrum posse assequi ejus veritatem, quæ est, saltem ex mea sententia; non solum nullum tum fore spatium, verum etiam veritates istas quæ æternæ nominantur, veluti *quod Totum sit majus sua parte* &c. non fore veritates, si Deus eas non eo modo stabilivisset, de quo ni fallor, tibi alio tempore quædam rescripsi.

3. Quantum ad alteram quæstionem de Chorda arcûs, subscribo sententiæ Domini de Roberval, nisi quodd, cum ille dicat sine exceptione, motum chordæ augeri semper relaxando à D usque ad punctum A, quod

H h est



est in linea recta EAF, ego existimem, hoc non usque adeo verum esse, nisi tunc cum nullam sagittam propellit; Nam si ipsa sagitta propellenda est, resistentia istius sagittæ in causa est, ut celeritas ejus incipiat paululum diminui, antequam pervenerit ad punctum A. Sed & verum est, arcum quò major est, eò fortiolem esse, etiamsi non sit magis tensus; Et constat esse certam quandam proportionem magnitudinis tam

pro arcubus quàm pro tormentis muralibus, quam excedere non saltem inutile, verum & perniciosum sit, verum non ob eandem causam tam in arcubus quàm in machinis muralibus; Nam in his dependet illa à proportionibus ignis, ferri & pulveris pyrii; & in altero, à proportionem ligni & aëris.

4. Nondum certus sum experimenti, nimirum an bombardæ minus virium habeat in propinquo, quàm in longinquo; & existimo variare effectum pro natura corporum, contra quæ illa agit, adeo ut non plane idem futurum sit, si ejus experimentum fiat contra loricam aut thoracem ferreum, ac si fiat contra asserem pineum; globum autem celerius proveli cum egreditur è tormento murali, quàm postea.

5. Centrum gravitatis Conoïdis Parabolici D. Fermatii facilè inveniri potest eodem modo quo Archimedes invenit Centrum Parabolæ, adeo ut non necesse sit uti ejus Methodo ad id inveniendum; Et nisi tanto temporis spatio opus esset ad ponendum calculum, tu verò mihi satis laborum injunxisses per novissimas tuas, id tibi transmitterem; sed contemno tanquam rem facilem. Dicam saltem, me nondum vidisse eum ullum exemplum suæ Methodi dedisse, quod non facile inveniri possit absque ejus ope, unde adducor ut credam, neque ipsummet ejus planè certum esse. Quod autem dicit, me tantum vix emensum esse, ac instituisse iter adeo laboriosum, ad inveniendas tangentes in mea Geometria, animadverto eam ipsi non esse intellectam; Multo quippe compendiosior est ejus regulâ, quæ nihil concludit, nisi quatenus fundamentum suum à mea mutatur, uti videre potuisti per illas quas descripsi ante
duas

duas hebdomadas; & ut verum dicam, existimo eum neutram intellexisse.

6. Quæris, utrum credam, globum currentem super plano describere lineam æqualem suæ circumferentiæ? ad quod simpliciter respondeo, quòd sic, per unam maximarum à me scriptarum, nimirum, quòd omnes res, quas clarè & distinctè percipimus, veræ sint; Percipio enim facili negotio eandem lineam modo rectam modo curvam esse posse, veluti chorda; non possum autem percipere, quidnam intelligatur per puncta globi, cum illa ab ejus partibus distinguuntur, neque comprehendere possum hanc subtilitatem Philosophicam.

Quæris, utrum credam id quòd de refractione scripsi, esse demonstrationem? Respondeo affirmativè, saltem in quantum possibile est demonstrare in hac materia non demonstratis antea Principiis Physicis per principia Metaphysicæ, (quod aliquando me facturum confido, quod tamen hæcenus præstitum non est) & tantum quantum ulla unquam quæstio Mechanica, aut Optica, aut Astronomica, aliussve scientiæ unquam demonstrata fuit. Cæterum exigere à me demonstrationes Geometricas in tali materia quæ dependet à Physica, est petere à me factum impossibile; Et si nullas alias quàm Geometrarum appellare velis demonstrationes, dici sane potest, Archimedem nihil unquam demonstrasse in Mathematicis, neque Vitellionem in Optica, neque Ptolemæum in Astronomia, &c. quòd tamen contra est. Acquiescitur enim in talibus materiis, in eo quòd Authores præsupposuerint certas res, quæ experientiæ non manifestè refragantur, & de reliquo in bona forma sint locuti, nullo peccantes Paralogismo, etiamsi vel suppositiones eorum exactè veræ non essent; Uti demonstrare possem, vel ipsam definitionem Centri gravitatis, per Archimedem demonstratam, falsam esse, neque tale Centrum dari; sed neque alia quæ supponit exactè vera sunt. Quantum ad Ptolemæum & Vitellionem, habent illi hypothèses multò minus certas, neque tamen ob id rejiciendæ sunt demonstrationes quas ex illis deduxerunt. Quod autem prætendi demonstrasse quantum ad refractionem non dependet ex veritate naturæ Luminis, neque ex eo quòd fiat aut non fiat in instanti, sed ex eo saltem, quòd supponam esse id actionem, aut virtutem, quæ eisdem cum motu locali leges sequitur, quantum ad modum quo ab uno loco in alterum transit, quique se communicat ope liquoris cujusdam subtilissimi, qui est in poris corporum pellucidorum. Et quantum ad difficultatem quam deprehendis in eo quòd se communicet in instanti, dicam esse homonymiam in vocabulo

instant: Videris enim id considerare, ac si negaret qualemcumque prioritatem, adeo ut lumen Solis posset hic produci, etiam si non antea transeat omne illud spatium quod inter nos & ipsum intercedit; cum tamen vocabulum *instant* non excludat præterquam prioritatem temporis, neque impediat quominus quælibet partium inferiorum radii non dependeat ab omnibus superioribus, ea omnino ratione, qua vis motus successivi dependet ex omnibus ejus præcedentibus. Et scias, duas saltem vias esse ad refutandum scriptum meum, quarum altera est, ut probetur, per aliqua experimenta aut rationes, res à me suppositas falsas esse; altera, id quod inde deduco, deduci non posse; quod D. Fermatius probè intellexit; hoc enim modo refutare voluit id quod de refractione scripsi, conando probare inesse illi Paralogismum; Illi verò quibus satis est dicere, se fidem non adhibere scriptis meis, eo quod ea deducam ex certis quibusdam hypothesis à me non probatis, nesciunt illi quid quærant, aut quid quærere debeant.

Quantum ad D. P. nullo modo approbavi scriptum ejus, existimoque eum voluisse interesse celebritati, ut ajunt, festivæ, & formare objectiones, cum nihil invenire posset, quod objiceret. Usus quippe est locis quibusdam communibus exigui momenti, quos magna ex parte mutuatus est ab Atheis, quosque absque judicio cumulat; inhærendo præcipuè iis quæ de Deo & de Anima scripsi, de quibus ne unicum quidem verbum cepisse videtur. Causa autem, propter quam te rogavi ut ipsi objectiones quas contra meam Dioptricam formasse dicitur, eliceret, hæc fuit quòd credam nullas ipsi suppetere, & valde dubitare utrum is sit qui idoneas formare possit ita, ut propriam debilitatem non unà patefaciat. Ratio autem ob quam promisit se formaturum, fuit quòd metuebat, ne ab ipso causa exquireretur, quare non hanc materiam, in qua se ait decem aut undecim annos consumpsisse, aggressus sit potius quàm materiam quandam Moralem, aut Metaphysicam, quæ plane professionem ejus fugit, cuius veritas cum à paucissimis intelligi possit, etiam si multi sint qui de ea judicium ferre satagunt, ineptissimus quisque multa de ea effatit, quæ iis qui in rem non accuratius inquirunt, vera esse videntur; In Dioptrica autem vix mutire audeat, quin capacitas ipsius statim atque evidenter appareat; Plus satis jam eam cognitam fecit, eo quod asseruit vitra Sphærica æque bona fore ac hyperbolica, quia sibi imaginatus est, necesse non esse ut Diameter eorum pollicis integri aut dimidii magnitudinem excedat. Aliter plane de P. Morino sentio, cui pro objectionibus suis magnas me debere gratias existimo, uti generaliter debiturum me existimarem

iis,

iis, qui mihi eas veritatis eruendæ causa proposuerint. Neque etiam in malam interpretabor partem, si ad me debellandum se mihi graves exhibeant, conabor quippe eo modo omnibus respondere, ut nulla eis querelarum aut indignationis occasio relinquatur.

Accipies occasione hujus itineris aut proximi scriptum, quod tibi pollicitus eram ad intelligendam Geometriam meam, prope enim exactum est, auctore Nobili quodam harum regionum incolæ. Poteris certos reddere D. D. Fermatium & de Roberval, reliquosque, me nullo modo lædi per ea quæ contra me scribuntur, & si aliquando gravissimis insultibus petitus, paristylis respondeam, id ob eam fieri causam, ne existiment formidinem mihi blandius loquendi genus distasse; & quod ad exemplum in lusu rixantium, eo absoluto omnis mihi ejus recordatio percat, nihilque obstat, quominus eos amem & colam.

Gratias tibi ago pro scripto Rev. Patris G. deprehendo illud plane ex partibus meis, ut tu ais, eoque nomine ipsi multum debeo; non tamen id typis mandabo, neque quicquam D. Fermatii aut aliorum, quibus id volupe non sit, neque enim eo sum animo; Quod tibi scripsi, nolle me mihi quippiam transmitti, cujus mihi imprimendi non sit facultas, eo sine saltem dictum fuit, ut in me scripturi sua exactius limarent, & me onere legendarum gerrarum & ineptiarum liberarent. Quoad eos verò, qui hoc non obstante mihi quasdam objectiones miserunt, etiamsi mihi earum typis vulgandarum potestatem faciant, non tamen id continuò exequor; Et si quaspiam quæ in me formantur objectiones publici juris faciam, eas saltem deligo, quæ utilitatem pariunt & aliquo robore nituntur, quæque posthac ab aliis mihi opponi possent; non magis curando reliqua (nimirum scriptum cujus folium descripsisti mihi transmittendum, aliaque ejusmodi) quam injurias quas Psittacus pendens in cavcâ in me transeuntem effutiret; Rogatumque te velim, ne mihi scriptum illud sive etiam ejusmodi mittas; non quidem quod lectio eorum mihi tædium pariat, cum è contrario ridendi & quippiam de me præsumendi materiam suppeditent. Non ignoro ejusmodi homines nunquam aggredi nisi quæ præstantissima opinantur; sed eos adeo parvi pendo, ut scripta eorum lectione non sim dignaturus, neque te iis legendis tempus consumere vellem: Quod si jamnum legeris, quippiamque in iis offenderis, ad quod mihi respondendum existimes, facies mihi gratissimum si id indices.

Methodus D. Fermatii ad inveniendos duos numeros tales ut partes aliquotæ unius reciproce æquales sint alteri, meæ consentanea est, neque plus minusve continet; illa autem quâ utitur ad inveniendos numeros,

Hh 3

qua-

quorum partes aliquotæ duplum faciant, inservire nequit ad inveniendos alios quàm 120 & 672, unde conjicitur, cum eos per ipsam non invenisse, sed potius eam iis accommodasse postquam eos palpitando quæstiverat. Non immorabor quæstionibus eorum Geometricis; Existimo enim id quod imprimere curavi sufficere posse ad specimen in hac scientia, cui nullum amplius impendere studium animus est; Et ut libere inter nos loquar, sicuti quidam monomachiam detrectant eo nomine, quod adversarii eorum minoris sint conditionis, sic mihi jus aliquod esse existimo illis non respondere.

Quantum ad id quod ait D. Roberval, nihil in Archimede reperiri, quod faciat ad demonstrandum (quantum ad lineas in mente conceptas ad imitationem parabolæ & spiralem) proprietates, quæ referuntur ad eas quas demonstravit de iis lineis, æque id verisimile videtur, ac id quod dicit, tangentem non posse considerari tanquam maximam. Sed non possum obturare os illis quibus volupe est semper garrere, & quominus temporis impendero cum iis rixando, tanto minus perdidero.

Est quædam generalis Regula ad inveniendos numeros, qui cum partibus suis aliquotis habeant talem proportionem quæ desideretur; & si Gillotius Lutetiam abeat, eam à me docebitur, antequam eam tibi transmittam. Rogo te autem, utrum credas conditionem D. Sainte-Croix, ipsi proficuum fore; nam & ille fidus est, & ingenio satis acuto, & jucundissimæ familiaritatis, & quodammodo Latinæ, Anglicæ, Gallicæ & Hollandicæ linguæ gnarus. Optimè callet Arithmeticam; sed & satis novit methodum meam ad discendum proprio Marte, quicquid ipsi in reliquis Mathematicæ partibus defuerit. Verùm si quis ab eo humiliora, quam pro libero homine, obsequia petat, idoneus haud est; semper enim inter tales homines versatus est, qui etiam si majoris conditionis fuerint, illum tamen ut æqualem habuerint. Præterquam quod urbanitatis Parisiensis æque ignarus sit ac quipiam alienigena, vereorque, ne si nimium adstringatur ad illaborandum numeris, tædio afficiatur. Sane enim labor inutilis est, quique majori patientia opus habet quam quæ suppetat vivido ingenio, quasi ille præditus est.

Dedi litteras tuas D. Bannio, qui non saltem Romano-Catholicus, sed & Sacerdos est. Musices practicæ apprimè gnarus est; an & Theoreticæ tibi iudicium relinquo. Quod si ipsi nondum miseris librum tuum Latinum, non opus est ut mittas, existimo enim eum ejus jam esse competentem, uti & Gallici, quem mihi hac hyeme mutuo dederat; & inveni in eo multas observationes quas magnifacio.

Litte-

Litteras dedi Lugdunum Batavorum, ut ematur pro me *Heinsius in Novum Testamentum*; sed ignoro qua via illum tibi transmittam. Nam D. Zuylichem in castris est; expectanda erit alia quæpiam commoditas. Fato concessit D. Beeckman exacto abhinc anno, & credebam me id tibi significasse. Eo ipso momento quo complicabam hanc epistolam, reddita mihi tua est decimo Maji data. Et breviter pro responso hoc habe: Scripsi ad D. Zuylichem super negotio D. Hardy, quamprimum de eo responsum acceperim, eam ipsi impertiar.

Iterum te rogatum velim, ne mittas mihi scriptum illud, cujus mihi folium commonstraveras: modicum quippe istud me certum reddit, reliqua nullius momenti esse; neque mihi animus est morari omnes insanos quibus libuerit mihi insultare.

Quantum ad id, quod D. Des-Argues tibi dixit de D. N. nihil mihi ad respondendum suppetit, quàm me esse ipsis addictissimum; vix autem credo D. Cardinalem eò humilitatis descendere, ut hominis meæ conditionis recordetur.

De cætero, ut liberè dicam inter nos, nihil meo proposito unquam magis contrarium fuit, quàm conversatio Parisiensis, ob plurima diverticula, quæ ibi evitari nequeunt; & dum mihi vivere licebit meo convenienter genio, rus habitabo, in quadam regione, in qua importuna mihi non sit frequens amicorum interpellatio, non magis atque nunc temporis in angulo quodam Hollandiæ Septentrionalis interpellor; Hæcque sola ratio est, ob quam regionem istam solo natali prætulim, ejusque incolatui adeò jam assuetus sum, ut eum mutare nollem.

Mitto tibi partem scripti illius, quod tibi promisi ad intelligendam Geometriam meam, reliquum non potuit describi, itaque reservo illud ad aliud iter; Præcipuè occasione D. Des-Argues conceptum fuit, sed non repugno, quominus omnes alii, qui eo uti velint, apographum ejus habeant; saltem illi qui se habere methodum mea meliorem non jactant; alii enim eo opus non habent; & sane de industria quibusdam in locis obscurus esse volui, ne ejusmodi hominibus gloriandi occasio sit, nota ipsis fuisse quæ scribo antequam ea scripserim. Constitutum mihi erat hoc itinere litteras dare ad D. Morinum, sed negotiis pressus in aliud tempus distuli; neque etiam animus est etiamnum quascunque typis mandare objectiones; nam expecto adhuc aliquas quorum mihi spes facta est. Si interea ejus videndi occasio detur, officia mea ipsi deferas. Vale.

EPISTOLA LXI.

Ad Reverendum Patrem Merfennum.

Reverende Pater,

Accepi junctim binas tuas literas duodecimo & vicesimo-secundo Martii datas, & miratus fui postremas æque cito advenisse, neque enim unquam recentiores acceperam. Quantum ad accusationem Græstatici, dicentis, me nihil de Æquationibus docere quod Vieta non multò exactius docuerit, *nego Majorem*; Nam, uti, ni fallor, jam olim tibi declaravi, incipio per id ubi Vieta desit. Quod verò ait, me excusari non posse, quòd Vieta non viderim, cum ratione id dicere videri posset, si ob eam causam quippiam quod in Vieta reperitur, ignorarem, quod non credo ipsum mihi probaturum per egregium illum librum, quem olim de eo edidit. Quantum ad loca solida, facile est amplificare id quod de iis scripsi; neque enim ea doceo nisi in Corollario quodam, quod juxta computationis undecim lineas implet, nimirum duas postremas paginæ 334. & novem priores paginæ 335. Tum sex aut septem sequentes lineæ interserviunt locis *ad lineas tres, & ad superficiem*; In Pappi enim quæstionem confero quicquid iis intelligendis amplius sciri debet. Cæterum, quantum ad hanc quæstionem Pappi, bene est, quod non nisi ejus constructionem & demonstrationem posuerim, non adjecta integra Analysis, quam sibi imaginantur me solam posuisse, in quo se parum scire testificantur; Verum quòd fallantur, inde fit, quod constructionem illam confecerim uti Architecti solent ædificia, præscribentes saltem quicquid faciendum est, opusque ipsum manibus fabricorum lignariorum & lapidarum relinquentes. Neque enim demonstrationem meam cognitam habent, ideo quòd per *a, b* loquor, in quo tamen nihil ab antiquorum demonstratione differt, nisi quòd hoc modo in unam confero lineam ea quibus ipsi duas aut tres paginas implent, & ob eam causam mea multo clarior, faciliior & errori minus subjecta est. Quantum ad Analysis, omisi ejus partem, ut genios malignos in officio continerem; Quodsi enim integram luci exposuissem, gloriati fuissent, se ejus jam olim habuisse cognitionem; jam verò nihil de ea asserere possunt, quod eorum ignorantiam non patefaciat. Quantum ad cognoscendum, ad quem locum facta æquatio pertinet, quod, ut ais, D. de Roberval optaret me in Geometria mea me expressisse; siquidem ipsi placuerit legere à linea penultima pag. 326. usque ad 332, & lecta referre ad Corollarium locorum paginæ 334. inve-

inveniet me eos omnes exactè posuisse. Est tamen casus quidam quem ob facilitatem ejus omisi; quod tamen ipsi ne dicas. Verisimile quippe est eos id non observaturos, & tribus verbis in secunda impressione addi potest. Cæterum per hanc solam Equationem

$y || m - \frac{a}{2} x + \sqrt{m m + o x - \frac{f}{m} x x}$ paginæ 326. mutando saltem signa $+$ & $-$, aut supponendo saltem aliquos terminos pro nullis, intelligo omnes illas quæ referri possunt ad aliquem locum planum aut solidum. Non autumo, quicquam generalius breviusve, aut quicquam evidentius & facilius concipi posse; certusque sum eos, qui id semel intellexerint, operæ pretium non ducturos aliorum proluxa scripta super hac materia perlegere.

Quantum ad D. Morinum, certum eum per te fieri velim, me in optimam partem accepisse dissertationem ejus, neque defuturum, quominus singulatim, & comiter, & quamprimum ad eam respondeam; Responsum vero cum ea typis mandabo, cum ipsemet ita sentiat, addendo aut omittendo nomen ejus, prout ipsi visum fuerit; sed & si petat ut ipsi Responsum meum in scriptis transmittam, quo in ea mutare aut rescindere possit quæcunque ipsi minus arriserint, antequam imprima-
tur, non refugio eam transmittere. Scripsissem ad eum hoc itinere, sed tempore prohibeor; deferens ipsi obsequia mea.

Quantum ad D. N. finas eum modo operari, verosimile est admodum, nihil eum ad finem deducturum, & credo equidem, vel simplicem quemque Tornatorem aut fabrum serarium magis illo idoneum esse ad monstrandos perspicillorum effectus.

Gratias tibi habeo quod curam gesseris librorum Roma afferendorum, forsitan & ipsa mora emolumento erit, quia illis ad quos diriguntur hoc temporis interstitio innotescere potuerunt.

Vir ille, qui me infirmulat hausisse è Keplero ellipses & parabolas nem Dioptrices, aut maliciam suam aut ignorantiam aperit; Quantum enim ad Ellipsin, non memini Keplerum de ea agere, aut si mentionem ejus faciat, id innuit, non esse illam arithmeticam, quam quærit: Et quantum ad Hyperbolen, memini eum demonstrare conari, neque eam esse, quamvis dicat ab illa non multum differre. Cogitandum itaque tibi relinquo, utrum rei alicujus veritatem didicerim à tali homine, qui eam falsam esse probare conatur. Quod tamen non obstat, quominus fatear Keplerum fuisse primum doctorem meum in Optica, ipsumque omnium in ea hætenus versatissimum fuisse.

Peto abs te ut commonefacias D. Petit, ad transmittendum mihi, quicquid se Dioptrica mea obijciendum habere profitetur; aut si qua alia habet; ut occasio mihi sit uno ictu ad omnia respondere, nec pluribus vicibus opus sit; Neque enim illi metuendum est, ne multitudo me obruat; nam ad modica illa, quæ mihi jam misit, non impendam nisi quasdam horas successivas post prandium.

Quantum de secundo bovis oculo ita ut idem videri possit quod in conclavi obscuro, ut dixi in Dioptrica mea, testor tibi, me experimentum ejus fecisse, & quanquam id sine magna cura aut præcautione fecerim, tamen mihi pulchrè successit, & qua ratione, exponam. Sumpsi oculum bovis vetuli (quod notandum est, cum juniorum oculi non sint translucidi) electæque semisse testæ ovi, quæ talis erat, ut prædictus oculus illi commodè inferi posset, non mutata ejus figura; discidi forficè acutissima duas pelliculas *corneam & uvæam*, tertiâ quæ *retina* est, illæ sâ; Et particula rotunda, quam resecaui magnitudine circiter solidum (*un solis*) æquavit, nervumque opticum pro centro habebat; Postquam ejus ambitum integrum ita resecaueram, nondum remotâ eâ à loco suo, attraxi nervum illum opticum, qui secutus est cum retina, quæ dirumpebatur, humore vitreo nec quicquam læso; Adeo ut ea coopertâ ovi testâ, retro eam conspicerem mihi licuerit quod volueram. Nam testâ ovi satis translucida erat ad hunc effectum, eamque aliis hæcenus eodem modo etiam sine testâ ovi in charta saltem monstravi. Fateor oculum ex anteriori parte solere quodammodo in rugas contrahi, unde imago minus perfecta redditur, sed remedium adhiberi potest digitis paululum premendo à latere, sive etiam sumendo oculum bovis recenter mactati, immersumque semper in aqua ex quo primum è capite erutus est, in quâ teneatur dum pellicula reseccetur, donec testæ ovi sit adaptatus. Et hæc quidem ad priorem tuam Epistolam.

¶ Venio ad posteriorem, in qua respondes ad meam præcedentem, & rogatum te velim, ut habeas excusatum, quòd existimaverim amicos D. Fermatii à consilio mittendi ipsi Responzionem te alienare voluisse &c. summis id existimasse rationibus videbar, quod mihi indicaveris quanta necessitudine ipsi sint alligati, quòdque unum saltem in mea Responzione reprehendendum deprehenderint, quod tamen verbis meis valde inconvenienter allegant. Cæterum etiam si verum fuisset, cujus mihi nulla amplius opinio est, quoniam contrarium mihi indicas, credas velim, neque hoc, neque si quid aliud accidere possit, me à summo quo te prosequor affectu, gratique animi pro tuis in me beneficiis, demonstratione abalie-

natu-

naturum. Ne verò te excuses quòd nimium mihi significaveris de iis quæ in me dicuntur, nam quo plura mihi de iis scripseris, eò arctius me tibi devinxis, videorquæ mihi satis temperare posse, ad ita obsequendum tuis præceptis, ut tibi nunquam præjudicio, mihi verò etiam emolumento esse possint.

Maximè lætor D. Des-Argues non dedignari molestiam legendæ Geometriæ meæ; tantumquæ abest ut necesse sit me rogari ut aut tibi aut illi mittam quod ad ejus intellectum sublevandum faciat, ut etiam ultro eum rogare vellem, ut id accipere dignetur. Vir iste, qui mihi pollicitus est, se quippiam de eo scripturum, hinc excessit, neque spes est eum negotiis aliis distractum id vel intra sex hebdomadas expediturum; festinabo tamen quantum poterò; scribam ipse, non expectato alio, verùm calculus meus mihi adeò familiaris est, ut concipere nequeam quid sit in quo alii difficultatem deprehendant. De cætero, aliud mihi medium occurrit multo melius, nimirum Gillotius junior, alter eorum est, qui hic Mathesin docent, & ferè unicus qui probe sciat methodum meam; præterito anno in Angliā degit, unde à parentibus evocatus fuit quo tempore primum sibi famam acquirebat; hic autem loci fortuna ejus tanta non est, ut ejus incolatum depereat; si spes esset eum æquiori Parisiis usurum, sat juris in eum habeo, ut eò mittam, & una hora plus luminis adferre poterit ad intelligendum Geometriam meam, quàm omnia scripta, quæ eo mittere possem.

Optimè me mones ne typis mandem, quod D. N. scripsit contra D. D. Fermat & de Roberval; nec displicet, quod mihi id refecare permittat; sed neque id neglexissem etiamsi non permisisset: secus enim in partem culpæ ejus associarer, neque jus mihi est typis excudendi calumnias, nisi quæ in me contorquentur, quasque refellere operæ præmium est.

Gaudeo etiā, quod audiam, D. D. Pascal & Roberval D. Fermatio non esse tanta benevolentia adstrictos, quam literæ tuæ mihi expressebant; hac enim ratione, spero eos tandem veritati se dedituros; nec quod sciam, verbulum meæ Responsioni inferni quo offendi possent; poterisque eos nomine meo certos facere, me plurimi æstimare honestorum virorum amicitiam.

Quantum autem ad quæstiones Geometricas quas tibi promittunt mihi proponendas, quasolvere nequeunt neque arbitrantur posse solvi per methodum meam, deprehendo Commertium illud non è re mea; Primo enim consuetudini Geometrarum adversatur, proponere aliis

quæstionem quam ipsemet proponens solvere nequeat, cum sint quædam impossibiles, ut quadratura circuli &c. Sunt & aliz, quæ quamvis non sint impossibiles, nihilominus fines quos posui transgrediuntur, non quidem quòd aliis regulis, & ingenio acutiori, sed quod majore labore opus sit; & ex illorum genere sunt istæ de quibus dixi in Responsione mea ad Dominum Fermatium de scripto ejus, quod inscribitur de *Maximis & Minimis*, ad eum commonefaciendum, ut si ulterius quàm ego procedere velit, eâ ipsi viâ insistendum sit. Denique sunt quædam quæ ad Arithmeticam spectant, non ad Geometriam, uti illæ Diophantæ, & tres aut quatuor aliz, quarum in scripto suo mentionem fecerunt, quibus omnibus nihil me responsurum polliceor, sed neque respondere aggressurum; non quidem, quòd posteriores illæ difficiliiores sint Geometricis, sed quod interdum melius inveniri possint, per hominem laboriosum, qui pertinaciter examinet ordines numerorum, quàm acumine viri quisquis ille sit, eruditissimi. De cætero, cum nullius sint utilitatis, iis inhærerere non soleo. Attamen, ne ipsis occasio inde sit credendi me ignorare modum eas inveniendi, ponam hîc solutionem earum, quæ in eorum chartâ continentur.

Primas quæstiones constituunt hæc duo Theoremata. *Si de numero quopiam mensurato per 8, &c. Quod faciliè demonstro, ex eo solo, quòd si de omni numero quadrato impari dematur unitas, quod restat mensuratur per 8, & consequenter etiam per 4. uti probatur ex eo quod omnes producantur, addendo primum 8 ad 1, quæ faciunt 9, tum bis 8 ad 9, quæ faciunt 25, tum ter 8 ad 25, quæ faciunt 49, atque ita in infinitum; & omnis numerus quadratus & par, mensuratur per 4. unde evidenter consequitur, duos numeros quadratos junctos componere unum, qui aut mensuratur per quatuor, nimirum si hi duo numeri quadrati pares sint, aut qui unitate major est quàm numerus mensuratus per quatuor, nimirum si alter eorum impar sit, aut duabus unitatibus major est, si ambo sint impares, & exinde demonstratur secundum Theorema. Si quidem enim numerus quadratus aut ex duobus quadratis compositus, non potest superare numerum mensuratum per 4. quam uno aut duobus, omnes illi qui eum superant tribus, uti faciunt omnes illi qui unitate una minores sunt quàm numerus mensuratus per 4. non possunt esse neque quadrati, neque ex duobus quadratis compositi. Eodem modo si jungantur tres quadrati qui pares sint, non poterunt illi superare numerum mensuratum per 8. quàm numero 4. Etsi alter eorum impar sit, non possunt illum superare nisi numero 1 aut 5, & si duo sint impares, non*

cum

eum superabunt, quam numero 2 aut 6. Et denique si omnes tres sint impares, ipsum non superabunt nisi numero 3. adeo ut illum nunquam possint superare numero 7. uti superant omnes numeri mensurati per 8. unitate una dempta, quod erat demonstrandum. Et quoad fractos, idem est.

Altera quæstio in hoc Problemate consistit: *Inveniatur infinitas numerorum*, &c. cui satisfactio per hanc regulam: Si sumatur numerus binarius, aut eorum aliquis qui producuntur eos multiplicando per duo in infinitum. Ut jacturæ temporis consulatur, non opus est demonstrationem hic subnectere, nam tempori parco; & in materia Problematum sufficit dedisse factum; tum eorum est qui ea proposuerunt, examinare, utrum bene resolutum sit annon. Vellem autem antequam ipsis hanc regulam commonstrarem, ut me etiam suæ compotem faciant, ut si ea præstet, occasio mihi sit eam addiscendi. Potuisssem quidem extendere hanc nostram, sed nimiam prolixitatem averfor; cumque à me non expectant nisi quamplures tales numeros, qui inibi non omnes comprehenduntur, hæc eorum Problemati plenè satis facit, continet enim infinitos tales numeros.

Adderem hic uno ictu solutionem omnium cæterarum quæstionum quæ in eorum chartâ continentur; sed plus averfor scribendi, quàm in eas inquirendi molestiam. Et quoniam prima nihil aliud est, quàm locus in Geometria mea comprehensus, qui & ipse è numero facilius est ope Methodi meæ, reliquæ autem omnes meæ consequentiæ sunt illius quod Archimedes de Parabola & de Spiralibus demonstravit, non metuo, ne ii qui intelligunt Geometriam meam, sibi imaginentur mihi difficile esse illas resolvere; Tu autem non ignoras jam quindecim excessisse annos ex quo Geometriam reliqui, neque unquam me immorari solutioni cujusdam Problematis, nisi rogatu amicorum, uti in hac occasione, ubi tu iis promisisti te mihi missurum quicquid ipsis proponere libuerit, quæ ego libenter accipiam conaborque ad ea promptissime respondere; sed hoc saltem te rogatum velim, ut semel fiat pro semper, nec trahatur in consequentiam.

De reliquo, rogatum te velim, ut in his omnibus lapsus pennæ, si qui sint, excuses; Festinante quippe calamo scribo, & cum nuperrimè apographum Responsionis meæ ad amicos D. Fermatii inspicerem, deprehendi mendum quoddam, quod vereor ne & in autographo sit: in ea scilicet parte ubi pagina in tres columnas divisa est: Nam in titulo mediæ columnæ, ubi habentur hæc verba: *maiorẽ inter se proportionem*

nem habent; hæc per parenthesin adjungenda sunt (*nimirum major ad minorem*) quod tuæ curæ committo si sit adhuc inter manus tuas.

N. N. Mathematicus Amstelodamensis in mandatis habet ab Ordinebus Hollandiæ, peragrata Gallia, ire in Italiam ad discendam Galilæi inventionem Longitudinum. Cumque forsitan Lutetiâ transiturus, atque etiam amicitiam meam jactaturus sit, præmonendum te existimavi, præterquam quod sit maxime rudis, etiam nigrum esse & malitiosum, qui eodem tempore, quo me invisebat, amicitiamque meam venari simulabat, in Consortiis aliorum me traducebat, nulla veri specie, & adeo perfrecta fronte, ut etiam amici ejus, & quibus ego pro extraneo eram, non cessarint eum propterea objurgare; itaque illos quos accessurus est, ejus rei præmonitos vellem.

Rogatum te velim ut omnem operam impendas, quo Dominus Petit transmittat mihi quamprimùm objectiones suas contra meam Dioptricam; Sed & mittas mihi scriptum Patris Gib. amicorumque ejus contrarationes meas de existentia Dei, quamprimùm poteris; si quidem ab eo aliud quippiam haberi possit, accipiam lubens. Interpreteris mihi quæso, etiam id quod mihi de iis exhibes, eos nimirum adeo rebus aliis occupatos esse, ut de eorum non nisi indignabundus cogites; Neque enim quid hoc sibi velit, intelligo, mirarique incipio, me nulla de iis nova accipere, cum tantam mihi olim benevolentiam testati sint, neque me illorum amicitie refrigerendi ansam ullam vel cogitatione, vel opere, vel verbo dedisse memini. Velim etiam rescire nova de Dominis *Silhon & Cerisy*. Hæc omnia ad calcem literarum mearum rejeci, ut eorum facilius recorderis.

Oblitus fere eram respondere ad id quod ad finem Scripti Domini Petit de refractionibus habetur; dico ergo, duritiem corporum nullam ad eas relationem habere, uti explicaturus sum in Responsione mea ad D. Morinum. Secundò, quantum ad naturam duritiæ, ajo in Meteoris eam consistere in eo quod partes eorum corporum minus sint dispositæ ad se movendum, unam ab altera, aut melius junctæ aut grandiores. Tertiò, si velis te applicare Geometriæ meæ, gaudebo maxime, & summo affectu præstabo quicquid ad id conferre potero; sed etiam eum in finem D. Gillotium Parisiis esse oportet.

Paraveram tibi schedulam separatam pro Gzostatico vestro; sed mutavi animum, eo quod operæ pretium non existimem; & si te. ob eam rem sit allocuturus, dices ipsi me ex te quæsisse, utrum qui ad me litteras dedit, in his terminis, *Demonstres* &c. è genere Regum sit, aut alius quispiam

quispiam qui autoritate super me præpolleat, quod si esset, obsequii gloriam arriperem; Quod si verò sit qui nullo in me jure nitatur, concipio ex stylo ejus, non mereri cum ut ipsi benefaciam, docendo illum quod à me petit. Aut si nolit fateri se id ignorare, credatque se meliorem meâ habere Methodum, ad inveniendas omnis generis quæstiones, ejus erit inquirere, utrum erraverim, & tacere donec id probare possit. Vale.

Tuus &c.

DESCARTES.

EPISTOLA LXII.

Ad Reverendum Patrem Merseñnum.

Reverende Pater,

Dominus Regius hûc locorum redux attulit mihi altitudinem Turris Ultrajectinæ exactissimè mensuratæ; est ea 350 pedum Regionum, gallo simul computato aut rotula illa quæ in ejus fastigio est, & rotula ista cum pomo quod illam sustinet 16 pedes & septem pollices alta est; Scripturus tibi de ea erat, verùm quòd aliud ipsi non suppeteret, pollicitus ipsi sum tibi ejus nomine multam salutem dicere, atque ita fœliculum meum eo onere liberavi. Cæterum, inter nos, quamvis non mihi significes quinam sit author objectionum, quibus respondeo in altero folio, quod ab hoc, si placet, separabis, si casus ferat ut eam exhibeas, arbitror tamen eas à Gæostatico provenire, sunt enim è genio ejus, continentque dignas illo argumentationes; non tamen committere volui quin comiter ad eas responderem; Certus sit, me indignationem ejus flocci facere, & malle talium hominum inimicitiam apertam, utque graviter in me declament, quàm ut amicitiam simulantes frigidè dicant, mirari se, me tam parum dedisse &c. Transmitto autem tibi solutionem omnium eorum, quæ D. de Roberval se ignorare fatetur in Epistola cujus mihi Apographum misisti; rogo autem, multos alios ante eum ejus participes facias; sed neque ipsi Autographum des; tot enim obliquos agendi modos in istis hominibus animadverti, ut credam illis non magnopere fidendum esse; Et si nequirit capere primam meam demonstrationem de rotulâ, forsitan neque quicquam quod hæc continent, capere poterit; cæterum nimis multum mihi scribendo laborandum fuisset, si omnia illa ad infantium captum elaborare voluissem. Desidero rescire,

re, quidnam de mea posteriori explicatione demonstrationis de rotula judicaverit; quippe quam adeò evidentem judico, ut si illam neget, vel simplicissimis Scholaribus risu excipiendus sit.

Quantum ad introductionem ad Geometriam meam, certus sis, meam non esse; saltemque ejus particulæ lectionem audiivi antequam eam fasciculo meo incluserim; & erubesco te scripsisse D. Fermatio, me in ea locum planum ejus resolvisse; quippe qui per Geometriam meam adeò facilis sit, ut idem sit ac si ipsi scripsisses, me potuisse inscribere triangulum in Circulo. Cæterum si memoria recolis, me quo tempore cum mihi primum miseras testatum esse me eum magnifacere, & dixisse, oportere Authorem ejus Geometriæ apprime gnarum esse, & me sperare eum ex illorum numero fore, qui de Geometria mea optime sentiunt, ex eo poteris cognoscere, valde me ab illorum ingenio differre, eo quod in ipsis talem rem laudaverim, quam in me nimis abjectam & humilem reputassem; ipsi contra in me ejusmodi res reprehendunt, quæ vires eorum longe exsuperant, adeò ut neque à me satis superque explicatas intelligere possint. Animum intentius applicavi ad prætenfam demonstrationem Rotulæ transmissæ à D. Fermatio, cujus principium his verbis constat: *Centrum dimidii circuli n, Diameter divisa in partes aequales IK, KL, &c. Sed hac meo judicio maxime intricata est*; Eo sane testatum facit, quod cum nihil boni invenire potuerit quantum ad hanc rotulam, neque tamen sine Responsione esse voluerit, confusè admodum disseruerit, nihil quicquam concludens, & sperans vel eruditissimos nihil ejus intellecturos, reliquos autem interea credituros se eam invenisse. Si D. de Roberval in eo acquievisset, dici merito posset, quod *multum multum fricet*. Significasti mihi jam exacto anno aut biennio, scripsisse eum librum contra Galilæum, cum titulo fastuoso, de quo nihil ampliùs rescivi; vellem equidem scire rei successum. Scribant sanè isti farinæ homines, aut dicant quicquid voluerint, constitutum mihi est, nihil ejusmodi curare; Et si denique Galli mihi iniqui sint *convertam me ad Gentes*. Constitui in eum finem quamprimum typis mandare versionem Latinam. Et dicam tibi me hæc hebdomade litteras accepisse à Doctore quodam quem nunquam videram aut noveram, qui mihi gratias agit, quod per me Professoratum adeptus sit in aliqua Universitate, quem absque me sperare nunquam ausus fuisset. Quod igitur factum est, quod cum privatim Studiosos aliquos partem meæ Philosophiæ docuerit, ea ipsis adeò arriserit, ut Magistratui preces exhibuerint, ad eum ipsis Professore constitucendum. Etiam alias recepi ab iis qui Geometriam meam docent, quod in eum finem tibi signi-

significo, ut si veritati in Gallia locus non sit, non propterea eam ab aliis regionibus excludi, me verò id non magnoperè curare intelligas.

Salutem meo nomine si placuerit dices D. Morino, cui gratias ago pro sua Observatione Iridis; misissem illi Responfionem, sed quia fortasse, replicationem ad Responfiones meas mittet, eò usque expectandum duxi.

Accepi à D. de Zuylichem litteras, in quibus mihi de D. Hardy scribit, posse ipsum obtinere quod postulat, dum modo placeat ipsi contri-
buere ad id quod proponitur: *Nempe ut obiter id manu propria testetur*, quæ meo iudicio formula cautionis est, quam viri honesti in ejusmodi negotiis præstare tenentur. Hæc sunt ejus verba: & misit mihi excerptum Litterarum quas D. Hardy ipsi scripsit de eodem subjecto, in quas contulit, ni fallor, verbum Latinum, quod juridicam quandam pollicitationem, aut coram Notario factam significat, inter chartas meas dispersum jacet, si ad manus haberem, tibi mitterem. Volebam etiam litteras dare ad D. Hardy, sed tempore prohibeor: defer ipsi officia mea; & rogatum eum velim, ut non divulget id quod ipsi antea transmissi de regula *De Maximis*, siquidem id nondum vulgaverit: supra enim dixi in eo quod ad litteras D. Fermatii respondeo, non posse eum ejus dare demonstrationem, nisi eam didicrit ex meis ad ipsum datis. Oblitus eram tibi dicere, novam istam lineam, quam propono D. R. circa finem paginæ quartæ illius Epistolæ, eandem esse cum altera, quod eo feci, ut ansam ridendi haberem, si id non animadvertat, cum eam scire se jactet ut Circulum. Accepi tandem Lugduno Batavorum librum Galilæi, duasque horas impendi eo perlegendò; parùm autem materiæ inibi reperio ad implendas margines, & credo me satius facturum, annotando saltem quicquid in eo notatu maximè dignum reperero, in chartula, eamque tibi transmittendo. Cum enim D. de Zuylichem Hagâ absit, nescio quâ viâ tibi mittere possem librum, quem neque clementer cum sine marginalibus aspiceres. Recepi etiam Scriptum contra me Legati Anglici, quod nondum aperui, & nisi mihi denuo significes operæ pretium esse ut id legam, non id eo dignabor honore, sed remittam tibi tale quale est. Multum debeo Domino de *Sainte-Croix*, ob benevolum quod de me tulit judicium; rogatumque te velim ut ejus gratiam mihi conferves, uti & illius, qui tibi dedit numeros, quorum partes aliquotæ triplum faciunt; Oportet ut præclaræ cujusdam Arithmeticæ gnarus sit, cum per eam ducatur eò, quò Analysis vix attingere queat. Non animadverteram lapsum calami, qui erat in posterioribus ejus numeris; nam

secundum saltem examinaveram, quem cum probum reperissem, non dubitavi quin reliqui etiam boni essent; sed eo in mentem revoco, me etiam lapsum esse in eo quod ad postremam quæstionem D. de *Sainte-Croix* scripsi, nimirum omnes numeros ultra 33, qui ex tribus quadratis sunt compositi, etiam compositos esse ex quatuor, exceptis quadruplis ex 6 & 14; Nam loco 33 debebam posuisse 41. & tunc Theorema istud verum est; Uti etiam, nullos esse alios numeros, qui non sint ex quatuor quadratis compositi, exceptis quadruplis ex 2, veluti 8, 32, 128, &c. qui neque quadrati sunt, neque ex tribus neque quatuor, sed saltem ex duobus quadratis compositi.

Credo litteras tuas non perire viâ Harlemiana; jam enim quinque aut sex accepi; & ad tres respondeo, quarum ultima 12. hujus mensis data est, jam verò 23 est Augusti 1638. Rogatum te autem velim ut earum bene obsignandarum curam geras; duas enim aut tres accepi, quæ videbantur fuisse reclusæ; fateor quidem nihil in eis reperiri quod publicè sciri non debeat. Vale.

EPISTOLA LXIII.

Ad Dominum de Beaune.

Vir Clarissime,

JUcundissimum mihi fuit videre notas tuas in meam Geometriam; & verissimè quidem asseverare possum, nullum me in eis verbum reperisse, quod ad mentem meam non fuerit: in tantum ut miratus sim, potuisse te enodare ea quæ non nisi obscure posui; Veluti in eo quod concernit generalitatem Methodi, & Constructionem locorum planorum & solidorum &c. Et ubique deprehendo te id egisse ut menda potius mea excusares quàm detegeres; sed neque minores tibi gratias egissem, si ea animadvertisses, propter utilitatem quam ex eo capere potuissem. Et ut scias me non adeo mihi ipsimet placere, ut nullos in ea natos agnoscam, aliquos tibi hîc enumerabo. Primo, pro eo quòd à pag. 324. usque ad 334. me extenderim ad construendam quæstionem Pappi, neque postea de Locis nisi in forma Corollarii locutus fuerim, debuissem explicare ordine omnes Locos, & dicere postea, isto modo quæstionem Pappi constructam esse.

Omisi insuper casum ubi non habentur yy , sed saltem xy , cum aliis quibusdam terminis, quod semper locum dat hyperboli, cujus linea quam

quam nominavi A B est asymptota, aut asymptotæ parallela. Et in æquatione paginæ 325. ex qua modulum capio pro omnibus aliis, nullus est terminus qui compositus sit ex quantitibus cognitis: quod conducit ad quæstionem Pappi, eo quod nulli unquam in ea inveniatur, per modum quo eam reduxi; sed ponendus esset unus, ut nihil omitatur quantum ad loca. Et duæ constructiones quas dedi ad hyperbolen, pag. 330. & 331. potuissent per unam solam explicari. Non posui Anallytin horum locorum, sed saltem eorum constructionem, uti etiam maximæ partis regularum tertii Libri; Contra, quantum ad tangentes non dedi nisi nudum exemplum Analyseos, desumptum itidem ex obliquitate satis difficili, & neglexi multa quæ ei addi possent ad facilitandam ejus praxin. Fateor autem nihil me eorum nisi de industria omisisse, excepto casu asymptotæ, quem oblitus sum; Prævideram quippe, certum hominum genus quod se omnia scire jactat, dicturum, nihil me scripsisse quod ipsis antea ignotum fuerit, si me ipsis satis clarum reddidissem, neque ea voluptate gavisus fuisset, quam capio videns eorum ineptias; Præterquam, quod illud quod omisi, nemini noceat. Quantum enim ad reliquos, plus ipsis proderit ea per se invenire, quàm ex libro quodam haurire; Ego autem non metuo, ne rerum illarum gnari, ullam earum omissionem meæ ignorantiz tribuant; ubique enim operam dedi ut difficillima ponerem & facillima præmitterem.

Si habeatur x^2y , aut x^2y^2 in quadam æquatione locus est ex linea secundi generis; & dixi pag. 319. si æquatio non ascendat nisi ad rectangulum duarum quantitatum indeterminatarum, id est, si nihil habeatur quàm xy , tunc locum esse solidum; sed si ascendat ad tertiam aut quartam dimensionem duarum, aut unius, id est, cum habetur xx^2y , aut x^3 , &c. locum plusquàm solidum esse.

Gratias tibi ago pro proportionione Refractionum, quam mihi transmissisti, non dubito quin exactissima sit; & in tantum parvipendo illum hominem, qui asseruit se experimenta in contrarium fecisse, ut erubescam de seculo nostro, quod ejusmodi homines alios invenient, qui ipsis aurem accommodare non dedignantur; sed neminem fore arbitror, quem rationes quibus ipsum refutas, non convincant. Nihil habeo quod dicam de eo quod in machina pro perspicillis mutandum arbitratus es, solidius quippe meo tuum de ea re judicium est; Quantum vero ad id, quod incipiendum ais à perspicillis pulicariis, metuo ne satis distinctè representent utilitatem figuræ hyperbolicæ, uti perspicilla longioris prospectus: Nosti enim, quantum ad vitra quæ proximè ad oculum ad-

moventur, non admodum requiri ut figura eorum sit exacta; Persuasissimum itaque habeo plus tibi laborem tuum satisfactionis præstaturum, si incipias per machinam, quæ ad minimum pedem cum dimidio habeat, & semi-pedem altitudinis, inter lineas AB , & RQ (pag. 145. Dioptr.) sique ea utaris ad secanda vitra, quarum Diameter quatuor aut quinque pollicibus constet, ad perspicilla longitudinis duorum aut trium pedum; Si enim saltem vitra valde concava illis adhibeas utcunque secta, nullus dubito quin ea multo meliora vulgaribus conficias, quæ nequeunt habere vitra æquæ magna, quamvis longiora sint; facileque id efficere potes, ut figura ista inserviat ad diversas altitudines. Si quod Reverendo P. Merfeno dictum est de perspicillo Neapoli allato, verum est, nimirum vitrum ejus convexum solito majus esse, quodque etiamsi non ita politum sit ac vulgaria, majorem tamen effectum habeat, judico ipsum debere habere figuram hyperboles; sed audio famam ejus jamjam diminui.

Quantum ad lineas tuas curvas, proprietates ejus mihi demonstrationem mittis, adeo mihi arridet, ut eam præferam quadraturæ parabolæ inventæ ab Archimede; Examinatebat ille lineam datam, cum tu determines spatium contentum in una quæ nondum data est. Non credo possibile esse generaliter invenire Conversam meæ regulæ pro tangentibus, neque ejus quæ utitur D. Fermatius, quamvis praxis ejus in multis casibus meâ sit faciliior. Possunt autem ex eo à posteriori deduci Theoremata, quæ se extendant ad omnes lineas curvas, quæ se exprimunt per aliquam æquationem, in qua alterutra quantitatium x aut y , non plus duabus dimensionibus habeat, etiamsi altera mille haberet; eaque ego fere omnia inveni quærendo antea tuam secundam lineam curvam; verum ea in adversaria saltem conjeci, quæ deperdita postea sunt, adeo ut ea tibi mittere nequeam. Est quidem alius quidam modus magis generalis, & à priori, nimirum per intersectionem duarum tangentium, quæ semper fieri debet inter duo puncta, ubi curvam attingunt, quàm proxima concipi possunt: Considerando enim qualis esse debeat curva ista, ut intersectio ista semper fiat inter ista duo puncta, neque citra neque ultra ea, poterit ejus inveniri constructio. Verum tot diversæ viæ tenendæ sunt, mihi quæ adeo parum calcatur, ut earum vix possim Computationem facere; Videbis tamen hîc, qua ratione ea usus fuerim ad tres vestras lineas curvas.

En secunda AVX ejus summitas est A , loco Axis AY , cum ordinata ejus XY , consideravi asymptotam BC , ad quam ductis ordinatis
axi.

de monstrandum, quòd si dividatur hæc linea AB in 8, & PV exempli gratia contineat $\frac{1}{8}b$, A α major erit quàm $\frac{1}{8}b$, $\frac{1}{16}b$, & minor quàm $\frac{1}{4}b$, $\frac{1}{8}b$; Et si dividatur AB in 16, A α major erit quàm $\frac{1}{16}b$, $\frac{1}{32}b$, $\frac{1}{48}b$, $\frac{1}{64}b$, & minor quàm $\frac{1}{12}b$, $\frac{1}{24}b$, $\frac{1}{36}b$, $\frac{1}{48}b$, & sic de cæteris. Adeò ut dividendo AB in plures partes, magis magisque in infinitum, justæ longitudinis linearum A α , A β , & similium perveniri, eoque modo linea propofita mechanicè construi possit.

Insuper, cum RX existente $\frac{1}{4}b$, non possit concipi in linea A β ullum punctum supra β , veluti γ , quod sit adeò propinquum β , ut eo solum demonstretur intervallum $\gamma\beta$, minus esse quàm duplum differentiæ, quæ erit inter ordinatam RX, & ordinatam quæ transibit per punctum γ ; Cumque è contrario non possit concipi ullum punctum subter β , veluti δ , quin demonstretur intervallum $\beta\delta$, esse majus duplo differentiæ, quæ est inter ordinatam RX, & illam quæ transit per δ ; Cumque eodem modo ac PV existente $\frac{1}{4}b$, non possit duci quæcunque alia ordinata supra illam, veluti per punctum n , quin linea αn minor sit quàm $\frac{1}{4}$ differentiæ earum, neque ulla subter, veluti per θ , quin $\alpha\theta$ major sit quàm $\frac{1}{4}$ earum differentiæ, & sic de cæteris; inde probatur, quòd ad curvam istam AVX exactè describendam, ita movendæ sint duæ linearæ rectæ, ut altera earum applicata linearæ AH, & altera AB, incipiant se movere eodem temporis momento pari velocitate, AH versùs BR, & AB versùs RH; atque illa quæ se movet ab AH versùs BR, semper eandem suam celeritatem retineat; Altera autem quæ descendit à BA parallela RH, suam augeat eà proportionè, ut si habeat unum gradum celeritatis in principio, habeat $\frac{2}{3}$, postquam prima percurrit octavam partem linearæ AB, & $\frac{3}{4}$ aut $\frac{4}{5}$, cum prima percurrerit quadrantem AB, & $\frac{5}{6}$, $\frac{6}{7}$, $\frac{7}{8}$, & 8, & 16, & 32, &c. cum prima pervenerit ad $\frac{1}{16}$, $\frac{1}{8}$, $\frac{1}{4}$, & $\frac{1}{2}$, &c. linearæ AB, & ita in infinitum. Et intersectio duarum harum linearum rectarum describet exactè curvam AVX, quæ habebit proprietates requisitas. Existimo autem hos duos motus adeò incommensurabiles esse, ut exactè unus per alterum dirigi nequeat; atque ita lineam hanc ex earum esse numero, quas in Geometria mea rejeci, ut purè mechanicas, quæ causa est, ut amplius non mirer, quòd eam altera quàm institutam viâ, invenire non potuerim, neque enim se extendit nisi ad lineas Geometricas.


Quantum ad tertiam tuam lineam curvam, satis percipis eam esse ejusdem naturæ, & describi eadem ratione, quâ hæc secunda, nulla aliâ differentiâ, nisi quòd hujus loco angulus BAH sit 135 graduum, & HAY 45, in altera ambo plane recti esse debeant.

Quan-

Quantum ad quartam, eam non examinavi, sed neque mihi vacaret, nisi vellem differre ad te descriptionem in aliud iter; certus autem sum te malle in eam inquirere.

Annotatiunculae quas feci ad librum Galilaei tanti non sunt, ut eas inspicias; ceterum cum eas exigas, non obliviscar rogare Rev. P. Merfennum, ut tibi eas transmittat. Probè animadverti Galilaum non distinxisse diversas dimensiones motus, sed hoc ipsi cum aliis, quorum aliqua scripta Mechanica vidi, commune est.

Quantum ad difficultatem concipiendi, quomodo diversae actiones simul & eodem temporis momento per idem spatium transire possint se invicem non impediens, ex. gr. omnes colores prae cujusdam per foramen pupillae oculi, ea praecipuè inde oritur, quod cum ab infantia nostra observaremus, corpora dura saepius impedire invicem motus suos, cumque advertere debuissimus causam ejus non debere attribui nisi eorum duritiei, & magnitudini, opinati sumus idem corpus non posse recipere simul impressiones plurium & diversorum motuum; Et tamen



constat, posse recipere copiam infinitam, non obstante, quod non quolibet suarum partium propterea se movere possit plusquam uno modo; uti facillè videre est. in pluribus tubulis FG, HI, KL, sibi invicem in medio junctis, quos plures homines simul & eodem temporis momento, unus ab F versus G, alter ab H versus I, alter denique à K versus L &c. instant; etiam si enim partium aëris contentarum in spatio N, quod illis omnibus commune est, unaquaqueque versus unum

tantum latus movere possint, non tamen adeo inservire desinunt ad transferendum omnes actiones quas recipiunt; & dici potest actionem quae venit ab F transire linea recta versus G, non obstante, quod fortasse nulla sit aëris pars ab F proveniens, quae cum ad spatium N pervenerit, exinde non regrediatur versus I & versus L; hoc enim faciendo transferunt actionem, quae eas determinabat versus G ad alias partes aëris quae veniunt ab H & K, & quae tendunt versus G, eodem modo ac si venirent è puncto F, & sic de reliquis. De cetero ut nullum epistolae tuae articulum sine responso dimittam, dicam tibi, quod si omnes alii exemplo tuo benevolè acciperent meditationes meas, non gravarer eas publicare;

sed

sed quoniam animadverti, majorem partem præcipuè eorum, qui maxime nugantur, eo non esse animo, publicare quicquam inconsultum duxi. Vale.

xx. Febr. 1639.

Tibi addicissimus

DESCARTES.

EPISTOLA LXIV.

Ad Dominum * * * *

Vir Clarissime,

IN scaphâ Harlemianâ nuper quadrantem horæ impendi legendæ chartæ, quam mihi à te discedenti tradideras; & cum eam, ut videtur, nondum legeris, pollicitusque fuerim me tibi meam de ea sententiam rescripturum, erit hoc præsentis epistolæ subjectum.

Primum, quæstio de Johanne Baptista Art. perabsurdè proposita est; Nam præter alia prima conditio, nimirum, tormentum bellicum tantundem virium habere contra lineam ED humeralem (*le flanc*, quæ aliàs & *l'Espaule* dicitur) quam contra faciem DC , ambigua est, aut potius nullum sensum intelligibilem habet, nisi intuitu ejus qui ipsam proposuit; unde evidenter cognoscitur, esse cum Dominum $N.$ ait enim, æqualitatem hanc virium significare angulum EDC debere esse divisum in duos æqualiter per lineam DA , quod tamen verum esse nequit, nisi supponatur linea ED æqualis DC , quod ipse non facit. Et evidenter patet, quòd, cum DC longior sit quàm DE angulusque CDA æqualis EDA , tormentum bellicum minus virium habeat contra punctum C , quam contra quodcunque punctorum lineæ ED , idè quòd angulus DCA acutior sit angulo DEA ; & contra, quòd majore vi polleat contra totam lineam DC , quàm contra ED , idè quòd angulus DAC major est quàm DAE ; adeò ut *proportio æqualis*, quæ quæritur, ibi non inveniatur.

Præterea, lineâ hæc DA quæ dividit angulum EDC in duas partes æquales, aut alio quo libuerit modo, inventâ, & circulo $CDGI$ qui transit per punctum A , descripto, punctum hoc A omninò determinatum est: Adeò ut quòd ex postfacto additur, nempe; quòd linea MN sit triginta-quatuor Decempedarum, septem pedum, & septem pollicum, quòdque cum CA non sit major sexaginta Decempedis, non possit inservire ad id inveniendum; sed saltem ad cognoscendum magnitudinem

nem

nem linearum, angulorumque operum cornutorum, uti CD, CDE &c. Et omninò absurdum est, ad significandam magnitudinem harum linearum, horumque angulorum, dicere CA non debere excedere sexaginta Decempedas; neque enim hoc impedit quominus illa possit esse infinitarum diversarum magnitudinum illi inferiorum; Dominusque N. iterum addendo interpretationem ex ingenio, quæ nullo pacto è terminis quæstionis deduci potest, nimirum sexaginta has Decempedas debere accipi pro Diametro circuli transeuntis per puncta C, D, G, I, A , non saltem testatum facit, se illum ipsum esse, qui eam proposuit; sed & se ignorare veram quæstiones proponendi & resolvendi rationem. Si enim is ipse non fuisset qui hanc proposuit, debuisset ad eam resolvendam primum observare ambiguitatem primæ conditionis, & enumerato quolibet sensu qui illi assignari possit, eam secundum unumquemque eorum explicare; Quo facto debuisset demonstrare absurditatem tertiæ, nimirum, quòd A C sexaginta Decempedas excedere non debeat, & dicere, nihil eam ad quæstionem facere, quæ saltem est de inveniendi puncto A , & non de mensurando opere cornuto, punctum enim A sine ea invenitur: Sed ejus loco ea utitur ad determinandam magnitudinem lineæ EF aut DC , quæ non quærebatur, & utitur quidem ridiculè, supponendo Diametrum Circuli $CDGIA$ esse sexaginta Decempedarum; Veluti si Centurio elevaturus vallum in puncto A posset supponere hanc Diametrum; & deinceps facere magnitudinem linearum EF , & DC pro lubitu. Nam supponendo Diametrum quinquaginta novem Decempedarum, aut aliquot ultra sexaginta, satis faceret æquè quæstioni, quàm supponendo eam præcisè Decempedarum sexaginta; verum lineæ istæ EF & DC aliæ invenirentur. Ideòque ut probe succedat, debebat supponere, non Diametrum Circuli CV , sed inscriptam CA sexaginta Decempedarum, & per eam quærere CD , & postea dicere, DC non potuisse esse majorem quantitatem quam hoc modo invenisset, potuisse verò esse minorem. Omnis autem prætenso ejus nihil præter hoc continet, nisi quòd promittit demonstrare in novo suo libro, tam per sectiones Cubi, quàm per sectiones Coni, faciem IG esse $28\frac{1}{2} - V 263\frac{1}{2}$, quod itidem valde absurdum est; Nam si per hos numeros explicetur, nullatenus opus est sectionibus Conicis neque Cubis ad inveniendam illam, & erroneè sane ad id adhiberentur, idè quòd Problema planum sit. Et satis eo indicat bonus ille vir, nescire se saltem differentiam quæ est inter Problemata plana & solida; sed, cum audisset alios æquationes Cubicas per sectiones Conorum resolvere, id ipsum adhibuit, ut fidem

hominibus faceret se modum illum non ignorare; In quo tantum erravit errorem, ut hoc ipso appareat, cum modum illum ignorasse.

Altera quæstio supponens easdem res, continet etiam eosdem errores; nec quicquam tam in propositione, quam in solutione unius aut alterius invenio quod ingegium sapiat, aut scientiam; sunt enim ineptæ admodum & pueriles.

Quantum ad D. Wassenaar, nihil in ejus Scripto reprehendendum occurrit, nisi quod nimia comitate usus sit erga D. Johannem Baptistam, & D. St. eò quòd non castigatis erroribus eorum, boni consuluerit omnia eorum effata, satisque habuerit addere, quod posterior omiserat; in quo sane operam non inidoneam insumplit; idque verbotenus sequendo regulas Geometriæ mex pag. 380. 381. 382. &c. uti testatum facere voluit, utendo etiam Notis meis. Adeò, ut siquidem erraverit, meum sit pro eo respondere, neque id mihi difficile erit. Omnis enim quæ illi intentatur actio eò recidit, quod non exhibuerit modum inveniendi numerum 57 in prima solutione, & similiter planè in altera, numeros 2, 3, &c. Ubi primum notandum est limatum scilicet judicium D. St. qui cum non haberet, quod Domino Wassenaar objiceret, nisi quod quippiam in solutione sua omisisset, exclamavit (sed Hollandi scriptum est) non considerans, quòd si alter ob omisssa quæpiam dignus sit qui injuriis perstringatur, se ad minimum ferulam meruisse, quòd multò plura in præsentia sua solutione omiserit, quæ nihil aliud continet, quàm factum, quod sequitur ex falsis ejus hypothesibus; & vocat illas nihilominus *Mathematicas* &c. Imò, si tanto rigore reprehendit simplicem omissionem, quidnam ipsi fieri debet pro tot crassis & insignibus mendis uti sunt illa, quæ superius indicavi; Pro mendis, inquam, quæ nemine contradicente menda sunt; cum tamen quod ille reprehendit, saltem sit simplex omisio, nisi summè ignorantibus. Haud secus ac si supponantur Theoremata Euclidis, non demonstrata in qualicunque propositione Geometrica, sunt enim istæ veræ omissiones intuitu eas ignorantium, eo tamen non sunt culpandæ, uti nec de qua ad præsens agimus. Quicquid enim Domino Wassenaar agendum fuit, cum nihil aliud tentaverit quàm supplere quod D. St. omiserat, neque examinare quod omiserat, id erat ut daret æquationem $x^3 - 2700x + 31293110$, cognosceretque, etiamsi æquatio hæc fuerit Cubica, Problema tamen planum esse, ideo quod æquatio dividi poterat per $x + 57$, & denique daret veras ejus radices $28\frac{1}{2} + \sqrt{263\frac{1}{2}}$, & $28\frac{1}{2} - \sqrt{263\frac{1}{2}}$, id quod optimè præstitit. Et præcipuum momentum hujus solutionis in eo consistit, quòd tum cum æqua-

æquatione existente cubica, Problema planum est, una radicum sive vera sive falsa, necessario debeat esse numerus rationalis aut absolutus (nimirum falsa in tali casu qualis hic est) quod Theorema non miror Dominum St. ignorasse; neque enim, quod sciam, à quoquam observatum fuit antequam Geometriam meam publicassem. Sed hoc miror, quòd dicat, versari præcipuam difficultatem circa inventionem numeri hujus absoluti. Nam etiamsi reliqua dissertationis ejus satis testentur, non deesse ipsi audaciam, vix tamen crediderim satis eum temerarium fuisse ut hoc statueret, si scivisset esse aliquam vulgarem Praxin, ad inveniendas radices omnis generis æquationum, si sint numeri rationales, quæ jam à triginta annis ab omnibus Algebræ studiosis recepta est; Adeo ut Wallenario tantum juris fuerit eam supponendi, neque solutioni suæ inferendi, quantum habet qui omittit demonstrationes Theorematum Euclidis. Divino autem propemodum sensum Domini St. nimirum praxin hanc vulgarem procedere palpando, idè quòd faciat examinare partes aliquotas numeri absoluti, ad experiendum, utrum divisio totius æquationis fieri possit per earum aliquam; & optaret dari sibi regulam, per quam directò ad inventionem hujus radices perveniretur. Ad quod responderi potest, non esse hoc procedere palpando, si considerentur partes aliquotæ numeri, cum ab iis quæstio pendet, ut sit in hoc casu; nam radices æquationum cubicarum, aut aliorum non sunt numeri rationales ex natura earum, sed saltem aliquando ex accidenti, si accadat ut termini hujus æquationis sint numeri qui certas partes aliquotas habent; Sæpiusque contingere in operationibus Arithmeticis, ut hoc modo plures numeri investigandi sint, veluti in divisione, in extractione radicum quadratarum, in inventione numerorum perfectorum, quæ ipsa una est ex regulis Euclidis; Et denique, etiamsi alix dari possint regulæ ad inveniendas radices istas rationales, quibus nihil ejusmodi obijci posset; nihilominus cum non sint necessariae, imò etiam quòd sæpius vulgari diffidiliores sint effectu, idè negliguntur. Quantum ad instantiam ejus, nimirum, ergo Dominum Wallenaar ipsi eodem modo dare numerum absolutum pro radice $x^3 - 2700x + 31293$, (aut in altera æquatione positus ibi 118801, loco 118800) nihil illa ad rem facit; potest enim eadem ratione quâ quis invenit radicem 57, inveniri nullam esse rationalem in his æquationibus, non tamen id effici ut nulla in iis sit, & nova ejus regula mirabilis plane erit, si possit invenire quod in rerum natura non est. Sed perspectu facile est, ferri virum juvenem cupiditate famæ falsis insignibus sibi acquirendæ, nulla præditum scientia ad illam

promerendam; Postquam enim conatus esset sibi auctoritatem comparare, quod valde ipsum desiderare scriptum ejus testatur, ipsique ad id occasionem suppeditasset Wassenaar proponendo ipsi quæstiunculam quam calci solutionis suæ annexit, quæque facillimè ex eo quod jam in libris invenitur solvi potest non adhibitâ novâ ejus regulâ, responsionem declinat, dicendo fuisse eam propositam D. Joh. Baptistæ, non sibi, id est, larvæ suæ, non propriæ personæ. Id quod mihi in mentem revocat Capitaneum illum Comcedum, qui cum alicuj minas intentaverit, se illum radiis oculorum ad instar basilisci occisurum, ipsumve pede in infernum usque protrusurum, ipsi tamen patienter tergum præbet dedolandum, sub ea consolatione, excuti saltem pulverem vestimentorum suorum cute remanente intactâ. De reliquo, si D. Wassenaar velit mereri centum Scutatos Imperiales, quos alter illi offert, si ipsi in universum hanc regulam ad inveniendum numerum absolutum, per quem dividi debet æquatio cubica proposita, commonstraverit, quia forsitan vulgaris ipsi non satisfaceret, dicturo procedere eam palpando, poterit ipsum docere hanc sequentem.

Si habeatur Cubus, - certus radicum numerus, † numerus absolutus, nulli æqualis, ita ut in casu proposito, sumenda est radix primi numeri Cubici, qui major est numero absoluto qui numero radicum additus est, & multiplicandus per eam radicem numerus. Tum iterum sumenda radix primi numeri cubici, qui excedit numerum absolutum additum numero per hanc multiplicationem producto, & repetenda hæc operatio, donec numerus absolutus numero per multiplicationem numeri radicum producto additus, inveniatur æqualis, aut minor cubo numeri per quem numerus radicum multiplicatus fuit; neque enim fieri potest ut tandem non perveniatur ad numerum æqualem aut minorem; & si quidem æqualis sit, numerus ille erit qui quærebatur; Sed si minor sit, ex eo cognoscitur non esse ullam radicem rationalem in æquatione, nec consequenter etiam ullam aliam, quæ sine corporibus solidis aut rebus æquipollentibus explicari possit. Ita si habeam $x^3 - 2700$ & $\dagger 31293110$, addo 31293 cum 2700, quæ faciunt 33993, quorum radix Cubica major est quàm 32; itaque sumo 33, quæ radix est primi numeri cubici, major quàm 33993, & multiplicatis 2700 per 33, producantur 89100, quibus addo 31293, quod facit 120393, & radix primi numeri cubici majoris quàm iste, est 50. Itaque multiplico iterum 2700 per 50, & addo productum ad 31293, quod facit 166293; & radix primi numeri cubici majoris quàm hic est 57; Multiplico ergo 2700 per

per 57, & addo 31293; quod facit 185193, cujus radix cubica est præcisè 57, & inde cognosco æquationem propositam posse dividi per $x + 57$. Quod si habeatur $x^3 - 2700x + 312810$, multiplicabitur eodem modo ex dictamine hujus regulæ 2700 per 33, tum per 50, per 55, & denique per 57; verum quia numerus per ultimam multiplicationem & additionem productus, nimirum, 18183 minor est cubo 57, exinde cognoscitur hanc æquationem non posse dividi per ullum numerum rationalem. Et poterit facile applicari eadem regula omnibus aliis casibus æquationum cubicarum, atque itidem etiam omnibus aliis æquationibus, paucasdam addendo per varietates signorum + aut -, adeo ut sit generalissima; Etsi D. St. auderet consignare Scutatos istos centum Imperiales hominibus nulli partium addictis, qui judicio super ea re ferendo idonei essent, certum est cum ipsos perditurum; sed certus sum non ausurum; & reverà non multum exinde emolumenti traheret; Quantumvis enim regula hæc plane sit methodica, & idonea obturando orieorum qui dicunt, non inveniri nisi palpando radices istas rationales, de cætero tamen inutilis est, idcirco quòd sine ea illæ semper inveniri possint. Et chartam Geometriæ meæ pessimè collocatam existimarem, si eam istiusmodi rebus implesem; sed & de Geometria scribebam, non de Arithmetica, ad quam solam hæc regula pertinet. Animus non erat immorari tamdiu huic materiæ; sed videtur illa non adeo seria, neque tantam attentionem requirere, ut febriem tuam augere possit; de qua opto ut quàm primum libereris. Vale.

Tuus

DESCARTES.

EPISTOLA LXV.

Ad Reverendum Patrem Mersennum.

Reverende Pater,

DUm nimium mihi benefacere satagi, & tunc mihi negotii facessis; Multò enim maluissem Privilegium in simplici forma, uti meministi me abs te disertis verbis rogavisse, adeo ut quippiam in exemplo quod mihi antea miseris culandum invenerim, ob verbum quoddam impen-sius quàm par videbatur in favorem meum additum; invitas me ad typis mandandos alios Tractatus, cum tamen interim ipse publicationem hujus retardes. Non ausim omnia animi cogitata calamo concedere;

L13

Te

Te verò summoperè rogatum velim, ut omnem operam tuam impendas, quo primo quoque tempore copia nobis fiat Privilegii, in quacunque fieri possit forma, aut saltem mihi notum facias fuisse illud denegatum; quod certus sum non fore nisi quæpiam petentium culpa intercedat. Librarius nullum exemplar vendet, neque ullum aliorum mittet, nisi hoc primum fiat. Et cum tibi Privilegium in manibus erit, oro ut quamprimum autographum ejus transmittas prima ordinaria posta ad Majorem (*au Maître*) retineasque saltem ejus apographum ad fidem originalis descriptum, in casum si hoc amittatur.

De cætero ex Litteris tuis cognosco, quod Librum istum pluribus absque necessitate inspiciendum præbueris; non tamen D. Cancellario, propter quem solum tibi eum miseram. Prævideo te justam causam præbiturum denegandi nobis Privilegii, idco quod id in ampliori forma quàm necesse est expetere satagis; aut si id in ampliori forma concedat, efficies ut ipsi peculiari modo sim obligatus pro tali quam datam nollem. Nam præterquàm quòd me ibi loquentem introducas planè contra meam intentionem, dum me facis postulare Privilegium pro Libris, de quibus dixi non esse mihi animum eos typis vulgandi, videris me compositorum & Librarium facere velle, quod tamen genio & Professioni meæ repugnat; & siquidem in eo quippiam sit quod me tangat, nihil illud est, quàm Permissio ut imprimatur; Quantum enim ad Privilegium, non prodest illud nisi Librario, metuenti ne alii exemplaria ejus imitentur, in qua re Authoris nihil interest.

Epistola, quam scripsi ad D. Abbatem Delaunay, erat inserta fasciculo D. N. neque ob aliam causam eò usque distuleram eam tibi transmittere, quàm ut te portorio exonerarem; Verum si ille sibi imaginetur, morari me responsionem, eò quod quæ de existentia Dei scripsi solide explicare nequeam, eam imaginationem ego delere non conabor; Neque enim id facere conatus sum, sed saltem respondere ad sua humanitatis, honoris & officiorum verba, atque oblationem amicitie suæ. Et cordatè profiteor, me quicquid dici scribere possit non conaturum satisfacere ulli quæstioni quæ singulis in facta erit, præcipuè ab hominibus cum quibus mihi nulla antea consuetudo intercessit; sed iis saltem quæ mihi publicè proponuntur, secundum id quod pag. 75. Dissertationis de Methodo pollicitus sum.

Quantum ad Authorem Gzostaticæ, contra officium viri honesti videtur ille retinuisse Dioptr. eo modo quo mihi significas; Et miror, quòd, cum ad eò eam parvi pendat, tantum operæ insumperit ut eam

ante

ante alios videret, quòdque etiam quodammodo honorem suum eo fine neglexerit. Cernis sis me non optare inspicere ejus libros, & quamvis jam diu sit ex quo mihi quippiam de Gzostatica ejus scripsisti, nunquam tamen me eam videre desiderasse, nisi à novissimis tuis ad me litteris, ex quo ejus Lugduni Batavorum quærendæ mandatum dedi; quæ cum ibi non inveniretur, Parisiis evocanda erat, quod tamen nolui, eò quòd non existimem ejus ingenii hominem posse eruditum & acutum esse, neque quicquam lectione dignum componere; Quòd si eam reperire potuissem non neglexissem tibi meam de ea sententiam exponere, tam quòd tu id expetas, quàm quod id quoque Dominum Des-Argues optare audiam; Cum enim ipsi ut ex litteris tuis cognosco gratias debeam, gauderem ipsi testificari quantum in me juris habeat; Uti revera multum juris in me habere oportet eum qui à me postulare velit, ut menda alterius reprehendam; nativo quippe desiderio urgeor investigandæ veritatis, non verò ad demonstrandum alios eam non invenisse; Sed nec laudare possum eos qui eo labore occupantur; quæ prima causa fuit ob quam Librum Domini La Brosse approbare non poterim; secunda autem, quod reprehendendis certis quibusdam rebus quæ excusari possunt, immoratus fuerit; quo facto colophonem addidit non communstrata consequentia ratiocinationis quam refutat; Adeò, ut iis, qui exemplo meo Gzostaticam non inspexerunt, occasio sit existimandi, satis eum habuisse leviter perstringere Authorem, aut evellere illi capillos; & nulla illi graviora vulnera infixisse.

Excusari à te velim, quod ad quæstionem tuam de mora quam recipit motus corporum gravium in aëre ubi moventur, non respondeam, est enim tale quid quod à multis aliis dependet, adeò ut justa enodatio angustiam epistolæ sit excessura: id saltem asserere ausim, neque Galilæum, neque ullum alium de eo quippiam determinare posse quod evidens sit & demonstrativum, nisi primo sciat quid sit gravitas, veraque habeat Physicæ Principia.

Quantum ad objectionem tuam de eo quod tibi olim de tremoribus chordæ scripsi, posse eòs alternatim æquales & inæquales esse; ad id respondendum mihi est, eandem inæqualitatem posse inveniri in omnibus aliis corporibus quæ aliqualem sonum habent, ut sunt tubuli Organorum, aut guttur Musici, &c. In universum enim nullus sonus fieri potest nisi per tremorem alicujus corporis.

Judicium ab Authore Gzostaticæ de scriptis meis latum nihil me afficit, sed neque placet mihi ulla occasio quæ me cogit honorificè de me loqui;

loqui; Verùm cum pauci admodum sint qui Geometriam meam intelligere possunt, cumque opinionem meam de ea expetas, consultum duxi tibi asserere, eam esse talem, ut nihil ei addi necesse sit; Conatumque me saltem esse per Dioptricam & Meteora persuadere, Methodum meam præstare vulgari; sed id etiam per Geometriam meam demonstratum esse ajo. Prima quippe fronte in ea resolvo quæstionem, quæ Pappi testimonio non potuit inveniri ab ullo Veterum; & asseverari potest neque quempiam Modernorum eam invenire potuisse, cum nemo de ea scripserit, & tamen ingeniosissimus quisque conati fuerint invenire alia quæ Pappus ibidem ait à Veteribus frustra quæsitæ esse, veluti ab Apollonio Redivivo, ab Apollonio Batavo, & aliis, quorum numero accenseri debet Consiliarius vester *De Maximis & Minimis*: At nemo illorum nihil unquam potuit facere quod Veteres ignorarunt. Deinde, quod tracto in secundo Libro de natura & proprietatibus linearum curvarum, & modo eas examinandi, videtur mihi in tantum excedere Geometriam ordinariam, quantum Rhetorica Ciceronis Alphabetum puerorum exsuperat. Et tam sublevis fidei habeo promissâ Græstatici vestri, ut mihi non minus ridiculum videatur, si dicatur, indicaturum cum in quadam Præfatione modos ad inveniendum tangentes omnium linearum curvarum, qui meo præstent, quàm ridiculi sunt Capitanei Comædiarum Italicarum. Tantumque abest, ut res quas scripsi possint facillimè à Vieta deduci, ut etiam contrà causa ob quam Tractatus meus intellectu difficilis est, hæc sit, quod in eum nihil inseruerim quàm quod credebam neque ipsum neque alios scivisse; uti videri potest, si conferatur quod scripsi de numero radicum, quæ sunt in unaquâque æquatione pag. 372, quo loco incipio proponere regulas Algebræ, cum eo quod Vieta de eo scripsit ad calcem Libri sui *De emendatione Equationum*; Patebit enim me eum in universum in omnibus æquationibus determinare, cum tamen ille non nisi exempla quædam peculiaria de eo proponendo, quæ tamen adeò extollit, ut iisdem librum suum claudere voluerit, notum faciat non potuisse se illum determinare in universum; atque ita ego incepi ubi ille desit; quod tamen non præmeditâte feci; plus enim folia Vietæ manibus trivi ex quo novissimas tuas accepi, quàm unquam antea feceram; cum quippe casu apud quempiam amicorum inveni. Et ut inter nos dicam, non reperio tantum in eo scientiæ quantum credideram, cum tamen satis fuerit cruditus & ingeniosus.

De cætero, postquam in unoquoque genere quæstionum determinavi quicquid in eis fieri potest, monstravique modum illud faciendi, præ-

tendo,

tendo, non saltem credi debere me ulterius progressum esse quàm quempiam eorum qui me præcesserant, verum etiam nec Nepotes nostros quicquam unquam inventuros in hac materia, quod non æque facile invenire potuerim, siquidem operam ad id investigandum navare voluisssem. Rogatum te velim tertius ista ne resciscat; erubescerem enim, si alii rescirent me tantum tibi de hoc subiecto scripsisse.

Non tantopere desidero videre demonstrationem D. Fermatii contra id quod de refractione scripsi, ut te rogandum ducam, ut mihi id per postam transmittas; at si occasio detur eam maritimo itinere mittendi cum quibusdam fasciulis mercatoriis, volupe mihi erit eam videre, cum Græstatica & Libro de Lumine Domini de la Chambre, & quicquid ejus farinæ erit; non quidem quòd non ardentè desiderem inspicere aliorum contra meas opiniones scripta, sed quòd portoria nimis sint gravia. Vale.

Tuus

DESCARTES.

EPISTOLA LXVI.

Ad Reverendum Patrem Merfennum.

Responsio ad quæstiones Numericas propositas à D. de Sainte-Croix.

Reverende Pater,

Prima Quæstio talis est:

Inveniatur Trigonus qui plus Trigono Tetragono faciat Tetragonum atque iterum; Et è summa laterum Tetragonorum resultet primus Trigonorum; & ex multiplicatione ejus per suum medium secundus; Dedi 15 & 120. Expecto ut quispiam ei satisfaciat per alios numeros, aut ut demonstret rem esse impossibilem.

Hic primo animadverto, quòd ex multiplicatione primi Trigoni per suum medium, debeat resultare secundus Trigonus, quod manifestò impossibile foret, nisi intelligatur dici de justa medietate, & nisi concipiantur hi Trigoni in folis numeris integris. Verùm hæc difficultas mihi sublata est per exemplum datum de 15 & de 120, idè quòd 8, per quæra multiplicantur 15. ad producendum 120. non sit justa medietas numeri 15. Atque ita video, ad satisfaciendum sensui quæstionis, necesse

Mm

cesse

cesse esse ut primus Trigonus sit numerus impar, & ut multiplicetur sive per maximam sive per minimam suam medietatem, veluti 15 per 8 aut per 7; 21 per 11 aut per 10, & ita de reliquis, hoc enim modo semper Trigonum producit. Fateor quidem, si quis concipere velit Trigonos istos in numeris fractis, nimirum componendo illos ex medietate quadrati cujusdam & ex medietate radice sua, posse effici ut Trigonus multiplicatus per justam suam medietatem producat alium Trigonum. Ita $\frac{1}{2}$ est Trigonus, cujus radix est $\frac{1}{4}$. Nam medietas $\frac{1}{4}$ qui est ejus quadratus, plus medietate $\frac{1}{4}$ facit $\frac{1}{2}$, & multiplicando hunc Trigonum per justam suam medietatem, nimirum per $\frac{1}{4}$, producet ille $\frac{1}{16}$, qui & ipse Trigonus est cujus radix est $\frac{1}{4}$: Nam medietas $\frac{1}{16}$, qui est ejus quadratus, plus medietate $\frac{1}{16}$ facit $\frac{1}{8}$: Verum non concipiuntur vulgo hi Trigoni nisi numeris integris, & exemplum 15 & 120, quod falsum foret, si fractionum haberetur ratio, prohibet me eas hic considerare. Præterea noto ambiguitatem in verbis: *Et iterum*; Potest enim per ea intelligi inveniendum esse alium Trigonum, qui plus eodem Trigono Tetragono, qui junctus fuit Trigono præcedenti, faciat Tetragonum; aut vero Trigonum, qui plus alio Trigono Tetragono, faciat Tetragonum: aut denique Trigonum, qui plus Trigono Tetragono eodem, atque iterum alio Trigono Tetragono faciat Tetragonum. Et quamvis exemplum 15 & 120 non consentaneum sit nisi priori sensui, tamen secundum non excludit; & verba *Et iterum* favere videntur tertio.

Quantum itaque ad primum sensum, facile est demonstratu non posse dari quodcunque aliud exemplum in numeris integris, quam 15 & 120. Invenitur enim per calculum, quòd quærendo in universum numerum qui additus Trigono Tetragono, faciat Tetragonum, & quòd, si numerus iste multiplicatus per medietatem ejus, & additus eidem Trigono Tetragono iterum faciat Tetragonum, cujus radix addita ad radicem alterius Tetragoni æqualis sit primo numero, radix quadrata Trigoni Tetragoni oporteat esse composita è $\frac{3-1}{2} \cdot \frac{1}{2}$, id est, è tribus, minus numero quadrato diviso per duplum radice ejusdem quadrati; saltem si supponatur primum istum numerum debere multiplicari per suam maximam medietatem, id est, per justam ejus medietatem plus uno dimidio. Et si supponatur debere multiplicari per justam suam medietatem, radix quadrata Trigoni Tetragoni erit $\frac{3-1}{2} \cdot \frac{1}{2}$: Et denique si debeat multiplicari per justam suam medietatem minus dimidio, erit $\frac{3-1}{2} \cdot \frac{1}{2}$, quod nullum numerum integrum producere potest, nisi tum cum

suppo-

supponitur maxima medietas, & si n fiat æqualis unitati; Et tum primus numerus debet esse compositus ex 7, $\dagger 2n \dagger \frac{6}{1.n}$, quod est 15.

Quodsi sensus quæstionis sit, posse addi secundo Trigono alium Trigonum Tetragonum quàm illum qui primo additus fuerit, illa nullatenus impossibilis est. Et secundum ultimam interpretationem, nimirum, ut adjungatur secundo Trigono Trigonus Tetragonus qui fuerit additus primo, atque iterum alius Trigonus Tetragonus, poterunt dari numeri perbreves ad eam resolvendam, nimirum 45 & 1035. pro duobus Trigonis quæsitis: Nam addendo ad 45 Trigonum Tetragonum 36, producitur 81, qui est quadratus, tum addendo ad 1035 eisdem 36 atque iterum alium Trigonum Tetragono, nimirum 225. producitur 1296. qui est quadratus, & cujus radix, nimirum 36. addita ad 9. quæ est radix 81. facit 45. & multiplicando 45 per 23. quæ est etiam maxima ejus medietas, producitur 1035.

Possunt etiam inveniri numeri valde breves ad resolvendam hanc quæstionem secundum alteram interpretationem, nimirum, quòd oporteat addere Trigonum Tetragonum Trigono ad faciendum quadratum, atque iterum alium Trigonum Tetragonum alii Trigono ad faciendum etiam quadratum, dum quis velit recipere numeros fractos pro Trigonis Tetragonis, non quidem quasi Trigonis, sed quasi Tetragonis: Adcò ut ex. gr. $\frac{2}{15}$ sit sumptus pro Trigono Tetragono, eo quod radix Tetragonalis est $\frac{2}{15}$, & numeri 3 & 10 sunt Trigoni, & sic de cæteris. Et non minus usitatum est reculare numeros fractos pro Tetragonis, quam ii solent recipi pro Trigonis. Ideoque videntur mihi duo Trigoni 21. & 231. satisfacere omnino quæstioni propositæ. Nam si ad 21. addam 4, quem appello $\frac{4}{3}$, & ita de eo facio Trigonum Tetragonum in fractionibus, tum producitur 25, qui est quadratus; & si ad 231 addam 25, quem appello $\frac{25}{9}$ ad faciendum de eo etiam Trigonum Tetragonum in fractionibus, producitur 256, qui est quadratus, & radix ejus quæ est 16, juncta radici numeri 25 facit 21. Et multiplicando 21 per maximam suam medietatem quæ est 11, producitur 231. Verùm si quis nolit hic recipere fractiones, non poterunt inveniri numeri ita breves ad resolvendam hanc quæstionem; & quoniam ignoro quam longi possint esse primi quos offenderimus, malim hic proponere regulam, per quam omnes inveniri possunt, & quæ me iudice, simplicissima est & facillima omnium earum quæ ad hunc effectum dari possunt, quàm ut tempus teram ponendo calculo qui necessarius est ad eos quærendos. Ecce autem Regulam.

Ordine examinandi sunt omnes Trigoni impares, removendo ordine omnes quadratos impares minores illis, & majores unitate, usque dum inveniat, dividendo reliquum Trigoni, à quo quadratus defalcatus est per duplum radicis hujus quadrati, quotientem esse Trigonum; & removendo duplum ab isto quotiente, plus duplo hujus radicis maximæ medietatis primi Trigoni, tum multiplicando residuum per primum istum Trigonum, & addendo ipsi quadratum secundi, producat, Trigonus Tetragonus; aut saltem producat postquam primus Trigonus summæ inventæ adhuc additus fuerit. Et cum hoc factum fuerit, Trigonus qui examinatus est, erit primus duorum, qui requiruntur ad solutionem quæstionis; Tum multiplicando illum per suam medietatem, habebit secundus; nimirum multiplicando illum per suam maximam medietatem, si quis invenerit Trigonum Tetragonum posterioris summæ non addito primo Trigono, & multiplicando eum per suam minimam medietatem, siquidem oportuerit eam addi. Ex. grat. Examino Trigonum 21, à quo removeo 9, restat 12. quem divido per 6, quotiens est 2, qui non est Trigonus; Ideoque ad alium progrediendum est, saltem si absolutè velimus ut primus Trigonus addatur Trigono Tetragono in numeris integris; verum si eo contenti simus ut addatur simplici Tetragono, continuandum est & removendum duplum de 2. quod est 4. plus duplo numeri 3. quod est 6. maximæ semissis, quæ est 11, & supererit 1, qui multiplicandus erit per 21. ipsique adjungatur quadratum numeri 2. proveniet 25. qui non est Trigonus Tetragonus; verum eo quod sit Tetragonus, animadverto quod si loco Trigonorum Tetragonorum saltem petiti essent Tetragoni, Trigoni 21 & 231. satisfacturi essent quæstioni. Præterea numero invento 25. addo 21. provenit 46. qui non est Trigonus Tetragonus non magis quàm 25. Sed si loco primi Trigoni Tetragoni petitus esset simplex Tetragonus, & loco secundi quæsitus esset numerus compositus è Trigono Tetragono qui exinde sit Trigonus, & trium differentiarum quæ forent inter tres has radices, inspecto quod numerus 46. habeat hanc proprietatem, cognosceretur inde, Trigonos 21. & 210. esse eos qui quærebantur; Nam 46. compositus est ex 36, + 5, + 3, + 2; Et 5 est differentia quæ est inter 3 & 8, quorum alter est radix Trigonalis Tetragonalis numeri 36, alter radix ejus Trigonalis; 3 est differentia quæ est inter 3, & radicem ejus Tetragonalem 6; Et 2 est differentia quæ est inter 6 & 8. Eodem modo ad examinandum Trigonum 45, removeo ab ipso quadratum 9, superest 36, quem divido per duplum radicis numeri 9, quæ est 6; & prove-

nit

nit 6, qui est Trigonus; itaque progredior, & de 23 amoveo 6†.12, superest 5, quem multiplico per 45, provenit 225, cui addendo 36, provenit 261, qui non est Trigonus Tetragonus, sed compositus ex præcedenti Trigono Tetragono, qui est 36, & ex alio Trigono Tetragono qui est 225. Aded ut satisfaciatur quæstioni, si hoc quidem petum sit; Et forsitan examinari possent omnes numeri usque ad centum numerorum notas consecutivè, antequam reperiatur exemplum huic aut præcedenti simile. Unde constat, omnem numerum, qui examinatur per hanc regulam, si non det solutionem quæstionis propositæ, dare tamen solutionem alius quæstionis ejusdem naturæ, quæ æque aut magis difficilis est.

Secunda Quæstio talis est:

Invenire Trirectangulum cujus unumquodque latus sit area Trirectanguli. Dedi 210.720.750. Expecto &c.

Quoniam nulla ibi habetur ambiguitas, satis habebō ponere alios numeros ad eam resolvendam, nimirum 330, 440, 550. pro lateribus Trianguli rectanguli; Nam 330 est etiam area alterius Trianguli rectanguli, cujus latera sunt 11, 60, 61; 440 est area alius, cujus latera sunt $\frac{44}{2}$, 66 $\frac{44}{3}$; Et 550 est area Trianguli rectanguli cujus latera sunt $\frac{55}{2}$, $\frac{55}{3}$, $\frac{44}{21}$. Quod si in his numeris reprehendendum inveniatur quod in eis sint fractiones, multiplicandi saltem crunt tres primi per 44, & reliqui per 21, ut ad integros reducantur, & habebitur 145530, 194040, 242550, &c.

Tertia Quæstio talis est:

Invenire Tetragonum † latus ejus, & tale quale aggregatur illi Tetragoni, & è duplo suo Tetragono factus Tetragonus cujus latus sit ille Tetragonus plus ejus latere. Dedi 6. Expecto &c.

Si per Tetragonum intelligatur verus numerus pronicus, qui non sit compositus nisi ex uno quadrato plus sua radice, uno calami ductu monstrari potest, impossibile esse illi satisfacere per qualemcumque alium numerum quam per 6. Ponendo enim x pro latere, habebitur xx , † x . pro Tetragono; & erit æquatio inter x^4 , † $2x^3$, † xx qui est ejus quadratus, & $2x^4$, † xx qui est Tetragonus plus suo duplo Tetragono; unde cognoscitur x esse æquale 2, atque ita ut binarius necessario sit

Mm 3 latus.

latus istius Tetragonum. Quod si per Tetragonum intelligatur quadratum plus aliquo numero suarum radicum, facile est infinitam multitudinem invenire, querendo saltem quadratum, qui sit minor unitate quàm duplum cuiuspiam alterius; nam aggregatum radicum horum duorum quadratorum est radix quadrati qui componit Tetragonum, & multiplicando hoc aggregatum per radicem quadrati cujus duplum excedit alterum una unitate, habebitur ejus latus. Veluti, ideo quod 49 minor est una unitate quàm 50, quod est duplum 25; $7 \sqrt{5}$, hoc est, 12, est radix quadrati 144, & multiplicando 12 per 5, habebitur 60 pro latere; adeo ut 204 sit Tetragonus queritus; Nam 144 plus bis 20736 facit quadratum, cujus radix est 204.

Quarta Quæstio talis est:

Inveniantur duo numeri, quorum singuli, sicut etiam summa eorum aggregati sit saltem trium Tetragonorum. Posui 3. 11. 14. Expecto &c.

Ad hoc generaliter resolvendum, sumendi saltem sunt duo quadrati impares, pro lubitu, & adjungendus cuilibet numerus 12, tum sibi invicem jungendi. Potest quippe demonstrari, nullum horum trium numerorum posse esse quadratum, neque ex duobus quadratis compositum, neque fallere quominus sit ex tribus compositus; Veluti si, cum 1 & 9, jam sint occupati per exemplum datum, sumam duos quadratos impares 25 & 49, habebo 27, 51, & 78 pro numeris qui satisfaciunt huic quæstioni.

Quinta Quæstio talis est:

Queritur etiam numerus cujus partes aliquota duplum faciant; & cum jam tres habeantur, qui sunt 120, 672 & 523776, queritur de inveniendis quarto, qui est 1476304896, & componitur ex 3, 11, 43, 127 & 8192, multiplicato uno per alterum.

De cætero, Reverende Pater, veniam expeto, cum manus meæ scribendo hanc epistolam adeo sint lassatæ, ut cogar te obtestari ne mihi in posterum quæstiones qualescunque mittas; Nam si eas penes me habeo, non possum me abstinere, quin in eas inquiram, præcipue si non ignorem venire eas ab aliquo viro multæ existimationis, uti hæc veniunt; Et quia mihi tale studium proposui, cui omne vitæ meæ tempus, quàm longissimè illud extendi possit, sufficere nequeat, pessimè impenderem tempus rebus ab eo alienis. Sed & quantum ad numeros, nullam unquam

unquam eorum scientiam prætendi, adeoque parum in iis versatus sum, ut verè affirmare auserim, quamvis olim didicerim divisionem & extractionem radicis quadratæ, nihilominus excessisse jam plus octodecim annis, ex quo eorum mihi scientia periit, & siquidem iis opus haberem, oporteret me eos addiscere è libro quopiam Arithmetico, aut conari eas invenire perinde ac si eorum nunquam gnarus fuissém. Vale.

Tuus

DESCARTES.

EPISTOLA LXVII.

Ad Dominum Carcavi.

Clarissime Domine,

Summopere tibi devinctus sum pro oblatione Commercii litterarum humaniorum, qua me honorare dignatus es; Et accipio illam tantam favorem, quem mereri conabor quibuscunque potero officiis. Contigit mihi feliciter dum P. Mercennus in vivis esset, ut etiam non inquirens, omnium quæ inter doctos agerentur certus fierem; Ad eò ut, si quandoque me oneraret quæstionibus, Responsum meam ad eas valde liberaliter remuneratus fuerit, indicando mihi omnia experimenta, quæ ipse aut alii fecerant, rarissimarum Inventionum, omnium Librorum editorum quæ in pretio erant, & denique omnium Controversiarum quæ inter doctos agebantur. Importunus forem, si illa omnia abs te peterem; hoc tamen persuasum habeo tibi non displiciturum, quod te rogare audeam ut me doceas successum experimenti cujusdam quod D. Pascal fecisse aut facere dicitur in Montibus Arvernæ, ad sciendum, utrum argentum vivum adscendat ulterius in tubo ad radices montis, & quantum altius ascendat, quàm in ejus cacumine. Jus mihi esset hoc ipsum ab ipso potius quàm à te expectare, idèò quod ego ipsi, jam biennium effluxit, auctor fuerim ejus experimenti faciendi, eumque certum reddiderim, me de successu non dubitare, quanquam id experimentum nunquam fecerim. Verum quoniam D. R. amicitia junctus est, qui mihi ultrò adversatur, quodque jam præviderim, conatum eum esse insultare materiæ meæ subtili, in certo quodam impresso duarum triumve paginarum, non sine ratione credendum est, eum sequi passiones amici sui, qui in eo quod tu mihi ex parte ejus misisti testatum sane non facit scire

scire se solutionem difficultatis à D. Fermatio proposuæ circa æquationes inter quinque aut sex terminos incommensurabiles; Et ut ejus probationem videas, dicam tibi, quod si habeatur $Va + Vb + Vc || Vd + Ve$, pars æquationis, omnibus asymmetriis amotis, debeat esse $a^2b + 7a^3 | b^3 + 9a^2bbc$, $+ 22a^2bcd + 94a^2bcde + 52a^2b^2cd + 34a^2bbccd + 190aabbccde$, cum omnibus terminis earundem specierum quàm hæ octo. Velut ex. gr. a^2c , a^2d , a^2e , b^2a , b^2c , &c. ejuldem sunt speciei ac a^2b , & sic de reliquis. Fac igitur, si placet, ut D. R. tibi det alteram partem hujus æquationis antequam credas posse illum eam invenire. Quod si eam ab ipso obtinere non possis, non cessabo eam tibi mittere, & tibi quibuscunque officiis testificari me esse, &c.

x1 Junii 1649.

EPISTOLA LXVIII.

Responsio D. De Carcavi ad D. Cartesium.

Nobilissime Domine,

Nisi menssem & quod excedit ab hac urbe abfuissem, non distulissem respondere ad Epistolam, quam tibi undecimo præteriti mensis ad me dare placuit, tibi que gratias agere quod me rerum tuarum certiore facias, gratumque habeas, ut subinde tibi communicem ea quæ credam tibi majorem voluptatem paritura; siquidem æque doctus & in experimentis faciendis versatus essem, ac P. Merfennus, eandem à me satisfactionem reciperes; sed conabor supplere hunc defectum curiositate illorum, quos ea majori cura & indutria facere novi. Illud quod à me petis junioris Pascalii, jam ab aliquot mensibus typis excusum est, & probè quidem factum fuit in culmine altissimi montis Arvernæ cui nomen *le Puy de Domme*: Ahtitudo ejus est circiter 500 Decempediarum; Primum experimentum factum est in Monasterio Patrum Minimorum civitatis Claramontanæ depressissimo fere urbis loco. Sumebantur duo tubuli vitrei quorum quisque erat quatuor pedum, argentum vivum quod ia utrisque restabat, sibi invicem junctis, inveniebatur æquali altitudine, & in superficie vasis in quod exonerabantur, erat altitudo viginti sex digitorum trium cum dimidia linearum; quo facto ascendebant in montem urbi proximum, altiore ut dixi 500 Decempedis, ubi deprehendebatur nihil magis vivi argenti restare in tubulo quàm altitudinem viginti trium digitorum, & duarum linearum; atque ita differentia altitudinum argenti

argenti vivi horum duorum experimentorum fuit trium digitorum unius & dimidiæ lineæ, quod cum sæpius repeteretur, idem semper effectus apparuit. Sed & in descensu montis factum est experimentum in loco quodam cui nomen *Fond de l'arbre*, multo altiori quàm Minimorum Monasterium, verùm & depressiori quàm summitas montis, & altitudo argenti vivi inventa est 2½ digitorum.

En tibi, Domine, in substantia, quod à me petiisti, quibus hac vice nihil addam, ob brevitatem temporis quod adventum meum & hanc epistolam intercessit; cujus etiam angustia prohibitus fui legere duos Libellos mihi Româ missos, quosque in ædes D. Picot transferre curavi, cum alter eorum magnifice de Principiis tuis impressis loquatur, etiam si, ut mihi quidem videtur, ea non probe intellexerit; Et D. Picot recepit se mihi sententiam suam de iis rescripturum, quam auctori Romam mittam, ubi degit Minimus quidam cui nomen Patri Magnano, acutior ipso P. Merfeno, qui mihi spem fecit quarundam Objectionum contra eadem tua Principia, quod cum iudicio factum vellem, quodque responsum à manu tua mereatur. Expectamus primo quoque tempore Tractatum tuum de Passionibus, & quod D. Schooten typis mandavit circa tuam Geometriam. Nihil hic locorum habetur præter Philosophiam Democraticam D. Gassendi, quam composuit occasione vitæ Epicuri, scriptorum Betini quandam coacervationem, quam *Ararium* appellat, simile suo *Apiario*; aliquot Tractatus Cavalierii præ memor. & Defensionem quandam P. Gregorii à S. Vincentio contra observationes quas P. Merfennus in posterioribus suis operibus in ejus scripta fecit: qui Merfennus cum legaverit Domino de Roberval curam finiendi quod ille addebat ad impressionem Perspectivæ P. Niceronis, is ipse D. Roberval hanc arripit occasionem ad monstrandum paucis verbis in quibus eum hallucinatum esse existimet.

Non tibi displiceat, si tibi indicem id quod mihi de Asymmetriis D. Fermatii dixit, nimirum te non accipere, aut videri nolle accipere, quod tibi de eo super hac materia misi, quodque ejus solutio secum afferat Demonstrationem suam, qualiscunque ibi numerus radicum habeatur; quodque id quod D. Fermatius appellat *Vba*, ipse appelleret, & ita de reliquis, non moratus in reliquo operationis cursu, donec æquatio subsistat sub b^4 , aut altissimi ejus gradus per numerum parem, quodque ita asymmetria amoveatur. Ecce tibi quicquid mihi de hoc subjecto dixit, de quo confido te mihi missurum Methodum tuam cum tua Demonstratione, uti in præcedentibus meis à te petii.

N n

Idem

Idem mihi insuper dixit occasione inimicitiz cujus illum contra te insimulas, nihil ipsi unquam antiquius fuisse quam studium tui colendi, petiitque à me ut id tibi disertis verbis indicarem, uti in posterum faciam, dum ne tu id in malam accipias partem, credasque non me id eò facere ut ipsi placeam, sed desiderio si fieri possit pacis inter vos restabiliendæ, quæ forsitan per P. Merseñnum nullâ causâ turbata fuit, qui sapius res nimis ad corticem accipiebat transcribebatque potius ad ingenium proprium, quam ex vera earum natura. Prædictus itaque D. de Roberval mihi asseruit, quòd si id eò eum odii erga te arguas, quòd privatim te quippiam monere conatus sit, quòd in tua Geometria sibi improbandum videbatur, cujus Demonstrationem dare id à se flagrantibus ex officio coactus fuit, eâ ratione non posse se evitare notam inimicitiz erga te; sed non erit reciproca inimicitia ista, consistet enim in tua solius opinione, ipse verò de reliquo paratus est tribuere quicquid debetur meritis tuis & conditioni tuæ, id quòd tibi etiam viva voce testatus est: Ecce autem quòd ipsi in tua Geometria minus probatur.

I. Pag. 326. Punctum C esse per omnes angulos quos nominasti, & quòd non nominas illum in quo punctum illud esse non possit; & quòd nunquam questio sit impossibilis.

II. Pag. 373. ais, tot esse veras radices quot modis signa + & - inveniuntur mutari in una æquatione, &c. Contrarium in multis casibus demonstrari potest.

III. Pag. 405. & 406. quantum ad circulum qui interfecat parabolam tuam, aut potius Conchoïdem parabolicum, animadvertitur ibi error, animadvertitur & omissio. Error in eo consistit quòd asseras, Circulum posse secare istum Conchoïdem in sex locis, non consideratâ ejus fociâ, quæ est ex altera parte lineæ DO, quamque non representasti: Demonstratio datur, quòd eam non possit secare nisi quatuor locis, qualitercunque illa facta sit. Omissio in eo consistit quòd non uteris ejus fociâ quæ omnino necessaria est ad resolvendas æquationes quæ habent sex veras radices; Omissioque ista tanto majoris momenti est, quòd pro sex radicibus veris facias descendere tuas perpendiculares CG, NR, QO, &c. super lineam DO, quæ tamen ibi omnino inutilis est, & adhibenda est alia, uti in parabola ordinaria; si quis eam ad æquationem cubicam, aut quadrato-quadratam, affectatam sub omnibus gradibus adhibere velit, comitem addendo huic parabolæ circulum, quòd tu eleganter facis, non opus est ut axe quis utatur. Ignosce, si placet, liberius scribenti, neque enim nisi sinceræ mentis effectus est. Vale.

Lutetiz 12 Julii 1649.

E P 14

EPISTOLA LXIX.

Ad Dominum de Carcavi.

Nobilissime Domine,

MUltum tibi debeo ob operam quam impendisti significando mihi successum experimenti à D. Pascasio de Argento vivo facti, quod non tam altè ascendant in tubulo qui est in monte, quàm in illo qui est in loco quodam inferiori; Intererat mea id rescire, ipse enim petii ab illo, jam exacto biennio, ut id faceret, eumque pulchri successus certum reddidi, quod esset omnino conforme meis Principiis, absque quo nunquam de eo cogitasset, cò quòd contrariâ tenebatur sententiâ. Et quoniam mihi nuperrimè impressum quoddam misit, in quo descripsérat prima sua experimenta de vacuo, & pollicitus erat refutare materiâ meam subtilem; si quidem ejus videndi detur occasio, vellem ipsum non ignorare me expectare refutationem, bonique illam consulturum, uti consului semper omnes objectiones quæ sine calumniis erga me formatz fuerunt. Si mihi mittantur illæ Patris Magdani, quarum mihi spem facis, non diu cessabo quin ad eas prout convenire existimaverim, respondeam.

Geometria D. Schooten jam in lucem prodit typis excusa; Latinitas ejus non adedè elegans est, & quia eam non potuissim inspicere antequam imprimeretur, quin omne Latinum mutandum mihi fuisset, omnino me ab ea abstinui. Quantum ad Tractatum meum de Passionibus, verum est me pollicitum esse jam diu me transmissurum amico cuidam, qui eum imprimere satagit, sed fidem meam nondum liberavi.

Quantum ad quadraturam Patris Georgii à S. Vincentio, nihilo meliorem de ea sententiam fero quàm D. Roberval; Nam qualemcunque hic animositatem erga me testetur, nulla tamen consideratione à via veritatis quam perspectam habuero, deflecti potero. Verùm nullo modo agnoscere possum ex eo quod mihi ejus nomine scripsisti, posse eum explicare Symmetrias, quæ D. Fermatium tantopere distractum & incertum tenuerunt. Neque ad rem facit quòd dicat, se quod Fermatius *Vba* appellat, *b* appellare, & sic de reliquis; non subsistendo in cursu Operationis, donec æquatio subsistat sub *b*, aut gradus ejus altiores per numerum parem; In eo quippe difficultas consistit, ut sciatur per quam operationem hoc fieri possit, cum plus habentur quàm quatuor termini incommensurabiles dati. Si non habeantur nisi quattuor, res facilis est,


N n 2

ideò

ideò quod faciendo $Va \uparrow Vb, || Vc, \uparrow Vd$, quadrati eorum sunt $a \uparrow b \uparrow 2 Vab || c \uparrow d \uparrow 2 Vcd$, ubi numerus terminorum incommensurabilium diminutus est; Sed si sit $Va \uparrow Vb, \uparrow Vc || Vd \uparrow Ve \uparrow Vf$, quadrati eorum sunt $a \uparrow b \uparrow c \uparrow 2 Vab \uparrow 2 Vac \uparrow 2 Vbc || d \uparrow e \uparrow f \uparrow 2 Vde \uparrow 2 Vdf \uparrow 2 Vef$, ubi numerus terminorum auctus est; Illud est quod suspensum tenuit D. Fermatium, & quod adhuc fluctuare facit D. Roberval, etiam si dissimulet. Absque eo enim non gravaretur perficere Equationem, cujus memini me tibi dimidiam partem in meis præcedentibus, eò quod res facilis sit, transinuisse. Permite mihi ut eam expectem adhuc prima occasione qua à te litteras accepero, ut eo melius convinci possit. Magnopere tibi devinctus sum, quòd mihi persuadere coneris nulla cum erga me inimicitia agitari; Generosiorque perpulchri animi est, dissensionibus perimendis operam dare, at contra maligni, delectari eas excitando & fovendo. Cæterum ex mea parte dicam tibi me nunquam eos qui mihi insultare satagunt tanto honore profecutum fuisse, ut eos odio meo dignos æstimaverim. Inimicus ipsis non sum, licet mihi sint graves. Sed & certum te reddere ausim P. Merfennum nihil de suo addidisse, quo me in suspicionem inimicitie D. Roberval erga me adduceret; quin imò semper eam dissimulasse in quantum ei per jura amicitie licuit. Ipsemet mihi eam declaravit D. Roberval in terminis adeo protervis & confidentie plenius, ut quòd modo tantum invertat, id eò facere existimandus sit, quo calumnie notam effugiat, si quid in præjudicium mei dicat; Eaque ipsa ratio est, quod mea interlit id vulgò non ignorari, cum adeò irritatum & malè erga me animatum esse, quantum potest esse homo, qui officii ratione id agere tenetur, ut doctus videatur, quique me quinque aut sex vicibus aggressus est ut eruditionem suam ostentaret, adeò ut toties quoque coactus fuerim errores ejus detegere; uti me hac ipsa vice cogit per tres suas objectiones, quas epistolæ tuæ inseruisti. Primò enim, cum mihi objicit, punctum C esse per omnes angulos quos nominavi pag. 326. neque nominasse me illum in quo esse non possit, & nunquam questionem esse impossibilem; Evidentissimum est nulla effatum ejus ratione niti qualitercunque illud sumatur: Verba enim mea pag. 326. vers. 3. ita sonant: *Quòd si quantitas inveniatur nulla, postquam suppositum fueris punctum C in angulo DAC, supponendum illud etiam est in angulo DAE, aut EAR aut RAG, & si in omnibus his quatuor positionibus valor y inveniretur nullus, questio impossibilis esset in casu proposito.* Cui nihil opus est quod addam ad probandum, falli illum, primum in eo quòd dicat punctum C esse per omnes angulos quos nominavi; Nam in exemplo proposito non potest illud

inve-

inveniri in angulo DAE, neque etiam (ut ejus terminis utar) *per angulum DAE*. Cæterum particula *per*, quam loco particulæ *in* ponit, testatur reddit peccare eum hîc paulo plus quàm per ignorantiam. Ignorantiâ peccat in eo, quòd cum videat Circulum CA in omnibus partibus Circumferentiæ, cujus invenitur punctum C, transire per punctum A, sibi imaginatus fuerit punctum illud C posse esse punctum A, quod falsum est, cò quòd in puncto A quantitas, inveniat nulla, & differentia sit inter omnia puncta & omnes partes alicujus circumferentiæ. Præterea, si ipsi daretur, punctum C posse esse in puncto A, non eo dici posset esse eum in angulo DAE, sed saltem in intersectione linearum quæ illum componunt; Nam vocabulum *angulus* significat quantitatem, non solum punctum illud ubi duæ lineæ se offendunt. Sed neque dici posset esse eum per angulum DAE; neque enim eo modo de punctis loquimur, sed saltem de lineâ quâdam, de quâ dici potest, esse eam, aut potius, transire eam per angulum, tum cum transendo per punctum ubi duæ lineæ quæ eum componunt, se offendunt, transit etiam per interiorẽ partem hujus anguli, hoc est, per superficiem inter has duas lineas contentam. Ita circulus A transit per angulos DAG & EAR, non autem per angulum DAE. Adeò ut quocunque sensu se exprimat, nulla tamen ratione dixerit punctum C esse per omnes angulos quos nominavi. Et dolus ejus ex eo patet, quòd etiam si sensus meus fuerit perspicuus, quòdque tum cum dixi de supponendo



puncto C in angulo DAG, non dubitare potuerit, quin per istum angulum intellexerim omnem superficiem contentam inter duas lineas DA & GA, quæ ipsum continent; quoniam hoc nullam aliam interpretationem patitur, ipsumque punctum C in figura depictum videatur, nihilominus verba mea mutaverit, eoque modo sensum eorum corrumperit.

Sed & constat errare eum in eo quòd non nominaverim angulum in quo punctum C non potest esse; Nam postquam nominavi omnes quatuor angulos, qui fiunt per intersectionem duarum linearum DR & EG, nominavi omnem superficiem indefinitè quaquaversùm extensam, & consequenter omnia loca, tam ubi punctum C potest esse, quàm in quibus esse nequit; Adeò ut superfluum fuisset considerare alios angulos. Fallitur denique in eo quòd dicit, hanc quæstionem nunquam esse impossibilem. Licet enim non sit impossibile eo modo quo eam proposui,

potest tamen illa pluribus aliis proponi, quorum aliqui sunt impossibiles, & quidem omnes in Dissertatione mea comprehendere volui.

Secunda ejus obiectio mera falsitate nititur; Neque enim pag. 373. dixi quod me dixisse vult, nimirum, totidem veras dari radices, quoties signa $+$ & $-$ inveniuntur mutata, neque unquam id dicendi animum habui. Dixi saltem posse dari totidem; & disertis verbis demonstravi pag. 380, quando totidem non habeantur, nimirum, tum cum aliquæ harum radicum sunt imaginariæ. Debilitasque memoriæ ejus mihi per D. Chauveau confirmatur, mihi asserentem se ipsi jam olim ad hanc objectionem respondisse, ipsique errorem suum indigitasse; aded ut hic non peccet ignorantia, sed labatur memoria, aut alio denique modo.

Contrà, in tertia sua Obiectione non nisi crassam ignorantiam animadverto; Ait in Geometria mea inveniri errorem & omissionem; Errorem in eo quod asseram posse circulum in sex locis interfecare lineam curvam quam ibi describo, non attendendo ad sociam ejus, quæ est ex altera parte lineæ DO , quam non representavi; & duri tamen demonstrationem quod eam non nisi in quatuor locis possit secare, qualitercunque illa facta sit. Omissionem in eo, quod ejus sociam non utar, quam ait absolute necessariam esse ad resolvendas æquationes quæ sex veras radices habent. Et omissionem illam esse magni momenti, eò quod pro sex veris radicibus, faciam descendere perpendiculares meas CG , NR , QO , & similes super lineam DO , quam ibi omnino inutilem ait, & debere queri aliam qua utamur. Ad quod respondeo neque errorem neque omissionem reperiri in eo quod reprehendit, cum certissimum sit posse circulum secare in sex locis lineam istam, quodque eam effectû interfecet quotiescunque æquatio, ad cujus resolutionem illæ describuntur secundum regulam à me propositam, continet sex veras radices invicem sibi inæquales, nulla habita in hunc effectum ratione sociæ ejus; Uti tibi evidenter constabit, si tibi placuerit querere per hanc regulam radices æquationis sequentis, aut alius ejusmodi $x^6 - 25 x^4 + 239 x^2 - 1115 x^3 + 2664 xx - 3060 x + 1296 || 0$. Nam cum dantur sex veræ radices, in hac æquatione, quæ sunt 1, 2, 3, 4, 6 & 9, reperies Circulum interfeceturum curvam in sex punctis, à quibus ductis sex perpendicularibus super lineam DO , sex istæ perpendiculares erunt, 1, 2, 3, 4, 6 & 9. Et ignorantia quidem ejus tanta est, ut quamvis mihi ante decennium & quod excurrit eandem objectionem proposuerit, ego autem ad eam responderim, non potuerit per totum tanti temporis curriculum addiscere calculum requisitum ad examinandam regulam meam, quamvis adeo facilis sit, ut intra quadrantem horæ addisci queat.

His

His addo, tantum abesse ut linea quam curvæ sociam appellat, omnino in regula mea sit necessaria, ut etiam nunquam in ea usui esse possit. Et facile perspicitur, me eam non omisisse, quod eam ignoraverim, quoniam eam pag. 336. repræsentavi occasione quadam quâ utilis esse poterat. Denique jocatur dicendo lineam rectam D O omnino inutilem esse in mea regula, quoddque ibi alia quadam recta opus sit; Sufficit enim hanc ipsam in ea adhiberi, nec falsam esse regulam, uti recta non est, ad demonstrandum eam esse utilem. Quodque ignorantiam ejus in his omnibus graviorem facit, est, quod, uti pag. 412. pramonui, infinita multitudo aliarum regularum ad exemplum meæ componi possit; Et nulli datur linea recta, qua uti non possum loco hujus lineæ D O in qualicunque harum regularum; Uti etiam loco curvæ quâ usus sum, possem adhibere sociam ejus, aut aliam quamcunque lineam secundi generis pro lubitu, verum regula non facile æque brevis atque elegans deprehenderetur. Ausimque affirmare, eam quam proposui, omnium elegantissimam esse, cum hoc inventum longè difficillimum fuerit omnium eorum quæ hæctenus in Geometria inventa sunt, difficillimumque forsitan manebit in plura secula, nisi ipsemet operam aliis inveniendis impendam.

Regula illa, in qua adhibeo intersectionem Parabolæ aut circuli ad construenda Problemata solida, quam laudas in litteris tuis, tanto inferior est altera ista, quanto superior est illa pag. 302. ubi adhibeo intersectionem Circuli & lineæ rectæ ad construenda Problemata plana. Vellem autem videre demonstrationes quas habere ait, ad probandam suam censuram; Certus sum lepidos in iis Paralogsismos inventum iri, uti fere in omnibus quæ suæ inventionis produxit, deprehendi. Dico in omnibus, neque ab hac enunciatione ullum ejus Scriptorum excipio. Quantum enim ad aream lineæ descriptæ per rotulam, de qua se admodum jactavit, Toricellus est, qui eam invenit; ego verò ipsum docui invenire ejus tangentes; quod à me per R. P. Mercennum petierat, ultro confessus se eas invenire nequissè. Præterito anno exhibita mihi fuerunt scripta quæ Discipulos suos docuit, in quibus multæ erant argumentationes enervæ quas pro demonstrationibus venditabat, & quia in iis quædam assertis meis contraria conclusit, ex eo inferebat me hallucinatum esse. Eodem modo ad me refutandum usus est in scripto quodam quod D. Marchio Castello-novanus mihi quondam ejus nomine transmisit. In eo hoc modo argumentabatur: *Demonstratio mea vera est* (erat autem Demonstratio quam in pectore retinebat, neque volebat mei ejus compotem reddi) *conclusioque ejus contraria est ei; quod talis quispiam præ-*
tendit

tendis demonstrasse; Ergo Demonstratio ejus falsa est. Ita sola sua auctoritate rem definire satagebat, imperiose admodum, nec tali modo quo in me agi conveniebat. Tempus me deficeret si congerere vellem omnes rationes quas habeo ejus parvipendendi, credendique eum non ex animo loqui, si dicat nullo se erga me odio agitari. Nec tamen eo minus tibi gratias ago ob ea quæ tibi visum fuit mihi de eo rescribere. Vale.

Hagæ. Comitum 17 Aug. 1649.

Tuus

DESCARTES.

EPISTOLA LXX.

Responsio Domini Carcavi.

Nobilissime Domine,

E Vestigio responsurus eram ad litteras tuas ad me 17. mensis Augusti datas, gratiasque acturus, id quod hisce facio, pro operâ quam impendere non es gravatus; Verum scibriculâ, quæ me per aliquod temporis spatium lectulo affixit impeditus id hætenus differre coactus fui. Dominus Clerfeliæ quo procuratore per absentiam Domini Picotii utor ad præsentem tibi tradendas, testari poterit, me ædes suas jam clapsis tribus septimanis designasse, ad eas tibi transmittendas.

Scripti ad D. Palsalium, nondum reducem in hanc urbem, quod petisti ut nomine tuo ipsi significarem de Experimento ab ipso facto circa Argentum-vivum; Et si P. Magnanus mihi quippiam Romæ scripserit, transmittam id tibi ubicunque terrarum fueris: Neque enim constat nobis an adhuc in Hollandia degas, an vero in Sueciam abieris. Testatum mihi fecerat in posteriori ejus ad me Epistola, se valde desiderare scire quomodo explices actiones Intellectus & Voluntatis: *Non ignorare se, ait, actiones sensuum, tam internorum quam externorum, non consistere nisi in motibus localibus, uti id explicant D. D. Cartesius & Hogelandius, nisi unum idemque sit, uti quidam hic crediderunt.* Ecce tibi, Domine, propria ejus verba, quibus uteris prout tibi visum fuerit.

Quantum ad D. Gregorium de S. Vincentio, prævidi sane te ipsius quadraturam non approbaturum, etiamsi æquæ rerum Geometricarum guarus videatur, ac quispiam alius suæ Societatis. Verum nescis fortasse cum scripseris aliquid sub nomine cujusdam ex suis Discipulis contra judicium quod P. Meersennus contra ejus librum tulit in ultimo suo

Tracta-

Traçtatu *De Reflexionibus Physico-Mathematicis*, ad quem hîc loci paucis verbis responsum fuit.

Summo desiderio expectatur liber Domini de Schooten; Et quantumvis Geometriæ apprime gnarus sit, optandum tamen fuisset, ut tu ejus inspiciendi operam subiiles; Nam licet opus illud tuum non sit, causa tamen erit ut tuum esse credatur, quod eodem loco degas, ubi vir talis, qui singularem tui venerationem testatur, id typis mandavit; non ignoras autem in illa scientia majorem haberi rationem sensus quàm verborum.

Ignoscas mihi quæso styli libertatem, ortam ex parte illa quam mihi sumo de iis quæ tua interfunt; cumque novissimæ tuæ Litteræ mihi contrarium ejus quod tibi scripseram, non ostenderint, optarem ut tempus aliquod impenderes ad relegendum quod concernit locum *ad tres aut quatuor*, &c. contra quem, saltem contra id quod de eo in Geometria tua scripsisti, permittas mihi liberè & solo veritatis amore ducto, mea cogitata producere, conformia demonstrationi quam D. Roberval mihi jam olim de eo inspiciendam exhibuit, quamque tibi si placuerit mittam, cum inter adversaria mea lateat, neque nisi modico temporis spatio opus sit ad eam in ordinem redigendam. Quo enim tempore tibi scripti, D. Roberval nullo erga te odio teneri, certus sis, me id tibi summo candore & ex proprio ipsius ore significasse, neque eum excuso, si illis terminis de quibus scribis usus sit, quanquam sæpius fervore contentionis longius abripiamur, quàm in aliis occasionibus fieret. Et quantum ad P. Merfennium, non ipsum accusavi nisi ejus nævi, quem etiam alii in eo notârunt: quod tamen in sua intentione non omninò culpandum erat, quippe quæ non nisi investigandæ veritatis erat, quæ vulgò non meliùs invenitur quàm per æmulationes, quæque non confirmatur nisi pluribus contentionibus via ad eam paretur. Sed videbatur mihi non satis discernere eos qui disputant in materia scientiæ, ab iis qui gloriolæ certamen incunt, quod conatus sum præstare hac occasione, qua tu mihi significas id tibi aridire, easque mihi laudes tribuis, quæ mihi persuadent tibi etiam non ingratum fore, ut progrediar, aut potius ut siniam in hac epistola id quod cœpisti legere in mea præcedenti.

Et primò quidem, certò tibi affirmare ausim D. Roberval nullas quærere ambages, neque id agere ut verba tua secus quàm scripta sunt accipiat; Nam cum in epistola mea dixi *per angulum*, siquidem aliquod sit mendum, mihi imputandum est, ideo quod id eo quo tu sensu accipiat, & uti tu id explicas in litteris tuis & in Libro tuo, hoc est, in spatio com-

prehenso per lineas quæ formant angulum, & sumtâ enunciatione tuâ eodem quo tu sensu, exhibuit mihi ejus demonstrationem, ut tibi jam olim dixi; sed & vulgavit eam jam anno 1637. in conventu quorundam. Eruditorum, qui de Mathematicis familiariter colloquebantur. Neque etiam figurarum Libri tui rationem habuit, sed saltem enunciationis: Nam figura pag. 331. testatam facit ignorantiam ejus, cui eas delineandas credidisti; nimirum mendum in eo cubat, quod ubi locus repræsentatus est per Hyperbolen, quæ per nullum istorum sex punctorum transit, ubi quatuor lineæ sese interfecare possunt, interfecant tamen lineam T G in puncto H, multum remoto ab omnibus istis sex punctis, quod manifestò absurdum est, ut etiam si D. Roberval credat te operam noluisse impendere construendo huic loco, nullus tamen dubitet quin id protinus sis agnitus; Uti etiam in figura pag. 308. in qua dicis, quod pro tribus aut quatuor lineis datis, puncta quæ sita *omnia* in una sectione conica convenient, quod verum non est; non omnia quippe in una harum sectionum reperiuntur, si sumas duas hyperboles oppositas pro sectione, uti nos sumimus cum antiquis. Et mihi quidem indigitavit, hoc mendum posse esse causam alterius pag. 313. ubi ais posse inveniri infinitum numerum punctorum per quæ describatur linea quæ sita: Poterit enim fieri, ut omnia ista puncta non sint in eadem linea, nimirum, cum eorum quædam erunt, unum in spatiis distinctis per quatuor lineas datas, & reliqua in alio spatio; Et denique asserit, non posse te ponere ullum casum in quo quæstio non semper sit possibilis; uti videbis, si tibi placuerit ut de ea re fusiùs agamus. Rogatum te volo, ut credas mesumma animi libertate in eo procedere, neque tibi rescripturum ista, neque petiturum à D. Roberval (à quo ægrè quod volo obtineo propter multitudinem discipulorum qua impeditur) ut se de iis quæ sequuntur latius declaret, nisi te summa veneratione prosequeretur, sufficeret mihi quippe ista non ignorare.

Retulit ergò mihi de subjecto radicum (quarum aliquas appellamus *positivas supra*, nimirum illas quas veras appellas; alias *positivas infra*, quæ sunt illæ quas falsas appellas; & alias impossibiles quas *imaginarias* appellas) esse æquationes quæ alternatim mutant signa + & -, neque ideo minus falsam habent radicem aut positivam *suprà*, secus quam tu mihi scripsisti de paginis tuis 373. & 380. Et ecce tibi unam æquationum istarum, quæ cubica est, in qua nulla radix impossibilis est aut esse potest per generationem ejus; Sed saltem positivam *suprà*, & positivam *infra*, quamvis maxima pars æquationum hujus *gradus*,

cus, scilicet cubici, tres habeant, nisi adsint quædam impossibiles.

$$4 - 4a + 4a^2 - a^3$$

Et ut sciatur non dari imaginariam, notandum saltem est, in omni æquatione, in qua habentur radices istæ impossibiles, nunquam pauciores esse duabus, atque ita in æquatione cubica, in qua habentur duæ ejusmodi radices impossibiles, non daretur nisi una positiva supra, aut infra, quoniam gradus ille Cubicus ad summum non plus tribus radicibus suffere potest. Quia igitur in æquatione supra posita duæ radices positivæ sunt, fieri nequit ut in ea dentur ejusmodi impossibiles. Idem dici potest de æquatione quadrato-quadrata sequenti quæ tres habet radices positivas supra & unam infra, licet ex tua doctrina non deberet habere positivam supra: Et si haberet impossibiles, non posset habere nisi maxime duas positivas:

$$12 - 16a + 7a^2 - 4a^3 + a^4$$

Quantum ad conchoïdem tuam parabolicam, ecce tibi calculum quem de ea posuimus ad figuram paginæ vestræ 404. quam tibi mittere noluimus, nisi additis quibusdam magis determinatis; Littera a est incognita ad modum D. Vietæ,

CG, vel MH	a	Æquatio est inter quadrata IM & MC simul
latus rectum	b	ex una parte; & quadratura IC ex altera, id est,
DE	c	inter quadrata $f - a$ & $\frac{a^2}{b} + g - \frac{a^2}{b} + c$ ex una
AB	d	parte, & hb ex altera, & æquatio resultat hoc
IH	f	modo:
HB	g	
LC	b	

$$\begin{aligned} & + b^2 c^2 d^2 - 2 b^2 c d g a + b^2 g^2 a^2 + 2 b d g a^3 - 2 b g a^4 - 2 d a^4 + a^6 || 0: \\ & - 2 b^2 c^2 d a + b^2 c^2 a^3 + 4 b d c a^3 - 2 b c a^4 \\ & \quad - 2 b c d^2 a^2 - 2 b^2 f a^3 + d^2 a^4 \\ & \quad + 2 b^2 c g a^2 \quad + b^2 a^4 \\ & \quad + b^2 f^2 a^2 \\ & \quad - b^2 h^2 a^2 \end{aligned}$$

In qua æquatione omnes species distinctæ sunt cum suis signis, supponendo figuram tuam talem qualis est. Fecimus eam etiam supponendo lineam LH (quam appellamus G) ex altera parte versus L; cæterum eam tibi non transmittimus, quoniam primo intuitu cognoscitur esse eam inutilem in æquatione particulari, quàm misisti, quæ illa est quam præcisè volebamus examinare, ubi invenitur in parabola requisita ad dictam tuam æquationem numericam, nimirum,

$$O o 2$$

$$+ 1296$$

† 1296 - 3060 a † 2664 a² - 1115 a³ † 239 a⁴ - 25 a⁵ † a⁶ || o. Latus dextrum debet esse ⁷⁷/₄, quadratum DE, aut c² in speciebus nostris, ¹⁰⁷¹⁶/₄₀₉₆, linea AB, aut D, 12¹/₂; IH, aut f, ⁴⁰⁹⁶/₄₀₉₆; I c², aut H², ¹⁴¹¹²⁰⁰/₄₀₉₆; & rectangulum sub latere recto & linea HB, aut b in g, est 39¹/₂.

Unde manifestò liquet in hoc exemplo Centrum circuli CNQ esse in spatio comprehenso per conchoïdem parabolicam QACN, & non extra; Perspicitur itidem, circulum istum non debere secare conchoïdem istam ex altera parte lineæ B versus A Q, idèò quòd cum B sit jam 12¹/₂, & reliquæ perpendiculares ex hac parte utpote majores excederent maximam radicem 9, oportet igitur ut sex puncta, quæ dabit circulus in hac conchoïde sint in portione hujus lineæ, ab A per C, per N, &c. in infinitum; Vide, si placet, utrum illud fieri possit.

Modus quo ad eum examinandum utimur, indubitabilis est; Nam dato, ex. gr. velle nos examinare radicem GR (aut forte 9.) quæ sit veluti GC, (idem est pro omnibus reliquis) ducenda saltem est parallela CM, & ponendus calculus ubi circulus illam interfecet. Verum cum in hoc casu GD erit cognita, cognoscetur etiam ubi linea recta AC prolongata intersectura est axem DB, & qualem longitudinem habitura sit linea GC, unde conspicietur, utrum ED supersit de longitudine requisita; Et siquidem hoc accadat omnibus sex radicibus, posito quòd in omnibus sex casibus punctum C, & ejus similia sint tam in circumferentia Circuli, quàm conchoïdis, & in linea recta, quod nullam aliam difficultatem habet quàm longitudinem calculi horum triangulorum. Et quamvis aliam à nobis constructionem secutus fueris ad inveniendum latus tuum dextrum reliquasque tuas lineas, invenimus ea tamen per nostram, quod nobis testatum fecit non errasse nos operando; Et exinde etiam percipies examen non solo visu, sed & ratiocinatione peractum esse.

Hoc me iudice sufficit in materia Geometrix, & forte plus est quàm tempus tuum ferat, si quidem majus tibi ei perlegendo opus foret quàm necesse est; neque his quicquam ampliùs addam, nisi quantum ad Demonstrationem cujus mentionem fecisti D. de Cauendisch; D. Roberval affirmavit se ipsam dedisse, neque ipsum obstitisse quominus tu eam inspiceres, neque enim earum rerum avarus est, cum ipsi credendi ratio est ea eo, quo à se communicantur, modo acceptum iri. Quantum ad asymmetrias, ait sufficere ut tu videas qua ratione in illis procedat, & quod modus ejus sit universalis, si tuus brevior & melior sit, gratum mihi facies si mihi eum miseris. Et placeat tibi ut finiam hanc epistolam

per

per id quod mihi de D. Toricello nuntias, de quo tibi me satisfacere posse existimo, cum mihi familiariter cognitus fuerit. Famam sibi in Galliis acquirere cœpit mense Octobri anni 1643. restat penes me Autographum Epistolæ suæ anni 1646, in qua fatetur hanc lineam rotulæ, aut cycloidis suam non esse, quodque ad obitum usque Galilæi qui accidit 1642. ea in Italia ignorata fuerit. Ab illo tempore non destitit fateri in scriptis suis, nullam sibi scientiam esse solidorum, sive circa basin, sive circa axem hujus lineæ; inventâque aliquo post tempore ratione solidi circa basin ad ejus Cylindrum, enuntiavit etiam, sed falsò, rationem solidi circa axem ad suum Cylindrum ejusdem altitudinis, nimirum uti 11. ad 18. Quod ansam dedit Domino de Roberval eam examinando invenire veram, quæ enunciata est in Libro Observationum P. Mersenni; quamque nec Toricellus, neque quisquam præter illum, neque ipse denique D. Fermatius unquam potuit demonstrare. Postea, tu ipse, Domine, scripsisti epistolam anno 1638. quam mihi D. de Roberval exhibuit, in qua ponis demonstrationem spatii comprehensi per hanc lineam & basin ejus, tanquam rei quam ipse invenit; Plurimæ penes me sunt litteræ D. Fermatii 1637. datæ, quæ idem dicunt, quæque testes sunt ingenuitatis ejus, in eo quod hallucinatus circa hanc lineam, quandamque enuntiationem Domini de Roberval, quæ ipsi prima fronte falsa videbatur, per tabellarium sequentem generosè recantavit. Dominus Des-Argues idem imprimendum curavit anno 1639. & ipse P. Mersennus infinitis locis; quo non obstante, si id tibi minus placet, non gessit eam sibi attribuere D. Roberval, qui mihi dixit, se eam relicturum illi qui illam capere possit; sed & de hoc subjecto mihi asseruit, quod nisi rescire è re tua esset, nunquam tibi indicassem, posse se tibi exprobrare, quod Anonymus quidam, qui scriptum aliquod Algebraicum edidit, (sunt qui credunt Jesuitam fuisse) tibi objecit, te in formatione tuarum æquationum, nihil aliud agere quàm ut repetas id quod jam ab anno 1631. in publicum prodiit opera Angli ejusdam, cui nomen Hariot, qui hîc non admodum notus est, saltem mihi, qui sum & ero, &c.

Parisiis xxiv Sept. 1649.

EPISTOLA LXXI.


Ad Dominum * * * *

Domine mi,

Quantumvis propositiones Reverendi Patris Jesuitæ, quarum mittendarum curam suscepisti, verissimæ sint, non tamen credo posse eum ex illis deducere quadraturam circuli, uti deducere prætendit, te, ni fallor, mihi id indicante; Aded ut, si de eo librum edat, credendum sit posse D. W. in eo reperire quod culpet; Cæterum ridiculus foret si immoraretur culpando quod falsum non est, inculpatumque sinat quod revera falsum est. Nihil tibi dixi de eo quod scripsit de Responsione mea ad ejus quæstiones, quàm quod simplicissime de eo cogitabam, & veluti ad te solum scribens; Neque enim sciebam te compotem esse factum scripti ejus, ut mihi illud exhiberes, neque tamen quicquam tibi scripsisse memini, quod ægrè feram cum nosse, & tuz potestatis facio, utrum ipsi Epistolam meam, an compendium ejus, an nihil inspiciendum præbere velis. Cæterum quod ex parte D. Fiquet à me flagitas, ei omnino satisfacere non possum; neque enim satis ingeniosus sum ad ferendum judicium de libro aliquo, cujus præter Indicem Capitum nihil vidi. Quicquid de eo enunciare possum hoc est, Victam procul dubio in Mathesi excelluisse, verùm scripta quæ ab eo habentur non esse nisi vaga quædam & non coherentia, quæ corpus absolutum non constituunt; & in quibus operam ipsamet non dedit ut ab omnibus intelligeretur. Ideoque si omnis ejus doctrina in ordinem redigatur ab aliquo viro erudito, qui curam suscipiat ejus planissimè explicandæ, erit opus perelegans simul atque utile. Attamen si nihil addatur, quàm quod in Victæ scriptis, quæ jam in lucem prodierunt, continetur, non existimo Algebram eò fastigii elevatum iri, quàm ab aliis præstitum est. Quantum ad quæstiones, illa quatuor globorum, quam scribis te misisse, satis quadrat, ad faciendum experimentum utrum calculus bene sit positus; verum etiam ad notandam industriam bene discernendi æquationes, nescio ullam magis idoneam quàm illam trium baculorum, cujus solutio forsitan nondum in Burgundiam penetravit. *Tres baculi erecti sunt ad perpendicularum, in horizontali plano, expunctis A, B, C. Et baculus A est 6 pedum, B 18 pedum, C 8 pedum. Et linea AB est 33 pedum; Et una atque eadem die extremus umbra solaris quam facit baculus A, transit per puncta B & C, extremus umbra baculi B, per A & C. Et ex consequenti*

quenti etiam baculi C , per A & B . Quæritur in quam poli altitudine, & qua die anni id contingat. Et supponimus illas umbras describere accurate conicas sectiones, ut quæstio sit Geometrica, non Mechanica. Et ut experimentum fiat diversorum usuum Algebrae posset proponi quoad numeros: Invenire numerum cujus partes aliquotæ faciunt triplum, ecce tibi duos, 32760, cujus partes aliquotæ faciunt 98280. Et 30240, cujus partes faciunt 90720. Quæritur etiam tertius cum modo eos inveniendi per regulam, aut si nolit quis dare regulam, postulo septem & octo tales numeros, ideo quod olim sex aut septem Parisios miserim, qui possunt esse divulgati. Et quantum ad lineas curvas posset hæc proponi.

Datâ qualibet lineâ rectâ N . Et ductis aliis duabus lineis indefinitis, ut GD & FE , quæ se in puncto A ita intersectent, ut angulus EAD sit 45 graduum; Quæritur modus describendi lineam curvam ABO , quæ sit



talis nature, ut à quocunque ejus puncto ducantur tangens & ordinata ad diametrum GD , (quemadmodum hic à puncto B ducta sunt tangens BL , & ordinata BC) semper sit eadem ratio istius ordinatæ BC , ad CL , segmentum diametri inter ipsam & tangentem intercepti, quæ est linea data N , ad BI , Segmentum ordinatæ à curva ad rectam FE porrecta.

Hæc quæstio mihi ante quinquennium sexenniumve à Domino Beaune proposita fuit, quam eandem etiam celeberrimis Parisiorum & Tholosanorum Mathematicis proposuit: sed non memini quemquam eorum solutionem ejus præstitisse, neque cum ipsis illam quam ego præstiti inspiciendam præbuisse. Vidi ante biduum *Ultimam patientiam Mar.* quæ mihi optime conducere videtur ad perficiendam picturam Vo. Et forsitan liberabit illa me à multis ad quæ scribenda secus obligarer. De cætero certus sis me nullo desiderio ad vos transeundi, nisi tibi in iis locis utilis esse possem, non quidem quod metuum ne inimici mei ibi locorum mihi quicquam noceant; verum quod cum nihil mihi ibi negotii sit, existimari posset, me ipsis insultare, quod ab ingenio meo valde alienum est. Malo eos non ignorare quod eos alto supercilio contemnam; atque

atque ob id non defidero qualiacunque apographa authentica scriptorum à Sc. proditorum, satis eorum in hoc ultimo Libro habetur. Vale.

EPISTOLA LXXII.

Ad Sereniss. Principem Elisabetham.

De Problemate:

Tribus circulis datis invenire quantum quis contingat tres illos.



Serenissima Princeps,

Postquam ex D. Pollotio rescivi curam adhibuisse Serenitatem V. investigandæ quæstioni de tribus Circulis, invenissèque modum eam solvendi, supponendo saltem unam quantitatem incognitam, credidi officii mei esse, inferere hîc rationem, quare plures proposuerim & quo modo eas enodem.


In quæstionem Geometriam inquirens semper id ago ut lineæ, quibus utor ad illam inveniendam, sint semper parallelæ aut se intersectent ad angulos rectos quàm maximè possibile est; neque alia Theoremata considero, nisi quod latèra triangulorum æqualium æqualem inter se proportionem habeant, quodque in triangulis rectangulis quadratum baseos est æquale duobus quadratis laterum; Nec vereor supponere plures quantitates incognitas ad reducendam quæstionem ad ejusmodi terminos, ut non dependeat nisi ex his duobus Theorematis; contra, malim supponere plures quàm pauciores: Hoc quippe modo evidentius perspicio quicquid facio, & enodando eas invenio brevissimas vias, me ipsum à multiplicationibus superfluis liberans; pro eo, quòd si aliæ ducantur lineæ aliæque adhibeantur Theoremata, quamvis forte fortuna accidere possit, viam quæ invenitur, meâ compendiosiore esse, nihilominus semper ferè contrarium accadat, neque tam exactè perspiciatur quid fiat, nisi demonstratio Theorematis quod adhibetur maximè præsens in mente habeatur; & illo casu ferè semper deprehenditur, dependere eam ferè semper à consideratione quorundam triangulorum, qui sunt rectanguli aut sibi invicem æquales, atque ita receditur à via cui ego insisto.

Exempli gratia, si quis velit quærere hanc quæstionem de tribus circulis ope cujusdam Theorematis, quod doceat invenire arcam trianguli
per

per tria ipsius latera, non opus est nisi suppositâ quâdam quantitate incognitâ; Nam si A, B, C, sunt Centra trium circularum datorum, & D



Centrum quæsitum, tria latera trianguli ABC sunt data, & tres lineæ AD, BD, CD compositiæ sunt ex tribus radiis circularum datorum, junctis radio circuli quæsitum, adeo ut supponendo x pro isto radio, habeantur omnia latera triangulorum ABD, ACD, BCD; & per consequens possunt haberi eorum areæ, quæ simul junctæ æquales sunt areæ trianguli dati ABC; & per hanc æquationem perveniri potest ad cognitionem radii x , qui solus requiritur ad solutionem quæstionis: Verum via ista mihi ducere videtur ad tot multiplicationes superfluas, quarum intra trimestre extricandum onus suscipere nollem. Ideoque loco duarum linearum obliquarum



AB & BC duco tres perpendiculares BE, DG, DF, & positis tribus quantitatibus incognitis, una pro DF, altera pro DG, & tertia denique pro radio circuli quæsitum, omnia habeo latera triangulorum rectangulorum ADF, BDG, CDP, quæ mihi dant tres æquationes, ideo quod in unaquaque earum quadratum baseos æquale est duobus quadratis laterum.

Factis hoc modo totidem æquationibus quot supposui quantitates incognitas, considero utrum per unamquamque æquationem possim aliquam invenire in terminis satis simplicibus; & si id nequeam, conor attingere scopum meum, jungendo duas aut plures æquationes per additionem aut subtractionem; & si denique neque hoc sufficiat, persequor saltem, an non præstaret terminos quodammodo mutare; nam si scrutinium istud idoneè faciam, facilè reperiuntur breviores viæ, & poterit quidem fieri experimentum plurimarum brevi temporis spatio.

Pp

Ita

Ita in hoc exemplo suppono tres bases triangulorum rectangulorum esse

$$AD \parallel a + x$$

$$BD \parallel b + x$$

$$CD \parallel c + x$$

Et facta $AE \parallel d$, $BE \parallel e$, $CE \parallel f$, DF aut $GE \parallel y$, DG aut $FE \parallel z$, habeo pro lateribus eorundem triangulorum:

$$AF \parallel d - z \text{ \& } FD \parallel y$$

$$BG \parallel e - y \text{ \& } DG \parallel z$$

$$CF \parallel f - z \text{ \& } FD \parallel y$$

Tum facto quadrato uniuscujusque harum basium æquali quadrato duorum laterum, habeo tres æquationes sequentes:

$$aa + 2ax + xx \parallel dd - 2dz + zz + yy$$

$$bb + 2bx + xx \parallel ee - 2ey + yy + zz$$

$$cc + 2cx + xx \parallel ff + 2fz + zz + yy$$

Et percipio quod per aliquam earum solam non possum aliquam quantitatum incognitarum invenire, nisi extraham radicem quadratam, quod quæstionem nimium quantum involveret. Itaque ad secundum modum accedo, qui est, ut jungantur simul duæ æquationes, & statim animadverto quod cum termini xx , yy & zz sint similes in omnibus tribus, si alteram ab altera quam voluero, sejungam, delebuntur, atque ita nullos magis habeo terminos incognitos quam x , y & z planè simplices; Video etiam, quòd si separem secundam à prima aut tertia, habeo omnes hos tres terminos x , y & z ; verùm si amoveam primam à tertia non habeo quàm x & z , deligo itaque hanc ultimam viam, & invenio

$$cc + 2cx - 2a - 2ax \parallel ff + 2fz - dd + 2dz. \text{ aut}$$

$$z \parallel \frac{cc - aa + dd - ff + 2cx - 2ax}{2d + 2f}$$

$$\text{aut denique } \frac{1}{2}d - \frac{1}{2}f + \frac{cc - aa + 2cx - 2ax}{2df + 2f}$$

Tum amovendo secundam æquationem à prima aut tertia (nihil enim interest) & loco z , ponendo terminos quos modò inveni, habeo per primam & secundam

$$aa + 2ax - bb - 2bx \parallel dd - 2dz - ee + 2ey. \text{ aut}$$

$$2ey \parallel ee + aa + 2ax - bb - 2bx - dd$$

$$+ \frac{dd - df + cd - aa + 2cdx - 2adx}{d + f} \text{ aut denique}$$

$$y \parallel \frac{1}{2}e - \frac{bb}{2e} - \frac{bx}{e} - \frac{df}{2e} + \frac{cd + aaf + 2cdx + 2afx}{2ed + 2ef}$$

Deni-

Denique revertendo ad unam trium primarum æquationum, & loco y aut z , ponendo quantitates quæ ipsis sunt æquales, & quadrata harum quantitatum pro yy & zz , invenitur æquatio in qua non habetur nisi x , & xx incogniti; adeò ut Problema sit planum, & non opus est ut ulterius procedatur; Reliqua enim non faciunt acuendis aut recreandis ingenii viribus, sed saltem exercendæ patientiæ cujusdam laboriosi calculatoris. Sed & metuo ne Serenitati Vestræ tædio fuerim, immorando ejusmodi rebus, quæ Serenitas V. meliùs quàm ego intelligit, & quæ licet non difficiles, sunt tamen clavis meæ Algebrae; & humillime rogo Serenitatem V. persuadeat sibi me ad hoc summa qua ipsam colo devotione impulsam fuisse

Serenitatis Vestræ

Humillimus servus

R. DESCARTES.


EPISTOLA LXXIII.

Ad Principem Elisabetham, &c.

Serenissima Princeps,

Solutio quam placuit Serenitati V. mihi transmittere adeò accurata est, ut nihil ultra desiderari possit; Et non tantum admiratione defixus fui eam intuens, verùm etiam me abstinere nequeo, quin addam, me summopere gavisum mihi quæ ipsi gratulatum esse, cùm viderem calculum quo utitur V. Serenitas omnino convenire cum eo quem in Geometria mea proposui. Experimentiâ cognoveram, maximam ingeniorum partem, quæ faciliè argumentationes Metaphysicas intelligere possunt, ægrè posse capere Algebraicas, & reciprocè eos qui faciliè capiunt has, nunquam ferè esse capaces illarum; Neque præter ingenium Serenitatis Vestræ ullum aliud novi cui omnia æquè sint facilia; fateor mihi me ejus jam olim tot jam experimenta fecisse, ut mihi de hoc dubium nullum restiterit: Hoc saltem metuebam, ne patientia, quæ necessaria est ad superandam in principio difficultatem calculi, destitueretur; Hæc enim qualitas rarissima est præclaris ingeniis & hominibus conspicuæ conditionis. Nunc, cum talis difficultas superata sit, quod reliquum multum ipsi voluptatis allaturum est, neque calculus in posterum, ut antea, erit ita tædiosus. Est illud ex eorum genere, quæ semper ferè præstari possunt,

possunt, si saltem inspicatur ejus naturæ sit quæstio, hoc est, an resolvitur per regulam & circulum, an verò adhiberi debeant aliæ lineæ curvæ primi aut secundi generis, &c. & quænam sit via ad illam invenendam; quod mihi ut plurimum sufficit in quæstionibus particularibus. Videtur mihi quippe quod excedit consilens in quærenda constructione & demonstratione per propositiones Euclidis, amota Algebraica procedendi ratione, esse saltem opus mediocrium Geometrarum, quod non requirit multum ingenii aut scientiæ; Sed tum cum habetur quæstio quædam quæ perfici debet, ad faciendum ex ea Theorema, quod sit pro regula generali ad solvendas plures alias similes, opus est ut retineantur ad finem usque omnes eademque litteræ, quæ in principio positæ erant; aut si earum quædam mutantur ad facilitandum calculum, debent illæ postea ad finem reponi, idè quòd ut plurimum plures invicem delectantur, quod videri nequit si mutatæ fuerint. Sed & tum id agendum est, ut quantitates quæ per litteras denominantur, eandem pro possibili inter se relationem habeant; redditur inde Theorema elegantius & compendiosius, eò quòd id quod enunciatur de una harum quantitarum, eadem ratione etiam enuncietur de reliquis, impediatque ne error committatur in calculo; ideo quòd litteræ quæ quantitates significant eandem relationem habentes, ibi pari modo distributæ esse debent, absque quo cognoscitur erratum esse. Ita ad invenendum Theorema, quod doceat quinam sit radius circuli, qui contingat tres datos in thesi, in hoc exemplo



non ponendæ essent tres litteræ a, b, c , pro lineis AD, DC, DB ; sed pro lineis AB, AD & BC , ideo quòd hæ ultimæ eandem relationem habeant una æque ac altera cum tribus AH, BH & CH , quam primæ non habent; Et sequendo calculum cum sex istis litteris, iis non immutatis, neque aliis additis, ea via quam calcavit Serenitas V. (illa quidem ad hoc eâ quam ipse proposui dæstat) pervenitur ad æqua-

tionem maximè regularem, quæque Theorema satis compendiosum sup-
 peditat. Tres enim litteræ a, b, c , ibi dispositæ sunt eadem ratione,
 atque

atque etiam tres *def*; Verum quia earum calculus tedious est, si placet Serenitati V. experimentum ejus facere, facilius erit supponendo tres circulos datos se invicem contingere, & utendo per totum calculum soli s litteris *d, e, f, x*, quæ cum sint radius quatuor circularum, eandem inter se relationem habent; Et primo inveniet:

$$AK \parallel \frac{dd + df + dx - fx}{a + f} \text{ Et } AD \parallel \frac{dd + df + de - fe}{a + f}$$

Ubi statim animadvertere potest S. V. *x* esse in linea *A K*, uti *e* in linea *A D*, ideo quod inveniatur per triangulum *A H C*, uti altera per triangulum *A B C*; tum denique hanc habebit æquationem,

$$\begin{array}{l} d d e e f f \quad 2 d e f f x x + 2 d e e f f x \\ d d e e x x \parallel 2 d e e f x x + 2 d d e f f x \\ d d f f x x \quad 2 d d e f x x + 2 d d e e f x \\ e e f f x x \end{array}$$

Ex qua pro Theoremate deducitur, quod quatuor summæ, quæ producuntur multiplicando simul quadrata, trium ex his radiis, faciant duplum numeri 6, qui producitur multiplicando duos ex istis radiis unum per alterum & per quadrata duorum reliquorum; quod sufficit ut inserviat pro regula ad inveniendum radium maximi circuli qui possit describi inter tres datos se invicem attingentes. Nam si radii horum trium datorum sunt ex. gr. $\frac{4}{3}, \frac{5}{4}$ habebō 576 pro *d d e e f f*, & 36 *x x* pro *d d e e x x*, & sic de reliquis; unde inveniam $x \parallel -\frac{17}{27} + \sqrt{\frac{1105}{147}}$, nisi me fefellit calculus modo à me positus. Et poterit hic Serenitas vestra conspiciere duos modos procedendi valde diversos in una eademque quæstione, pro diverso fine quem nobis proponimus; Nam si quis scire velit cujus naturæ sit quæstio, & qua via possit solvi, sumo pro datis lineas perpendiculares aut parallelas, & suppono plures alias quantitates incognitas, ne faciam multiplicationes superfluas, & melius discernam vias breviores; quod si eam velim perficere, sumo pro datis latera trianguli, nec suppono nisi litteram unam incognitam: Verum dantur plures quæstiones, in quibus eadem via ad utrumque ducit, nec dubito Serenitatem V. jam animadvertisse quod ingenium humanum in hac scientia pertingere valeat. Multum mihi gratularer, si eò quippiam contribuere possem, qui singulari zelo feror ad officia Serenitati V. exhibenda,

Serenitatis Vestræ

Humillimus servus

DESCARTES.

EPISTOLA LXXIV.

Ad Dominum Schooten.

Vir Clarissime,

NON inquisivi accuratiùs in id quod mihi de Notis Domini de Beaune indicasti, neque id opus esse putavi, quòd de bonitate calculi illius nullus dubitem; Persuasum autem habeo, quicquid tibi difficultatem parit, inde provenire, quòd axem Hyperboles in figura una lineam AY , & in altera lineam AN appellet, quæ eadem est, sed usui quotidiano adversatur, & tamen excusari potest. Nam sicut in hyperbola, & aliis sectionibus Conicis, cum illæ cognitæ sunt, appellatur earum axis linea quæ offendit ad angulos rectos eas quæ ordine applicantur; Ita in hac linea curva, quam nondum considerat tanquam Hyperbolam, sed veluti curvam cujus quærit naturam, potuit appellare axem suam lineam AN aut AY , ideo quòd ibi ordine applicet lineas LM & YX , quæ ipsam offendunt ad angulos æquales. Neque hoc impedit, quominus postea, cum cognoverit hanc lineam curvam esse hyperbolam, cujus AL est diameter, cui XL ordine applicata est, cum ratione dicere possit AM esse latus ejus transversum penetrans, respectu hujus diametri AL ; Quippe non ignoras in una eademque hyperbola, totidem diversa esse latera transversum penetrantia quàm sunt diametri.

Quantum ad observationem N . ipsa sane non quadrat, etiamsi non omnino falsa sit. Constat enim iisdem lineis rectis datis, & quæstione non mutatâ, locum non posse simul esse in circulo & in hyperbolâ. Sed neque magnâ scientiâ opus est, ad cognoscendum, lineam curvam debere transire in hoc exemplo per quatuor intersectiones quas annotat: Nam in figura paginæ 325. clarè perspicitur, quòd cum CB multiplicata per CE debeat producere summam convenientem ipsi CD , multiplicatæ per CH , punctum C necessario habebitur in quatuor supradictis intersectionibus; nimirum in intersectione A , ideo quòd tum lineæ BC & CD nullæ sunt, & per consequens multiplicatæ per duas alteras, component duplex nihilum, quod sibi invicem æquale est. Eodem modo in intersectione G , lineæ CH , & CB nullæ sunt; atque in una duarum reliquarum intersectionum, quæ non sunt notatæ in figura, CD , & CF , & in altera CH , & CF , nullæ sunt. Verùm potest mutari quæstio, aded ut idem non eveniat; & hoc non impediatur, quominus brevitate usus & omnes casus ad unum exemplum restricturus, ut ego feci

(nimi-

(nimirum retuli eos omnes ad exemplum propositum in figura pag. 311.)
 jus mihi fuerit, vero hujus exempli loco posito, qui circulus est, ei appli-
 care etiam hyperbolam, quò omnibus litteris I K L B C D &c. in iisdem
 quibus antea locis existentibus, modicum illud quod de eo dicere volui,
 facilius intelligeretur quàm si figura mutata esset. Videtur itaque mihi,
 non debere te aliam ibi figuram applicare; nam & dissertatio mutanda
 esset & solutio eo magis involveretur. Cæterum poteris ponere hoc præ-
 monitum in pag. 311. aut aliud quippiam simile.

Notandum hic applicatam esse hyperbolum, ei positioni linearum, cui solum
 circulum quadrare paulo post ostenditur, quod perspicuitatis, & simul brevi-
 tatis studio factum; facilius enim est que hic scripta sunt intelligere, cum notæ
 A B C D, &c. in iisdem omnium figurarum locis reperiuntur, quam si nunc
 in uno, nunc in alio essent querenda. Nec etiam hinc sequitur ullus error, tota
 enim questio nondum est determinata, sed in pagina 333. demum determina-
 tur; potestque fieri, paucis ex ea mutatis, ut eidem positioni linearum, cui
 competit circulus, quadret hyperbola, & quidem hyperbola qua non transeat
 per ulla intersectiones datarum linearum, quemadmodum hic representatur:
 Ut exempli causa si rectangulum ex FC, in CD debeat esse majus, quam
 rectangulum ex CB, in CH, quadam data quantitate, vel quid simile.
 Eiusdem brevittatis studio, nulla etiam hic mentio fit oppositarum hyperbola-
 rum, non quod ab autore ignorentur, ut pote qui paulo post in pagina 336.
 quatuor lineas hyperbola affines inter se oppositas, exposuit. Sed notandum est
 illum facilius ferè semper in hac Geometria neglexisse, nihil autem ex diffici-
 lioribus, inter ea que tractanda suscepit, omisisse. Atque idcirco ipsum ma-
 luisse hic exhibere positionem linearum, cui quadrat circulus, quam alias,
 quibus quadrent ellipses aut hyperbola, quia ejus inventio peculiarem habet
 difficultatem.

Quantum ad Annotationem D. Haestrecht ad pag. 378. non videtur
 mihi satis esse perspicua; Posses autem ponere hoc modo: Notandum est
 nos uti posse hoc exemplo tanquam regula vel canone ad quantitatem, qua ra-
 dices augenda sunt, inveniendam. Si enim proposita sit exempli causa hæc
 æquatio.

$$x^6 + A x^5 + b x^4 - c x^3 - d x x + e x + F || 0.$$

Neglectis omnibus iis terminis in quibus notæ \dagger & $-$ aliæ sunt quam in ca-
 none; nempe hic neglectis terminis b , c & F , oportet tantum considerare
 omnes alios ut a , d & e , quia hic habetur $\dagger A x^5$, ut in canone $\dagger N x^5$ & $- d x x$,
 ut in canone $- 216 n^6 x x$, & $\dagger e x$, ut in canone $1296 n^6 x$. Oportet autem
 singulos ex his terminis considerare seorsum, & querere quantitatem n , qua
 non

non sit minor quam a , quia in canone habetur n , ubi in datâ equatione est a . Item cujus quadrata quadratum non sit minus quam $\frac{1}{112} d$, quia in canone habetur $216 n^6$, ubi in datâ equatione est d ; Item denique cujus super-solidum (vel ut Vieta nominat quadrato-cubus) non sit minus quam $\frac{1}{112} e$, quia in canone habetur $1296 n^6$ ubi in datâ equatione est e . Quantitate n uauventi, manifestè demonstratur ex ipsa operatione, faciendo $y - 6n || x$, prodire equationem in quâ nulla radix falsa esse potest; Hocque auctori tam facile visum est, ut fusius explicare neglexerit.

De reliquo vidi nuperrime affixum quoddam D. S. quod continet tres quæstiones suo more propositas; posset ille non arduo negotio confundi, siquidem operæ pretium esset, sed non meretur perstringi. Vale.

EPISTOLA LXXV.

Ad Dominum * * * *

Clarissime Vir,

NON mihi commodum est mittere tibi propositionem à me petitam, nam vix ejus ampliùs recordeor, multis aliis cogitationibus occupatus; Itaque obtestor, habeas me excusatum, & mitterem certè, si pro te solo postulasses; Sed cum ejus imprimendæ tibi sit animus, dicam tibi ingenuè, esse quosdam Geometras quos mea benevolentia adedò indignos æstimo, ut nihil à me doceri mereantur. Quicquid optimum habent è mea penu depromptum est, & tamen ignorantibus persuadere satagunt se esse sine exemplo. Rogatum te velim, ut scripturus ad D. Carcavi gratias ipsi meis verbis agas, quòd mei meminerit, quòd mihi Librum de Vacuo ex Italia mittere obtulerit; nollem ipsi hujus molestiæ causa esse, sed si titulum ejus præstò haberemus, forsitan in nostris Bibliopoliis inveniretur; Et si ipsi placuerit exhibere cum D. Abbati Picotio, potero per ipsam argumentum ejus rescire.

Ecce tibi jam schedula D. Fermatii.

A Symmetrias in Algebraicis omnino tollere, opus arduum nec satis hætenus ab Analystis tentatum.

Dentur, verbi gratia, termini asymmetri plures quatuor, & secundum Artis præcepta proponantur asymmetria liberandi. Vix est ut ab hujusmodi tricis expediat se Analysta, dum crescet labor, augebitur difficultas, & satius

gatus tandem, nihil, post repetitas sepius operationes, aut profecisse se, aut promovisseprehenderit? An itaque harebit *Analysis*, & *asymmetrius* undique obruta conticescet? Videant eruditi, & methodum huic negotio conducibilem inquirent.

Proponatur in exemplum latus (b in a , $-a$ quad.) \dagger latus (z quad. $\dagger d$ in a , $\dagger a$ quad.) \dagger latus (m in a) \dagger latus (d quad. $-a$ quad.) $-$ latere (r in a , $\dagger a$ quad.) aequari $b \dagger a$.

Operetur secundum praecepta artis *Analysis*, & ab *asymmetria* proposita se expediat, aut artis inefficiaciam fateatur.

Videtur mihi viros in hac scientia excellentes non posse digniorem aut magis necessariam operam impendere quàm extricandis his difficultatibus: Ad eos eò excitandum, poteris dicendo anticipare, me aliquò usque in hac materia processisse, illamque multum in se continere, quod detegi & inveniri possit & debeat; Poteris etiam super ea rescribere in Hollandiam & Italiam, quo impleatur vaticinium Cancellarii Angliæ: *Multi pertransibunt, & augebitur scientia.*

Quantum ad schedulam D. Fermatii, cum Latino sermone scripta sit, eodem mihi respondendum est, & post hæc verba: *An itaque harebit Analysis, & asymmetrius undique obruta conticescet? Videant eruditi, & methodum huic negotio conducibilem inquirent.* Respondéo.

Nou haret *Analysis* nostra in loco tam facili, & methodum huic negotia conducibilem talem habet. Omnibus *asymmetria* notis rejectis. Dati termini (hoc modo commensurabiles facti) simul jungendi sunt, & postea quadrate multiplicandi; Suntque ter ita multiplicandi, si dati fuerint quinque termini *asymmetri*; quater, si dati fuerint sex; quinquies, si dati fuerint septem, & sic in infinitum.

Deinde ex terminis ultima multiplicatione productis, eorumve multipli per solam additionem & subtractionem simul junctis, exurgit aequatio nullis, *asymmetriis* intricata quæ priori data aequipollet.

Ita in dato exemplo sunt sex termini *asymmetri*, quos sic scribo;

$ba - aa \dagger zz \dagger dg \dagger aa \dagger ma \dagger dd - aa \dagger ra \dagger aa \dagger bb \dagger zba \dagger aa.$

Si autem semel quadrate ducti producant terminos viginti & unum duntaxat. Notandum enim est cujuscunque termini omnes partes (quando habet plures) simul junctæ esse retinendæ; nec ante finem operationis cum aliorum terminorum partibus, quamvis plane similibus, confundendæ. Hi autem 21. termini quadrate multiplicati, producant multò plures; Sed quia ista multiplicationes per amanuensem fieri possunt, lapsusque calami amanuensis a

perito *Analysta* facile emendantur, operationis prolixitas inter ejus difficultates non est numeranda; Et novi sanè breviorē, sed qua non ita per amantissimū potest absolvi.

Hic autem peto à Domino Fermat, nec non à Domino de Roberval, (Et quidem precipue ab hoc ultimo: cum enim occupet Cathedram Rami, tenetur ex officio ad ejusmodi quæstiones respondere, vel ista Cathedra se indignum esse debet sateri) peto inquam ab ipsis quomodo inveniendum sit quinam ex terminis ultima multiplicatione productis addendi sint, Et quinam subtrahendi, ut exurgat quæsitæ æquatio. Nec pretendere debet D. de Roberval, ut solet, ista multum temporis exigere, seque esse aliis negotiis occupatum: affirmo enim, atque cum opus erit demonstrabo, nihil a me hic peti, quod non possit à perito *Analysta* brevissimo tempore inveniri, profiteorque me in hac methodo quærenda Et inveniēda, nec non etiam ad omnes asymmetria species extendenda, vix medium hora quadrantem impendisse.

Propositio demonstrata à D. Descartes.

DAta qualibet conica sectione, & puncto extra ejus planum ut libet fito, quæritur circulus qui sit basis conī quem describit linea recta, ex dato puncto, ut vertice, circa datam conicam sectionem conversa. Nam quod superficies ita descripta sit conica non dubium est, & post inventum circulum qui sit ejus basis facile potest demonstrari.


Solutio.

Hanc propositionem divido in tres casus; Quorum primus est cum data sectio est ellipsis, & ejus centro punctum datum perpendiculariter incumbit; Secundus est cum perpendicularis à puncto dato cadit alibi in axem datæ ellipseos, aut utilibet in axem datæ hyperbolæ aut parabolæ; Tertius denique cum extra axes cadit.

Primus casus.


Data ellipsi B O L, & puncto A suprâ ejus centrum D perpendiculariter erecto, ad distantiam lineæ A D, duco lineas A B & A L, ab A vertice conī, ad B & L, extremitates minimæ diametri datæ ellipseos. Deinde quæro lineam P, quæ sit ad A B, ut D O est ad D O + D B; itemque lineam Q, quæ sit ad eandem A B, ut D O est ad D O - D B; & lineam R, quæ sit media proportionalis intrer P & Q. Ac denique

Item datâ parabolâ BF & puncto A, suprà punctum E axis BC, per-




pendiculariter erecto, ad distantiam lineæ AE, ducō lineam AB, itemque AL æqualem ipsi AB, ac parallelam ipsi BC, estque BL una ex diametris ellipseos, cujus centro D punctum A perpendiculariter incumbit. Et alia ipsi conjugata diameter habetur ut suprà.

Item data hyperbola BF ejusque opposita, cujus vertex C,



& dato puncto A suprà punctum E axis BC perpendiculariter erecto, ad distantiam lineæ AE, ducō lineas BA & CA, sumptaque AL, in longiori CA, ultra punctum A producta, quæ AL sit æqualis breviori BA, habeo lineam BL, pro una ex diametris ellipseos, &c. ut suprà.

Item data hyperbola BF, ejusque opposita, cujus vertex C, & dato puncto A suprà punctum E axis secundi HE perpendiculariter erecto, ad distantiam lineæ AE, in axe HE sumo HG æqualem lineæ HA, & ductis lineis BG, & CG producta in L, ita ut GL sit æqualis BG, BL est una ex conjugatis diametris ellipseos quæsitæ, cujus scilicet centro D punctum A perpendiculariter incumbit; & alia linea per centrum D ducta perpendicularis lineæ GD, sive AD (litteræ enim A & G unum & idem punctum suprà planum BCE, tanquam in aëre imaginandum representant) & plano sectionis BFC parallela, in conica superficie utrimque terminata, est diameter alteri conjugata ut suprà.




præ. Atque hæc omnia tam clara sunt, ut nulla demonstratione egerè videantur.

Tertius casus.

Data parabola BGK cujus vertex G, & pars axis GY est æqualis medietati lateris recti; datoque puncto A extra planum sectionis, ex

quo perpendicularis AE cadit extra axem, in E punctum plani sectionis, data etiam sunt lineæ AG quam voco *a*, EF perpendicularis ab E in axem, quam voco *b*, FY quam voco *c*, & latus rectum quod voco *r*; ex quibus quaero punctum B in quo parabola tangatur ab ellipti in cuius centrum cadit perpendicularis à puncto A; Sive quaero lineam BN perpendicularẽ axi GY, quam



vo-

Qq 3

voco x , atque per Analysis invenio $x^3 \parallel \dfrac{aa}{b}xx + crx - \dfrac{1}{4}brr$ ex qua

$$- \dfrac{cc}{b}xx$$

α equatione facile habetur punctum B per meam Geometriam; Nam si a & c sint α quales, sumenda est tantum in axe YR, quæ sit media pars datæ FY, & perpendicularis RS, quæ sit media pars datæ FE, ductusque circulus ex centro S, per verticem sectionis G, secabit parabolam in quæsito puncto B; Si autem a & c non sint α quales, paulo quidem prolixior erit hæc constructio, sed non difficilior. Invenito autem puncto B, duco rectam AB, itemque AL ipsi α qualem, ac parallelam axi GY, estque BL una ex diametris ellipsos quæsita, atque linea per ejus centrum D ducta, perpendicularis lineæ AD, ac parallela plano sectionis, in conici superficie utrimque terminata, est alia diameter priori conjugata.

Instituatur autem Analysis ad punctum B inveniendum hoc pacto. Ex datis & assumptis AG, EF, FY, YG, GN & NB quæritur AB, itemque BP, tangens parabolam in B, & facta BH α quali ipsi AB, & axi GY parallela, invenitur AH, ex AQ, QB & BH; itemque HK parallela tangenti BP; Itemque KM perpendicularis à puncto A in axem GY; Itemque MG & MY; atque ex datis vel assumptis AG, EF, FY, MY & KM, invenitur AK, cujus quadratum α quari debet quadratis ex KH & AH; quia ut angulus ADB, ita etiam AHK rectus est. Atque α quatio quæ per hanc viam invenitur est hæc

$$x^3 \parallel \dfrac{aa}{b}xx + crx - \dfrac{1}{4}brr$$

Eadem plane ratione instituatur Analysis in hyperbola, & in ellipsi; & quamvis aliquanto intricatior & longior sit futura, necessariò tamen reduci poterit ad α quationem, quæ quatuor dimensiones non excedet, atque idcirco juxta meam Geometriam, per solam regulam & circinum, in data conica sectione constructur.

XVIII. Decemb. 1648.

EPISTOLA LXXVI.

Ad Reverendum Patrem Merfennum.

Reverende Pater,

REcepi quatuor fasciculos à te missos spatio decendii, neque plures una tuarum Epistolarum accepi; Primus nihil continebat præter libros D. Morini, D. Hardy, & Theles P. Burdini: secundus præter Perspectivam curiosam & Librum D. Laleu; Tertius præter litteras ex Britannia. In quarto denique inveni tuam Epistolam, cum alia D. de Beaune, & alia etiam, quam D. Bessius ad te dederat; Ordine hinc respondebo ad articulos tuos. Quod dixi pag. 175. & 179. de gravitate & de origine fontium exigui momenti est si conferatur cum eo quòd de eà re dici potest, & videbis quippiam de gravitate in Responsione mea ad D. de Beaune.

Miror te non potuisse congelare aquam cum sale & glacie; Est enim adeò facile ejus rei experimentum, ut ferè impossibile sit id perperam facere; ego verò plus centies feci; opus est quidem magna satis quantitate nivis, aut glaciei contusæ, sed præstat nix, ideo quòd commodius sal miscatur, cujus etiam satis bona quantitas esse debet, circiter triens aut quadrans nivis; & sepeliendum est vas in quo est aqua dulcis in hac mixtione, ibique maneat, quousque ferè tota liquefacta fuerit; Nam prout nix liquefit ita congelatur aqua, & hoc quovis tempore fieri potest; verum æstivo tempore id in cella fieri debet, ne calor aëris nimis festinanter faciat liquefcere nivem.

Causa quæ impedit lumen ad penetrandum usque ad fundum maris, aut trans vitrum valde spissum, non est aqua aut vitrum quatenus Diaphana; sed sordes quædam quæ iis mixtæ sunt & quæ non sunt Diaphanz.

Si non plus Salis in aquam dulcem immittas, quàm eadem quantitate ex aqua marina extrahi potest, certus sum eum non graviores fore sale marino; verùm non omnia maria æquè salia sunt; Nam in ostiis fluminum, in littoribus, & versùs polos multò minùs salia est aqua quàm in aliis locis.

Tangentes duarum linearum curvarum diversæ speciei non possunt habere easdem proprietates specificas, tales quales sunt illæ quas notas de parabola & ellipsi. Sed dantur proprietates Geometricæ, quæ pluribus convenire possunt, atque itidem pluribus diversis generis. Veluti si

AD

Nimium te honorare existimo Dominum N. quòd ipsi contradicas, neque enim latratu catellorum irritari oportet, neque opera iis resistendi adhibenda; certusque sum eum id multo ægrius ferre quod ipsum Responsione non dignatus fuerim, quàm si omnia maledicta in eum congestissem, quamvis mihi ad id materiam satis amplam suppeditarit. Optime facis quòd malis transmittere Tractatum ejus contra meam Dioptricam Domino de Beaune, quàm mihi; Certus quippe sum, mihi ea ratione non opus fore ut eum inspiciam, camque eruditionem & ingenuitatem in D. de Beaune agnosco, ut paratus sim è vestigio subscrivere judicio, qualecunque de illo laturus est.

Verosimile est arcum Patris *Benedetto* æque præclarum esse ac lancæam Neapolitanam; utraque enim ex Italia allata sunt.

Videbis in meo Responso ad D. de Beaune, quare non amplius credam celeritatem corporum gravium æqualiter augeri descendendo.

Ratio ejus quare vi duplici opus sit ad intendendam chordam usque ad Octavam, nimis quàm præclara est, & en tibi, quo modo intelligatur. Sint chordæ ABC & EFG omnino æquales, nisi quòd ABC magis tensa sit quàm EFG ; adeò ut sonum habeat acutiorem Octava, & æqua-




liter remotæ sint à sua directione, id est, ut BD & FH sint æquales, constat non opus esse neque majore neque minore vi & tempore, computatis invicem, ad efficiendum ut ABC veniat usque ad D , quàm ad efficiendum ut EFG veniat usque ad H ; Hoc est, si ABC plus habet virium minori ipsi tempore opus erit proportionaliter: Nam cæteris omnibus æqualibus, hæc inæqualitas virium non potest compensari nisi æqualitate temporis. Constat etiam, quòd cum ABC faciat Octavam supra EFG , illa non nisi semissem ejus temporis ad transeundum à B ad D , quàm EFG ad transeundum ab F ad H impendit; adeò ut nihil sciendum super sit, quàm quantò major debeat esse vis illam movens illâ quæ movet alteram, ut vis illa & tempus simul computata in ambabus faciant eandem summam. Cæterum quia vis agit semper æqualiter (saltem propemodum, neque consideratur hic quod deest) & quia impressio quàm facit singulis momentis, manet usque ad finem motus, potest re-

Rc

præ-


præsentari tempus per lineam, veluti KL aut KN, & vis per aliam, veluti NO, aut LM, aut NP; adeo ut uterque repræsentetur per triangulum KNO aut KLM, aut KNP; nimirum, quia ABC saltem



semissem temporis impendit progrediendo à B versùs D, quàm impendit EFG progrediendo ab F versùs H, repræsentat tempus ABC per KL sumptam pro lubitu, & tempus EFG per KN, quam facit duplam KL, tum repræsentat vim EFG per NO, sumptam etiam pro lubitu, & illam ABC per NP, in tempore æquali, & per LM in tempore quod semisse minus est, & hæc LM debet esse talis (secundum quod positum est) ut triangulum KLM sit æquale triangulo KNO, sed in hunc finem LM debet esse dupla NO, & tum NP debet esse quadrupla NO, cujus vis quæ movet ABC etiam debet esse quadrupla illius quæ movet EFG; Nam si considerentur in semetipsis & nullo habito ullius temporis respectu, eandem inter se relationem habent quàm tum cum considerantur intuitu temporis æqualis.

Non memini hætenus me ullam à D. de Bessy accepisse epistolam cui non responderim; & quantum ad id quod indicat in illà ad te exaratà, non habeo quod dicam, nisi verum esse quòd hallucinatus fuerim defectu attentionis. Nam cum primo statim invenirem quidquid continere difficultatem videbatur in illa quæstione, quæ erat de dandis tot ellipsis rationalibus pro lubitu, quæ eandem lineam habeant pro majori diametro, cumque aliis mens repleta esset cogitationibus, non immerito fui expendendis singulis exceptionibus, quas facere debuissèm, quòd linea ista non inserviret ad majorem numerum ellipseon, quàm illum de quo quærebatur, & credens me insistere vià quãdam quæ me onere isto liberaret, erravi. Ecce autem processum meum. Sumens a pro numero illo qui exprimit lineam IK, & b pro illo qui exprimit lineam IC, inventi DC debere esse necessario $\frac{266}{a}$ & FL esse $26 \sqrt{\frac{26}{a}} - 1$. Quo facto facile mihi fuit discernere numeros qui mihi sumendi erant pro a & pro b , ut $26 \sqrt{\frac{26}{a}} - 1$ esset numerus rationalis, & ut DC posset explicari tot diversis modis per $\frac{266}{a}$ quot quæsitæ essent ellipses. Verùm cum viderem quòd sumendo numerum quadratum aut duplum quadrati pro DC, aut $\frac{266}{a}$, $\sqrt{\frac{26}{a}} - 1$ posset esse fractio, quodque nihilominus FL aut $26 \sqrt{\frac{26}{a}} - 1$ esset numerus integer, existimavi multiplicando DC per 3

aut per alium talem numerum, qui impediat ne sit quadratus aut duplus quadrati, excluderem omnes ellipses quæ possint ex his fractionibus enasci: Et hoc est in quo hallucinatus sum; Nam uti bene notat D. de Bessy, multiplicatio illa superflua est, idè quòd omnes aliæ lineæ etiam per 3 multiplicatæ sint: Cæterum is error adèd crassus est, ut certus sim non aliter ab eo acceptum iri quàm pro titubatione quâdam, quæ probet mentem meam tum cun hæc scriberem, distractam fuisse. Et ut eò justiorèm excusandi me causam habeat; dicam tibi, videri illum meo exemplo non satis ad omnia attendisse. Primò enim dicit, quòd si D C sit



numerus impar, non posse eum inservire ad qualemcunque ellipsim, cujus lineæ requisitæ exprimentur per numeros integros. Secundò, neque ullum esse numerum, qui possit inservire pro magna diametro ellipsi cuidam, quæ tales habeat lineas quæ quæruntur, qui non simul inserviat

duabus talibus ellipsis, quarum una suam parvam Diametrum majorem habeat quàm distantiam punctorum ardentium, altera autem habeat minorem. Tertiò, & quòd ob eam causam expecterit ut ellipsis quandam istarum conditionum habeat. Quartò, quòdque ob id excludere non debuerim numerum 5. Verum primò, si exempli gratia, D C est 25, I K erit 2, I C 5, & F L 20. Item, si D C est 289, I K erit 2, I C 17, & F L 136, & sic de reliquis, in quibus non nisi numeri integri inveniuntur. Secundò, neque 25, neque 289 singuli saltem singulis ellipsis inserviunt: sed 25 inservit alicui quæ suam minorem diametrum majorem habet distantia punctorum suorum ardentium, & 289 inservit alicui quæ eam habeat minorem. Tertiò, adèd ut opus non fuerit, ob eam causam excludere aliquam istarum conditionum. Quartò, & ego debueram exclusisse numerum 5, ad resolvendam quæstionem in terminis propositis. Et videtur mihi optima solutio, si fiat D C numerus quadratus impar, cujus radix aut partes ejus possint dividi in duos quadratos totidem quot petuntur ellipses. Ita cum D C sit quadratus numeri 629, inserviet quatuor ellipsis & non pluribus, idè quòd 629 non dividitur nisi in 4 & 625; item in 100 & 529; item 37 dividitur in 1 & 36. Et 17 dividitur in 1 & 16, qui faciunt quatuor ellipses & non plures. Et facîle est determinare maximam & minimam proportionem, inter

R r 2

quas

quas debet esse proportio horum quadratorum, ut $E I$ major sit quam FL , & ut nihilominus area ellipseos major sit quam circuli, qui habebit $E I$ pro diametro. At non video perfacile esse dare regulam ad invenendum numerum, qui ita dividitur, ipse aut partes ejus, in tot quadratos atque libuerit, non in plures, nisi tum cum tot inveni fuerint quot opus est, recidantur ab iis illi qui ultra id palpando inveniuntur. Docebit me, si ipsi placuerit, me errare. Interea remaneo ipsius servus & cultor.

Pervenio ad libros quos mihi misisti, pro quibus tibi gratias ago, & rogo ut meo nomine gratiam referas iis qui tibi eos dederunt mihi transmittendos. Nondum mihi vacavit eos perlegere, ideoque hac vice nihil tibi de iis rescribere possum. Vale.

xxx April. 1639.

Tuus

DESCARTES.

EPISTOLA LXXVII.

Ad Reverendum Patrem Merseenum.

Reverende Pater,

ETiamsi ex quo novissimas meas ad te dedi non excefferit præter octiduum, invenio duo in tuis, quibus non ampliùs differam respondere. Primum est, quòd D. Roberval dicat, non resolvissè me locum Pappi, & habere illum aliùm sensum quam quem ipsi applicaverim; Ad quod rogatum te velim, ex ipso meo nomine quæras, quinam sit ille aliùs sensus, curamque suscipiat ejus chartæ tradendi, quo illum melius intelligere possim. Cum enim dicat se illum demonstraturum se obtulisse tum cum Parisiis agerem (uti revera eam quippiam de ea re mihi dixisse memini, sed nulla ejus nisi valde confusa mihi memoria superest) non poterit mihi denegare favorem illum, & ut cum eò magis adstringam, offero me in compensationem eum certum facere præcipuorum mendorum, quæ animadverti in suo Aristarcho. Alter epistolæ tuæ articulus, cui responsum non differam, est quæstio de magnitudine quam habere debet unumquodque corpus, qualiscunque sit figuræ, suspensum in aëre per unam suarum extremitatum, ad faciendos ibi suos cursus & recursus æquales illis plumbi pendentis in filo longitudinis datæ. Video enim te magni facere quæstionem illam, & ante octiduum ita negligenter tibi de ea scripsi, ut etiam non magis meminerim ejus, quod tibi scripsi; sed & unum saltem casum mihi proposueras. Regula generalis quam in hoc statu,

tuo, est, quodd, sicut habetur centrum gravitatis in omnibus corporibus quæ libere descendunt in aëre propter pondus eorum, ita omnia ea quæ moventur circa punctum quoddam per eandem gravitatem, habent centrum agitationis eorum, quoddque omnia corpora in quibus hoc centrum agitationis æqualiter distat a puncto per quod suspensa sunt, eursum & recursum suum perficiant æqualibus temporibus, dum tamen extipiat, id quod resistentia aëris in hac proportionem mutare potest: Multo enim magis corpora levia retardat, & illa quorum figura longè remota est à spherica, quàm alia.

Ad inveniendum autem Centrum hoc agitationis statuo sequentes regulas. 1. Si corpus unam solum dimensionem sensibilem habeat,



veluti AD, quam cylindrum esse suppono, qui tam parum crassitieci habet, ut saltem ejus latitudo considerari debeat, centrum ejus agitationis est in illo loco hujus corporis, quod transiit per centrum gravitatis trianguli ABC, cum describit triangulum illum per motum suum, nimirum in puncto e quod relinquit trientem longitudinis AD versus basin.


2. Si corpus hoc duas dimensiones sensibiles habeat, veluti planum triangulare ABC, cujus suppono latera AB & AC esse æqualia, & quod se moveat circa punctum A, & simul axem FG, adeo ut linea BC semper sit parallela axi illi, tum centrum agitationis illius est in puncto



lineæ AD perpendicularis suæ basi BC, quod transiit per centrum gravitatis pyramidis quam describit istud triangulum, tum cum se eo modo movet, nimirum in puncto O; adeo ut OD sit quadrans lineæ AD. Et notandum est, quod, si supponatur basis hujus pyramidis (quæ basis est pars quadrangularis superficiei cujusdam cylindricæ) valde angusta,


gusta, siue supponatur larga, dum nullum ex lateribus ipsius excedat semi-circulum, centrum gravitatis ibi semper eodem modo dividit perpendicularem.

3. Si planum hoc triangulare ABC semoveat circa punctum A alio sensu, nimirum, circa axem AD perpendicularem ipsi FG, ita ut puncta B & C se invicem sequantur, tum ad inveniendum centrum suum



agitationis, non amplius illud quæro in linea AD, sed in aliquo laterum AB, aut AC, & describo trapezam HIKL cujus diameter HK æqualis est lateri AB aut AC, & omnes lineas rectas, quæ ibi inscribi possunt, applicando eas ad angulos rectos huic diametro, veluti 11, 22, 33 & 77 sunt æquales totidem partibus circumferentiarum circulorum, habentes centrum suum in puncto A, quæ possunt inscribi in triangulo ABC, & quæ dividunt latera eadem ratione qua HK, uti sunt 11, 22, 33 & 77. Tum concipio, trapezam istam quodammodo motam (id est, ita ut singula ejus puncta minus semi-circulo describant) circa punctum H & axem FG, describere solidum quoddam quod sex habeat facies, cujus solidi centrum gravitatis quæro, & dico punctum diametri HK quod transit per centrum hoc gravitatis describendo hoc solidum, esse quæsitum agitationis centrum.

4. Denique si corpus cujus centrum agitationis quæritur habeat tres dimensiones sensibiles, qualiscunque figuræ esse possit, veluti ABCD, ad illud inveniendum, describo primo figuram planam, veluti HIKLMN, cujus duæ semisses HIKL, & HNML debent esse invicem æquales & similes, & diameter HL æqualis diametro maximi circuli quem describit hoc corpus ADCB, tum cum se movet circa centrum A, nimirum, debet esse æqualis lineæ AE, si corpus hoc se moveat circa axem FG, & debet esse æqualis lineæ AC, si se moveat circa alium axem qui intersectet FG ad angulos rectos, & omnes lineæ rectæ quæ describi possunt in hac figura HIKLMN ordinatæ ad angulos rectos diametro HL, veluti



veluti IN, KM, &c. debent inter se habere eandem proportionem
 quam habent superficies cylindricæ, quæ sunt sectiones hujus corporis
 ABCD, factæ per cylindros descriptos circa eundem axem, circa quem
 se movet, & quæ dividunt diametrum ejus in æquales partes. Exempli
 gratia, si corpus hoc se moveat circa axem FG, ita ut eadem sit propor-
 tio inter lineas IN & KM, quæ est inter partes superficiei cylindricæ
 repræsentatas per lineas IB & DZ inscriptas in hoc corpore, & ut IN
 & KM dividant HL, eadem ratione qua IB & DZ dividunt AE, &
 sic de reliquis. Postea concipio, superficiem istam HIKLMN motam
 parumper (id est, ita ut singula ejus puncta faciant minus semi-circulo)
 circa axem FHG, describere solidum, cujus solidi quæro centrum gra-
 vitatis, & dico punctum diametri HL, quod transit per centrum gravi-
 tatis describendo hoc solidum, ex. gr. punctum O, dividere HL eadem
 ratione qua centrum hoc agitationis quæsitum dividit AE, diametrum
 corporis dati. Non adjungo omnium istarum rerum rationes, neque
 enim mihi charta aut tempus superest. Vale.

Egmondæ, 2 Martii 1646.

Tuus

DESCARTES.

EPISTOLA LXXVIII.

Ad D. de Cauendische, Equitem Anglum.


Nobilissime Domine,

INsignem mihi in gloriam duco, quod tibi placuerit proponere mihi
 quæstionem de qua alii quidam tibi satisfacere nequiverunt; Vereor
 autem ut id melius ipsis præstare possim, idcirco quod argumentationes
 mea:

meæ cum experimentis quorum mihi mittendorum curam sumpſisti, non convenient. Attamen ingenuè tibi fateor, non posse me hætenus percipere earum defectum. Itaque hîc eas exponam tales quales sunt, ut eas tuo subijciam arbitrio, tu me digneris super ea re doctiorem reddere.

Mensis circiter excessit, ex quo R. Patri Merseano mihi eandem difficultatem proponenti, respondi, quod, cum in omnibus corporibus detur centrum gravitatis secundum quod liberè descendunt in aëre; ita illi quæ se movent suspensa, habeant centrum agitationis suæ, quod determinat quam appellas durationem Vibrationis suarum, adeo ut omnia illa in quibus centrum illud agitationis æqualiter distat ab axe, circa quem moventur, faciant vibrationem suam in tempore æquali. Excepi tamen disertis verbis id quod resistentia aëris in hac propositione mutare potest. Tum supponendo, operam dari faciendo experimenta evitandæ huius aëris resistentiæ, & eas saltem examinando figuras in quibus non est sensibilis, idè quod quantitas ejus non potest determinari per rationem, id agebam saltem ut quærerem centrum hoc agitationis per regulas Geometriæ, quas in hoc articulo infallibiles judico. Ecce autem à me propositas.

Si habeatur ex. gr. corpus $ABCD$ irregularè pro lubitu, (quod tamen ita intelligendum est, ut ejus figura non faciat ut resistentia aëris sit sensibilis, utque per consequens non multum densitatis contineat) determino primum axem FG , circa quem suppono eum facere vibrationes



fuas, & perpendicularem AE, quæ
offendit axem istum ad angulos rectos
& transit per centrum gravitatis istius
corporis : Tum imaginando mihi
quamplurimos cylindros diversæ
magnitudinis, quorum singuli pro æ
habeant lineam FG, & quæ interse-
cent corpus, describo figuram pla-
nam AHEI, quæ pro diametro ha-
beat perpendicularem AE, & in qua
omnes lineæ rectæ ordinatæ eodem
modo ex utroque latere ad angulos

æquales huic perpendiculari, ut sunt 2, 6, & 1, 5, inter se eandem habeant rationem, quàm Pyramides quarum fastigium est in puncto A, & quæ habent bases æquales partibus superficiei cylindrorum supradictorum quæ in hoc corpore inveniuntur; Adeo ut sumptis ad lubitum in hac


perpendiculari A E punctis 1 & 2, ordinata 1, 3, eandem rationem habeat ad ordinatam 2, 6, quàm tota pyramis A 33, cujus basis 33 pars superficiei cujusdam cylindricæ ad pyramidem A 44, quæ etiam pro basi habet superficiem communem huic corpori & cylindro, qui illam secat in punctis 4, 4. Tum denique quæro centrum gravitatis hujus figuræ planæ, & dico, centrum agitationis corporis latæ A B C D esse in perpendiculari A E, in eodem puncto in quo est centrum illud gravitatis, cujus hic demonstrationem subnectam.

Primo, sicuti centrum gravitatis ita situm est in medio corporis gravis, ut nulla sit pars hujus corporis, quæ possit per gravitatem suam deflectere hoc centrum à linea secundum quam descendit, cujus effectus non impediatur per aliam partem ipsi oppositam, & tantundem virium habentem; unde sequitur centrum hoc gravitatis semper moveri descendendo per eandem lineam qua moveretur si solum esset, & omnes reliquas corporis partes cujus centrum est, amovæ essent. Ita quod centum agitationes corporis suspensæ appello, est punctum ad quod ita æqualiter referuntur diversæ omnium reliquarum hujus corporis partium agitationes, ut vis quam possunt habere singulæ earum ad efficiendum, ut se moveat celerius aut tardius quàm facit, semper impediatur per illam alterius quæ illi opposita est; Unde etiam (*ex definitione*) consequitur centrum hoc agitationis debere moveri circa axem ad quam suspensum est, eadem celeritate qua moveretur, si omne reliquum corpus cujus pars est, recisum esset, & per consequens ejusdem celeritatis quàm plumbum appensum filo æquali distantia ab axe F G.

Post hæc considero nihil esse quod impediat centrum hoc agitationis esse in eodem puncto, in quo est centrum gravitatis, nisi quod partes remotiores axis, circa quem hoc corpus se movet, plus agitantur quàm illæ quæ ipsi sunt propiores; unde concludo debere id esse in aliquo puncto perpendicularis A E, in quâ suppono etiam esse centrum gravitatis, idè quod intuitu partium, quæ sunt ex utroque latere hujus perpendicularis æqualiter distantes ab axe F G, nulla differentia sit intra proprietates horum duorum centrorum; Verum debet illud esse in puncto hujus perpendicularis remotiori ab hac axe, quàm centrum gravitatis, idè quod partes quæ ab ea sunt remotiores plus agitationis patiantur.

Denique considero, omnes reliquas hujus corporis partes, quæ æqualiter distant ab axe isto F G, hoc est, quæ sunt in superficie ejusdem cylindri, qui etiam F G pro axe suo habeat, æqualiter agitari, easque quæ

sunt in superficie cylindri majoris aut minoris, qui etiam FG pro axe habeat, magis minuscule agitari, ideo quod diameter cylindri ipsarum major aut minor sit quam diameter præcedentis; & per consequens esse eandem rationem inter vim agitationis quam simul habent omnes partes hujus corporis, quæ sunt in superficie primi cylindri, & illam quam habent omnes partes ejusdem corporis quæ sunt in superficie secundi, quæ



est inter pyramides aut alia solida ejusdem speciei, qualiacunque sint, quæ habent bases suas æquales his superficiebus cylindricis, & altitudines suas æquales diametris aut semi-diametris eorundem cylindrorum. Vis enim agitationis earum non saltem ex modo celeritatis earum æstimatur, cujus differentia representatur per diversas altitudines horum solidorum; verum etiam per diversam quantitatem materiæ ipsarum, quæ


per diversas magnitudines basium representatur. Unde certò consequitur, centrum gravitatis figuræ planæ supra descriptæ, cadere in idem punctum in perpendiculari AE, quam centrum agitationis quæsitæ, quod erat mihi demonstrandum.

Verum cum experimenta quæ mihi transmittere tibi visum fuit, longè ab isto calculo recedere videantur; ejus rei ratio mihi hic extricanda est, quam exinde procedere existimo, quod figuræ corporum examinatum resistunt aëri valde sensibilem efficiant. Quantum enim ad triangulos isosceles, certus sum, quod si suspensi fuissent per angulum oppositum basi eorum, & si circa axem quandam moti fuissent, cui basis illa semper fuisset parallela, deprehenderetur, tam in illis quorum angulus oppositus basi est 60 aut 90 aut 120 graduum, quam in angulo 20 graduum, quod perpendicularis ducta ab hoc angulo super basi sua propemodum semper habuisset proportionem 4 ad 3 cum plumbato, aut uti tu appellas funipendolo, cujus vibrationes sunt isochronæ, secundum id quod antea ad Rever. P. Merfennum scripseram. Quod si verò trianguli isti alio sensu moveantur, ad eò ut anguli ad basin ascendant & descendant unus post alterum, & non æqualiter eodem tempore (quod in vestris experimentis factum existimo) proportio hæc inter perpendicularem & funipendulum multo major debet esse quam 4 ad 3.

Et


Et simul tantò major esse debet quantò angulus oppositus basi magis est obtusus, uti scripsi etiam ad Rev. P. Meriennum. Et existimo sequens experimentum posse sufficere ad demonstrandum non provenire hoc aliunde, quàm à resistantia aëris.

Si baculus aut aliud quoddam corpus longum veluti PQ æque latum ex utraque parte ita suspensum sit per ejus medium in puncto A , ut perfecte sit in æquilibrio, nemo erit, qui neget, vel minimam vim posse elevare & demittere extremitates P & Q ad cujusvis generis inclinationes, neque præter resistantiam aëris quicquam esse, quod impediatur, ne eadem vis id elevare & demittere possit eadem celeritate, qua se movere potest cum sola est (nam sub nomine resistantiæ aëris hic comprehendo id quod alii appellant tardivitatem aut inclinationem ad quietem, quam credunt innatam esse omnibus corporibus, & ego quidem alio eam nomine insignirem, si conari vellem totam istam materiam secundum mea



Principia explicare, verum hoc multi temporis opus esset). Ad eò ut plumbum B affixum filo AB , quod suppono æquale lineæ AP aut AQ faciendo vibrationes suas certo tempore, siquidem idem plumbum B alligetur ad alterutram extremitatem baculi P aut Q (sive etiam alii cuidam loco qualicunque semi-circuli PBQ , quem hic ad eò levem sup-

pono ut in his nullam mutationem sensibilem afferat) nihil aderit, quod impediatur id facere suas vibrationes æque celeriter atque antea, nisi resistantia qua aër motui hujus baculi obnititur; Verum experientia testatur faciet, quòd hoc plumbum, si non foret valde magnum & grave factâ comparatione ad baculum, multò lentius facturum esset suas vibrationes, dum eum ita secum movet, ac si non nisi filo affixum esset. Si



itaque exactè fiat hoc experimentum, & consideretur postea triangulum ACD , ita suspensum in A , ut tum cum angulus ejus descendit à G versùs E , alter angulus ejus C ascendat versùs F , evidenter cognoscetur, majori temporis parte non fore nisi modicam partem hujus

trianguli, quæ vim habeat ad id movendum, & omnia reliqua saltem ejus vibrationes retardare, eodem modo quo baculus P Q retardat vibrationes plumbi B; nam in puncto in quo nunc est, omnis ejus pars C A E quæ est ex altera parte perpendicularis A E, & alia pars ex altero latere quod est ipsi æquale, nimirum E A N sunt in æquilibrio, æquæ ac duæ extremitates baculi A P, A Q, ita ut nihil super sit quàm D A N, quod agat, & repræsentet plumbum B; Et prout angulus D descendit versus E, ita hæc pars D A N minor fit, & altera N A C fit major; cujus si ponatur calculus, qui addatur illis, quæ olim ad P. Merfennurum misi, nullus dubito quin omnibus experimentis sit responsurum; dummodo illa cum cura & industria facta fuerint. Verùm multa observanda sunt, ne ea faciendo peccetur; & ne aliæ additiones, & deductiones in hoc calculo faciendæ sint. Nam primo longitudo suspenduli non debet æstimari nisi à principio motus sui A usque ad centrum agitationis plumbi B, quod visibiliter à centro gravitatis suæ non differt; tum etiam curandum est, ne crassities laminarum ex quibus hæc triangula consciuntur, valde æqualis sit in omnibus ejus partibus, & ut apex anguli per quem suspenduntur exactè se referat ad axem circa quem moventur.

De reliquo, Domine, metuo ne me temeritatis insimules, qui ea quæ ab experimentis pendent, antequam eorum periculum fecerim, determinare audeam; verùm credas, rogo, me ad id compulsam fuisse zelo tibi obsequendi, quo motus meam hinc sententiam absolute exposui. Vale.

Egmondæ, xxx Martii 1646.

Tui observantissimus

DESCARTES.

EPISTOLA LXXIX.

Observatio D. Roberval circa subjectum præcedentis Epistolæ Domini Cartesii ad D. Cauendische, in qua ejus errores annotat.

Convenit Domino Cartesio & mihi de definitione puncti quod appellat centrum agitationis, quod nostrates appellant centrum percussionis; verùm conclusio ejus multis parasangis à mea distat, cujus tamen absolutam demonstrationem habeo; Est itaque quidam defectus in ejus argumentatione: Id tibi ad præsens probatum volui. In hunc finem,


rum $ACGE$, $BDHF$, recisorum à basibus cylindri; & à portione superficiei cylindricæ CGE , FHD recisæ per hæc parallelogrammata & sectores circulorum; & diviso in duas partes æqualiter axe AB in puncto I , ducatur per punctum illud planum quoddam parallelum basibus cylindri, quod planum secabit sectorem cylindri & sectio erit sector circuli, veluti $ILNM$, æqualis & parallelus præcedentibus $ACGE$ & $BDHF$; Ab isto sectore $ILNM$ sint semi-diametri IL , IM , & arcus LM , qui in duas partes æquales in puncto N secetur, ad quod ducatur semi-diameter IN , & prolongetur exterius versùs N , quantum necesse est. Notemus etiam hanc lineam IN debere esse perpendicularem horizonti & AB æqua superficiei. Præterea sit IP tres quadrantes ipsius IN , & ducta LM , chorda arcus LM , intelligatur, quod veluti arcus LM se habet ad chordam suam LM , ita se habeant duæ tertiæ partes semi-diametri IN ad IO , portionem ejusdem semi-diametri. Demonstravimus punctum illud O esse centrum gravitatis tam sectoris cylindri AH , quam sectoris circuli $ILNM$. Quod si è contrario intelligatur, quod sicut chorda LM se habet ad arcum suum LM , ita IP (tres tertiæ partes ipsius IN) se habeant ad IQ portionem ipsius IN , demonstravimus itidem punctum Q fore centrum percussiois aut agitationis tam sectoris cylindri AH , quam sectoris circuli $ILNM$.

Nihilominus per ratiocinationem Domini Cartesii, centrum hoc percussiois aut agitationis tam sectoris cylindri AH , quam sectoris circuli $ILNM$ foret in puncto P , quod est in tribus quadrantibus lineæ IN , & id quidem in omni sectore tam magno, quam parvo, imò & in semi-cylindro & in semi-circulo. Quod omnino nostræ argumentationi contrarium est, quæ demonstrat genuinum centrum Q semper ab I remotius esse quam P , idque eò magis quo magis appropinquabit sector ad semi-circulum aut semi-cylindrum, cum tamen interim major non sit; adèò, ut si arcus esset quadrante major chorda suâ, centrum percussiois foret punctum N , & si arcus adhuc major esset, centrum hoc extra sectorem ex altera parte N foret.

Verum demonstratio nostra ad hunc locum, æquo longior est: Videamus itaque defectum demonstrationis D. Cartesii, quod nobis proposuimus. Cui ut satisfaciamus, ducamus è punctis L , M , lineas rectas LS , MS , quæ contingant arcum LMN , quæque sibi occurrant in puncto S , in semi-diametro IN prolongatâ: atque ita anguli ILS , IMS erunt recti. Eodem modo si sumperimus in arcu LMN duo alia puncta T , V , æqualiter ab utraque parte remota à puncto N , ducantur contingentes

TR,

TR, VR, quæ se intersecant in puncto R, in eadem semi-diametro IN
 prolongatâ; Atque ita iterum ductis semi-diametris IT, IV, anguli
 ITR, IVR, erunt æquales: Idem erit de omnibus punctis à puncto N
 ex utrâque parte æqualiter remotis. Denique per lineas AB, & IN du-
 catur planum ABHG, quod secabit sectorem AH in duos alios secto-



res æquales, & formabit rectangulum ABHG, cujus latera AG, &
 BH secabunt etiam in duas æquales partes sectores circularum ACE
 & BDHF, & per puncta G, N, H ducantur lineæ rectæ quæ contin-
 gant arcum CE, LM, DF, quæ contingentes sint ZG 4, XNY, &
 6H 7, quæ erunt perpendiculares semi-diametris AG, IN, BH.

D. Carv

D. Cartesius ergo facit NX æqualem NY ; Tum in semi-diametro aut perpendiculari IN , sumpto tali alio puncto ad libitum, veluti puncto 3, & per hoc punctum intelligendo aliam superficiem cylindricam circa axem AB , asserit, quod sicut pyramis cujus fastigium est I , & basis æqualis superficiæ cylindricæ $CGHF$ se habet ad pyramidem cujus fastigium est I & basis æqualis superficiæ cylindricæ quæ transit per 3, & quæ comprehensa est in sectore AH , ita ordinata NX se habeat ad aliam 3 - 8 quæ ipsi sit parallela, atque ita de multis aliis punctis, quæ poterunt intelligi inventa uti hoc punctum 8; Et ducta figura planâ per omnia ista puncta, ex utroque latere suæ diametri IN quæ ipsam in duas æquales partes scindat, præterdit centrum gravitatis hujus figuræ planæ fore centrum agitationis sectoris AH , aut alius cujuscunque corporis, cujus causa sequuti fuimus regulas hujus constructionis. Constat autem, pyramides de quibus hic loquitur se habituras ad se invicem uti quadratum NI ad quadratum $I3$; atque ita cum ordinata XN se habeat ad 8, 3, uti hæc pyramides, id est, uti quadratum NI ad quadratum $I3$, centrum gravitatis figuræ planæ (quæ hic est trilineum acutum parabolicum) erit in puncto quod secundum suam intentionem esset etiam centrum agitationis sectoris AH .

Argumentatio ejus est, quod omnes partes, quæ sunt in superficie cylindri cujusdam recti, cujus AB est axis, sint æqualiter agitæ: & quod illæ quæ sunt in superficie alterius cujusdam cylindri majoris aut minoris, qui etiam pro axe habet AB , plus minusve agitentur, idè quod earum distantia ab axe AB major minorve est; Unde consequitur eandem rationem esse inter vim agitationis quam simul habent omnes illius corporis partes, quæ sunt in superficie primi cylindri, & illam quam habent omnes partes ejusdem corporis, quæ sunt in superficie secundi cylindri, quæ est inter pyramides, quæ habent bases suas æquales his superficiebus cylindricis, & altitudines suas æquales semidiametris eorundem cylindrorum; unde evidenter consequi ait, centrum gravitatis figuræ planæ supra descriptæ cadere in idem punctum in perpendiculari IN ac centrum agitationis quæsitæ.

Defectus hujus ratiocinationis in eo consistit, quod solam agitationem partium corporis agitati consideret, immemor directionis agitationis singularum harum partium; quæ directio mutatur & differt in omnibus punctis quæ inæqualiter remotæ sunt à plano verticali AH , etiamsi hæc puncta sint in una eademque superficie cylindrica circa axem AB ; Nam directio puncti L , ex. gr. est contingens LS , sive punctum hoc agi-

agitatum progrediatur ab L versus S, sive contra tendat ad partem oppositam. Ita etiam directio puncti M est MS, directio puncti T est TR, directio puncti V est VR, &c. Adeo ut quamvis agitatio omnium horum punctorum sit æqualis, nihilominus differentia directionis eorum mutet effectum hujus agitationis ob duas causas. Primò, quòd intuitu perpendicularis IN tendant aut transcant per puncta diversa S, R, &c. Secundò, quòd eorum linearum directionis faciunt angulos inæquales cum hac perpendiculari. Ut verbo dicam, ex omnibus punctis quæ sunt in superficie cylindrica CGHF, illa saltem quæ sunt in linea GH agunt & conantur transire per punctum N super perpendicularem IN, omnia reliqua foris ponuntur inter N & S; Atque ita centrum agitationis omnium horum punctorum, id est, hujus superficiæ, & ipsum est inter N & S, non in puncto N, uti fieri deberet, si ratiocinatio D. Cartesii bona esset. Sciendam autem est, ad inveniendum centrum illud, quòd sicut arcus LM se habet ad chordam suam LM, ita semi-diameter IN se habet ad IS, & punctum S erit centrum quæsitum; Quod si idem fiat in omnibus superficiebus cylindricis, circa axem AB, minoribus quàm CGHF, & comprehensis in sectore AH, pervenietur ad conclusionem plane ab illa D. Cartesii alienam.

Non dicam, in omnibus aliis lineis quàm IN, dum modo illa ducatur à puncto I in planum ILNM posse assignari centrum percussiois, & omnia illa centra esse in uno loco.

Non dicam etiam, quòd etiamsi centrum percussiois aut agitationis fuerit assignatum uti supra, non videatur tamen esse regula aut distantia requisita ad vibrationes aut vacillationes corporum, ad quam vacillationem centrum gravitatis aliquid contribuit æquè ac centrum agitationis. Centrum enim illud gravitatis causa est reciprocaionis hujus vacillationis à dextra ad sinistram & à sinistra ad dextram; Nam si præter agitationem nihil adesset, motus foret ex una eademque parte circa axem continuus.

Nihilominus experimenta hæcenus quamproximè accefferunt ad conclusiones meas de centro agitationis, unde argumentum duxi, centrum agitationis ad id plus conferre quàm centrum gravitatis.

EPISTOLA LXXX.

Ad Dominum * * * *

Responsio ad Epistolam præcedentem.

Clarissime Domine,

Summas tibi gratias habeo quòd tibi placuerit mihi transmittere objectiones Domini Roberval; & quoniam nullius rei in toto terrarum orbe majore desiderio teneor quàm discendi, & audiendi errata mea, semper magnopere delector scriptis eorum qui me reprehendere satagunt. Sed & eo nomine tibi gratias ago, quòd permittas mihi ad ea respondere tùm cum vacaverit; verùm non video ipsum mihi multum materiæ suppeditasse cui diu sit immorandum. Nihil enim scriptum illud continet quàm explicationem figuræ suæ tanta prolixitate deductam, ut duabus tertiis partibus abundet; quæ si recisæ essent, dissertatio ejus multò facilior & evidentior reddi potuisset, vi rationum ipsius manente integra, si loco sectoris cylindri proposuisset saltem sectorem circuli I L N M.



Prima ejus objectio, quæ est quòd argumentatio mea necessariò defectuosa sit, idè quòd ex ipsa deducam aliam conclusionem, quàm ille ex sua deducit, quam pro indubitata vult ut accipiam, cum tamen non ostendat qualis sit, nihil me judice aliud probat, quàm quòd prætendat ut plus authoritati ejus quam meis rationibus tribuam.

Secunda & ultima ejus objectio est, quòd solam agitationem partium corporis agitati considerem, non facta mentione directionis agitationis singularum ejus partium, quam considerari debere ait ob duas causas. Primò, quòd intuitu perpendicularis I N tendant aut transeant per diversa puncta; Secundò, quòd earum lineæ directionis faciant angulos inæquales cum hac perpendiculari. Ad quod nullo negotio respondeo, negando debere considerari hanc diversam directionem referre se ad certam quandam perpendiculararem, & cum duz quibus ad id probandum utitur rationes, non sint fundatæ nisi super sola determinatione hujus perpendicularis, viribus destituuntur & evanescunt cum illa. Nam quamvis perpendicularis spatii in quo fiunt vibrationes, id est, linea ducta è puncto per quod mobile est suspensum versùs centrum terræ,

T t 2

Simul

simul cum linea hujus mobilis ducta ex eodem puncto versus punctum in quo est centrum gravitatis suæ, tam cum nulli rei affixum est, considerari debeat ad examinandam quantitatem suarum vibrationum, aut impedimentum, quod vibrationes partium ejus quæ sunt in æquilibrio afferunt motui illarum quæ in eo non sunt, & similia. Nihilominus constat intuitu agitationis suæ, nullam in eo esse lineam perpendicularem magis considerabilem quàm omnes reliquæ lineæ ductæ è puncto I in planum ILNM, & ipse D. Roberval hanc ipsam veritatem agnovisse videtur, cum calci scripti huius adjecit, *quod* (cum omnes illæ partium ejus, quæ sunt in eadem superficie, æqualiter distantes ab axe, super quo rotatur, æque celeriter moveantur, & per consequens æqualiter agitentur) *in omni alia linea quam in IN possit assignari centrum aliquod percussione*, in qua re mihi cum illo convenit; Et ratio est, quòd omnia puncta hujus plani, æqualiter distantia à puncto I, æqualiter agitentur, & locus in quo sunt omnia ista centra est circumferentia circuli cujusdam. Itaque cum amorem veritatis profiteatur, fateri debet se hallucinatum esse, si in prætenso sua demonstratione, ad mensurandam agitationem diversorum punctorum unius ejusdemque superficie cylindricæ ea retulit ad aliquam perpendicularem determinatam, cujus intuitu hæc agitatio inæqualis foret. Sicut etiam cum errare deprehendi in eo quòd credat centrum gravitatis mobilis, aliud quid conferre ad mensuram suarum vibrationum, quàm quod confert centri agitationis: Vocabulum enim *Centrum gravitatis* relativum est ad corpora quæ liberè in aëre moventur, aut verò quæ alicui alii corpori inniuntur non se movendo; Ad eò ut illa corpora quæ ad aliquem axem suspensa sunt, circa quem se movent, nullum habeant centrum gravitatis intuitu hujus posituræ & hujus motus; sed saltem centrum agitationis. Itaque pro eo quod dicit centrum gravitatis causam esse reciprocationis à dextra ad sinistram, dicendum illi saltem fuisse, in causa esse gravitatem aut pondus mobilis, nulla facta mentione centri hujus gravitatis, quod in hoc casu saltem chymæricum est. Quod verò ait se silentio præterire, nihil contra me facit; Nam per definitionem centri agitationis à me datam, & de qua sibi mecum convenire ait, omnia corpora in quibus centrum illud ab axe, circa quem moventur, æqualiter distat, vibrationes suas æquali tempore perficiunt. Itaque rogatum te velim, Domine, ut explices arbitrium tuum, utri harum argumentationum plus fidei mihi deferendum sit, an meæ, quæ mihi verissima & evidentissima videtur, quamque inspexit & trutinavit D. Roberval, nec tamen quicquam in ea culpandum invenit, in quo cum non clarissimè depre-

deprehendam hallucinatum esse; An verò suæ, quam nunquam contempsi, & in qua tamen ex eo quod de ea declaravit, duo insignia errata apprehendi; alterum, quòd concipiat perpendicularem, ad quam diversè referat agitationem diversarum partium mobilis, quæ sunt in eadem superficie cylindrica, quæ tamen agitatio æqualis est in omnibus, idè quòd se æque celeriter moveant, in eaque solà celeritate agitatio earum consistat; alterum verò, quòd etiam concipiat centrum gravitatis ubi nullum est, quia in centrum agitationis mutatum est. Vale.

EPISTOLA LXXXI.


Ad Reverendum Patrem Mersennum.

Reverende Pater,

Effluxit circiter mensis ex quo penultimam tuam accepi Calendis Decembr. datam; verùm cum tibi paulò ante scripsissem, neque hæc quicquam quod promptam responsionem mereretur, contineret, & tu pollicearis te intra octiduum mihi missurum Epistolam quam pro defensione Domini Roberval concinnasti, hætenus responsionem distuli; Verùm etiam novissimas tuas s. huius mensis datas, non acceperim, constitutum tamen mihi erat ad te scribere officiū ratione. Indicasti mihi in tua præcedenti Epistola, Prædicatores adversari meæ Philosophiæ, idè quòd per eam lepidissimas suas Comparationes de Lumine amittant; Verùm si accuratius inquirent, poterunt multò elegantiores ex meis Principiis deducere, ideo quod iidem effectibus, ex quibus solis Comparationes istæ ductæ sunt, manentibus, solus effectus illos explicandi modus diversus est, & existimò meam esse magis intelligibilem & omnium facillimam. Ita ad explicandas qualitates corporum gloriosorum possunt dicere, esse eas similes qualitibus luminis, & conari ut bene explicent illas qualitates, & qua ratione sint in Lumine; non dicendo hos radios esse corporales, quia hoc falsum foret; neque etiam persuadere conando corpora gloriola habere qualitates illas quæ ipsis attribuantur solà vi Naturæ, quod iudem falsum foret: Sufficit enim radios esse corporales, hoc est, esse proprietates aliquorum corporum, ad persuadendum alias ejusmodi proprietates posse per miraculum poni in corporibus Beatorum. Rescivi esse Lugduni Batavorum Verbi Divini Ministrum, virum eloquentia & autoritate inter omnes suæ Professionis

conspicuum, cui nomen Hayo, qui sæpe in suggestu Philosophia mea utitur, & ex ea ducit Comparationes & Explicationes quæ optimè accipiuntur; causa est, quòd in eâ solidè versatus sit, secus quàm illi qui conqueruntur sibi veteres suas Comparationes adimi, cum potius gaudere deberent in earum locum novas substitui.

Quantum ad tua Exemplaria Libri Vietæ, jam diu ea te accepisse oportuit; nam cum D. Elzevier unum traderet D. Hogelandio mihi afferendum, dicebat, se reliqua in fasciculo Domini Petit transmisisse. Multum tibi debeo, ob id quod mihi dedisti, eoque nomine gratias tibi habeo; cæterum tantum abest ut plura expetam, ut etiam illud quod habeo, si tibi placuerit, libenter alii darem, utpote quo facile carere possum; neque quippiam in eo quod addiscere possim, contineri existimo, & jam pridem studio Mathematico valedixi. Cæterum non eò usque mihi ejus scientia periit, ut non facillimum mihi fuerit facere Analysim Regulæ Domini Roberval pro Vibrationibus triangulorum; Nam cum videam te in Epistolâ tuâ asserere semper eam experientiæ consentaneam esse, in eam inquirendum existimavi. Verùm præterquàm quòd experimenta in istis materiis nequeant esse valdè exacta, Regula ipsius, quo quidem eam proponit modo, ad instar fluminis est, quod modo extenditur modo restringitur, prout placuerit, aut veluti Oracula Dæ Syriæ, quæ in multiplices sensus detorqueri poterant; Itaque summopere miror bonitatem tuam, quòd persuaderi tibi passus sis, ei cum experimentis convenire, etiamsi tibi non dederit modum inveniendi justum ejus calculum, quem, ut puto, nec ipse novit; Est autem iste. Si habeam triangulum



ABC ad inveniendam distantiam à B usque ad centrum percussionis H , secundum regulam ipsius, uti eam mihi indicasti in Epistolâ tuâ 15. Septembris ad me data, dico, sicut perpendicularis BD se habet ad DC , quæ est semissis baseos, ita DC est alia linea quam appello N ; atque iterum uti BD se habet ad N , ita N se habet ad aliam lineam quam nomino M ; tum addendo tres vicissimas partes M

eum semisse N , & $\frac{2}{3}$ ipsius BD , habebō justum ejus quod invenitur per ejus prodigiosum calculum propositum eo modo qui vix intelligi queat.

Ex.

Ex. gr. Si DC sit æquale BD, N & M ipsi etiam æqualia erunt, & quia $\frac{1}{10}$ & $\frac{1}{2}$ & $\frac{1}{4}$ sibi juncta faciunt $\frac{7}{4}$ longitudinis funipenduli isochronæ, H erit $\frac{7}{4}$ lineæ BD. Eodem modo, si BD est 1, & DC 2, N erit 4, & M erit 16, & BH longitudo funipenduli erit $5\frac{1}{4}$, hoc est, $\frac{21}{4}$ de 16, unam semissem de 4, & tres quadrantes de uno; Et ponendo semper unum pro BD, si DC est 3, BH est $17\frac{1}{4}$; Si DC est 4, BH est $47\frac{1}{4}$; Si DC est 5, BH est 107; Et si DC est 10, BH est $1550\frac{1}{4}$, & sic de reliquis, cujus me Demonstrationem Domino de Beaune transmissurum polliceor. Poteris jam perspicere, utrum Regula ipsius cum experientia conveniat, quærendo primum ex ipso justum funipenduli in quibusdam triangulis per ejus supputationem, ut videatur utrum huic sit consentanea; Nam si eos supputare nequeat, quomodo nisi per summam temeritatem asserere poterit eam experientia consentaneam esse? & si eos bene supputet, id quod eum non posse facere existimo, certus sum, quòd tum cum ad experimentum res devenit, te eam à justo calculo longissimè distare deprehensurum. Video enim, te ponendo angulum ABC 150 graduum, asserere, BH quadruplo saltem longiorem esse quàm BD, cum tamen tricies bis longior esse debeat secundum regulam ejus. Miror bonitatem tuam, quòd patiaris tibi taliter imponi. Non mihi displicet quod acta processus Domino de Beaune inspicenda dederis; scio enim eum maxime idoneum esse ad judicium de iis ferendum, & judicio ejus non invitus acquiescam. Vale.

Tuus

DESCARTES.


EPISTOLA LXXXII.

Ad Dominum * * *

Clarissime Domine,

Nihil video in quætionibus, quarum mihi mittendarum operam suscepisti nomine Rever. P. Mersenni, ad quod existimem me non respondisse in epistola quam nuper ad te scripsi aut in illa quam ad illum direxi. Nam primò, quod ait triangulos, quorum angulus oppositus basi valde acutus est, veluti tum cum viginti aut viginti quinque gradus non excedit, facere vibrationes suas tempore æquali, sive suspensi sint eo quo proposui modo, sive eo quo ille usus est ad eos examinandos, nihil mihi respon-

respondendum suppetit, nisi, quòd differentia potest quidem esse non sensibilis in suis experimentis, at nihilominus certum esse, dari differentiam, si quidem ea adeò evidenter apparet in triangulis quorum angulus est obtusus. Tum, ad id quod à me postulat ut per regulam ei determinem, quantum durare debeant Vibrationes Triangulorum ad ejus modum suspensorum, jam antea respondi, quicquid has Vibrationes amplius retardat quàm altero modo, pro quo regulam universalem constitui, ex eo solo venit quod impedimentum aëris appellavi, cujus quantitatem non posse sola ratiocinatione determinari arbitror, at quidem experimento; & nisi fallor modum hujus experimenti faciendi olim tradidi. Exigit etiam ut determinem Vibrationem triangulorum pendentium per basin eo quo proposui modo; ad quod in promptu mihi responsio est, omnes triangulos ita suspensos habere perpendicularem suam duplam funipenduli, cujus Vibrationes sunt isochronæ. Ex. gr. Si CD est per-



pendicularis trianguli, qui se movet circa axem AB, faciendo ED æqualem EC, dico quòd CE sit longitudo funipenduli isochroni; & id ipsum ex regula quam dedi evidenter consequitur. Nam sumptis ad libitum in hac perpendiculari punctis F & H, à medio E æqualiter distantibus, tum ductis lineis FG, HI

parallelis basi, rectangulum CFG semper æquale est rectangulo CHI; & consequenter figura, cujus centra gravitatis quaerenda essent, ex præscripto regulæ meæ, ad habendum centrum agitationis hujus trianguli, foret quadrangularis & haberet centrum suum gravitatis in puncto E. Denique cum adjungit, ut ipsi dicam quid faciendum sit ad inveniendum centrum agitationis pyramidis, aut conipendentis per apicem, aut per basin, prodit se non meminisse regulæ quam ipsi miseram, quoniam illa nihil aliud continet quam quid fieri oporteat ad inveniendum centrum in omnis generis corporibus, & per consequens etiam in istis, & facillè potest ejus calculus per Geometriam poni; itaque curam ejus, si tibi placeat, Domino Roberval relinquam, expectans Instructiones quarum mihi ejus nomine spem fecisti. Nihil à te proficisci potest, quòd mihi non ardeat, utpote Tuo &c.

Hoc lit-
ra in-
ductum
erat.

Et consequenter etiam in istis. Nimirum tum cùm pyramis aut conus per apicem suspensus est, altitudo ejus debet esse secundum longitudinem funipenduli, veluti 5 ad 4, secundum regulam meam; & invenie-

tur

tur vera in omnibus conis aut pyramidibus quorum angulus qui nominatur *angulus per axem* valde acutus est, idè quòd impedimentum aëris non sit sensibile; cæterum longè aliter se res habet in istis, in quibus angulus ille minus acutus est, uti etiam in eis qui suspenduntur per basin ejus, idè quòd impedimentum tum semper sensibile est; idè neque hîc addo ubi sit centrum eorum agitationis, quod tamen inventu facile est; & Domino Roberval curam eorum quærendorum relinquendam existimavi. Expectans ejus Instructiones, maneo Tuus &c.

DESCARTES.

EPISTOLA LXXXIII.

Ad Dominum * * * *

Clarissime Domine,

INter cætera quorum nomine tibi magnopere devinctus sum etiam hoc refero, quòd nolueris me per te accipere ultimam Domini Roberval Epistolam, turque id urbanitatis effectum censeo, idè quòd Epistola illa multas continens acerbitates, doctrinæ nihil, uti tuo obtutu indigna est, ita etiam non mereatur quæ à me legatur. Voluit autem P. Merseus ut ad eam responderem, & amor ille quo ipsum me complecti certus sum, in causa fuit, ut obsequio ipsi deesse noluerim. Cæterum ne existimes me studio contradicendi tali homini quem ego non perinde ac alii æstimo, quemque jam olim novi mihi non esse benevolum, quicquam contra sententiam meam scripsisse, paucis hîc ruminabo quicquid mihi videtur dici potuisse quantum ad causam Vibrationis cujuscunque corporis. Primo, distinguo inter id quod facit movere corpus, quodque motum impedit, tum etiam inter id quod possit determinari per argumentationem, atque id quod non nisi per experimenta determinari possit. Causæ motus ejus sunt gravitas illarum ex partibus ejus quæ descendunt, & agitatio tam earum quæ descendunt, quàm earum quæ ascendunt; Causæ quæ ejus motum impediunt sunt gravitas earum quæ ascendunt & resistentia aëris, quæ resistentia duobus modis considerabilis est: Primus modus in eo consistit, quòd partes aëris possunt esse non dispositæ ad exeundum è loco suo æquè citò ac corpus, quod se movet, tendit ad eò ingrediendum, & resistentia hæc non admodum sensibilis est hîc loci, idè quòd Vibrationes corporum satis lentæ sunt;

V V

Alter

Alter modus non tam ad aërem crassum pertinet, quem respiramus, quam ad materiam subtilem quæ est in poris omnium corporum terrestrium, quæ facit, ut tum cum corpora ista perfectè sunt in æquilibrio, etiamsi ratio videatur persuadere, vel minimam vim sufficere ad ea movenda, experientia tamen doceat, vim istam debere habere aliquam proportionem cum magnitudine, & celeritate qua illa movet. Et resistentia illa locum non habet in triangulis aut aliis corporibus eo quo dixi modo suspensis, ideo quòd omnes eorum partes unà descendant aut ascendant: habet autem in corporibus planis suspensis altero modo, idè quod fere semper aliquod eorum latus adscendat dum alterum descendit, & minimum horum laterum in æquilibrio est cum portione quadam alterius quod ipsi æquale est; uti videtur mihi animadvertisse in prima Epistola quam de hoc subjecto adscripsi. Cæterum generalis gravitatis effectus est, quòd Vibrationes cujuscunque corporis debeant habere certam proportionem cum motibus cæli; idque ipsum est quod facit ut funipendulum talis longitudinis debeat facere justæ computationis mille Vibrationes, ex. gr. in una hora, & non plures neque pauciores; verùm hoc non potest determinari per argumentationem, sed per solam experientiam. Idè què nec ei immoratus sum, & saltem alterum effectum discussi, qui est diversa celeritas Vibrationum diversorum corporum, sibi invicem comparatorum, veluti tum cum triangulum confertur cum funipendolo &c. ad quod gravitas & agitatio simul contribuunt, ita ut una absque altera considerari nequeat; atque eo ipso modo eas consideravi ad concinnandam regulam antea præscriptam. Quantum ad impedimentum, quod oritur ex gravitate partium quæ adscendunt, quatenus eæ non sunt in æquilibrio cum aliis quæ descendunt, non immoratus fui ei examinando, idè quòd cum eandem in omnibus corporibus, cum agitatione, quam eædem partes acquirunt descendendo, relationem habeat, nullam id varietatem in earum Vibrationibus causari possit. Adèd ut nihil supersit nisi aëris resistentia quam in regulâ meâ expressse excepi, idè quòd quantitas ejus non possit per ratiocinationem sed saltem per experientiam determinari; sed & præscripsi rationem istius experimenti faciendi, & præmonui, quo sensu corpora plana debeant esse suspensa, ut impedimentum hoc ibi tantò minus sit sensibile. Adèd ut hætenus non animadvertam me quippiam huic regulæ posse vel addere vel detrachere. Et sicut D. Roberval imprudenter egit, quod se imaginationibus superfluis implicaverit, considerando centrum gravitatis in corpore quodam suspensio, & directionem omnium punctorum ejus relatorum ad nescio quam

per

perpendicularē, ad determinandum per argumentationes suas quæstionem quandam quæ in solo facto consistit. Videtur insuper mihi absque ratione dici, quòd regula mea experientia refragatur, ideo quòd experientia doceat, id quod ab ea excepi, re ipsa ab ea excipi debere; meque accusari, quod eas vias per quas ille deviavit non sim secutus.

Quantum ad difficultatem quæ tibi occurrit in articulo 153. quartæ Partis mætorum Principiorum, conatus sum eam removere per articulum 56. secundæ Partis, ubi demonstro, corpus durum, utut magnum, posse determinari ad se movendum per minimam vim, tum cum à corpore fluido circumdatur; veluti hic ær ambit adamantes O & P, & vis quæ ipsos determinat ad appropinquandum sibi invicem, est, quod ær qui inter ambos est versùs S, fortius propellitur per materiam subtilem, quæ egreditur ex illis duobus adamantibus, & quæ conjunctim contra illum agit, quàm propellitur ille qui est versùs R & T per materiam subtilem, quæ ex uno saltem istorum adamantum egreditur; unde fit, ut ær iste progredi debeat ab S versùs R & T, atque ita propellere adamantes O & P unum versùs alterum. De reliquo, Domine, gaudeo primam difficultatem quam mihi proposuisti, esse in artic. 153. ultimæ Partis, id enim testatum reddit, te in præcedentibus nullam invenisse; Nihil autem magis ambio, quàm ut digneris honore amicitia tuæ

Tui humillimum cultorem

DESCARTES.

EPISTOLA LXXXIV.

Ad Reverendum Patrem Merseñnum.

Reverende Pater,


Percipio ex Litteris tuis 17. Februarii ad me datis, supponere te, me tibi mittere regulam pro Vibrationibus triangulorum tuo modo suspensorum, quæ sane intentio mea non fuit, sed saltem ut tibi demonstrarem fallitatem illius quam tibi tradidit D. Roberval, extricando calculum suum, & tibi demonstrando, eum si iustè ponatur, plane alium esse ab eo qualem eum tibi persuadere conatus est; Adeo ut pro eo quòd dicit angulum 150. graduum dare 4, ille det plus quàm 32 ex præscripto calculi sui, si iustè ponatur eo quo ipse eum poni vult modo, quem saltem in modum alium multo faciliorem transuli, ut iusta possit fieri

V v 2

cal:

calculi positio. Quodque tibi dixeram posse me demonstrare, nihil aliud est, nisi quoddam regula ejus intricata, eundem det numerum, si exactè ponatur ejus calculus, quem dat altera regula quam tibi transmissi. Cæterum neutra earum relationem habet ad Vibrationes triangulorum. Et ut fingere nequeat, me quicquam hallucinatum esse mutando aliquam regulæ suæ circumstantiam, transcribam eam hîc verbotenus, uti tu eam misisti in epistola quadam 15. Septembris 1646. ad me data; tu videbis utrum illa congruat.

Dividatur arcus DI in tot arcus æquales pro libitu (quo plures eò melius, & divisio infinita dabit justum) posito, eum divisum esse per gradus. Sumantur secantes, unius, duorum, trium graduum, &c.



Ex singulis istarum secantium desumatur cubus, & jungantur omnes cubi ad extrahendam eorum summam. Tum sumatur summa dictarum secantium, quæ multiplicetur per sinum totalem, ut habeatur productum hujus multiplicationis. Per productum illud dividatur summa dictorum cuborum ut habeatur quotiens hujus divisionis. Denique per regulam trium fiat sicut sinus totalis ad hunc quotientem, ita $\frac{2}{3}$ lineæ BD ad quartum aliquem, quæ erit distantia à B usque ad centrum percussionis appellatum H . Dico ergo, quoddam si Angelus quidam (nam hominis vires labor iste superat) velit suscipere curam dividendi arcus DI in tot partes quæ sint omnino insensibiles, & deinde perficere totum calculum propositum per hanc regulam, summa quam inveniet, eadem erit cum illa quæ invenitur per calculum à me tibi transmissum; Itaque si angulus ABC sit 150 graduum, BH non erit saltem quadruplum BD , uti tibi voluit

voluit persuadere, sed etiam tricies-bis longior; Ejus ego pollicitus sum me transmissurum demonstrationem.

Sine dubio hallucinatus sum, si posui BC pro DC; Sequitur ex Principiis meis agitationem materiæ subtilis debere majorem esse in loco ubi est punctum reflexionis, in speculo quodam parabolico, idè quod lumen ibi majus sit. Et demonstravi in Dioptrica mea, quòd si duo specula sint inæqualis magnitudinis & figuræ ejusdem, majus illud non fortius uret minori *intensivè*, sed saltem *extensivè*, sicuti carbo exiguus tam urit *intensivè* quàm magnus ex eodem ligno. Vale.

Tui observantissimus

DESCARTES.

EPISTOLA LXXXV.

Ad Reverendum Patrem Merfennum.

Reverende Pater,

EXcefferunt circiter tres Septimanæ ex quo litteras dedi ad D. Cauendische super difficultatibus à se propolitis, nec dubito cum tibi eas inspiciendas exhibuisse, idè quòd in eis mentionem fecerim earum quas tibi scripseram antea de eodem subjecto. Itaque nihil hîc repetam, nisi quòd magna differentia quæ est inter Vibrationes angulorum obtusorum, aut eorum qui per bases suas suspenduntur, & calculum, quem posueram pro omnibus in universum triangulis, nullam aliam causam habeat, quàm eam quam appello resistantiam aëris, quæ, ut antea me monuisse memini, multo considerabilior est in angulis obtusis quàm in aliis. Credo autem quantitatem hujus impedimenti non posse determinari per experientiam. Ideoque saltem consideravi triangulos suspensos per unum angulum, & tum cum basis eorum manet parallela axi circa quem se movent, ad reddendum impedimentum minus sensibile: neque enim tantum mihi præsumo, ut statim coner rationem reddere omnium eorum quorum fiunt experimenta; Existimo autem præcipuam artem examinandorum experimentorum in eo consistere, ut deligantur saltem ea, quæ à minori causarum diversitate pendent, & quorum facillimè ingenuæ rationes investigari queunt.

Mitto tibi quædam mendorum, quæ in Aristarcho annotavi, dicamque tibi inter nos tot mihi suppetere argumenta quæ tenuitatem eruditio-

nis & ingenii Authoris ejus confirmant, ut satis mirari nequeam ipsum tantam sibi Parisiis famam acquisivisse; Nam præter inventionem ejus Rotulæ, quæ adeò facilis est, ut à quovis alio inveniri potuerit, qui ei inveniendæ operam dare voluisset, nihil unquam ab eo editum scriptumve vidi quod debilitatem ejus non ostenderit. Veluti primò, id quod scripsit contra me ad defendendam regulam D. Fermatii, ubi multa inutilia congeffit; Deinde tum cum videbatur sibi deprehendisse quandam omissionem & errorem quendam in mea Geometria, in quorum tamen utroque ipsemet cœcavit. Denique tum cum ipsi misissem solutionem trium quæstionum quam fatebatur se invenire non posse, quarumque quæstionum ne quidem solutionem capiebat, nisi operâ D. de Beaune adjutus fuisset, etiamsi vim magnam papyri consumperit, ad tentandum exiguum calculum, quem de industria omiseram, reque infectâ discesserit. Non addam, quod nunquam potuerit invenire quæstionem quam D. de Beaune omnibus proposuit, & cujus præter me nemo ipsi solutionem misit, erat enim satis difficilis. Verùm etsi nihil unquam scriptorum ejus inspexissem quàm solum Aristarchum, ubi supponit, *tamquam ex Mechanica, vel Geometria, vel Optica Principiis notissima*, ejusmodi res, quæ apertissimâ falsitate laborant, aliud de illo judicium ferre nequirem, quàm quòd sibi met multo doctior videatur quàm revera est, quodque potius sub larvâ viri eruditi & contemnendo alios famam sibi acquisiverit, quàm ullo ingenii fœtu eâ se dignum reddiderit. Non opus est ut veniam petas respondendi ad id quod tibi contra Librum ejus mitto; suo quippe jure id facturus est, etiamsi id nollem, uti & ego meo jure dicam quod sentio de eo quod in mea Geometria reprehendendum invenit, si mihi fiat ejus inspiciendi copia. Ignoro autem hæcenus quippiam in ea contineri quod aliter scriptum vellem, neque in quo sive quoad Methodum, sive quoad rerum veritatem erraverim; Omisi saltem plura, quæ ei magis elucidandæ inservire potuissent, quod data operâ feci, & aliter fecisse nollem. Cæterum, cum ex aliquibus tuarum præcedentium Epistolarum animadverterim, inhonorificam apud te ejus mentionem factam esse, hoc tibi addam, neque Dominum Roberval, neque eorum quenquam qui eo ingeniosiores non sunt, idoneos esse qui toto vitæ suæ curriculo addiscant omnia quæ in illâ continentur; adeoque non opus esse ut eam reficiam, neque ut ei quippiam addam, quo posteritati efficacius commendetur. Nihil antea aliud me stimulavit ad eam reficiendam, quam ut eam elucidando legentium studiis consulere; video autem maximam eorum partem adeo malignam esse, ut tædium mihi subre-

subrepat. Vidi dum haud ita pridem Lugduni Batavorum essem, *Bona-venturam Cav.* verum solas ejus propositiones percurri quadrantis horæ spatio, idè quod Schotenus junior quem Parisiis vidisti, quique ad præsens loco Patris defuncti Professoratus munere fungitur, mihi asseruerit, istum Cavallieri nihil aliud agere, quàm ut novo quodam modo demonstrèt res alibi sæpius demonstratas, istumque novum modum nihil aliud esse, quam eorum unum, quibus usus sum ad demonstrandam rotulam, supponendo duos triangulos curvilincos differentes esse æquales, idè quòd omnes lineæ rectæ ductæ eodem sensu in utroque eorum erant æquales; Quod si ita sit, clavis quæ cæpit aperire ingenium D. C. quod tu antea mihi indicasti, nondum omnes modos habet quos habere debet, & ingenium ejus sine dubio multis adhuc adminiculis eget. Ego enim multò plura novi majoris ponderis, quorum vim magnam in meam Geometriam contuli; ille autem ea non facile inveniet, neque intelliget unum ex illis nisi prolixo volumine explicatum. Si tibi D. Picotii dabitur videndi occasio, referes ipsi meo nomine, me ejus accepisse litteras, sed non mihi dum vacare ipsi mittere reliqua Versionis ejus, idè quòd integro anno isto, quo versor in isto articulo, non potuerim defalcare quadrantem horæ, ad elucidandas quodammodo meas de motu regulas. Tantum me tædium componendorum librorum occupavit, ut ad id animum applicare nequeam; neque tamen committam, quo minus illi à me petita intra quatuordecim dies mittam, & remaneo ejus cultor, &c.

Rev. Pater,

Tui observantissimus

xx. April. 1646.

DESCARTES.

EPISTOLA LXXXVI.

Ad Reverendum Patrem Merfennum.

Reverendissime Pater,

AGrè admodum me accingo ad judicium ferendum de iis scriptis, de quibus salvâ veritate dicere nihil possum, quod eorum authoribus placitum putem; Eâque in re valde dissimilis sum plerisque aliis, qui tum demum silent, cum nihil possunt invenire, nec quidem fingere, quod reprehendant. Idcirco non scripsi antè hac quid notassem in subditio illo Aristarcho, de quo quid sentirem petieras, quamvis duo ejus
exem-

exemplaria duabus diversis viis, eo fine à te transmissa, dudum acceperim. Sed quia iterum urges, moneſque illius authorem dicere ſe aliquos errores in iſis quæ de Geometria ante novem annos in lucem edidi reperiſſe, ut cum ad errores illos meos mihi indicandos invitem, cogor hîc paucis exponere quid mihi de ejus ſcripto videatur.

Quoties aliquid aſſumimus ad aliud explicandum, ſemper id quod aſſumimus iſto alio probabilius, evidentius, ſimpliciusque, vel quocumque modo notius eſſe debet, alioqui nihil lucis ei poteſt afferre; Si quis autem pro ſingulis quæ voluit exponere, non modo totidem alia æque ignota, ſed multò plura, & minùs credibilia ſuppoſuit, ac præterea ex iſis quæ ita ſuppoſuit, ea quæ voluit concludere non ſequantur, certè præterdere non debet ſe aliquid egregii præſtititſſe.

Tria autem dumtaxat ad ſyſtema mundi pertinentia, & alia tria quæ ad illud propriè non pertinent, in toto iſto Libro notavi, quorum cauſas reddere author conatus ſit. Primum eſt, quod Sol & Terra, & alæ inſigniores partes univerſi, quendam inter ſe ſitum ſervent; Secundum, quod eandem circulariter moveantur; Tertium, quod earum tamen motus non ſint perfectè circulares, ſed aliquid irregularitatis contineant, ad quod ultimum referuntur ea omnia quæ de Lunæ declinatione, de Apogæis & Perigæis, atque de præceſſione æquinociorum operoſè diſſeruit. Alia tria ſunt, de æſtu oceani, de generatione Cometarum, quos tanquam Meteora conſiderat, & de apparentiâ eorum caudæ; Reliqua omnia quæ ibi habentur ex Copernico vel Keplero, exſcripta ſunt, & nulla ratione illuſtrantur, ſed tanquam vera atque indubitata ſupponuntur; Ut, quod materia Cælorum ſit fluida, quod planetæ omnes circa Solem moveantur, quod Terra ſit etiam inter planetas; & ſimilia.

Ut autem primum quod eſt de ſitu partium Univerſi explicet, ſupponit primò, Solem potenter calefacere, ac materiam ex quâ mundus componitur eſſe fluidam, liquidam, permeabilem, diaphanam, quæ vi caloris majoris aut minoris rarior aut denſior effici poſſit. 2. Corpus denſius immiſtum rariori liquido manere non poſſe, ſed ferri ad partes liquidi denſiores, ſi liquidum iſtud diverſæ ſit denſitatis. 3. Toti materiæ Mundanæ, & ſingulis ejus partibus ineſſe quandam proprietatem, vi cujus tota illa materia cogatur in unum corpus continuum, cujus partes omnes continuo niſi ferantur ad ſe invicem, ſeſequæ reciproce attrahant, ut arctè cohæreant. 4. Denique aliam ineſſe præterea ſimilem proprietatem omnibus & ſingulis terræ, aquæ, ærisque partibus, vi cujus ad ſe invicem ferantur, & ſe reciproce attrahant; Ad id ut hæc (ſimilique etiam modo


modo aliz omnes quæ aliquos planetas componunt, vel circumdant) singulæ duas ejusmodi habeant vires, unam quæ ipsas cum aliis partibus sui planetæ, aliam quæ easdem cum reliquis partibus Vniversi, conjungat. Quæ sanè omnia minus intelligibilia sunt uno illo mundi partium situ, quem ipsorum ope vult explicare.

Nam 1. non magis experientiâ constat Solem calefacere, mundi materiam esse fluidam, liquidam, permeabilem, diaphanam, atque vi caloris multa corpora posse rarefieri, quam constet eâdem experientiâ Solem & alia sydera cum inter se situm habere, quem revera habent; Multòque facilius intelligimus quomodo ex eo solo quod ab initio cum situm habuerint, nec detur ratio, cur illum postea mutarint, sequatur eundem adhuc ab iis retineri, quam quomodo Sol calefaciat, & ex ejus calore sequatur rarefactio. Videmus enim necesse fuisse, ut ab initio omnia corpora aliquem inter se situm haberent, & quia non apparet causa cur alium potius quam hunc haberent, nulla etiam est querenda cur hunc habuerint; Non autem ita videmus Solem debuisse calefacere, nec quid sit calor, nec quid sit esse fluidum, liquidum, permeabile, diaphanum; quid sit rarefactio, nec quomodo hæc sequatur ex calore; quin imo docet etiam experientia, quædam corpora vi caloris non rarefieri, sed potius condensari, ut videre est in glacie, quæ si modicè incalescat, vertitur in aquam se densiorem.

Atqui longè absurdus est quod præterea supponit, nempe, corpus densius immittum rariori liquido manere non posse, sed ferri ad partes liquidi densiores; Ad hoc enim intelligendum, necesse est imaginari unumquodque corpus, sive unamquamque particulam materiæ Mundanæ, quæ alterâ sibi contiguâ densior vel rarior esse potest, habere in se ipsâ principium motus, hoc est esse animatam animâ sibi peculiari, vulgo enim anima dicitur esse principium motus.


Denique absurdissimum est quod addit, singulis partibus materiæ Mundanæ inesse quandam proprietatem, vi cujus ad se invicem ferantur, & se reciprocè attrahant; Itemque singulis partibus materiæ Terrestris similem inesse aliam proprietatem, respectu aliarum partium Terrestrium, quæ priorem non impediat: Nam ad hoc intelligendum necesse est, non modo supponere singulas materiæ particulas esse animatas, & quidem pluribus animabus diversis, quæ se mutuò non impédiant, sed etiam istas earum animas esse cogitativas, & planè divinas, ut possint cognoscere quid fiat in locis longè à se distantibus, sive ullo internuntio, & ibi etiam vires suas exercere.

* Nam vires istas tales esse supponit, ut si exempli gratia S est Sol; T terra; AA aër terram ambiens; DD sint partes Cœli densiores; & rr rariores; ut inquantum singulæ terræ T particulæ tendant versùs DD,



atque ut è contra omnes particulæ aëris circumfusi tendant versùs rr; licet propter alias vires, quæ omnes aëris partes terræ annectunt, ab invicem non sejungantur, & ideò maneant simul suspensæ inter DD & rr. Quâ autem ratione possunt singulæ terræ particulæ divinare sibi tendendum esse versùs DD, potius quam versùs rr, quò totus aër circumfusus tendit; & quâ vi possunt materiam quæ est versùs DD, reciprocè ad se attrahere, nisi præditæ sint cognitione & potentiâ planè divinâ.

Si liceat hoc pacto vires quaslibet in singulis corporibus imaginari, non erit profectò difficile aliquas excogitare, quæ sint tales, ut iis positis quivis datus effectus evidentissimè sequatur; Sed tamen ex omnes, quas author noster supposuit, non sufficiunt, ad id quod voluit inferendum; Nempe, materiam Mundanam cogi debere in perfectum globum, in cujus centro sit Sol, qui eam inæqualiter rarefaciat, magis scilicet prope se, quam in locis remotioribus. Nam contra ex iis concludi debet omnes densiores materiæ partes versùs centrum confluere, rariores autem versùs



circumferentiam; Aded ut si Solis corpus aliquo modo sit durum, quale postea supponit, figura mundi debeat esse gibbosa, & habere Solem in summitate illius gibbi. Ita scilicet ut si O, sit centrum mundi, ad quod densissimæ materiæ partes confluerunt, tantumdem quidem sit materiæ inter hoc centrum, & mundi circumferen-

ferentiam CC, in unâ parte quam in alia; Sed nihilominus ista circumferentia remotior sit à centro in eâ parte in quâ est Sol S, quam in reliquis, quia Sol materiam omnem sibi vicinam facit rariorem, majusque ideo spatium occupantem.

Quæ sequuntur in toto reliquo libro meliora non sunt, & si unquam operæ pretium sit, demonstrabo; Sed cum ferè tantum de quatuor primis ejus paginis hic egerim, si reliqua eodem modo examinanda suscipierem, non possemus sine tædio ego scribere, tu legere tam multa; Quapropter hac vice nihil his addam, nisi me esse ex alle tuum.

Egmondæ xx. Aprilis 1646.

EPISTOLA LXXXVII.

Ad Reverendum Patrem Merseannum.

Reverendè Pater,

Nisi verum esset quod scripsi de Aristarcho, cujus tibi haud ita pridem Censuram misi, bilis ipsi tantopere non moveretur: Veritatis enim compunctiones sensit, & indignatio quod solidis ad se defendendum rationibus destitueretur, causa fuit ut acrius in me inveheretur. Arguit me primo Contradictionis: At propria ejus verba sufficiunt ad testificandam injustitiam accusationis suæ. *Vide supra M usque ad B.* Nego etiam intuitu agitationis corporis suspensi esse in eo perpendicularem aliquam cæteris præstantiorem, adeò ut directio omnium punctorum hujus corporis ad ipsam debeat referri, uti prætendit Aristarchus; Verum facile largior, centrum hujus agitationis in eadem perpendiculari esse, ad quam hanc directionem referri voluit, neque in eo ulla species contradictionis apparet.

Ait deinde, non se in animum induxisse dare mihi suas demonstrationes, neque auctoritatem suam pro objectione obtrudere. Eoque modo fatetur trientem primi scripti ejus, quod præter hoc nihil aliud continet, inutile esse, nimirum ab his verbis: *Concipimus nos*, &c. usque ad illa: *Sed nimis longa est demonstratio nostra*, &c. ubi vocabula *Nos* & *Nostra*, mihi in memoriam revocant Capitaneum Comœdum, & poterit ipse regei, uti illi Terentii: *Labore alieno partam gloriam verbis sape in se transmittit, qui habet salem, qui in te est.*

XX 2

Tertiò

Tertiò ait se diversas res defendere: Verùm cum nullam probet, possunt ex adjungi præteritæ ejus demonstrationi, quam reservat *in pectore*, & in numerum Eloquiorum Capitanei referri.

Quartò, persistit in errore primi scripti sui, ubi prætendit, id quod vocatur Centrum gravitatis quid contribuere ad determinationem ejus quod centrum agitationis appellavi; Et sane magistraliter admodum id defendit, eudendo Principium Mechanicum, quod vult à me honorari tanquam Oraculum quod ex ore suo prodiit. Principium ejus imaginarium est, quod si idem corpus per duas diversas Vires feratur, unaquæque earum centrum suum particulare habeat; quod ajo generaliter verum non esse; Nam cum hæ diversæ vires aded junctæ sint, ut una omninò ab altera pendeat, sicut hîc loci, ubi agitatio ex gravitate pendet, non possunt habere nisi unum centrum. Et in eo quidem consistit error ejus, quòd sibi imaginetur punctum quod appellatur centrum gravitatis aliquid absolutum esse, quod semper eandem in corporibus gravibus vim retineat, cum tamen sit relativum, neque Centrum gravitatis possit appellari, nisi quatenus omnes partes corporis in quibus est, æqualiter liberæ sunt ad descendendum, aut æqualiter impeditæ. Itaque hîc, ubi latus mobilis per quod suspensum est, minus liberum est reliquis, centrum hoc gravitatis locum mutat, neque à Centro agitationis differt. Quod evidenter constabit, si consideretur, gravitatem & agitationem esse duas vires, quæ concurrunt ad efficiendum ut corpora descendant in linea recta, quando sunt libera, sicut etiam ad efficiendum, ut vacillent progrediendo redeundoque de latere uno ad aliud, cum suspensa sunt; & tamen duas istas vires non habere nisi unum gravitatis Centrum. Aded ut punctum quod appellatur centrum gravitatis in corpore quod in aëre liberè descendit, sit etiam centrum agitationis quam tum habet; Et punctum, quod appellavi centrum agitationis in iis quæ suspensa sunt, potest etiam appellari centrum gravitatis, quatenus ita suspensa sunt.

Cæterum quod ait experientiam constanter refragari meis Conclusionibus, falsissimum est: In Conclusionibus enim meis excepi id quod dixi posse appellari impedimentum sive resistantiam aëris, aut tarditatem naturalem corporum, aut ut periphrastice loquar, impedimentum quod partes illæ quæ sunt in æquilibrio creant motui illarum quæ in eo non sunt. Cujus impedimenti quantitatem dixi non aliter posse determinari quam per experimentum; sed & dimidiam Epistolæ meæ primæ partem impendi docendo medio faciendi hoc experimentum. Denique dixi, saltem

saltem in corporibus planis suspensis eo quo dixi modo impedimentum illud non esse sensibile; Itaque ut experientia conclusionibus meis omnino conveniat, oportet ut calculus quem posui non inveniatur verus quàm in casu, quo dixi hoc impedimentum non esse sensibile & ut in omnibus aliis Vibrationes sint tardiores: Et quia hoc experientia confirmatur, necessariò consequitur experientia Conclusionibus meis omnino esse consentanea. Sed è contrario Aristarchus dum se jactat ratiocinationibus determinasse, quod non nisi per experimenta determinari potest, testatum facit, non satis se intelligere quid dicat, & ferè nihil scire in hac materiâ, quàm quod ex meis litteris hausit; in eo saltem valdè ingeniosus est, quod Demonstrationes suas in pectore referret, quominus earum nexos detegam.

Quantum ad id quod ad calcem adjicit, quod ipsi prolixitatem ejus exprobraverim, à risu me continere non potui; In memoriam mihi quippe revocavit Nanum, qui, cum audiret quempiam in crassum ipsius caput jocantem, id sibi in gloriam trahebat ratus sibi nimiam suam magnitudinem exprobrari. Dixi in transitu potuisse eum multa supervacanea prævertere, si proposuisset sectorem circuli, loco sectoris cylindri, quo ipsum modeste commonefacerem, superfluum esse quicquid de hoc cylindro scripsit, neque ad quicquam conducere, quam ad Lectorem tricus implicandum; Atqui jocatus sum, videns scriptum trium foliorum, cujus inutiles præfationes plus duorum spatium replent, nimirum ad hæc usque verba: *Defectus hujus ratiocinationis*, &c. Adeò ut sit Nanus tam monstroso capite, quod reliquum corpus magnitudine bis superat, & in quo toto parum sani sensus invenitur. Hoc est quod appellat exprobrare ipsi prolixitatem suam.

Cæterum neque risum tenere potui videns ejus Conclusionem, in qua comminatur Geometriæ meæ, & illis quæ scripsi contra Aristarchum; Redii quippe in memoriam Capitanei Comici, qui etiam prostratus non desinit se jactare, seque victorem & invictum venditare.

Primum periculum armorum suorum contra me factum, illud fuit quo defendere conatus est regulam *ad inveniendam maximam*, in qua dixeram aliquid deesse; Verùm adeò malè rem egit, ut D. Fermatius Author regulæ eam ejuraverit, inferendo artificiosè Responsioni suæ ea ipsa quæ deesse dixeram.

Alterum fuit, cum sibi imaginaretur animadvertisse omissionem & errorem in mea Geometria; ubi clarissimè docui eum in utroque falli.

Pro tertio numerare possem vim magnam quæstionum Geometricarum, quas mihi postea ejus nomine misisti, quarum omnium tibi solutiones transmisi tales quales dari poterant; Et cum earum aliquas impossibiles deprehenderem, animadverti proponere eum mihi talia quæ ipsemet ignorabat, quò ea gratis addisceret; Quamobrem à te petii ne mihi impostero quæstiones ullas ejus nomine mittas, nisi prius ipse fateretur se eas resolvere non posse; ejusque generis tres mihi misisti, quarum solutionem prima sequenti occasione tibi remisi. Et ut indagarem quò usque se extenderet ejus scientia, reliqui duos calculos non absolutos, è quibus se nunquam extricare potuit, sed opus habuit, ut D. de Beaune ipsum doceret modum illos absolvendi.

Quantum armorum suorum in me factum periculum est quæstio quam idem D. de Beaune postmodum utrique nostrum proposuit, quam solvi; ille verò nunquam ejus quippiam enodare potuit. Post tot diversatamina, quæ ipsi adeò malè successerant, si noluisset mihi reddere id honoris quod deberet, saltem micam tranquillitatem non turbasset, si quidem modestior fuisset; Verùm cum tractu temporis se adhuc jactaverit, se quippiam in mea Geometria culpandum invenisse, volui ipsum adigere ut esset quaecunque illud esset: Eoque fine tibi indicavi quod mihi perstringendum videbatur in primis paginis Aristarchi, in quibus tot sunt menda sano sensui repugnantia, ut mallem non componere Libros, quam ansam dare litteratis ejusmodi de me cum veritate asserere; Ipsi verò, etiamsi hæc omnia ante octo menses acta sint, placeret tamen persistere in vanitatibus suis & fulgura è pelvi stringere; Quæ etiam mihi causa est, ut persistam adeò contemnere quæcunque dicturus est, ut neque in posterum lectione dignaturus sim quicquid ab ipso scriptum erit, nisi aut tu aut alius earum rerum satis gnarus, me certum faciat ea lectu digna esse, cumque melius quàm solebat scopum attigisse. Vale.

Tui devotissimus cultor

DESCARTES.

EPISTOLA LXXXVIII.

Litteræ D. Clerfelier (lectæ in Conventu D. Montmor 13. Julii 1658. sub nomine D. Cartesii, quasi ipse eam olim ad amicorum quempiam scripsisset) complexæ respon-
sionem ad difficultates quas D. de Roberval in
absentia sua proposuerat de Motu in plano.

Vir Clarissime,

Summo jam studio conatus fui resolvere, aut potius prævenire difficultates, quas mihi moves de impossibilitate motus partium materiæ in plano, qui pluribus Principiorum meorum locis satis, ni fallor, evidenter, prout subjecti mei ratio ferebat, elucidavi omnia quæ in iis repugnantiam aut difficultatem quandam parere videbantur. Verùm cum videam, me etiam tantâ adhibitâ operâ, imposuere nequuisse, quominus etiam viri satis ingeniosi in easdem difficultates inciderent, omni studio hîc eas averruncare conabor. Et quoniam existimo, id ex eo solo evenire, quòd non bene capiatur integra systematis mei æconomia, & series rationum, quæ inserviunt ad docendum, quomodo hoc fieri possit; Ob oculos tibi reponam quicquid in eum finem necessarium judicavero, & quicquid mihi cogitationes tuis plane contrarias inspiravit, & tanquam facilia repræsentavit, in quibus tu repugnantiam inveniebas. Si quicunque aliquid mihi objiciendum habent tuo more agere vellent, satis me jam explicavi, ut credendi causam habeant, me omnem operam impensurum quo illis satisfaciam; Sed maxima pars satis habet me inauditum & eo ipso quod non audierint, condemnare, quidam etiam in disputationibus perpetuis delicias quærerent, & in dissertationibus, quarum sensus cum ipso verborum sono evanescit; cui oneri fateor me nunquam cervicem præbere voluisse; Id quod sine dubio haud ita pridem quendam ex peritissimis Galliæ Mathematicis adduxit ut crederet, nihil mihi suppetere ad difficultates suas (quæ tuis omnino erant consentaneæ) respondendum, ideo quod in arenam cum illo descendere noluerim in domo viri cujusdam primariæ conditionis, & in consortio satis honesto; Cæterum id saltem in eum finem feci, ut eum ad scribendum astringerem, ad quod ipsum invitabam, quod tamen ab ipso hæcenus impetrare non potui; Addeò ut si causam habeat se jactandi, quòd me tum Responsionis egentem deprehenderit, ego ex meâ parte gloriari possim, quod ipsi

ipsi tantum terroris injecerim ut scribere non audeat. Verum interea temporis, dum ille animum resumat, delectabo te & me ipsum Respon-
sione quam tibi debeo, affigendo modò animum tuum considerationi
Entium hujus mundi, modo cum in Orbem planè novum decambulatum
deducendo.

Animadverto primùm, omnia corpora Universi esse composita ex
eadem materia, eamque materiam consistere in sola extensione, longitu-
dine, latitudine & profunditate, quæ talis est ut quælibet suarum par-
tium semper occupet spatium adeò proportionatum ad ejus magnitudi-
nem, ut majus implere nequeat, neque se in minori includere, & impe-
dire ut dum illa in eo est, nulla alia ibi locum habere possit.

2. Addo hanc materiam posse dividi in numerum indefinitum par-
tium, quarum singulæ capaces sunt innumerarum varietatum figurarum
& motuum.

3. Nullam statuo realem differentiam inter hanc materiam, atque id
quod Philosophi *spatium* appellare solent; idè quod utrumque non
aliter concipiam, quam sub notione rei extensæ in longitudinem, latitu-
dinem, & profunditatem. Et si quis realem aliquam inter ea stabilire
vellet, nihil ad propositum meum faceret, quod est, evidenter demon-
strare omnes Naturæ effectus; cum nunquam de isto spatio loquar, quàm
ut de re aliqua abstractâ, quam mens mea considerat; quodque materiam
istam supponam tanquam verum corpus perfectè solidum, quod omnino
& æqualiter implet omnes longitudes, latitudines & profunditates
immediati illius spatii, quod Philosophi imaginarium appellant, & quod
nobis pro infinito venditant; Et sane fides ipsis adhibenda est, cum
ipsimet id excogitaverint.

4. Perspectu facile est, me vacuum admittere non posse, siquidem
vacuum illud, cujus à me fides exigeretur, easdem condiciones habiturum
esset, quas materiæ tribuo, atque ita meâ sententiâ verum esset cor-
pus; Præterea cum supposuerim, totum spatium vero corpore, aut ma-
teria perfectæ solidâ, cujus partes neque extendi, neque contrahi
possunt, repletum esse, impossibile est, ut aliquod vacuum in Naturâ
concipere possim.

5. Etiam si supponam hanc materiam neque formam terræ habere;
neque ignis, neque aëris, neque cujuscunque alterius rei magis particu-
laris; sicuti nec qualitates caliditatis, frigiditatis, siccitatis, humiditatis,
levitatis aut gravitatis; neque etiam ullum in eo gustum, odorem, so-
num, aut colorem, aut lumen, aut simile quippiam in cujus natura dici
possit

possit dari aliquid quod non evidentèr ab omnibus cognoscatur, supponam, non tamen cogitandum est, esse eam primam istam materiam Philosophorum, quæ ad eò suis formis & qualitatibus spoliata fuit, ut nihil reliquum habeat, quod clarè intelligi queat; Ea verò natura quam huic materiæ tribuo, adeo evidens est, & omnes ejus proprietates, nimirum, ejus divisibilitas, magnitudo, figura, situs, & motus partium ejus, ita intelligibiles sunt, ut nihil sit, quod vel vulgus hominum clarius & distinctius concipere possit.

6. Cæterum ad evitandas omnes Contentiones cum Philosophis hujus mundi, permittite jam paulisper menti tuæ ut egrediaur, & consideret quid possit evenire in alio quodam plane novo, si quem ipsi crearem in spatiis istius imaginariis, nihil ibi plus supponendo, quàm quod jam dixi; Et perspicies, etiam nullis aliis quàm ordinariis Naturæ legibus ibi receptis, eas fore idoneas ad efficiendum, ut partes hujus vastæ materiæ, (aut si mavis chaos istud) sese per semet ipsas ab invicem separent, eoquò ordine disponant, ut habeant mundi formam perfectissimam, in quo non saltem videri possit Lumen, verum etiam omnia alia tam generalia quàm particularia, quæ comparent in vero hoc mundo.

7. Antequam hæc tibi fusiùs explicem (quod aliquando facturus sum, cum id à me petas, satisque hæc vice habebò differere de eo quod inservire potest ad elucidandas præsentès difficultates vestras) considera parumper Chaos istud, & nota, nihil illud continere, quod tibi non perfectè cognitum sit, quodque nec te ignorare fingere possis. Quantum enim ad qualitates quas in eo posui, si quidem ad eas attendisti, supposui eas saltem tales quales tu eas concipere potes; Et quantum ad materiam ex qua id composui, nihil in creaturis inanimatis cognitu simplicius & facilius inveniri potest; Et *idea* ejus, nimirum, *extensio*, adeo comprehensa est in omnibus illis quas formare potest nostra imaginatio, ut aut necessario eam concipere debeas, aut nihil unquam concipias.

8. Attamen, cum Philosophi ad eò sint subtiles, ut difficultates repèriant etiam in illis rebus, quæ aliis hominibus perspicuè videntur, quodque recordatio quæ tibi restat primæ eorum materiæ (quam ipsimet fateantur captu difficilem esse) posset te avertere à cognitione ejus de quâ ego loquor, dicendum est hîc loci, omnem, ni fallor, difficultatem, quam in sua deprehendunt, ex eo solo provenire, quòd etiam distinguere velint ex propria ipsius quantitate & externa ejus extensione; Per me autem credant se veritate niti, neque enim id agendum existimo ut eis contradicam; sed mirari nolint quòd supponam, quantitatem materiæ à me

descriptæ non magis à substantia differre, quam numerus differt à rebus numeratis; Et quòd considerem extensionem ejus, aut proprietatem quam habet ad occupandum spatium, non ut *accidens*, sed ut *veram ejus formam & essentiam*; Neque enim negare poterunt eam hoc modo captu esse facillimam; neque jam animus est eorum exemplo explicare res quæ effectu sunt in vero mundo; sed saltem fingere mundum ad placitum, in quo nihil sit, quod vel crassissima ingenia capere nequeant, & qui tamen eo quo finxi modo creari possit. Si in eo vel tantillum ponerem quod obscurum esset, posset fieri, ut in obscuritate illa lateret quædam repugnàntia, ad quam non attendissem, atque ita incogitans impossibile quid supponerem; Cum tamen distinctè concipiendo quæcunque eò confero, indubium sit, quòd etiamsi nihil ejusmodi in veteri mundo esset, Deus tamen illud in novo quodam creare posset; Constat quippe posse eum creare quicquid clarè & distinctè concipere possumus.

9. Cavebo itaque, ne quorundam exemplo in compositione systematis supponam ejusmodi res, quæ conceptu æquè difficiles, aut etiam difficiliiores sunt eò, quod per illas explicare satagunt: Itaque nec supponam Solem esse summè calidum, neque materiam ex qua mundus constat, fluidam, liquidam, permeabilem, & diaphanam, atque insuper ejus naturæ esse, ut possit rarefieri aut condensari, prout calor vehementior est aut debilior; Multoque minus, totam universi materiam, & singulas ejus partes, habere certam quandam proprietatem, cujus vi tota hæc materia unitur & colligitur in unum solum corpus continuum, cujus omnes partes inclinationem habent conanturque se sibi invicem jungere & reciprocè una alteram attrahere; Adeo ut singulæ partes terræ, aëris aut aquæ aut alterius cujusdam Planetæ duas virtutes similes in se habeant, quarum una eas aliis partibus Planetæ sui, & altera reliquis universi partibus jungat, ita ut neutra duarum istarum proprietatum alterius effectum impediat; Omnes enim res istæ mihi multa explanatione indigere videntur, & maxima pars earum mihi videtur esse inconceptibilis, nisi in partibus materiæ intelligentia quædam & potentia plane Divina admittatur; Præterquàm quòd illi ipsi, qui omnes istas qualitates in materia ex quibus Universitas hæc constat, supponunt, hæcenus satis explicare non valuerint, quidnam per materiam intelligant, absque quo tamen quicquid dicunt, ad summum non nisi pro puris suppositis haberi debent, & quidem talibus, quæ non habent claritatem illam, quam debet habere Principium, quæque nihil faciunt adtribuendam rerum cognitionem.

10. Cæterum, ut ad difficultates tuas veniam, primum quod te observare velim, est differentia quæ corporibus duris & liquidis intercedit; Et in hunc finem, cogita, unumquodque corpus posse dividi in partes minutissimas; Determinare verò nolum utrum numerus earum *finitus* sit, an non; certum saltem est, eum intuitu nostræ cognitionis *indefinitum* esse; & posse nos supponere myriades partium dari vel in minimo grano fabuli quod ab oculis nostris percipi potest. Et considera, quodd si duæ istarum particularum sese invicem contingant sine actione ab invicem recedendi, opus sit vi aliquâ ad eas quàm modicè fieri possit separandas: Nam cum semel ita positæ sint, nunquam se ipsas per se ipsas amovebunt. Observa insuper, duplo majorem vim requiri ad separandum duas quam requiritur ad separandum unam, & milles tantundem ad separandum mille, adeò ut si earum plures myriades simul separandæ sint, uti forsitan opus est ad unicum pilum dirumpendum, mirum non est ut adhiberi debeat vis satis sensibilis; Sed è contrario, si duæ aut plures ejusmodi particulæ sese in transitu saltem invicem attingant, & tum cum sunt in actione ad se movendum altera hæc altera illâc, certum est minorem vim requiri ad eas separandas, quàm si omnino absque motu essent; Sed & nulla vi omnino opus erit, si motus cum quo se per se ipsas separare possunt, æqualis aut major sit illo, quo eas separandæ sunt. Cæterum non reperio aliam differentiam inter corpora dura & liquida, quàm quodd particulæ illorum facilius separari possint, particulis liquidorum; Nam & particulæ durissimorum corporum possunt separari per vim talem quæ idonea est ad superandam earum resistentiam; Adeò ut, ad componendum corpus quale durissimum concipi possit, sufficere credo, ut omnes ejus particulæ contingant se invicem nullo relicto inter eas spatio, & ita ut nulla earum sit in actione ad se movendum; Quo enim glutine aut cæmento concipi possint fortius jungi altera alteri? Existimo etiam sufficere ad componendum corpus quàm liquidissimum inveniri possit, si omnes ejus minimæ particulæ quàm diversimodè, & quàm citissime fieri possint, una se ab altera dimoveat etiam si ob id non desinant se invicem ex omni parte contingere, & æquè cito redigi ac si sine motu essent.

11. Memineris enim, omnia corpora tam dura quàm liquida facta esse ex eadem materia, & conceptu impossibile esse, partes hujus materiz unquam componere corpus magis solidum, id est, quodd minus occupet spatii, quàm componunt tum cum singulæ earum ab reliquis quæ eas ambiunt, attinguntur. Unde me iudice consequitur, quodd si ullibi



locorum vacuum detur, fieri id potiùs debeat in corporibus duris, quàm iis quæ perfectè liquida sunt; Evidentiissimum quippe est, partes horum corporum faciliùs se invicem premere & coherere posse, idèò quòd perpetuò moveantur, quam aliorum quæ sine motu sunt; Et si, exempligr. pulverem in vas aliquod immittas, concutiendo & pulsando id agis ut in majori quantitate ingrediatur; at si liquorem aliquem infundas, ipse se è vestigio disponit, quantumvis angustus sit in quem immittitur locus.

12. Probè memini difficultatis quàm mihi contra objicis, quæ non est exigui momenti; nimirum, particulas corporis liquidi non posse se continuò movere, uti dixi, nisi spatium aliquod vacuum inter eas relinquantur, saltem in locis ubi ingrediuntur & egrediuntur, pro modo motûs earum. Sed huic objectioni duo mihi suppetunt reponenda, quæ, meo judicio, omnibus illis, qui ratione non destituuntur, & qui difficultates istas pro obstaculis invictis habere non debent, satisfactura sunt. Primum est exacta cognitio naturæ trium elementorum hujus mundi, talis, qualem descripsi. Alterum est modus quem tenent corpora se movendo.

13. Quantum ad posteriorem, non saltem rationibus, verùm etiam pluribus experimentis edoctus sum, omnes motus qui fiunt in mundo, quodammodo circulares esse, hoc est, corpus quod exit è loco suo, semper in locum alterius cujusdam corporis ingredi, atque ita consequenter usque ad postremum, quod eodem momento occupat locum à primo derelictum; Adèò ut non plus vacui reperiatur in eis cum moventur, quàm cum quiescunt. Et hic quidem animadvertas, non propterea opus esse, ut omnes partes corporis, quæ simul moventur, exactè dispositæ sint ordine rotundo ad instar circuli, neque etiam ut sint ejusdem magnitudinis aut figuræ; Inæqualitates enim istæ compensari possunt aliis inæqualitatibus quæ in earum velocitate inveniuntur; atque illæ etiam facilitate, quâ particule subtilissimæ & tenerimæ corporum liquidorum, quæ equidem possunt non omnes æquales esse, præditæ sunt ad se separandum. Cæterum vulgò hi motus circulares non observantur, cum corpora se in aëre movent, ideo quòd pleraque eorum pars aërem non aliter concipit quàm ut spatium vacuum; Aspice autem pisces in pelvi fontis natantes, qui nisi ad superficiem proximè vehantur, nullatenus eam movebunt, etiamsi subter eâ maxima celeritate vagentur. Unde manifestè consequitur, aquam quam præ se propulsant, non indifferenter omnem aliam propulsare, sed illam saltem quæ melius inservire potest ad perficiendum circulum motus, & occupare locum quem derelinquant; Atque hoc experimentum solum sufficit ad ostendendum,

dum, quàm faciles & familiares naturæ sint isti motus circulares. Et ratio nos docet, non dari alios, ideò quod cum omnia sint pro possibili plenissima, corpus aliquod non possit locum suum derelinquere, nisi in locum alterius ingrediatur, quod tandem locum à primo derelictum occupare debet, cum alius non sit in reliqua universi parte, quo se recipere possit.

14. Denique nihil ampliùs tibi explicandum superest, quàm natura quam attribuo singulis Elementorum, ut una vice eam probè capere possis; omnes enim difficultates huic defectui imputandæ sunt. Concipio *primum*, ut liquorem subtilissimum & qui maxime omnium qui in mundo sunt, penetrat; Et secundùm id quod tibi supra dixi de natura corporum liquidorum, concipio particulas ipsius minores & multo se celerius moventes, quàm omnes reliquorum corporum particulas; sive potiùs, ut vacuum rerum natura planè exterminetur, atque itidem obviam eatur omnibus cavillationibus, quas rigidissimum atque scrupulosissimus quisque in me eo nomine formare posset, nullam magnitudinem aut figuram determinatam particulis ejus attribuo; Persuasum autem habeo, impetuositatem motus ejus sufficere ad efficiendum ut se omnibus modis, & omni sensu, objectu reliquorum corporum dividat, & ut particulæ ejus semper figuram suam mutant, quò se accommodent ad illas locorum illorum in quæ ingrediuntur; adeò ut nullus transitus adeò angustus, neque angulus adeò parvus sit inter particulas reliquorum corporum, ut particulæ Elementi hujus eo non facillè penetrent, & ea plenissimè repleant. Quantum ad *secundum Elementum*, concipio & illud ut liquorem subtilissimum, factâ ejus cum tertio comparatione; verum si cum primo conferatur, necesse est attribui singulis suarum particularum magnitudinem & figuram aliquam, & concipi eas propemodum rotundas, & sibi invicem junctas uti grana sabuli aut pulveris; Adeo ut non ita invicem disponi neque ita se premere possint, ut non semper quid intervalli inter eas remaneat, in quod intervallum facilis est primò Elemento irrepere, quàm illis mutare figuram ad illud explendum; Atque ita existimo secundum hoc Elementum non posse esse ita purum in ullo terrarum spatio, ut non semper aliquid materiæ primi Elementi secum ferat. Post hæc duo Elementa *tertium* saltem recipio, cujus existimo particulas eo crassiores esse, & eò minus moveri comparatione factâ ad secundum, quàm hæc facta collatione ad particulas primi; sed & sufficere credo id concipi ut unam vel plures grandiores massas, quarum particulæ parum saltem aut nihil omnino motus habeant, qui earum situm mutant, unius respectu alterius.

15. Et notabis, non sine ratione me non recipere alia Elementa ab his tribus quæ descripsi; Differentia enim quæ est inter ea & reliqua corpora quæ Philosophi mixta appellant, aut composita, in eo consistit, quod formæ horum mixtorum corporum semper in se qualitates quasdam sibi contrarias & sibi invicem nocivas, aut quarum saltem altera non tendat ad conservationem alterius, contineant, cum tamen formæ Elementorum debeant esse simplices, nullasque habere qualitates quæ sibi invicem non ita convenient, ut singulæ earum tendant ad conservationem omnium reliquarum. Et hoc est quod in formis horum trium Elementorum deprehenditur. Sin autem examines omnes formas quas diversi motus, magnitudines, figuræ & dispositio partium materiæ possunt dare corporibus mixtis, certus sum, nullam te reperturum, quæ in se non habeat tales qualitates, quæ tendant ad eam mutandam, & postquam mutata fuerit, ad eam in aliquam Elementorum istorum particulam redigendam.

Præterea verò, sicuti præter tria non admittam Elementa, ita etiam, si generaliter consideremus omnia corpora ex quibus rerum Universitas constat, reperiemus trium generum, quæ possunt dici magna; Et referes inter partes ejus principales, primo Solem & Stellæ fixas, deinde Cælum & Terram, cum Planetis & Cometis tertiò. Itaque magnâ omnino ratione nobis cogitandum est, Solem & Stellæ fixas nullam aliam habere formam quàm illam primi Elementi omnino puri, Cælum illam secundi, & Terram cum Planetis & Cometis tertii. Et quoad corpora mixta, ea nullibi animadvertimus quam in superficie terræ; Et si consideremus, omne spatium, quod ea continet, nimirum, omne illud, quod est à nubibus altissimis usque ad fossas maxime profundas, perquam exiguum esse facta comparatione cum terrâ & immensa latitudine cæli, facile assequi possumus, omnia ista corpora mixta simul juncta efficere saltem veluti exiguum corticem, qui supra terram per agitationem & commixtionem materiæ cælestis, quæ tam ambit, generatur; Adeò ut nullibi dentur corpora mixta quam supra superficiebus magnorum istorum corporum; Videntur autem ibi necessariò esse debere: Nam cum singula Elementorum naturæ multum sint contrariæ, fieri nequit ut duo & illis se invicem contingant, nisi alterum contra superficiem alterius agat, atque ita materiæ, quæ illic est, diversas corporum illorum mixtorum formas conferat.

16. Sufficit hac vice tecum egisse de præcipua parte mei systematis, redeo ad difficultates, quæ jam me iudice sublata esse deberent. Facile tibi largior omnem particulam materiæ primi Elementi, etiam omnium
mini-

minimam, consideratam in illo statu in quo est eo ipso momento quo consideratur, figuratam, & quatenus possit, solidam esse; At tu ne confundas notionem solidi cum notione duri. Nam ex. gr. Sol maximè solidus est, & tamen corpus omnium minimè durum & maximè liquidum est, cum sit compositus ex materia subtilissima, fluidissima & quam maximè penetrabilem concipere possimus; Itaque singulæ ejus partes separatim sumptæ, & solæ consideratæ, non magis debent appellari duræ, idè quòd non habeant magnitudinem aut figuram determinatam, sed quòd singulis momentis in plures diversos modos dividi possint; quod proprium est corporum liquidorum, non autem durorum. Concedo etiam, quod nulla particula primi Elementi se movere possit, saltem motu directo, si omnes illæ quæ eam immediatè contingunt, in quiete essent, neque ipsi transitum aperire possent; Verùm non simpliciter consideranda est quæque particula in statu præsentis in quo est, consideranda etiam sunt illæ inter quas illa est in statu præsentis in quo sunt: Et quoniam omnes simul sumptæ componunt corpus perfectè liquidum, omnes sunt in motu, omnes dispositæ ad cedendum suum locum, & omnes sine figurâ ulla determinatâ; Adèd ut, si qualibet particula habeat quandam figuram in illo momento in quo eam consideras, uti revera quandam habet, non tamen tenetur eam retinere momento sequenti, si determinatio quòd motus ejus illam defert, mutet figuram ejus, ut se figuræ locorum in quæ ingredi debet, accommodet. Nam, si bene meministi, dixi tibi quamlibet particulam materiæ primi Elementi esse adèd exiguam, atque itidem se tantâ celeritate movere, ut solus impetus motus ipsius sufficiat ad efficiendum ut dividatur, frangatur, conteratur aut abscondatur in omnes modulos & in omni sensu, objectu aliorum corporum. Itaque non opus est ut ad extremum orbis terrarum angulum decurramus, ad inveniendum circulum faciendum, quo minor pars materiæ primi Elementi moveatur. Neque enim tenetur illa imprimere ullum motum in ulla aliâ, & tamen se movere potest facillimè in eo ipso loco quem vicinæ ejus paratæ sunt ad ipsi cedendum sese dimovendo. Et ut rem intellectu faciliorem reddam exemplo sensibili, si moveas baculum lineâ rectâ, certum est cum prima pars ejus A se moverit, & pollicis latitudinem procefferit, secundam ipsius partem B simul tantundem progressam esse, & plenissimè locum ejus impleisse, occupatum prius ab illa quæ per C. notatur, atque ita consecutivè usque ad oram baculi; Et spatium relictum à posteriori parte baculi, etiam eodem momento repletum fuit tanta quantitate aëris, quantum prima eò propulerat, quo

tem-

tempore baculus se movere incipiebat; non quidem quod necesse sit, ut baculus ullum in aëre motum creaverit, sed saltem determinare potuit illum quem jam habebat aër, ad efficiendum ut iret occupatum locum illum quem extremitas baculi derelinquebat. Aded, ut si probè ceperis naturam, quam materię subtili tribuo, & quomodo fiant motus circulares, qui non debent necessario neque ovals esse neque veri circuli, sed qui vocantur circulares solum ided quod motus eorum ibi finit ubi inchoaverat, quantalibet in medio irregularitas inveniatur; & ided quoque quod omnes inæqualitates, quæ possunt esse in magnitudine, & in figura partium, possunt compensari per alias inæqualitates quæ inveniuntur in earum celeritate, & per facilitatem, quæ particule subtiles aut primi Elementi, quæ ubicunque mixtæ sunt, se dividere & figuram suam figuræ earum quæ sunt in spatio quod occupare debent, accommodare possunt, certus sum nullam tibi difficultatem superfuturam, quantum ad motum partium materię in pleno. Ulterius excurrissem, si mihi cum homine minus docili, & ad contradicendum paratiore res esset. Malo tamen ut paulisper super his mediteris, ut ingenium tuum iis assuesceas, utque meum interea ab opere liberetur, cui nihil virium, neque vocis superest quàm ut se dicat Tuum, &c.

EPISTOLA LXXXIX.

Ad D. Ferrerium.

Clarissime Domine,

EX quo te reliqui multum didici quantum ad vitra nostra, aded ut possit fieri quippiam, quod hætenus factum non est; Et videntur omnia facile perfici posse, adedque certa esse, ut fere nullus dubitem de eo quod à manu pendet, uti antea dubitaveram. Cæterum est ea res talis ut æth scribere nequeam: plurima quippe accidunt laboranda, quæ scribendo prævideri nequeunt, quæque sæpius unico verbo inter præfentes emendantur; itaque præsentia nostra necessaria esset. Neque tamen abs te petere audeo ut te huc conferas; Dicam autem, quod si de eo cogitasset, cum Parisiis essem, operam dedissem ut me comitareris; Et si satis cordatus esses ad faciendum illud iter, mecumque in deserto aliquod tempus transigendum, suppeteret tibi tempus ad te exercendum, nemo te impediturus esset, remotus esses ab iis objectis, quæ te inquietum animi

animi reddere possent; ut verbo dicam, non pejori me conditione esses, & fraterna sociati amicitia viveremus; Devincio enim me, tibi hospitii jura fore apud me, quantumcumque; temporis apud me commoraturus es, teque Lutetiam remissurum meo onere, quamprimum tibi redire placuerit. Si ad præsens tibi quippiam esset in quo sentiret fortunæ benevolentiam, nollem te avocare; At si tibi melior conditio non obtigerit, quàm illa in qua te reliqui, ingenuè tibi consulo ut huc venias; Iter dimidio minus est quàm si in terram tuam natalem ires. In æstate degimus, & navigatio jam nihil periculi habet. Afferenda essent Instrumenta quibus opus habes, sumptus vecturæ Caletum saltem usque ferendi essent, eo enim itinere uti debes. Caletum transfretare posses unius diei itinere & appellere vel Dordraci vel Roterodami, ubi ad præsens commoror; Caletum enim multo securius hæc pervenitur quàm Parisiis ab habitaculo ad Ecclesiam. Et si Dordracum perveneris poteris compellere D. Becmannum Collegii Rectorem, ipseque exhibere meas litteras, commonstrabit ille tibi viam huc transeundi; & si indigeres pecunia aut aliqua alia re ipse tibi subministrabit; adeo ut pro difficili saltem computare debeas iter Caletum. Si tibi sit supellex quædam Parisiis relinquenda, præstaret eam huc afferre, saltem quæ utilior videtur; Si enim venias, integram pro te & me habitationem conducam, in qua nostro more & ex commodo nostro vivere possimus. Si tibi pecuniam Parisiis dandam curare possim non patefacto loco ubi dego, peterem abs te ut mihi spondam quandam huc afferres, sunt enim valde incommodæ hujus regionis spondæ; neque stragula hic inveniuntur; Quod si autem venire dubites, veni potius nudus, quàm ut omnino non venias. Mallem tamen audire abundantiam & commoditatem tibi obstitisse, quominus venires; quod si sola penuria obstitisset, existimarem te animo quoque defecisse, nihil enim est, quod te potius eò instigare debeat; sed neque mediocris fortuna, aut spes exigua te morari debent, si ea tibi sit ambitio ut quid præstes quod vulgaria superet; Nam aut omnes meæ regulæ falsæ sunt, aut, si venias, suppeditabo tibi media majora quàm speras exequendi. Quicquid autem accidat, peto abs te, ut mihi propediem rescribas. De cetero, nemo resciscat me tibi scripsisse, neque ipse etiam D. Mydorgius, etiamsi mihi amicissimus; nam eò loci sum ubi ipsi prodesse nequeo; sed & si venias debes id velle ut nemo id sciat; Nam si quid boni feceris, tantò illud præstabit, quantò insperatus prodierit, & mora nemini fastidium pariet. Quantum ad me adeo ex animi sententia hic vivo, ut constituerim diutius hic commorari. Ama me quæso, ut te facere cōfido & certus sis te à me amari. Vale.

EPISTOLA XC.


Ad D. Ferrerium.

Vir Clarissime,

Vellem equidem fortunam tibi magis ridere, & tamen desperare non debes, te aliquando in Regio palatio commoraturum, etiam si P. Gondran absens sit; si quod vacet officium in ipsius absentia, debes adire P. Gibieuf aut P. Sancy, eosque rogare, ut te in eo quod alter tibi obtinuit, tucantur. Præcipue verò tibi auctor sum, ut præsentì tempore utaris, non expectato futuro; Nam si semper de trimestri in trimestre differas, usquedum meliori conditione fruaris, scias te nunquam quicquam progressurum. Vellem quidem te hîc loci videre, sed prout video res tuas se habere, id sperare non audeo; sed & ea tempestas anni est, quæ tibi plurimum incommodaret, expectanda esset æstas, & intermedio tempore plurimæ se offerent occasiones. Præ reliquis autem, quia consilium meum expetis, auctor tibi sum ut præsentì tempore quovis modo utaris. Perfice Instrumentum D. Morini; si quod residuum sit temporis, quo in illo laborare non possis, id impendas iis rebus quæ tibi præsens emolumentum afferunt; & si quod tempus reliquum habeas, ad laborandum sub spe majoris in posterum utilitatis, consulo tibi ut id vitris impendas. Cæterum, ut, antequam te ei operi subijcias, dijudicare possis, utrum bonus ejus rei eventus sperari possit, describam hîc partem meditationum mearum, & tibi primo itinere mittam modulus, si velis, neque quicquam tibi deerit, quod meæ potestatis sit, non secus ac si Parisiis essem.


Primo, existimo te meminisse machinæ quam tibi ante discessum meum descripsi; quæ constitit tribus partibus primariis; nimirum axe A B, qui rotabatur, parte C D, quæ se movebat transversum per axem A B, & Cylindrum E F, qui volvebatur inter duos aseres G H & I K, secabat vitrum alterâ suarum extremitatum E aut F. Volo jam ut machina hæc tibi saltem inserviat ad secandas laminas ferri aut chalybis figuræ quæ est *P n o m*, id est, sicuti ferrum cujusdam dolabræ Scriniarii, adeo ut *P n o*, quæ est pars secans, sit linea quam quærimus. Retineo itaque de machinâ præcedenti axem A B & partem C D, sed quæ debet affixa esse axi A B, ita ut in tota machinâ nihil sit præter solum motum circularem. Et non magis utor cylindro E F, ideò quod tum, cum convertitur axis

A B,



AB, pars CD quæ est inter duos asseres, nimirum L, ibi exactè describit lineam nostram. Applico laminam *nm* fortiter inter duos asseres ad latus L partis CD, quam partem vellem formatam ad instar limæ, aded ut se convertendo possit limare laminam *nm* secundum lineam Pno ad nostrum lubitum; Et postquam ita limata fuerit, vellem mutari CD, aut partem ejus L, & in locum ejus aliam reponi, non magis lima secatam, sed politam, & habentem materiam idoneam ad acuendam & mitigandam pro possibili aciem laminæ *nm*; Vellem etiam fieri plures laminas chalybeas bene temperatas & perfectè similes, quò una detrита

possit adhiberi altera, & in hunc finem necesse est, aciem ejus Pno exactè sectam esse secundum nostram lineam. Vellem porro ut deligeres aliquam materiam mollem, quæ idonea esset ad consumendum successivè & poliendum vitrum; Ad hoc mihi conducere videntur lapilli isti similes ardosiis, quibus acuuntur instrumenta quorum acies valde debet esse subtilis; verum id tuæ curæ relinquo, quod melius præstare potes quàm ego. Vellem itaque ut conficeres rotam *q* ex uno istorum lapil-



intelligeres. Cæterum hanc rotam *q* ita sectam, vellem ut applicares vitro R, posito super gyrum vestrum S, uti erat primum vitrum, quod à

te sectum vidi, & ut ibi super centro suo gyretur, dum eodem tempore etiam rota *q* super suo converteretur, & cavaret hoc vitrum secundum lineam *Pno* exactissimè, mediantibus his duobus motibus differentibus, consumeret enim centrum vitri æque ac extremitates. Et ne rota illa cum sit materiæ mollis quicquam de sua exactâ figurâ deperdat, vellem ut eodem tempore quo rotaretur ad secandum vitrum, eam semper uni aut pluribus laminis *nm* applicares, quo eam in sua figura retineas. Quicquid hîc observandum est in eo consistit quòd Diameter rotæ *q* non debet excedere certam mensuram, quam tibi mittam, si ea indigeas, verum non refert si minor sit. Notandum itidem est lineam *nm* quæ est medium laminæ *Pnom*, debere esse exactè parallelam axi *AB* primæ machinæ, & lineam perpendicularem, quæ caderet ab axe *AB* desuper asseres *GH* & *IK*, recta cadit super lineam *nm*. Præterea, in ultimis figuris, necesse est ut eadem linea *nm* prolongata, præcisè transeat per centrum rotæ *q*, & ita cursum dirigat ut faciat lineam rectam cum axe *RS*, super quo rotatur vitrum. Hoc tibi pro hac vice sufficiat; si quidem eo uti velis, rescribas quæso utrum probè intelligas; poterit quippe fieri, ut te intelligere credas, & tamen circumstantiam quandam necessariam omittas. Itaque te rogatum velim, ut, si ei rei operam dare velis, mihi omnem descriptionem ipsamet facias (prout eam intellexeris) in primis tuis ad me litteris, non secus ac si me ea denuò docere velles. Exinde cognoscam utrum id probè ceperis, & ægrè ferrem, si tempus tuum inutiliter collocares. Si itaque existimas, posse hoc effici, polliceri tibi aulam magnum ex eo effectum resultaturum; Verum omnes machinæ primo studiose nec tumultuarie præparandæ sunt, quo facto existimo unumquodque vitrum quadrante horæ secari posse. Jam ut ad alia tua negotia redeam, siquidem habitationem tuam mutare possis, me auctore id facias, & patiaris potius alibi locorum quævis incommoda, dum tempus tibi suppetat his rebus illaborandi. Quod si habitationem tuam relinquere nequeas, me iudice, ne differatur labor iste, præstabit aperire omne animi tui propositum D. Mydorgio, experimento te didicisse, impossibile esse, eo quo inchoatum esset modo perficere; me tibi auctorem esse, ut antequam Parisis discedas, alio modo iis elaborandis operam des; imò etiam, si velis, me tibi hæcenus de eo scripsisse; Neque enim mea refert, quid ipsi dicas, dummodo non cesses laborare eo præsentente. Non ignoro tibi dolere, gloriam ex te quærere cum qui ad eam nihil contribuit; verum id tanti non est ut propterea à bene cœptis desistere debeas; Et veritas se ipsam semper manifestat. Vale.

Amstelod. 8. Octobr. 1629.

EPI-

EPISTOLA XCI.

Responsio D. Ferrerii ad D. Cartesium.

Nobilissime Domine,


INter tam varios casus quos singulis momentis meis conatibus objicit fortunæ novercantis malitia, non mihi major posset obvenire consolatio, quam testificatio tuæ, quam hæcenus continuasti erga me benevolentia, quæ mihi gravior est, quàm ut verbis exprimere valeam. Enitar omni opera ut per eam utilitati meæ consulam, conaborque si fieri possit, me hinc expedire, ut facilius vacare possim iis quæ necessaria sunt ad elaboranda vitra, secundum egregias tuas instructiones, quas probe me capere autumo.

Et quoniam visum tibi fuit mihi imperare, ut tibi super ea rescriberem non secus ac si te de novo docere vellem, dicam tibi, non mihi excidisse memoriâ constructionem machinæ tuæ, quam mihi antea descripsisti, constantem ex tribus præcipuè partibus, nimirum axe A B, quæ rotabatur, partem C D, quæ se movebat per transversum axem A B, & cylindrum E F, qui volvebatur inter duos asseres G H & I K, secturus vitrum una suarum extremitatum E aut F. Ad præsens autem vis hanc machinam saltem inservire ad secandas laminas ex chalybe, figuræ quæ est *P n o m*, ad inserviendum veluti ferrum dolabræ, aded ut *P n o*, quæ debet esse acies, secta sit secundum lineam quæ desideratur. Expetis etiam, ut demachina præcedenti retineantur axis A B, & pars C D, & ut hæc pars affixa sit axi A B, aded ut solus motus circularis inveniatur in tota machina, neque plus adhibeatur cylindrus E F; ideo quoddam, cum vertitur axis A B, illa pars ipsius C D, quæ inter duos asseres est, nimirum L ibi exactè describat lineam vestram; & applicando laminam *n m* fortiter inter duos asseres, parti L ipsius C D, assumet illa figuram quam hæc pars L ipsi dat; Itaque hæc pars L debet habere formam idoneam & constare ex materia idonea ad limandam & terendam laminam *P n o* ad figuram quæ desideratur; & quando hæc lamina ita limata & attrita est, alia extremitas parti L applicanda est, quæ ejus aciem mollire & æqualiter acuere possit.

Videntur mihi hæc laminæ posse ex utraque extremitate acui, ut inserviant duabus lineis necessariis; sed existimo opus esse duabus magnitudine differentibus machinis, & latus M primæ posse inservire ad se-



A



B

candas rotas ad faciendam concavitatem vitrorum; & latus Pno ad faciendam eorum convexitatem.

Occurrit mihi hic quædam difficultas in eo quòd vis partem CD affixam esse axi AB , & ut nihil sit in tota machinâ quàm motus circularis, quodque subsequenter dicas, illam partem ipsius CD , quæ est inter duos asseres GH , & IK , in L , daturam esse figuram hyperbolicam quæsitam laminæ nm , applicatæ fortiter inter duos asseres. Neque enim dixis opus esse ut CD versùs B prolongetur, & ut transeat ultra densitatem duorum asserum, qui ad hunc effectum debent refindi plusquam latitudine partis CD , & propemodum magnitudine lineæ quæ formatur super lamina Pno , uti in hac figura notatur.


Nam si pars CD non habeat motum liberum transversum per axem AB , fieri nequit ut convertendo axem AB ista pars non elevetur & descendat, ad quod cylindrus primæ machinæ ipsam coheret; atque ita circulariter

gyrando affixa fortiter axi AB , non posset attingere super plano asserum, nisi in uno puncto medii, in loco axis lineæ quæsitæ, in puncto n , nisi elevetur lamina nm super asseres & punctum L . At si omnia semel bene disposita sunt, ad scindendas laminas nm , secundùm lineam hyperbolicam concavam Pno , uti in secunda lamina repræsentatur, aded ut possint inservire, ad efficiendum, ut rota q eandem sumat lineam hyperbolicam convexam, nullus dubito quin mutando saltem dispositionem partis CD , & eam ex. gr. à dextra ad sinistram inclinando, nullus inquam dubito, quin movendo machinam ut antea, in altera extremitate laminum nm , aliæ lineæ hyperbolicæ incidi possint, similes lineæ hyperbolicæ concavæ Pno , quæ inservire poterunt ad dandam aliis rotis q formam hyperbolicam concavam. Nam inter lineas Pno , quæ poni possunt super laminas chalybeas nm è regione altera alteri, illæ quæ idoneæ sunt ad incidendam concavitatem rotarum q , nihil in se habent præter lineam convexi; & illæ quæ convexitatem rotarum possunt incidere nihil in se habent quam lineam concavi. Notavi etiam, secundum instructionem tuam rotas, quæ inserviunt ad secanda vitra concava debere esse minores aliis; verum hoc mihi ad propositum tuum inutile videbatur, & opus fore diversis machinis pro diversitate magnitudinum ad ducendas duas illas lineas necessarias.

Vide-

Videtur etiam necesse non esse ut conficiantur duo asseres, facilius esset uni foli applicare laminas *nm*, secundum lineam *vx*, quàm si apertæ essent alio asseri, & laminæ istæ facilius firmari possunt per cochleas aut alias inventiones quæ nisi per asseres communiter non sunt.

Notavi etiam, intuitu duarum figurarum rotæ *q* quas mihi transmissisti, non esse necesse laminam *nm* in prima figura representari eo modo



quo posita est ad planum.

Representavisti enim hanc rotam in hac prima figura ut videatur in ejus latitudine & non in ejus densitate; itaque saltem densitas laminæ *nm* visui objicienda est, non verò ejus planities aut latitudo. In secunda autem figura necessarium est oculis subjicere latitudinem laminæ, ideo quòd rota ibi in sua densitate compareat.

Occurrit deinde alia etiam difficultas, nimirum, ut detur acies æqualis laminæ *nm*, vis ut conficiantur aliæ partes similes ipsi *CD*, in longitudine & densitate, sed diversimodè sectæ, ad delineandam & perficiendam lineam necessariam. Difficillimum existimo, eas aded æquales facere, ut possint convenire altera in locum alterius, ad affigendum illas axi *AB* nulla sumtâ nova inclinatione, si non inveniatur medium eam faciendi, & rectificandi id quod eam possit impedire; sed & per frictionem harum rerum, ubi durum contra minùs durum fricatur, paratur inter duo via per scobem quæ inde egreditur, quod impedit quominus inclinatio requisita se possit conservare, nisi perpetuò res illæ altera alteri applicetur, secundum proportionem resistentiæ fortis contra debilem.


Cæterum loco parvarum limarum chalybearum quæ applicari debent puncto *L* partis *CD*, necesse est ut ei applicentur coticulæ, ad dandam laminis *nm* ultimam aciem; Nam etiamsi laminæ istæ, postquam receperint primam suam figuram debeant temperari ab his limulis, non tamen in eo statu sunt ut possint scindere; nam post ferruminationem cum ignis eroserit remoram aciei, necesse est eis dare novam medio coticularum.

Peto

Peto abs te, Domine, ut des mihi consilium tuum, quid faciendum sit ad rectificandas inconvenientias quas metuo in hac applicatione.

Quo facto, velles ut deligeretur materia quædam mollis, quæ foret idonea ad terendum & poliendum vitrum, uti sunt certi lapilli similes ardosiis, quibus utimur ad faciendam aciem valde subtilem, & velles ut ex eo fieret rota q , uti sunt rotulæ fabrorum cultrariorum, & ut applicando eis unam aut plures laminas chalybeas, similes nm , detur ipsi in circuitu ejus exactè secundum densitatem ejus figura lineæ Pno circumgyrando rotam q super centro ejus, uti notatur in duabus figuris vestris, quæ ipsas duplici sensu conspectui subjiciunt. Et huic rotæ ita sectæ velles applicari vitrum R , positum supra cursum ordinarium S , & ut rotaretur super centro suo, dum eodem tempore rota q verteretur super suo; Quo modo rota ista cavaret vitrum secundum lineam Pno exactissimè mediantibus his diversis motibus, & consumeret centrum vitri æquè ac extremitates.

Et ut rota ista, quæ debet esse de materia molli possit conservare exactam suam figuram, velles etiam ut eodem tempore, quo rotaretur ad scindendum aut acuendum vitrum, lamina nm (una aut plures) maneret semper ei fortiter applicata, quo eam in sua figura contineat. Dicis insuper,



Diametrum rotæ q non debere excedere certam proportionem (cujus mihi spein facis) sed nihil referre utrum minor sit; Notandum denique ais, lineam nm quæ facit medium laminæ Pno exactè parallelam esse debere axi AB , primæ machinæ, & lineam perpendicularem quæ decideret ab axe AB super asseres GH & IK .

E præcisè incidat super hanc lineam nm . Prætere in ultimis figuris opus est ut eadem linea nm prolongata præcisè transeat per centrum rotæ q , & faciat denique lineam rectam cum axe RS , super quo rotatur vitrum.

Verumenim verò cum mihi liberum facias tibi proponendi difficultates meas ad bene intelligendam mentem tuam, & ad meam informationem, dabis mihi ut mentem meam super iis omnibus exponam, ut possis arbitrari, utrum illa probè ceperim; Sed & excusatum me habeas si mi-

nus

nus eleganter exprimam animi cogitata. Ajo igitur, existimare me, quod probè intellexerim inventionem machinarum tuarum, uti etiam rotæ *g*, & diversos modos quibus se movent rota & vitrum quod affixum est gyrationi *RS*, ad impediendum ne accidat defectus ordinarius puncti relevati, quod sit in centro vitrorum, convertendo axem moduli super axe vitri, idè quod super isto centro nullus sit motus qui agere possit, quique id possit terere & consumere, uti teruntur & consumuntur reliquæ partes quæ ab eo remotiores sunt. Omnes hæ inventiones quarum me participem facis non possunt nisi à te proficisci. Hoc saltem dico, materiam quandam, quam operibus tuis inservire posse credidisti, non esse idoneam ad perfectè terendum & consumendum vitrum.

Primò quantum ad materiam rotæ *g*, nullum datur lapillorum genus, (neque ipse etiam Adamas) quod consumere possit vitrum, si inter ipsum & vitrum non intermisceatur materia quædam corrodens, quæ inter ea comminuat, veluti scobs, quæ res plus roderet de rota quàm de vitro, quoniam illa tenerior est; & ad quodlibet vitrum consumeretur integra rota; Et qualemcunque duritiem ferruminatio contulisset laminis *nm*, quæ rotæ applicantur, eæ tamen adhuc magis consumerentur, ideo quod vitrum his omnibus durius sit. Præterea hæ laminæ *nm* non possent obflare qualicumque lapillorum acutium generi, etiamsi fuerit permolle, quominus lapillus iste motu suo non velociter consumat aciem figuræ quæ ipsi data fuerit, atque ita rota conferret ferro figuram suam cum tamen plane contrarium expectandum esset.



Per suasum etiam habeo rotam *g* comminutam in sua circumferentia pro modo quo tereretur (etiamsi possit conservare figuram necessariam in sua densitate) diversimodè cavaturam vitra, secunda plus quàm prima, & sic consecutivè, cum circuli suis centris propiores minores sint, & plus fornicati quàm illi qui ab eis sunt remotiores; Nescio utrum in hoc defectus esse possit quantum ad effectum vitrorum, cum mihi dixeris, nihil referre utrum rota parva sit, sed quo ad magnitudinem, ais debere eam habere talem proportionem qualem mihi misurus sis, si id expectam.

His tamen non obstantibus videntur mihi quædam harum difficultatum removeri posse talibus mediis, quibus uti vellem & quæ vestro iudicio submitto. Dico ergo primò, modum utendi secunda machinâ, ad dandam lineam quæsitam laminis *nm* egregiè inventum esse, idè quod habetur medium rectificandi quod deperit materiæ per frictionem motus, sive quis utatur eo ad secandas laminas, aut ad secandam rotam *g*,

A a a

quàm


quam facerem ex ære aut ferro, quo possit diutius conservare figuram quam ipsi daret lamina *nm*, & si figura ejus corrupta esset, posset ea reparari per eandem aut aliam quandam similem laminam. Cæterum hæc rota ex ære aut ferro posita esse debet, & habere motum suum super vitro, quod suum habere debet subtus; Et darem eum etiam facilè hoc modo, ut si ex latere esset, modo quodam quem perfici posse cogitavi, ita ut rota & vitrum diversimodè vertantur & simul æqualiter per motum pedis, ad quod non necessaria sit rota quædam dentata neque axis, quæ faciunt motum tremulum, propter dentes rotæ quæ in illis axibus intricantur. Cæterum necesse est, ut vitrum ita ponatur, nec materiæ quæ interponuntur ad id conterendum, & quæ aqua aut oleo adsparguntur, quantocius per motum rotæ abripiantur, seque diutius conservent in cavitate vitri, quam si possumus esse ex latere ad rotam *q*.



Præterea præpararem vitra aliquo alio communi modo ad dandam ipsis propemodum lineam, quam habere debent, non adhibita rota neque gyro, aut dandam ipsis ultimam & exactam figuram; Satis quippe laboris deprehendo in secandis probè laminis *nm*, quæ possunt in ferruminatione hebetari aut curvari; præterquam quod maximè necessarium arbitrer, ut planum *P n o* plane rectum sit super acie, secus enim errores in linea committerentur.

Memini etiam te nunquam dixisse, necesse esse ut fiant magnæ concavitates, sed potius exiguæ; Si hoc ita sit, nihil mihi difficultatis occurrit in facienda rota, (quàm exigua illa esse possit) cum axe ejus ex uno aliquo frusto, ad dandum ei motum constantem: quod fieri non posset, si rota è lapide esset, idèd quòd rota & axis non posset esse quam ex duobus frustis.

Non assecutus sum, figuras rotarum *q*, utut dispositas duplici diverso sensu, factas esse ad secanda vitra convexa; Existimo enim, in eum finem debere eas esse sectas & cavatas ad instar trochleæ uti figura hîc subjecta. Et laminæ *nm*, quæ eas debent cavare, debent præsentari limæ *LD* ex latere *HI*, ad recipiendam ab ea lineam aut figuram suam; & lima *LD* debet



moduli concavi, uti antea dixi, quod inserviet ad disponendum ferrum ut reparet defectum rotæ; Potest autem evenire, ut si vitrum convexum sit valde extensum, rota nullo sit usui; Nam sicut attritio major est versus illud quod à centro remotum, quàm quod ei proximum est, materia quæ inter duo ponitur, ad atterendum, diutius trahitur per circumulum *aa*



quàm *bb*, & consequenter plus consumit faciendo magnum gyrum, quàm parvum, atque ita vitrum & modulus se consumunt & perdunt suam figuram, cum non in eodem gyro æqualiter atterantur. Adhuc tamen notandum est, materiam quæ interponitur ad terendum vitrum, statim abripi per motum rotæ, & minus ibi manere, quàm in altera rota.

Propono tibi omnes difficultates meas, ut me instruas & doceas, & indices simul, utrum vitra si facta & in speciminibus posita sint, necesse sit, ut omnes eorum partes maneant detectæ, non diminutæ earum figuræ per chartam ante positam cum foramine minori quàm diameter vitrorum; Nam cum adhibere voluisssem parva vitra convexa, quæ vidisti, applicanda perspicillis pulcaribus, præstare illud deprehendi si non nisi modicum spatium in medio detectum relinquatur, & distinctius exinde percipi objecta.

Omnes istæ difficultates me non adco turbant, ope enim tua spero me eas superaturum, & ostensurum posse me melius facere quàm dicere.

Superest mihi adhuc unum dubium manifestandum, quantum ad modum requisitum ad inveniendam lineam necessariam per triangulos & meum Quadrantem, nimirum, an si duo trianguli vitri ejusdem Diaphani sint diversi, & consequenter diversos faciant effectus super linea divisa, quæ retinet radium in dicto Quadrante, & formentur duo moduli, conformes diversis lineis refractionis, nimirum, inquam, utrum effectus duorum vitrorum possit esse similis,

Aaa 2

veluti

veluti ad urendum in puncto quodam determinato, secundum tuas regulas?

Docuisti me triangula posse construi tali angulo quo placuerit; non possum ejus experimentum facere; triangula enim, quæ ad præsens habeo, omnia sunt similia; rogatum te velum, ut hunc mihi articulum resolves. Novi etiam te mihi dixisse omnia parva vitra concava posse infervire cuilibet grandi vitro. Amisi frustulum chartæ in quo mihi delineaveras modum describendi lineam requisitam cum ordinario circino, quærendo plura puncta per quæ ea transire debet.

D. Mydorgius proponit modum quo utitur delineandæ lineæ necessariz ad urendum in aliquo puncto quod determinabit cuilibet vitro dato, diametro ejus nihil imminuto, neque densitate ejus in medio deintegratâ, atque se cum solum invenisse; Novi secretum illud tibi non incognitum esse, prædictumque D. Mydorgium nihil ejus rei scire nisi quod à te didicerit. Si existimares posse me eum capere, gratissimum mihi faceres si mihi illum, quod commodò tuo fieri possit, communicares. Petit autem ut sibi præstetur artifex qui sciat exactè secare vitra. Arbitror hanc ultimam conditionem æquè difficilem ac omnia reliqua, nisi faciat ipse artifices de industria, & quibus imperet, nam ad præsens ad suum modum inveniri non credo. Adeo me vilipendit, ut non credat satis mihi ingenii esse ad quippiam capiendum aut conandum; quod ipse me præfente asserere ausus est. Fateor tenuitatem meam, quæ tamen excusari debet, cum nemo me quicquam docuerit præter te, cui omnia mea debeo. Non tamen contemptus ille animum meum ita frangit, ut non magno desiderio me ferri sentiam ad gustandas & comprehendendas veras cognitiones scientiarum, quæ mihi possent communicari à tuis sortis hominibus, & tanta ambitione feror ad aliquid præstandum quod vulgares tramites exsuperet; ut hoc mihi animum quandam suppeditat ad quærenda media superandi multas difficultates, quæ in operationibus operum exquisitorum occurrunt. Noli quæso idem, quod D. Mydorgius, de me ferre judicium; tantam in amore tuo spem pono, ut gaudere veliste mihi dedisse quæcunque possideo; & si fortuna adversatrix præcidat mihi media illis probè utendi, non tamen delebit in me affectionem illam, quæ totum me occupat agnoscendi per humillima servitia, infinita quibus me cumulasti beneficia, & confitendi ubique hanc veritatem, quod sim &c.

Parisiis, xxvi Octobris 1629.



EPISTOLA XCII.

Responsio D. Cartesii ad D. Ferrerium.


Vir præstantissime,

Gratissimum mihi fecisti, quod omnes tuas difficultates de iis quæ tibi scripseram, prolixè deduxeris; conabor ad eas respondere eo ipso ordine quo eas proposuisti. Notavi litteris A B C puncta ad quæ respondeo, ut ipsa in Epistola quam ad me scripsisti recognoscere possis.

Supponebam id quod tu ais, lineam C D transire per medium duorum asserum; atque ideo punctum D multò depresso posui quàm L, quod est illud ejus occursum statui inter duos asseres.

Quicquid ad te scripsi erat saltem pro duobus vitris concavis, ne animum tuum in exordio statim nimis obruerem; Verùm non displicet, quòd id ad convexum retuleris; ad quod tamen machinis multò majoribus opus esset.

Fateor opus non esse duobus asseribus, siquidem alio modo plus tibi commodi sit, neque eos in alium finem ibi reliqueram, quàm ut tibi animi mei cogitata melius exponerem. Observabis tamen aciem P n o debere esse in superficie perfectè plana, secus enim non assumeret figuram requisitam; Et quia acies illa non fit ad asserem V X, quando lamina n m superius applicata est, sed superius versùs axem A B, quod C D limando




lineam P n o posset curvare superficiem planam P n o m, consulo tibi ut applices adhuc super lamina n m aliud quoddam frustum planum cupreum, aut ex alia materia, quæ etiam limetur cum linea P n o, aut quæ jam ejus figuram habeat, ad impediendum ne lamina curvetur; aut si malis, oportet applicare laminam n m sub asserem V X & non super; (Hoc intelligendum saltem est de vitro concavo; nam in convexo, acies lineæ P n o est ad asserem V X & supra.) Notandum hic etiam, laminam n m qualicunque modo eam affigas super linea V X ibi non plane immobilem esse debere, sed oportere ut pondus aliquod aut organum ipsam perpetuò premat ad lineam L D; Nam si illa immobilis esset, & L D non etiam versùs illam se extenderet, uti se extendere non debet, non posset illa secari.

Cardo totius rei versatur in bene perficiendâ laminâ n m; Credo autem, quòd si ea non bene secta fuerit ante ferruminationem, impossibile foret

foret eam ex postfacto concinnare; ideo tibi consulo ut etiam laminas *nm* hac ipsa machina describas; Et non video tantam difficultatem in mutanda parte *CD*, & ponenda aliâ quæ servet eandem inclinationem, ope parvi moduli cuprei *Z*, aut *ZZ*, qui sectus sit secundum angulum inclinationis, veluti *Z*, aut secundum ejus complementum, veluti *ZZ*. Notabis enim non esse necesse ut tota linea *CD* servet hanc inclinationem. Descripseram tibi lineas *AB*, & *CD*, nudas planè, ut lineas Mathematicas, ut meliùs caperes fundamenta machinæ; potes autem illas omnes facere ex solido frusto, aut prout volueris, hoc saltem observato ut pars illa quæ secari debet ad limam, nimirum *LD* servet inclinationem requisitam. Etiam si malus sum pictor, fortasse non eò minus intelliges figuras meas.



Prima est pro vitris concavis, ubi pars *CLYD* vertitur super duobus polis *A* & *B*, linea *VX* denotat asserem, quem delineasti in Epi-



stola tuâ, qui debet esse parallelus axi *AB*; & ita perforatus ut *YD* subter eum transeat: Linea *LD* denotat id quod debet secari ad limam, ad secandas laminas *nm*; & hæc linea *LD* debet affigi in punctis *L* & *D*, prout tibi commodius fuerit, aut per cochleam aut alio modo. De cætero dabis ipsi *LD* inclinationem requisitam opè trianguli tui *ZZ*, ejus unum latus applicabis super linea *VX*, eo loci ubi est *nm*, ita ut alterum justè se referat ad *L* & *D*. Idem facies de triangulo *Z* ad vitrum convexum, ubi nulla est differentia nisi quantum

tum ad magnitudinem machinæ, quæ mensuratur per distantiam, quæ est inter lineas A B & V X. Quæ machina, ad parvum vitrum, hoc est, ad vitrum concavum, non debet major esse duobus aut tribus digitis, neque per consequens semidiameter rotæ *q*, ut postea dicam; Et poli A & B, possunt sustineri super partibus quæ descendunt versùs asserem V X. Sed quoad vitrum convexum, necesse est ut ab A B usque ad V X sit octo aut decem pedum distantia, saltem pro rarioribus effectibus. Ideoque poli A & B applicari debent laqueari conclavis in quo operaris ad trabem aliquam bene fortem; fortem, inquam, nam vel minimus motus omnem turbaret lineæ exactitudinem. Poteris loco ejus quod dixi applicari debere hanc machinam ad laquear, eam extendere in longum super tabula, aut alia aliquâ re, & credo motum ejus hoc modo maximè certum fore, & oportet ut pars C L Y D sit ejus magnitudinis & è tali materiâ, quæ nullatenus possit contrahi. Nihil in his machinis aliud considerandum est quam tres lineæ A B, L D, & V X, aut potius laminam *nm* positam super V X, cujus superficies exactè plana esse debet ex illo latere quo debet secare. Reliquum machinæ magnum facias an parvum, rectum an curvum, nihil interest. Quod si tibi adhuc difficultas suboriatur in ponenda parte L D secundùm inclinationem requisitam, dicam in tui consolationem, & ut ne derelinquas delineationem laminarum *nm*, his machinis, quòd etiam si inclinatio in ea non fuerit exactè observata, nihilominus linea quam duceres, incomparabiliter aptior esset ad secanda vitra, quàm omnes illæ quas alio modo facere posses; sed & postea multò facilis esset conferre ipsi veram figuram, quàm si eam alio modo delineasses.

Cæterum hic maxime notandum est partem L D sectam ad limam aut secus, quam tibi hactenus simpliciter proposui uti lineam, posse esse satis



magnam & rotundè sectam sicut cylindrus pro parvis vitris. Sed pro convexis, debet habere lineam rectam in medio, veluti retinaculum magis elevatum quam reliqua, & duo ipsius latera debent parumper excavari figura rotunda, quo se moventia latera non delectant figuram, quæ saltem dari debet per lineam medii, & decussare præcisè lineam V X, tum cum machina non movetur; Et ne quid erres, concipias, axem indivisibilem A B, super quo

quo rotatur machina, lineam VX, aut nm , & hanc lineam, quæ maximè producta est super limam LD, omnes sese offendere debere in eodem plano, quod concipias decidere perpendiculariter & ad angulos rectos super asserem $hgKi$.

- E** Miror quæ nullam difficultatem inveneris in efficiendo, ut laminæ nm possint secare rotam q , cum fuerint positæ omnino rectæ super hanc rotam, nam hoc modo possunt saltem carpere, non autem secare, uti faciunt dolabræ scriniariorum, quorum ferrum obliquè positum est, absque quo eo uti non possent; Cæterum dantur mediæ faciendi etiam laminas nm , quæ obliquè positæ uti ferrum dolabræ, eundem effectum habebunt cum præcedentibus, quæ plane rectæ forent. Mutandus saltem in machina tua est angulus inclinationis pro linea LD, secundum proportionem; quam tibi indicabo ad finem hujus Epistolæ, si tantum mihi otii residuum fuerit.


- F** Scias, rotam quæ secat vitrum concavum illud in una saltem linea attingere debere, uti & illa quæ secat convexum, quam optimè intellexisti, etiamsi de ea nihil tibi scripserim; hæc autem ratio est, quod



rota q non debet excedere certam magnitudinem. Novisti enim circumferentiam parvorum circulorum magis curvam esse, quàm magnorum, uti vides in puncto F; Et si circumferentia minus curva esset linea Pno, ipsa daret figuram vitro, non autem Pno; atque ita vitrum foret sphæricum; debet au-

tem esse magis curva quàm Pno, etiamsi nihil intersit quantum; illud saltem observandum est, ad ejus justam magnitudinem, ne semidiameter rotæ q excedat altitudinem, quæ est in prima machinâ, ab asseri VX usque ad axem AB, hoc est, duos aut tres digitos, & ut sit potius aliquantum minor. Quantum ad convexum, parvi refert utrum rotam magnam aut parvam facias.

- G** Probo quidem rotam q esse è tali materia qualem existimas accommodam; & gyrum verti prout tibi commodius videtur. Cæterum notandum est motus gyri & rotæ q , non debere esse æquales; nam contra, existimo esse hoc unum ex præcipuis secretis totius artificii, ut reddendo alterum celeriores, alterum tardiores, prout necessarium arbitraberis, poteris perficere figuras in quantum per manum hominis possibile est. At proportio horum motuum non potest obtineri nisi usu, hoc est, si vel Angelus esses non posses idem præstare anno primo, quod secundo; Saltem



Saltem in genere dicere possim, quod ad vitra concava rota citissime verti debeat & gyrus contra tarde; & è contra pro convexis. Advertendum etiam est, ne rota *q* possit variare rotando huc vel illuc; & ut sit nihilominus libera ad descendendum pro modo quo vitrum secatur, utque id continuo premat, secus enim id non sceret; si ad hoc tibi deit inventio quædam, mihi in promptu erit.

Linea vitrorum convexorum erit adeo extensa, ut oculo videatur omnino recta; Itaque nihil timeas quantum ad propositas ibi difficultates; nam vix quaeritur de secando vitro, sed saltem de eo poliendo; ad quod tamen usum rotæ non minus necessarium judico quàm pro concavis; Dico, etiam postquam vitrum omnino sectum est, uti id à te poliri vidi per corium aliquod aut lignum, vellem ut idem corium aut idem lignum, aut quicquid illud fuerit, sit rota, quæ habeat figuram requisitam. Nam tanta hujus figuræ exactitudo esse debet, ut nullus dubitem, etiamsi vitrum haberet figuram antequam politum esset, posse te illud figura sua privare, si ipsum polias postea sine figura. Unde evenit ut siquidem saltem fatigeres applicare vitro unam laminarum *nm*, aut modulum ejus ope confectum, omnes defectus qui essent in lamina *nm* (neque enim tibi sperandum eam nullum habituram defectum) facerent circulum mendorum tam in modulo, quàm in vitro; cum è contrario rota, quod præcipue in eâ æstimandum est, sit circumdata infinitis lineis *Pno* planè diversis ex quibus composita est, aded ut, si quod possit esse mendum in qualibet non tangat vitrum nisi in uno solo puncto; & è vestigio succedit alia linea, quæ reparat id quod præcedens forte corripit; Et dum in totâ superficie rotæ plura sint puncta quæ correspondent veræ figuræ, quàm alia, dabit illa vitro figuram exactam, neque tamen ullum mendorum suorum illi communicabit; cum tamen omnia menda quæ sunt in modulis communicentur vitro. Hæc etiam ratio est, ob quam annotavi oportere habere plures laminas *nm* omnes similes, neque una sola contentum esse ad secandam rotam *q*, quò si una deficiat in aliquibus punctis altera defectum supplere queat. Et probabile est, si hoc modo pluribus laminis simul utamur, posse nos ita conficere rotam *q* ut quàm proximè accedat ad veram figuram, & vitrum adhuc propius accedet; Id quod tibi indico, ne ignores in quo consistat artifi-

B b b


cium

cium & utilitas omnium horum motuum, nempe in eo, quod etiam si quippiam sit in omnibus tuis modulis quod culpandum videatur, id est, in laminis *nm* & in rota *q*, id tamen non obstiturum sit quò minus exactè vitrum seces.

I - Certissimum est, visionem semper distinctiorem esse cum perspicitur per exiguum foramen, quam si per majus perspiceretur; Ceterum tanti non refert an foramen sit magnum, si figura sit exacta, quàm si non sit exacta. Neque tibi persuadeas vitra secta pro grandioribus perspicillis conducere ad perspicilla pulicaria, multum enim differunt; Nam hæc debent ex utroque latere secari. Mittam tibi alia vice omnes figuras & applicationes vitrotum, ad omnis generis perspicilla, tu mihi id in mentem revocabis si obliviscar.

K Etiam si triangula vitrea ejusdem diaphani sint diversa, & per id diversas habeant refractiones, nihilominus secundum methodum à me tibi datam, dabunt illi omnes eandem lineam, ad secanda vitra caustica. Verùm quia animadverto te partem ejus quod tibi Parisiis dixi, oblitum esse, oportet me mihimet refricare memoriam, & denique illa omnia tibi prolixè repetere.

Sit linea tui Quadrantis *AE*, triangulum vitreum applicatum super *FGH*, cujuscunque magnitudinis esse possit, dum linea ejus *GH* decidat ad angulos rectos desuper *AE*, quo Solis radius transiens per pinnulam *I*, rectè progrediatur versùs *D*, nullà factà refractione dum in vitrum ingreditur, sed saltem tum cum egreditur, nimirum in puncto *D*.




Nota igitur lineam *GDE*, quæ repræsentat inclinationem vitri, in qua fit refraction, & punctum *D*, in quo illa intersecta est per radium Solis, & punctum *A*, in quo radius Solis *IDA* intersectat lineam tui Quadrantis. Habes itaque angulum *ADF*. Postmodum à puncto *D* duces aliâ lineam *DC*, adeo ut angulus *FDC* æqualis sit angulo *ADF*, & per consequens, ut totus angulus *ADC* sit duplex anguli *ADF*; Et nota in quo puncto hæc linea *DC* interfecabit tuum Quadrantem nimirum in puncto *C*, quo invento, sume lineam *CK* æqualem *CD*, & lineam *AL*



AL æqualem AD. Quære postea medium inter puncta K & L, nimirum B: Et si habeas tria puncta A B C, quæ tibi dant proportionem quæ est inter lineas AB & BC, nihil tibi de reliquo opus est; Proportio autem ista semper veniet æqualis, quaecunque triangulum vitreum sumas, dum omnia ejusdem sint diaphani.

Si habeas puncta A B C, poteris describere lineam ad urendum hoc modo; Immittas pedem Circini centro B, coque tantillum diducto nota super linea AC duo puncta N & O æqualiter à B distantia; Tum referendo alterum pedem Circini in A, & alterum in O, duc portionem




circuli TOV, & convertens iterum Circinum, unum pedem in C & alterum in N, duc aliam portionem circuli, quæ interfecet præcedentem in punctis T & V, per quæ linea tua transire debet, uti etiam per punctum B. Poteris ea ratione quam plurima invenire puncta; Nam mittendo iterum pedem Cir-

cini in B, & diducendo eum aliquanto latius quàm priori vice, sumis duo alia puncta æqualiter à B distantia, nimirum P & q. Tum de centro A ducendo circulum xqY, & de centro C circulum xPY, intersectio horum duorum circularum tibi iterum dat duo puncta x & Y, & ita in infinitum. Et existimo eum plane modum esse quo D. Mydorgius utitur. Poteris idem efficere immittendo semel saltem pedem Circini in singula puncta A, B & C, nimirum, si cum habeas pedem Circini in B, sumas puncta NO & Pq, & infinita alia; Tum si miseris pedem Circini in A ducis circulos TOV, xqY, & similes: Deinde mittendo Circinum in C, ducis reliquos circulos TNV, xPY; Hæc brevissima via est; sed probè attendendum, ne fallamur notando intersectionem unius circuli loco alterius. Linea autem ita descripta uret ad distantiam quæ est ab A usque ad B.

Quodli aliquam ducere velis quæ urat ad majorem aut minorem distantiam, ex. gr. ad distantiam DE, quære EF, quæ se habeat ad DE, uti BC se habet ad AB, & ea inventa, utere punctis DEF ad ducendam tuam lineam, sicuti usus es punctis A B C; hoc est, si habeas semel proportionem quæ est inter lineas AB & BC ope tui Quadrantis, ipsa

tibi inserviet ad omnia vitra ejusdem diaphani, ad qualemcunque distantiam ea velis ut urant. Ponamus lineam AB sextuplo majorem esse BC , & te velle secare vitrum quod urat ad sex pollices distantiz, facias DE sex pollicum, & EF unius pollicis, & describas lineam tuam super tribus punctis DEF . Si velis secare unum quod urat à sex pedibus facias DE sex pedum, & EF unius pēdis, & ita ad qualemcunque tibi plaquerit distantiam.


Quod si habeas frustum vitri quod secare velis ad urendum, nihil perpendo de ejus densitate media, neque de ejus diametro, sic procedas: Utere lineam quādam ad urendum, quam jam habeas plane ductam, ex. gr. linea hyperbolica EM , & super lineam EF , nota EG , quæ sit densitas media tui vitri, & duc ad angulos rectos GH , quæ sit semi-diameter



ejusdem vitri dati; Deinde duc lineam quæ transeat per puncta E & H , quæ secabit lineam urentem in aliquo loco veluti in M ; ducas itaque è puncto M perpendicularem ML ; Postmodum quære lineam aliquam quæ se habeat ad DE , uti se habet GH ad ML , & adhuc aliam quæ se habeat ad EF , sicut GH ad ML , ad ducendam lineam requisitam. Ex. gr. DE est sex pollicum, & GH duplum est ML , sumenda est igitur linea duodecim pollicum, nimirum KL ; Tum EF est unius pollicis, sume ergo LM duorum pollicum; Et cum tribus punctis KLM duces



eo modo saltem carperent, ego autem persuasum habeam, te multo utilius iis usurum quæ oblique positz sunt uti est ferrum dolabrarum; Considerabis lineam NM applicatam plane rectam super rota q, & è



puncto N ducas aliam lineam N 2, ea obliquitate qua tibi placuerit, ut ferrum dolabræ; Tum è puncto M ducas lineam M 2, ita ut angulus NM 2 sit rectus; Quo facto sume G 3 æqualem NM, & G 5 æqualem N 2, tum ad angulos rectos duc 3, 4, quæ tangat lineam GH in puncto 4. Deinde duc lineam 5, 6, etiam ad angulos rectos, æqualem & parallelam lineæ 3, 4; Hoc facto duc lineam 6 G; Et angulus 6 G 5

ille est, secundum quem debes secare triangulum Z, & 6 G A complementum ejus inserviet ad Z Z. Adeò ut si utaris hac nova inclinatione in tuâ machinâ, loco præcedentis H G C, ad ducendam lineam P n o in lamina n m, hæc linea P n o multo magis curva erit quàm altera, & lamina oblique posita super rota sicut ferrum in dolabra, eandem secabit figuram. Et hæc non minima pars est inventionis; Nam si semel tibi probè explicaverim relationem quam inter se habent diversæ illæ inclinationes, vix est ut errare possis, si his machinis utaris; etiamsi talia vitra invenias, quæ habeant majorem refractionem aliis: sed impossibile est omnia una epistola complecti. Poteris revera facere ferrum dolabrarum ex machinis istis oblique positis, quod superne rotundè sectum erit secundum magnitudinem rotæ q.

Si quid in hisce omnibus sit, quod non intelligas, facias me certiozem, & non parcam chartæ ad tibi respondendum; De reliquo non est quod speres, te cum omnibus istis machinis prima statim vice miracula facturum; id te præmonitum volui, ne falsa spe nitaris, neve ad laborandum accedas nisi animo multum illi temporis impendendi; si tibi superesset vel biennium, ut te omnibus rebus necessariis instrueres, sperare audeam nos tua ope certiores factum iri utrum in Luna degant animalia.

Amstelod. xiiii Novembris 1629.

EPISTOLA XCIII.

Ad D. Ferrerium.

Præstantissime Domine,

Quoniam tibi placuit mihi indicare id quod operatus es quantum ad sectionem vitrorum Hyperbolicorum, teneri me credidi ad tibi rescribendum quid Amicorum n. quidam curaverit confici per Tornatorem Amstelodamensem. n. cuius operâ usus est. Machina optimè confecta fuerat jam anno præterito & laminæ aut forlices chalybeæ quibus secavit rotam; at nunquam ita exactum facere potuit rotam illam, ut ejus ope secare potuerit vitrum cujus figura fuerit uniformis; Plura ad oculum densiora reperiuntur ex uno latere quàm ex altero, & in plerisque videntur duo Centra: quod inde provenit, meo iudicio, quod rotam nunc huc nunc illuc vertit, etiam si ipsam præmonuerim sapientius, ne faceret; Et in hunc finem, loco gyri in Dioptrica mea descripti, cum arcu eunte & redeunte; curavi ut uteretur rotâ magnâ quæ semper eodem tenore vertatur. Ait, tot fieri circulos in vitro, si rotam suam ad unum tantum latum vertat, ut ab ipso impetrare nequiverim, ut aliquam eo modo perficeret; & cum inspicerem rotam ejus, deprehendi eam valde inæqualem, & quod non semper iisdem viribus contra vitrum niteretur. Consului ipsi ut eam melius expoliret; at regeffit, etiam si exactissimam redderet, ista tamen menda altero die deprehendi; Quod inde evenire existimat, quod interiora hujus rotæ sint lignea, quæ elevat & deprimunt pro tempore cuprum ex quo facta est in circumferentia sua; & pulvis quo utitur ad secanda vitra ingrediendo in cuprum, reddidit id adeo durum, ut ipsi quasi impossibile sit emendare ea quæ ibi annotat menda. Quo non obstante attulit mihi præterito anno duo aut tria vitra, quæ me bonam in spem erigebant; Nam etiam si adeo turbida & male polita essent, ut tum cum saltem pars eorum detegeretur ad magnitudinem vitrorum perspicillorum vulgarium, nihil nisi valdè obscure cernebatur; nihilominus cum tota aperirentur, eundem cum vulgaribus effectum habebant: unde conjici potest, quod, si æque polita essent, tanto majorem effectum habitura essent, quanto majora forent, quod omne est quod sperari potest. Et Diameter eorum erat forte trium digitorum, quæ inserviat in tubulo duorum circiter pedum. Postea nihil magis operatus est: nam per hyemem illi quàm raro operam dedit, & ipse cuius operâ usus est, reliquit Amsterdamum in exordio ætatis. Id. tu cuius mihi spem fecisti, in causâ fuit

fuit ut ipsis auctor noluerim esse continuandi; nam si quis sit in toto orbe qui negotium illud ad finem deducere possit, nullus dubito quin tu ille futurus sis.

EPISTOLA XCIV.

Ad Dominum * * * *

Vir Clarissime,

Magno pere tibi devinctus sum, quod mei memineris & antiqui amoris tui erga me testimonia patefacias, ut doceam me illum satis non posse mereri. Excusatam habebis & ingenii tenuitatem, & impedimenta quæ me in alias cogitationes rapiunt, si tuæ quæstioni satisfacere nequeam, nimirum, quare magis liceat procedere à decima minore ad sextam majorem, quàm à tertiis ad octavas. De quo tamen dicam, videri mihi illud quod transitum consonantiæ unius ad alteram reddit jucundum, non in eo saltem consistere, quod relationes etiam sint consonantes, hoc enim fieri nequit; atque etiam si fieri posset, gratum non foret, idè quod hoc omnem diversitatem Musices impediret; Cæterum quantum ad incongruas relationes, saltem falsæ quintæ inspiciendæ sunt, & ternarius, nam 7 & 9. sibi fere semper occurrunt, cum pars quædam procedit per gradus conjunctos. Cæterum impedimentum ob quod non possit procedi à tertiâ ad octavam, in eo situm est, quod octava sit una consonantiarum perfectarum, quas expectat auris, dum audit imperfectas; sed cum audit tertiâs, expectat consonantiam quæ ipsis proxima est, nimirum quintam, vel unisonam; aded ut si octava superveniat in locum, fallatur auris, nec ipsi satisfiat. At licet sane procedere de tertiis ad aliam imperfectam; Nam etiam si auris ibi non inveniatur quod expectat, ad ibi remorandam suam attentionem, invenit tamen ibi aliam quandam varietatem, quæ ipsam recreet, quod non inveniret in consonantia perfecta, qualis est octava.

Intellexi à D. Ferrerio quantum me in ejus persona tibi deviceris, & quantumvis plura in illo sunt, quæ te excitare possint ut ipsius promotionem procures, quàm in me agnoscam, quibus benevolentiam tuam mereri videar, non tamen èd minus animadvertissem me tibi ejus quem in ipsum contulisti, favoris nomine, gratias debere; non saltem quia satis illum amo ut quod beneficium illi collatum est, id mihi factum interpreter, verum etiam quia tanto desiderio tencor tibi habendi honorem &
tibi



tibi serviendi, ut nullus metuam ne quod tuis meritis vovi, tuae humanitati debeam. Sed & volupe est mihi ipsimet blandiri, existimando te mei meminisse, & quicquam pro me facturum esse; Itaque & melius de me ipso sentio, & eò arrogantiae delabor, ut audeam tibi impensius commendare, eundem Ferrerium, asserendo, me præterquam quod sit vir honestus & gratus, neminem novisse, rerum earum, quibus animum manusque applicat, capaciorem. Est quædam pars in Mathematicis, quam appello scientiam Miraculorum, idè quod doceat ita appositè uti Aëre & Lumine, ut ejus ope exhiberi possint omnes eadem illusiones, quas Magici ope Dæmonum facere dicuntur. Nunquam, quod sciam, hæc scientia in praxin deducta fuit, neque quenquam novi præter eum qui ejus sit capax. Existimo autem eum ejusmodi præstare posse, ut, quamvis tales minutias continere soleam, tamen fateri cogar, quod si eum Parisiis extrahere potuissem, hæc loci eum de industria detinuissem, ut ei rei operam daret, unaque cum ipso impendissem horas illas, quas forte ludendo aut in consortiis inutilibus perdidissem.

Summa exultavi lætitiâ quod me per litteras, quibus me dignatus es, admoneres inspicere principium septimi capitis Libri primi Meteororum Aristotelis, quo utar ad meam defensionem; locum enim illum citavi ad calcem Philosophiæ meæ, & solus est quem ex Aristotele citavi. Atque ita non debile est illud amoris tui erga me argumentum, quod videam te mihi consulere plane idem quo utendum mihi ipsemet existimaveram. De Censurâ Romanâ, quantum ad motum terræ, nihil est quod metuam; nego enim disertè motum istum. Credo equidem posse primo intuitu existimari, me verbis tantum illum negare, ad evitandam censuram, idè quod retineam systema Copernici; Verùm cum quis examinaverit rationes meas, certus sum eas serias & solidas deprehensum iri, & quod evidenter probent, potius dicendum esse, quod Terra se moveat, secundum systema Tychonis, quàm secundum systema Copernici, eo quo explicò modo explicatum. Quod si neutrum horum amplecti debeamus, redeundum est ad systema Ptolomæi, ad quod non credo Ecclesiam nos unquam obligare, idè quod manifeste adversetur experientiæ; Et omnia dicta Scripturæ quæ faciunt contra motum terræ, non respiciunt systema mundi, sed saltem modum loquendi; adè ut, probando, quod facio, propriè loquendo dicendum esset terram se non movere secundum systema quod explicò, iis Scripturæ dictis omnino satisfaciam. Atamen magnopere tibi obligatus sum, quod volueris me certum reddere eorum quæ mihi possent nocere.

Ratio, ob quam credam chordam tensam, aut arcum aut organum quoddam, regredi in sua directione, est quòd materia subtilis quæ continuo labitur ut torrens per poros corporum terrestrium, non inveniens eundem in his poris transitum, quem solebat, conatur illos reponere in statum consuetum. Exempli gratia, si pori frusti chalybei intinctorum sunt plane rotundi, cum illud rectum est & iustæ omnino magnitudinis, ad dandum transitum partibus materiæ subtilis, quas concipio itidem rotundas esse, fient illi ovals tunc cum erit complicatum; & hæ partes materiæ subtilis premendo extremitates horum ovalium, eò loci ubi maxime angustæ sunt, conabuntur illis reddere primam suam figuram &c. Optime cepisti mentem meam in eo quod de extensione superficierum scripsi, nimirum, aërem magis resistere eidem quantitati materiæ, prout illa magis aut minus extensa est in ejus superficieribus; neque enim ullam inertiam considero *absolute loquendo*, aut secundum naturam rei, sed saltem respiciendo ad corpora circumjacentia. Ita, cum dico, quò majus est corpus aliquod, eò melius posse transferre motum suum in alia corpora, & minus ab ipsis moveri posse, ea nixus ratione, quòd illa integra omnino propellat versùs idem latus; cum tamen corpora parva quæ id circumdant, nunquam adeò uniantur ad illud unà propellendum eodem instanti eodemque sensu & propellendo illud, unum aliquam illius particulam uno, alterum aliam alio modo, non magnoperè illud moveant. Vale & me amare perge.

EPISTOLA XCV.

Ad Dominum * * * *


Clarissime Domine,

NOvissimas tuas die Lunæ manè demum accepi, cum jam elapsa esset hora, ex qua tibi transmiseram eas, quas ad te dederam Die solis circa vesperam; quæ causa est ut non addiderim systema meum ad faciendum Instrumentum Musicum, quod sit perfectum, neque enim arbitrabar, te amplius illum tibi exhibere velle; & novi quidem te eo non opus habere ad Cymbalum Claviculatum, quod paras filiæ tuæ; Nam pro cā quā illa est ætate, facillima quæque quærenda sunt; at systema illud multo difficilius est vulgari; id quod facili ex proposito schemate judicare potes.

Nimirum, pro eo, quod vulgus consuevit dividere octavam in duodecim



decim partes, quantum ad Cymbala claviculata ordinaria, ea hinc dividenda est in Octodecim; uti exempli gratia in parvo Cymbalo (quod Gallis *Espinette* dicitur:) gradus octavæ ita sunt dispositi &c. cum tamen ita dispositi esse deberent &c.



Et soni istorum graduum eandem inter se debent habere proportionem quam habent numeri hic positi. Adeo ut si chorda, quæ dat sonum C divisa esset in 3600 partes æquales, 3456 partium ejus darent sonum e & 3375 sonum e & 3240 sonum D, & sic de reliquis. Et secundum hoc concinnandum est hoc Cymbalum. Et possunt quidem in eo ludi omnes illæ partes quæ luduntur in cæteris, neque necesse est ut quippiam in eis immutetur, nisi quod si velis uti fictâ e cum A vel E, sumere oportet primum e; & si velis uti illâ cum F, contingere debeas secundum e. Et quod oporteat contingere primum D cum A aut F; & D. cum G aut E; & d. cum E, & d. cum G; & f cum A, & f. cum E; & g cum E, & g. cum F aut C; & denique b cum F, & b. cum G; quod intelligendum est de partibus quæ luduntur in B quadrato. Et quantum ad illas, quæ luduntur in B molli, saltem F substituendum est in locum C; G & G. loco D & D. & ita subsequenter. Et quod hic de octava dixi, debet intelligi de integro Claviario, in quo omnes octavæ eodem modo dividi debent. Vale.

EPISTOLA XCVI.

Ad Reverendum Patrem Merfennum.


Rev. Pater,

Magnopere vellem contribuere quippiam egregio Domini Cauendiche proposito ad promovendum perspicillorum successum; verum, ni fallor, tibi olim communicavi quicquid de ea re novi; Nimirum differre Theoriam à Praxi, ideo quod hæc non possit attingere perfectionem

Ccc 2

nem

nem illius, atque ideo satis habendum sit, ut quàm proximè fieri possit ad eam accedatur; de cætero id agendum esse ut vitra sint nitida & clara, id est, ne quid nævi aut nubecularum contineant, & bene polita tam ex illa parte qua relinquuntur plana, quam ex altera. Pulchrè successit aliquando ut conficerentur perspicilla satis proba, conando saltem reddere vitra sphærica, ideo quodd si figura talium vitrorum parva sit, non admodum sensibilibiter ab hyperbolica differat; Quodsi vero majora sint, differentia



erit admodum sensibilis, uti vides circulum $A B C$ & hyperbolam $d b e$, se attingere, fere in satis longo spatio versus b , at versus $A d$ & $C e$ longe ab invicem recedere. Cæterum in eo cardo

rei versatur, ut conficiantur vitra convexa satis magna, & bene polita, quæ propemodum figuram habeant hyperbolicam. Et quantum ad vitraminora, etiam si secundum Theoriam uno saltem uni homini opus sit, quod ipsi possit inservire, ad applicandum omnibus vitris convexis; secundum Praxin pluribus opus est diversarum concavitarum, ideo quod si figura convexi non sit exacta, figura concavi defectum supplere debeat. Et cum parvum vitrum quanto magis concavum est, recipiat radios magnæ partis convexi, uti videre est pag. 85. mæ Dioptrices, sæpiusque accidat, ut parva portio convexi propius accedat ad veram figuram, quam magna quædam portio; inde accidit, ut fere semper vitra minora minus concava meliora evadant ad reddendam visionem magis distinctam; verum objecta non æque magna repræsentant.

EPISTOLA XCVII.

Ad Dominum * * *

Clarissime Vir,

NOva quæ è diversis ad me locis afferuntur, de iis quæ Ultrajecti aguntur, in multam me rapuerunt admirationem, etiam si iis non movear, neque ea ullatenus ad animum revocem, nisi quatenus tangunt D. Regium. Neque enim quippiam minus per Lugdunum Batavorum fama sparsit, quam quod ab officio suo remotus sit: quod tamen mihi non credendum videbatur, neque unquam id fieri posse mihi imaginari poteram, neque mihi liquet, quo prætextu inimici ejus niti potuissent ut ipsi nocerent. Quicquid autem acciderit, rogatum te velim; ut cum

mcis



meis verbis certum reddas, me ipsi non defuturum ubicunque potero, & plus me ejus esse habiturum rationem, quam mei ipsius; neque verò animum despondere debere, cum causa hæc adeo celebris sit, & toti orbi adeo nota, ut nulla ibi injustitia committi possit, quæ non in solum eorum dedecus redundatura sit qui eam commiserunt, & contra gloriæ atque etiam tractu temporis emolumento futura iis qui eam passi fuerint. Quantum ad me, cum hætenus judicium non tulerim nisi de rebus mihi probè cognitis, non adeo culpandus mihi videtur Magistratus Ultrajectinus, uti vulgò culpatur: poterunt enim quæ egerunt, eventu reddi utilia, totique orbi eorum summis laudibus extollendorum ansam dare, dum à se remove velint Magistrum suum importunum, qui, quoddam publicè damnaverint Librum meum, in eos declamasse dicitur. Quantum enim ad posteriora illa famâ iniquiori ad nos delata de ejus remotione ab officio, tanti non sunt ut fidem mereantur. Cæterum pro certo mihi relatum est, statuisse eos Legem in sua Academia, per quam disertis verbis vetant ullam ibi doceri præter Aristotelis Philosophiam; vellem sane ejus exemplum habere, si fieri possit. Quod non peterem, si crederem eos id in malam accepturos partem; cæterum cum eam publicaverint, videntur id velle ut vulgò non ignoretur, eosque prudentiores esse quàm ut sequantur insulsum hominis cujusdam axioma, me in aliena Republica curiosum appellantis, quique diem dicit omnibus illis qui audent publicè perstringere errores quos publice committit. Nihilominus optarem nihil mihi ab Amicis meis scribi, quod tu prius non inspexeris, uti neque ego quippiam scribo quod totius orbi conspectui subiacere nollem; Cæterum illud præcipuum tibi commendo, ne propter me cuiquam præbeas ansam à secedendi, nimium enim jamdudum tibi devinctus sum; sed & hoc me nullatenus sublevaret.

EPISTOLA XCVIII.

Ad Dominum * * *

Clarissime Vir,

Maximo erga me favori duco, quod inter tanta negotia & magni ponderis labores, quibus animus tuus modò non opprimitur, digneris mei, hominis inutilis, meminisse. Neque dubito litteras quas procurare voluisti Tornatori satis fuisse graves; nullum tamen hætenus effectum habuere, nisi quod Magistratus Civitatis hætenus nulli locum

Ccc 3

quem

quem ille ambit, contulerit; quodque frons illorum, quos eo nomine allocutus est, ipsi omnem sperandi causam præcidere non videatur. Miror tibi relatum fuisse me quippiam Metaphysicum typis mandare, neque enim quicquam ejus rei Librario meo dedi, neque quicquam paratum habeo, nisi adeò modicum, ut vix dignum sit de quo sermo fiat; & denique nihil tibi veri de eo referri potuit, nisi id quod tibi me præterita jam hyeme dixisse memini, nimirum, animum mihi esse elucidandi id quod in quarta parte Methodi mei scripsi, quod tamen non essem publicaturus, sed typis saltem mandaturus duodecim aut quindecim Exemplaria, quæ duodecim aut quindecim primariæ notæ Theologorum nostrorum mittam, eorum de eo judicium præstolaturus. Confero enim id quod in hac materia concinnavi cum demonstrationibus Apollonii, in quibus reverà nihil est, quod non sit clarissimum simul & certissimum, si singula puncta separatim inspiciantur; Verùm quod longiusculæ sint, neque in iis possit perspicui conclusionis necessitas, nisi in memoriam revocentur quæcunque eam præcesserint, vix invenitur in multis regionibus, qui earum intelligendarum capax sit. Et nihilominus quia pauci illi qui eas intelligunt, earum veritatem asserunt, nemo est qui de ea dubitet. Ita existimo me omnino demonstrasse existentiam Dei, & immaterialitatem Mentis Humanæ. Verùm quia hoc ex multis ratiocinationibus sibi invicem succedentibus pendet, quorum si vel minima omittatur circumstantia, non potest probe intelligi conclusio, nisi occurrant mihi homines admodum idonei & qui sibi in Metaphysicis famam acquisiverunt, quibus operæ pretium sit exactius discutere rationes meas, quique ingenuè sua de ea re animi cogitata aperiant, eoque modo alios moveant ad idem de eâ ferendum judicium, aut saltem ad erubescendum si absque ratione contradicere satagant, prævideo parum eas utilitatis prolaturas. Et videor quippe magis teneri id agere ut quædam auctoritas huic concilietur Tractatui, ad gloriam Dei collimanti, quàm agerem, si de alia materia sermo esset. De cætero, credo quod bellum mihi futurum sit cum Jesuitis, eorum quippe Mathematicus qui est Parisiis, publice refutavit in Thesibus suis meam Dioptricam; Eaque de re scripsi ad ejus Superiorem, ut totum eorum Corpus in causa implicarem; Quamvis enim jam olim noverim, male sibi consulere eum, qui sibi inimicitias parit, arbitror tamen, cum ipsimet proprio motu irritentur, neque mihi eorum bilem evitare liceat, præstare, ut, quod felix faustumque sit, semel occurram omnibus, quam expectando singulos litem immortalem faciam. Interim vocant me in Galliam rei familiaris necessitudines, & si qui-

si quidem mihi intra sex septemve hebdomadas eò cundi copia detur, certum est id iter aggredi; Cæterum non vult Wassenaar ut antequam typis excusum sit, quod adversarii pertinacia ipsum scribere coëgit, proficiat; & quamvis talis sit materia, quæ multum mihi fastidii creat, tamen honoris ergò teneor expectare finem ejus, & servitia quibus his regionibus obstrictus sum non permittunt mihi dissimulare ejus veritatem. Invenies eam hîc in ejus Præfatione, cujus impressionem faciam ut differat adhuc quindecim dies, aut plures si opus sit, ut expectetur judicium tuum, si tibi placuerit mihi id impertiri, & erit nobis pro sanctissima Lege. Cæterum velim te credere, adversarium ejus non ignorasse librum suum nullius esse momenti, etiam antequam illum publicaret, quod subterfugia sponsonis ejus satis demonstrarunt, præditusque fuit scientiâ Socratis in eo quòd sciebat se nihil scire; cæterum simul summa calumniandi impudentia præditus, seseque jactandi scire res impossibiles & extravagantes, quæ qualitas me judice periculosissima & maxime noxia est omnium earum, quibus homo suæ conditionis præditus esse possit; & existimaui me teneri de eo meum tibi judicium communicare. Vale.

EPISTOLA XCIX.

Ad Dominum * * *.

Vir Clarissime,

INsignem mihi in gloriam traho honorem illum quo me afficere dignatus es, communicando mihi Tractatum tuum lingua Hollandica conscriptum, in quo agis de Usu Organorum in Ecclesiis, perinde ac si valde gnarus essem linguæ illius; Verùm quamvis ejus ignoratio fatalis sit toti meæ Nationi, persuasum tamen habeo, non obstitisse Idioma, quominus sensum dissertationis suæ assecutus sim; inveni in ea dispositionem adeo nitidam & bene ordinatam, ut facilè mihi fuerit carere mixtura verborum peregrinorum, quorum nulla habet, quæque aliàs mihi intellectum aliorum scriptorum Hollandicorum facilitare solent. Cæterum meum non est de stylo judicare, neque id nisi perabsurde conarer: Verùm quantum ad tuas rationes, affirmare ausim, esse eas adeò solidas & bene delectas, ut omnino persuadeas Lectori quicquid probaturum te pollicitus eras. Quod hîc eò minori scrupulo fateor, quòd in eo nihil offenderim, quod cum Ecclesia nostra non omninò conveniat. Et quantum
ad

ad Epitheta quæ pluribus in locis in nos confers, non arbitror debere nos ex iis majorem indignandi causam arripere, quam si amasia *nequana* appellaret amatorem suum, in ultionem osculi, quod ipsi extorsit, aut potius ad tegendum modicum quo erubuit pudorem, ob specie repugnantis permissum suavium. Fateor quidem parvæ illud osculum efficaciz esse, & vellem ut talibus nos injuriis infectando etiam deduxisses omnia puncta quæ facerent ad reuniendam Romæ Genevæ. Cæterum cum Organa sint Instrumenta maxime propria ad incipiendam bonam Harmoniam, permitte zelo meo, ut hæc dicam me *omen accipere* ex eo quod illud pro subiecto delegeris. Sane si Indorum quidam noluerunt Christo nomen dare, metuentes ne in Paradisum Hispanorum profecturi essent, multò mihi major causa est optandi, ut regressus ad nostram religionem me faciat post hanc vitam frui consortio hominum hujus regionis, quibus cum effectû testatus sum malle me vivere, quàm cum hominibus mei natalis soli. Et ignoscas mihi, si paululum hac occasione de te conquerar, eo quòd me credideris *esse feram bestiam*, quo tempore rescivisti me in Galliam iter destinasse; nam nisi fallor, eo nomine Justinianus appellat eos qui non habent *animum redeundi*; ego verò non nisi 4 aut 5 menses excurrere constitui. Conqueror etiam de causa, quam ais te itineris mei accepisse; neque enim, Deo sit gratia, adeo ratione destitutus aut etiam tenellus sum; Non ignorò, pulcherrima corpora semper habere partem aliquam sordidam, mihi autem sufficit eam non videre, aut etiam ridendi ex ea ansam capere, si forsitan ex incuria se mihi aperiat; neque unquam adeò fastidiosus fui, ut propterea minus astimem amemve, quod mihi ante pulchrum bonumque visum fuit. Cæterum conquerendo, Domine, quod me alio quam sum ingenio acceperis, hoc tamen non obstat, quominus tibi magnoperè devinctus sim pro tua benevolentia, quam eo ipso tibi placuit mihi testificari. Tu me perpetuo mansurum crede &c. Vale.

EPISTOLA C.

Ad Reverendum Patrem Mersemmum.

Reverende Pater,

Mitto tibi denique Responsionem meam ad objectiones D. Arnauldi & rogatum te velim, ut sequentia in Metaphysica mea mutes, ut possit exinde cognosci, quantum judicio ejus detulerim, aliique videntes

dentes quanto obsequio bona consilia prosequar, liberius mihi patefaciant rationes si quas contra me habent, neque pertinacius nulla ratione mihi oppugnare pergant.

Prima correctio est. In Synopsi ad quartam Meditationem. Post hæc verba, quam ad reliqua intelligenda, ubi hæc velim addas, (*sed ibi interim est advertendum nullo modo agi de peccato, vel errore qui committitur in persecutione boni & mali, sed de eo tantum qui contingit in dyndicatione veri & falsi; nec ea spectari quæ ad fidem pertinent, vel ad vitam agendam, sed speculativæ tantum, & solius luminis naturalis ope cognitæ veritates*) eaque includas parenthesi, ut noſcatur ea addita esse.

In sexta Meditatione pag. 96. post hæc verba: Cum authorem meæ originis adhuc ignorarem, velim addas (*vel scilicet ignorare me fingerem*;) itidem in parenthesi.

Tum in Responsione mea ad primas objectiones, ubi quæritur, an Deus dici possit esse a se ut a causa? eò loci ubi sunt hæc verba: Adeò ut si putarem nullam rem idem quodammodo esse posse erga se ipsam &c. rogatum te velim ut ad marginem ponas: Notandum est per hæc verba nihil aliud intelligi, quam quod alicujus rei essentia talis esse possit, ut nulla causa efficiente indigeat ad existendum.

Et paulò inferius, ubi sunt hæc verba: Ita, etiam si Deus nunquam non fuerit, quia tamen ille ipse est qui se servum conservat, &c. velim ad marginem ponas: Notandum etiam hic non intelligi conservationem quæ fiat per positivum nullum cause efficientis influxum; Sed tantum, quod Dei essentia sit talis ut non possit non semper existere.

Et tribus lineis inferius, ubi habentur hæc verba: Et si enim ii qui putant impossibile esse ut aliquid sit causa efficiens sui ipsius, non soleant, &c. velim ut ita textum corrigas: Et si enim ii qui non nisi ad propriam & strictam efficientis significationem attendentes, cogitant impossibile esse, ut aliquid sit causa efficiens sui ipsius, nullumque hic aliud cause genus efficientis analogum locum habere animadvertunt, non soleant, &c. Non enim intendi dicere, aliquid potest esse causa efficiens sui ipsius, loquendo de efficiente proprie dictæ, sed scilicet tum cum quæritur an aliquid possit esse a se hoc non debere intelligi de efficiente proprie dictæ; Ideò quòd, ut dixi nugatoria esset questio, quodque axioma consuetum scholæ, nihil potest esse causa efficiens sui ipsius, in causa sit, ut non intellecta fuerint verba a se eo sensu quo intelligenda sunt; in quo tamen aperte scholam culpæ noli.

Peto etiam abs te, ut memor sis correctionis, de qua in præcedentibus meis ad te mentionem feci ad finem earum Responſionum, ubi hæc habentur

bentur verba: *Deinde quia cogitare non possumus* &c. Dum enim scriptum meum typis non est vulgatum, existimo jus mihi esse in eo quicquid placuerit immutandi; Arbitror etiam jus aliquod mihi esse petendi, ut in objectionibus Domini Arnault ad calcem illius, in qua examinat *an Deus sit à se ut à causa*, & ubi hæc mea verba allegat: *adeo ut si putarem nullam rem idem esse posse erga seipsam* &c. ponatur, *idem quodammodo esse*, vocabulum enim, *quodammodo*, quod ille omisit, invertit sensum, & præstat me iudice te rogare ut id addas in ejus Textu, quam ut eum falsæ allegationis in Responsione mea infimulem; præterquam quod videatur eam saltem ex incuria præteriiisse. Concludit enim, *cum evidentissimum sit nihil ullo modo erga se ipsum* &c. ubi suum ullo modo refertur ad meum *quodammodo*.

Eadem ratione possem abs te petere, ut in exordio ejusdem objectionis ubi citat hæc verba: *Ita ut Deus quodammodo idem præstet respectu sui ipsius* &c. ponas hæc: *Ita ut liceat nobis cogitare Deum quodammodo idem præstare* &c. uti habetur in meo Textu. Et paulò inferius ubi me citat, dicens *efficientis significatio non videtur ita esse restringenda*, omittit præcipuam rationem, quam de ea re statui, quæ est, quod *negatoria questio esset* &c. & refert saltem minus principalem; cæterum huic lenissimum remedium adhuc in mea Responsione: Ideoque nihil attinet id mutare, neque id faciendum eo non consentiente.

Venio ad novissimas tuas secundo Martii datas, quas ante octiduum accepi, neque enim hoc itinere à te litteras habui; sermonem facis in eis de opinione Angli, asserentis reflexionem corporum non fieri nisi ideo quod per organum aliquod ab aliis corporibus quæ offendunt, repellantur: verum hoc per experientiam facillimè refutari potest. Nam si verum esset, oporteret ut premendo pilam ad durum lapidem tantis æquè viribus ac pila pulsat dictum lapidem, tum cum in illum coniecta est, hæc ipsa pressio possit efficere ut eadem altitudine resiliat, quæ resilit si in illam projiciatur. Et hoc experimentum factum facile est, tenendo pilam extremis digitis, & trahendo illam inferius contra lapidem quendam ita parvum ut possit remanere inter manum & pilam, uti chorda arcus lignei est inter manum & sagittam, si extremis digitis trahatur, ut postmodum remittatur; At deprehendetur, quod hæc pila nullo modo resiliat, nisi parum admodum eo casu quo lapis valde sensibiliter se in modum arcus curvat. Et ut confessionem ipsis extorqueamus pilam nullo modo in puncto reflexionis subsistere, docendi sunt, quod si pila subsisteret tum cum reflexio præcisè fieret ad angulos æquales, deberet etiam subsistere tum cum ali-

quan-

quanto minores sunt, & ita per gradus, etiamsi sint omnium acutissimi, neque pro uno major ratio militat, quàm pro altero. Verùm hi acutiores anguli sunt anguli contingentiae, qui inveniuntur in omnibus punctis imaginabilibus, quæ sunt in Circumferentia cujusdam circuli, adèd ut concipi oporteret, pilam, tunc cum se in gyrum movet subsistere in omnibus punctis lineæ quam describit, quod defendi nequit nisi per ridiculam quandam pertinaciam: & nisi simul concedatur eam subsistere in omnibus punctis motus ejus, quando in linea recta progreditur; neque apprehenditur notabiliter velocius progredi in linea quàm per gyrum. Et si statuatur eam subsistere in omnibus punctis motus sui, non hoc singulare esset si dicatur subsistere etiam in puncto reflexionis. Et explicanda est ipsis causa, quæ facit ut ea recipiat motum quem perdidit in quolibet puncto in quo sublitterat, uti prætendunt eam dare per suum Organum, quod facit ut eam recipiat in puncto reflexionis. Caterum non memini me dixisse, conclusiones ejus de Refractione male deductas esse ex ejus hypothesebus; credo enim revera eas benè deductas esse, & facile non est fabricare absurda Principia ex quibus possint concludi veritates quas aliande hauserimus; Veluti si dicam, *omnis equus est rationalis, omnis homo est equus; ergo omnis homo est rationalis*, conclusio bona est, & argumentum in forma, sed Principia claudicant.

Gaudeo Domino Petito Metaphysicam meam quadantenus arrivisse; Novisti enim, majus esse gaudium in cœlo super uno peccatore resipiscente, quam super mille justis perseverantibus.

Relinquo tibi curam omnium titulorum Metaphysicæ meæ; tu enim, si placet, eris Patrinus. Et quantum ad objectiones, bene nominabuntur *primæ objectiones*; *secundæ objectiones*: post quas ponetur, *Responsio ad objectiones*, potius quàm solutiones objectionum, ut judicium Lectori liberum relinquatur utrum Responsiones meæ verè contineant solutiones, an secus. Nam illi demum *solutiones* ponere debent, qui saltem falsas obtrudunt; uti minùs nobiles consueverunt sibi plurimum nobilitatis arrogare.

• Nondum tibi mitto ultimum folium Responsionis meæ ad D. Arnault, ubi explico Transsubstantiationem secundum mea Principia; Vellem enim prius inspicere Concilia de illo subiecto, eorum autem inspicendorum hæcenus occasio data non fuit. Vale.

Lugduni Batav. xviii Martii 1641.

EPISTOLA CI.

Ad Dominum * * *

Clarissime Vir,

Profitetur me magnas tibi debere gratias pro notis, quas mihi procurare & transmittere dignatus es. Miror cœcitatē & præcipitantiam eorum hominum, qui ea somniant videre in scriptis meis, de quibus ipse ego ne somniaveram quidem. Non quidem articulatim in Principiis meis omnes cujusvis Planetæ motus descripsi: sed in genere supposui omnes eos quos observatores in eis annotant, & conatus fui eorum explicare causas. Sed & cum omnibus Planetis hoc commune sit, ut irregulariter deviant à circulo regulari, quem imaginamur nobis eos describere debere, Luna circa Terram, & reliqui circa Solem, unde factum est ut ipsis attributa fuerint plura Apogæa aut Aphelia & Perihelia, aut Perigæa, exposui rationes horum Apogæorum, quæ communes sunt omnibus Planetis & contuli eas in pag. 181, & 182. Tum, quia præter omnes irregularitates quæ notantur in Luna, eodem modo quo in omnibus reliquis Planetis, etiam hoc in illa peculiare observetur, quod omnes istæ irregularitates, quas Latino sermone appello *aberrationes à motu medio*, majores sunt in ejus quartis, quàm in Pleni-aut Novilunio, ratio peculiaris mihi reddenda fuit: Eaque quam dedi est, quod Cœlum qui ipsam continet, habeat figuram Ellipticam; Cum enim Cœlum sit fluidum, & ita Lunam secum terat, ut tamen interim quodammodo pellatur aut disponatur ad se movendum per alias causas, ratio exigit, alias istas causas producere effectum multò majorem, quando est in iis locis, ubi Cœlum ipsius latius est, quàm si in illis locis versatur ubi angustius est. Eodem modo, ac si concipiatur in fig. pag. 220. Materiam quæ est inter duas lineas A B C D, 5678 esse aquam fluminis quæ in gyrum vertitur ab A per B versùs C, tum versùs D & versùs A, & Lunam esse navigium, quod à cursu hujus fluminis abripitur, evidentissimum est, quod si quæ alia causa disponat illud navigium, ad accedendum propius ad hoc littus istius fluminis quàm ad alterum, ea ipsa causa agens contra illud, tum cum erit inter B & 6, ipsum non tanto per se repellat à loco quo solus aquæ cursus id deducit, quam tum cum erit inter C & 7. Et constat etiam, quod si hoc navigium moveatur lentius quàm materia Cœli sui, magis augeat rapiditatem hujus aquæ, cum erit inter B & 6, quàm cum erit inter C & 7, verum non magis augebit si sit proximè littus hujus fluminis no-

tatum

Vid. fig.
art. 49.
quartæ
partis
Principio-
rum.

tatum littera B, quàm fuit proximè littus 6. Cui consequens est, ut quicquid de Luna, & de fluxu refluxuque maris scripsi, ita manifestum sit, ut nulla mihi occurrat dubitandi ratio.

Quantum ad descriptionem animalis, jam diu propositum ejus in mundum redigendæ reliqui, non quidem per negligentiam aut bonæ voluntatis defectu, sed ideo, quod ad præsens mihi melior suppetat. Non constitueram in mundum redigere, nisi id quod putabam me certius cognoscere de functionibus animalis, idcò quod fere perdidissim spem inveniendi ejus formationem; Verùm desuper meditando, tanta novarum terrarum spatia detexi, ut nullus dubitem, quin ex voto possim absolvere omnem Physicam, dum omni mihi sit atque occasio faciendi quædam experimenta.

Nescio quænam litterarum commercia habeas in Suecia, scio autem per ea te rescire de me talia, quæ me ipsum fugiunt. Nescio etiam unde mihi adveniret Liber quidam Mathematicus, in cujus involucro inveni nomen tuum, Authori nomen est Georgio Ritchel, natione Bohemo; neque existimaverim, cum ipsum voluisse ut librum ejus inspiciam, quoniam in eo nihil reperio, quod me ad lectionem ejus valde alliciat; & videns eum in principio sæpius exclamare *hic subsistendum*, obsequio ipsi desistere nolui, interrompendo lectionem; de cætero cõ Tuus &c.

EPISTOLA CII.

Ad Dominum * * *

Clarissime Vir,

AD resolvendas tuas difficultates imaginare tibi aërem, veluti lanam, & ætherem qui est in ejus poris uti turbines ventorum, qui ultro citroque moventur in lana istâ, & imaginare tibi, ventum illum qui undique ludit inter parva fila hujus lanæ, impedire quo minus se invicem premant, uti absque eo premerent; Sunt enim omnia gravia, seseque invicem premunt in quantum agitatio venti illius permittere potest; Ita ut lana, quæ terræ proxima est, prematur ab omni illa quæ supra eam est usque supra nubes; quod efficit magnam gravitatem; Adcò ut si sublevanda esset pars istius lanæ, quæ ex. gr. notatur per O cum omni illa, quæ supra est in linea O P q, vi magna opus esset. Hæc autem gravitas, vulgò in aëre non animadvertitur, tum cum sursum propellitur; idcò, quod si ejus partem aliquam sublevemus, ex. gr. illam quæ est in puncto E ver-



valde gravis est; Nam cum tubulus supernè clausus sit, nihil lanæ potest intrare, nihil, inquam aëris in locum Argenti-vivi, tum cum descendit. Verùm, inquires, poterit benè intrare ventus, æther inquam, per poros tubuli. fateor; At considera ætherem, qui intrabit, non aliunde posse venire quàm de cælo; Nam etiam si ubique sit in poris aëris, tamen non plus in illis est quam oportet ad eos implendos; Et consequenter, si sit novus quidam locus in tubulo replendus, oportet ut ille veniat ab æthere, qui supra aërem in cælo est, atque adeò ut aër se in ejus locum elevet.

Et ne quid erres, existimandum non est hoc vivum-argentum non posse separari ab laqueari per ullam vim, sed saltem tanta vi opus esse, quanta requiritur ad auferendum aërem, qui abinde se usque supra nubes extendit.

Jam si sit aër calidus in aliquo vitro, imaginare tibi esse hanc lanam, in qua sunt impetuosissimi ventorum turbines, qui ipsam plus solito distendunt atque ita efficiunt ut majorem locum occupent, quam tum cum aër refrigercit; Sciendum autem, impetuositatem hujus venti esse multo fortiorē quàm gravitatem totius lanæ quæ supra est, cum non minus efficiat
ut


ut partes ejus quæ infra est, ab invicem, sese rarefaciendo, recedant; Quod-
 si invertatur vitrum supra lapidem, & circum circa bene obturetur, aër
 qui intus est, refrigerando, hoc est, partes hujus lanæ cessantes moveri
 per ventum ipsis intermixtum, non jam opus habebunt tanto spatio, at-
 que ita gravitas lanæ, quæ supra est, incipiet habere effectum suum. pre-
 mendo vitrum ambitu suo, & includendo & restringendo ipsum intus
 quam maxime ipsi possibile est; Verum quod dicis, quod etiam si hoc vi-
 trum nullo modo cedat, aër intus inclusus non minus refrigerat etiam si
 non condensetur, & id largior; Nam etiam si ventus multum diminutus
 sit, nihilominus semper valet ad dispergendum in tota cavitate vitri mo-
 dicum illud lanæ, quod in eo inclusum est. Festinanter hæc scripsi, quò
 Epistolam meam hac vespera expedirem, fortasse die Jovis tibi plura di-
 cturus. Vale.

EPISTOLA CIII.

Ad Dominum * * * *

Vir Nobilissime,

Videor sine dubio Patri Mersenno adhuc militiam sequi, cum ad me
 dirigat Epistolas quas tibi scribit. Hæc quam hisce inclusam acci-
 pies Lugduno Batavorum huc delata est spatio demum octo dierum; & si
 tu Haga discessisti, cujus mihi fidem novellæ faciunt, nescio quando in
 tuas manus sit perventura. Præcipuum est, quod in ea nihil contineatur



magni momenti; nam cum
 mihi aperta transmissa sit,
 jus mihi fuit eam perlegere.
 Et quia in ea præcipue de
 Magnete philosophatur,
 jungam hic sententiam
 meam cum opinione ejus,
 ne Epistola mea omnino
 vacua sit. Existimo me ti-
 bi dixisse, explicare me
 omnes Magnetis proprie-
 tates per medium subtilissi-
 mæ cujusdam materiæ &
 imperceptibilis, quæ conti-
 nuo

nuò è terra egrediens, non saltem per polum, sed etiam per omnes reliquas partes hemisphærii Borealis, transit inde versùs hemisphærium Australe per cujus omnes partes iterum in terram ingreditur; & aliàs similis materiæ, quæ è terra egreditur, per hemisphærium Australe & in eam regreditur per Borealem; idè quòd partes hujus materiæ talis sint figuræ, ut pori terræ, aut Magnetis, aut ferri ab Magnete contacti, per quos possunt transire illæ partes quæ veniunt à hemisphærio, non possint dare transitum illis, quæ veniunt ab altero hemisphærio, uti, ni fallor, demonstravi in mea Physica, ubi explico originem harum duarum materiærum subtilium & figuras partium earum, quæ sunt longæ & contortæ, sicuti cochlea, Boreales ex adverso Australium. Cæterum quod causatur declinationem acuum quæ sunt parallelæ horizonti, est quòd materia sub-



tilis quæ ipsas movet, egrediens è partibus terræ satis ab inde remotis, aliquando abundantius veniat è partibus longiusculè distans à polis, quàm à polis ipsis; quæ causa partim cessat, tum cum acus sunt perpendiculares super horizonte; Nam tum illæ præcipuè diriguntur per materiam subtilem quæ egreditur ex illo loco terræ in quo illæ sunt; Verùm quia altera materia subtilis, quæ venit à polo opposito, confert etiam ad ipsas dirigendas, existimaverim equidem minus eas declinare debere cæteris, non tamen omnino non declinare; Et si exactum ejus rei fieri possit experimentum volupe mihi esset id rescire. Quantum ad rationem quæ facit ut hæ acus

perpendiculares se semper eodem convertant, eam explico fere eodem modo quo P. Mercennus; existimo enim procedere eam inde, quòd ferrum aliquam habeat latitudinem, quòdque materia subtilis quæ in id ingreditur, non directè sursum ascendat, verùm cursum suum dirigat declinando à polo Boreali Australem versùs in hoc hemisphærio; veluti si acus sit A C B D, materia subtilis quæ egreditur è terra sibi format poros in hac acu qui propendent à B versùs A; & chalybs est ejus naturæ, ut pori ipsius possint ita esse dispositi ad recipiendam materiam subtilem per contactum Magnetis, & ut postea hanc dispositionem retineat. Hic me charta deficit, & metuo ne ubi tardium pariam. Vale.

EPISTOLA CIV.

Ad Reverendum Patrem Merfennum.

Rev. Pater,

EPISTOLA Patris Vatiæ nihil continet præter officii verba; clamitat enim se à partibus meis stare, atque se & ore & corde negasse quippiam agnoscere contra me scriptum, additque hæc verba: *Non possum tibi non fateri, quod secundum tua Principia charissime explices mysterium S. Sacramentis Altaris, sine ulla entitate accidentium.* Causa quæ eum ad scribendum impulit, illa fuit, quod supposuit, mihi relatum fuisse, se dixisse, quod in scripta mea criticè inquisiturus esset, ad quod ipsi respondeo, nunquam me id audivisse, sed nec opinari.

Quantum ad rationem, quæ facit ut aqua descendat & vinum ascendat in duabus lagenis positis una super altera, ea aliunde non provenit, quam ex eo quòd aqua aliquanto gravior sit, ejusque particulæ talis naturæ, ut facile fluant versus particulas vini, etiamsi se illis non immisceant, uti perspicitur si injiciatur gutta vini rubelli in aquam; Nam deprehenditur eam se in plura tenuia fila separare, quæ se huc illuc dispergunt, antequam omnino cum aquâ confundantur; Cæterum non idem accidit in aëre, cujus partes sunt naturæ ita diversæ à particulis aquæ, ut se invicem ita miscere nequeant. At si sit aër in aquâ, videtur esse figuræ rotundæ, & facit globum satis magnum, uti etiam facit aqua si super aëre sit, & quia hi duo globi non possunt transire eodem tempore per orificium lagenæ, si nimis sit angustum, inde accidit, ut aqua quæ intus est non possit egredi.

Nihil aptius video ad convincendum eos, qui asserunt corpus aliquod transire per omnes gradus celeritatis tum cum incipit se movere, quàm ut ipsis proponantur duo corpora valdè dura, alterum valde magnum, quod moveatur per vim, quod ipsi impressum est illud propellendo, ita ut causa quæ id movere cepit non amplius agat, sicut globus tormentarius stringit aërem postquam à pulvere ejectus est; & alterum valde parvum, quod suspensum sit in aëre eadem via per quam transit illud majus; & quæri ex illis, an existiment hoc magnum corpus, ex. gr. globum machinæ bellicæ A, propulsum summa vi versùs B, debere præ se propellere hoc corpus B, quod nulli rei adhæret, quæ ipsum impediatur ne se moveat. Nam si dicant, globum illum tormentarium debere subsistere ad B, aut reflecti ex altero latere, ideo quòd hæc duo corpora extremè dura sup-

Ecc

ponam,



ponam, risui se exponet, quia verosimile non est duritiem eorum impedire ne majus pellat minus. Et si fateantur A debere propellere B, eodem modo fateri debent, quod se moveat ab ipso statim primo momento ex quo propulsum est eadem celeritate qua A, & ita ut non transeat per plures gradus

celeritatis; Nam si dicant debere id se movere valde lentè primo quo propulsum est momento, oportebit ut A, quod ipsi jungetur, se æque lentè moveat; Nam cum ambo valde dura sint, seseque invicem tangunt, id quod sequitur non potest celerius progredi illo quod præcedit. At si id quod sequitur valde lentè procedit saltem uno momento, nulla ratio erit, quæ illud postea faciat resumere priorem celeritatem, idè quod pulvis tormentarius qui id propulerat jam non amplius agit; & quando corpus aliquod vel uno momento absque motu fuit, aut se valde lentè movit, idem est ac si diutius sine motu fuisset.

Ubi calculum posui tudiculæ, supposui primâ vice eam moveri certâ aliquâ velocitate, quæ diminuatür eo ipso momento quo tangit globum, & secundâ vice moveri eâdem quâ antea velocitate, antequam globum contingat, & cum tangendo motum ejus minùs decrescere, idè quod minùs resistentiæ inveniatur; sed & supponendum est aërem motus istos neque promovere neque iis nocere. Nihil mihi temporis superest, quàm ut me dicam Tuum &c.

EPISTOLA CV.

Ad Reverendum Patrem Merseñnum.

Reverende Pater,

Mitto tibi Responſionem meam ad Rev. Patrem Gibieuf, obſignavi eam ſaltem honoris ergo, de cætero enim nec quicquam continet quod toti orbi patere non debeat; Et ſi deſideras ſcire, quid respondeam Reverendo Patri de la Barde, nullus dubito quin illam tibi exhibiturus ſit. Quantum ad Jeſuitas, tantillum adhuc cæcutio in eorum factò; recepi ſchedulas Patris Burdini, quæ teſtatum faciunt eos non quærere reconciliationem, & dum mecum non agent niſi per ipſum, non credam ipſos habere animum reſtabiliendæ Pacis, ſed & ſtat animo non celare publicum quicquid inter me & illos actum erit. Poteris ſane ipſis promit-

mittere, nullum mihi propositum esse contra ipsos scribere, hoc est, calumniis & injuriis in illos debacchari ad minuendam eorum existimationem; Sed non ipsis sponsor eris me non aliquando aggressurum Cursum quendam eorum Philosophicum, ad vulgandos eorum errores; Imò non renuo quin sciant id me facturum quodcumque proficuum existimavero ad cognoscendam veritatem; neque id in malam partem accipere debent, si præferant veritatem vanitati quâ doctiores videri volunt quam vera sunt; Verùm expecto eorum objectiones, ut determinem quid mihi sit faciendum. D. Zuylichem nihil adhuc mihi misit; scribam ipsi intra triduum, aut quatrimum, rogans ne retardet sub manibus suis objectiones Jesuitarum.

Quantum ad calculum de motu globi tudicularis pulsus sæpius eadem vi, optime cum cepisti; nam primo pulsu recipit rientem virium tudicularum, secundo novem partes, tertio viginti septem, quarto 81, & sic in infinitum; Saltem lapsus calami itreperat, nimirum rientem de tredecim esse quatuor cum quadrante, cum sit quatuor & triens, quod impedimento fuit ne calculum justum invenires.

Quantum ad id quod D. Vitus mihi objicit de Rarefactione aquæ quando mutatur in vaporem, dicendo, *Sed ei primo declarandum est unde talis ille motus competat, & qua necessitas tantam violentiam iis imprimens: Deinde in vacuo vel in pleno si hæc voluntas &c.* Respondeo hanc vim aut violentiam motus communicari particulis aquæ per materiam subtilem, eamque implere omne spatium ab iis non occupatum, atque motum earum fieri in pleno. Cæterum mirum non est, hoc ipsi difficile videri; neque enim hæcenus satis explicavi naturam hujus materiæ subtilis, id suo loco postea facturum; & D. Digby adeo magni facit prædictum D. Vitum, ut sperandi mihi causa sit, cum in castra mea transiturum.

Inventio puncti reflexionis, datis speculo, oculo & objecto, est Problema solidum quod Vitellio resolvit per hyperbolen quantum ad specula convexa, neque plus difficultatis habetur quoad concava, adeò ut in hoc operæ pretium non sit inquirere; & plus Vicennio excessit ex quo id inveni, sed memoriâ elapsum est.

De cætero, feci haud ita pridem experimentum ponderandi aëris, quod pulchrè successit; Nam sumptâ vitreâ lagenâ, valde levi & ad lampadem sufflatâ, ejus figuræ, qualem hic excusam vides, magnitudine paræ pilæ quales habentur in sphæristeriis, non habente nisi minimam quandam aperturam per quam immittatur pilus in extremitate orificiis sui B, ponderavi eam in bilance valde exacta, & frigida pondus habuit 78 granorum



rum cum dimidio; Postea calefeci eam carbonibus impositam, & reposui in bilancem eo situ quo hic descriptum vides, nimirum orificio in imum verso, & deprehendi eam vix habere pondus 78 granorum, tum immergendo orificium in aquam, refrigerescere feci, & dum aër se condensat pro modo quo refrigerescit lagena, intravit tantundem aquæ quantum aëris calor antea expulerat; Denique ponderans eam cum omni illa aqua deprehendi eam habere pondus 72 granorum & dimidii plus quàm antea: unde concludo aërem qui per ignem expulsus erat, se habere ad aquam quæ in locum suum regressa erat uti $\frac{1}{2}$; se habet ad 72 $\frac{1}{2}$, aut uti se habet 1 ad 145; sed potui in eo errasse, difficile quippe est in ea re omnino exactum esse; id saltem certò scio, quòd pondus aëris hoc modo sit sensibile, & prolixè hîc deduxi processum meum, ut si te eadem curiositas incescat, possis id eodem modo perficere experimentum. Vale.

EPISTOLA CVI.

Ad Dominum Abbatem Picotium.

Reverendissime Domine,

GRatissimum mihi fuit recipere tertiam Partem tuam, pro qua tibi humillimas ago gratias. Nondum eam totam perlegi; attamen de quoquod vidi, asserere aulim, esse id ex voto meo; uti etiam difficultates quas moves, indicant tibi materiam istam probè cognitam esse; neque enim in tale ingenium quod eam non nisi superficialiter intelligit, cadere potuissent. Quod scripsi art. 36. quòd *alii planetae habeant apelia sua aliis in locis*, experientia consentaneum est; quod tu verò dicis, ei ratio magis ad stipulatur ducta è situ inæquali stellarum fixarum, si illa sola esset causa Excentricitatis Planetarum. Verum adhuc quatuor alias adjeci in art. 142, 143, 144 & 145, ad omnes eorum errores in universum, & illæ causæ articolorum 144 & 145, sufficere mihi videntur ad excusandam eorum irregularitatem.

Ratio quare dixi in articulo 74, quod *e g solis ecliptica paulo magis inclinatur a parte e versus polum d quam versus f*, sed non tantum quam linea recta *S:M*, est quod per hanc lineam *SM* delignem saltem locum

ver-

versus quem materia primi Elementi quæ è Sole egreditur majore vi tendat, nimirum ad transeundum versus C; & non loquar de materia cœli, id est, de secundo Elemento, uti tu præsupposuisse videris; Cæterum quod determinat hanc materiam primi Elementi ad progrediendum potius versus M, quàm versus lineam istam quæ secat axem Solis *d f* ad angulos æquales, est situs Cœli M C M, per cujus polos (qui sunt M & M) facile transit; atque eadem etiam causa est, quæ impedit ne ecliptica Solis *e g* secet axem ejus *d f* ad angulos rectos, hoc est, ne eadem materia primi Elementi, dum in Sole est, ibi ita describat maximos suos circulos (qui notant ejus Eclipticam) ut intersecent eundem axem *d f* ad angulos rectos, & faciat eos inclinare versus M; sed evidentissimum est eam ipsam causam, quæ residet in cœlo M C M plus virium habere ad avertendum à cursu suo naturali materiam primi Elementi quæ è Sole exit & progreditur versus M, quàm ad avertendum illam quæ componit corpus ejus, ubi à Centro C magis remota & propior est alteri causæ quæ disponit eam ad intersecandum axem *d f* ad angulos rectos; quæ causa est, quod debeat circumgyrare tantundem materiæ inter *d* & *e* in corpore Solis, quàm inter *d* & *g*; Ad eò ut hæc duo spatia deberent esse æqualia; aut si non sint, necesse est ut hæc materia multo velocius fluat inter *e* & *d* quàm inter *f* & *d*.

Quantum ad articulum 155, verum est me in eo uno saltem verbo notasse differentiam inter particulas striatas, quæ potest esse causa ejus quæ est inter æquatorem & eclipticam, nimirum, concipio particulas istas striatas esse crassiores in certis Firmamenti locis, quàm in aliis, id eò quòd turbines, per quos transgrediuntur minores sint; Dicitur enim ratio, quòd minor est quidam ex his turbinibus, eo crassiores esse debere globulos secundi Elementi, qui cum constituunt, ad resistendum globulis turbine vicinorum, unde sequitur particulas striatas, quæ formantur in angulis quos circa se relinquunt, etiam crassiores esse; Verùm non studioius applicueram me ad deducendum prolixius hanc particularitatem, id eò quòd non credideram quemquam eam accuratius discussurum uti tu discussisti, & saltem unico verbo eam designaveram dicendo, *particulas striatas ab illa parte cœli venientes multos meatus ad magnitudinem suam sic aptasse* &c. Vale.

Egmondæ 17 Febr. 1645.

EPISTOLA CVII.

Dominus Schooten ad D. Cartesium.

Nobilissime Domine,

Promissioni meæ de transmittendis tibi Libris istis deesse nolui, nimirum illo, cui titulus est, *Diogenes Laërtius de vitis Philosophorum*, & illo cui, *Gregorius a S. Vincentio de quadratura Circuli & Sectionum con.* Quantum ad hunc ultimum gestio scire quid de eo sentias, idè quod Pater Merfennus p. m. in Libro quem haud ita pridem edidit, qui est loco secundi Tomi Libri cui titulus: *Cogitata Physico-Mathematica*, valde frigidè loquatur de hoc Authore, quem ne quidem nominat, etiamsi prolixè & apertè satis de libro ejus loquatur. Maxima laus quæ eum extollit, illa est, quòd composuerit magnum Librum, & quæstiverit hanc quadraturam per vias valde longas, & jam cognitās. Quod accipio pro judicio Domini Roberval, quem mihi constat examinando illi operam dedisse. Cæterum cum ipsemet Vincentius declaret, præcipuum quo usus sit adminiculum ad id perficiendum esse, *proportionalitates*, de quibus Tractatum composuit; quòdque etiam tractet de *duètn plani in planum*, quæ procul dubio nova & laude digna sunt, de quibus tamen P. Merfennus ne verbum quidem, valde dubito de æquitate illius judicii. Si tibi placeat legere quod P. Merfennus de eo scripsit, mittam tibi librum ejus, cujus facillimè copiam habeo per Amicum quendam, qui mihi indicavit id quod tibi modo dixi; De cætero scripsi ad D. Zuylichein Juniores, verius quos composuerat sub Iconem tuam ponendos, nondum æri incisos esse. Videbis eos in folio his addito, quibus etiam adjunxi illos quos in eandem materiam D. Bartholinus composuit. Et feci illud favore eorum, qui in tui laudem se profitentur poetas vel pictores &c. Sed his omissis, propopam tibi modicam difficultatem, in quam incidi dum conatus sum resolvere æquationem quandam quatuor dimensionum, quarum radix est Cubica in duabus aliis secundum regulam paginæ 385. nimirum, de dividendis 12 per 3 — $Ve\ 3$ — $Ve\ 2$, quod aliter præstare nequeo, quàm ponendo $\sqrt[3]{\frac{12}{V_{0,1}} - V_{0,2}}$, verum neque hac ratione mihi satisfacio. Præterea vellem ut placeret tibi inquirere, utrum hæc quæstiones paradoxæ bene sint resolutæ. *Persona due A & B societatem incurrentes, lucrati sunt 12 aureos; quorum A expendit aureos 5; B autem reliquatur aureos 2, hoc est habet — 2 aureos. Queritur quan-*

quantum cuilibet ex hac summâ debeat? Respondetur. Solvendo esse à B ipsi A 8 aureos, quamvis lucrum esse manifestum sit. Aliud exemplum de damno. Persona duæ A & B jacturam faciunt 12 aureorum, hoc est, habent — 12 aureos. Cum igitur A contribuerit 5 aureos, & B — 2 aureos: Manifestum sit, ipsi A ex naturâ questionis deberi — 20 aureos, & ipsi B † 8 aureos, hoc est, B habebit 8 aureos: Etiam si jacturam factam esse constet. Ad finem properans tibi humillimas ago gratias pro honore quo me nuper in ædibus tuis affecisti, affirmando nihil esse quod in toto terrarum Orbe magis ambiam, quàm uti tibi commodo & emolumento esse possum, & quod majoris faciam, quàm quod in tui cognitionem pervenisse contigerit, quam etiam conservare conabor. Vale.

EPISTOLA CVIII.

Responsio Domini Cartesii ad Dominum Schooten.

Clarissime Domine,

GRATIAS tibi habeo pro Libris & pro reliquis bonis quæ mihi transmitti tibi placuit; Nunquam antea tanta pennarum copia instructus eram, quàm modo sum, & modo eas non amittam, major mihi copia est, quam pro necessitate scribendi centum annos; dabit hoc mihi animam meminisse tui, quoties calamum arripio, & multò mihi facilius fuit facere divisionem 12 per 3 — Ve 3 — Ve 2 quam à me petieras, quàm fuisset si mihi non suppetuissent ejusmodi egregii calami. Calculus enim longitudine difficultatem inventionis superat. Producitur pro quotiente,

$$\begin{array}{ccccccc} \frac{3113}{3117} \div \frac{1108}{3117} & \text{Ve } 3 & \div \frac{1227}{3117} & \text{Ve } 2 & \div \frac{182}{3117} & \text{Ve } 9 & \div \frac{727}{3117} \\ \text{Ve } 4 & \div \frac{228}{3117} & \text{Ve } 6 & \div \frac{411}{3117} & \text{Ve } 18 & \div \frac{102}{3117} & \text{Ve } 12 & \div \frac{211}{3117} & \text{Ve } 36. \end{array}$$

Uti faciliè cognoscere poteris multiplicando hos novem terminos per 3 — Ve 3 — Ve 2. Nam productum erit 12.

Duæ quæstiones, quas appellas paradoxas, bene resolutæ sunt, & quamvis hoc non sit vulgare, ut homo dives societatem ineat cum paupere, possunt tamen evenire ejusmodi casus. Ex. gr. Duo Mercatores Amstelodamenses singuli suos Procuratores habent Alepi, & quia non multum confidunt iis Procuratoribus, sciuntque eos sibi invicem inimicos esse, mandant illis per Litteras, ut quo die eas accepissent, sibi invicem alter alteri rationes redderent, de omnibus iis quæ ex bonis Dominorum suorum in manibus habent; quodque si deprehendatur alter plus debere quàm pro modulo facultatum, hoc ex alterius pecunia

re-

refarciatur, & id quod residuum esset in commune conferatur ad emendas merces, neque alter Procuratorem quicquam altero infcio vendere aut emere possit; stipulanturque invicem partiri invicem lucrum aut damnum pro rata pecuniz, quam Procuratores in manibus habent, quo tempore litteras acciperent. Quo facto, si accidat ut alter Procuratorum habeat quinque librarum millia, alter vero duo millia debeat, solutis his duobus millibus ex pecunia primi, supererunt tria millia quæ in emptionem mercium collocabunt: & si ex istis tribus millibus lucrum ipsis redeat duodecim millium, erit hoc quadruplum pecuniz eorum; Itaque ille qui habebat initio quinque millia, debet ex eo lucrari viginti millia, & per consequens alter qui erat reliquator duorum millium deberet perdere octo millia. Contra si damnum sit duodecim millium, ille qui habebat quinque millia debet perdere viginti millia, & alter consequenter lucrari debet octo millia, ideo quod cum exsolverit duo millia sua ex pecunia primi, impediit ipsum ea impendere in mercem talem quæ damnum quadruplum paritura esset. Quantum ad Iconem in tabula æneæ, vix sum eo dignus honore ut curam sumiseris ejus excudendi, & assidue mihi incisus videtur, verum neque barba neque vestimenta conveniunt; Versus etiam optimi sunt & humanissimi, verum quia non adeo satisfaciunt auctori suo, approbo summo opere tuum propositum cujus mercedidisti certior, nolle te uti illo Icone, neque eam Libro tuo præfixurum. Cæterum si animum subiret eum præfigendi, vellem rescinderes ista verba, *Perronii toparcha, natus die ultimo Martii 1596*. Prima quidem, quod oderim omnis generis titulos; posteriora vero quod etiam abhorream compositores horoscopiorum, quorum errori contribui videtur, si vulgetur dies hominis natalis. Nondum tibi remitto libros tuos, ideo quod hæcenus non vacaverit eos perlegere: Verum in tantillo quod legi, facile mihi fuit animadvertere parallogismam in prætensi circuli quadratura, & nihil adhuc in magno illo volumine deprehendi præter propositiones simplices & addè faciles, ut Author mihi plus vituperii quod tempus suum iis conscribendis consumpserit, quam laudis quod eas invenerit, meruisse videatur. Ad repudiandum ejus Parallogismum, incepti à pag. 1134. ubi ait: *Nota autem est proportio segmenti LMNK ad segmentum EGHF*. quod falsum est: Et ut ejus probationem invenirem examinavi propositiones præcedentes usque ad trigésimam nonam Libri ejusdem, pag. 1121. ubi animadverti errorem ejus in eo consistere, quod conetur applicare pluribus quantitibus conjunctis id, quod in propositione trigésimâ septimâ probaverat de iisdem quantitibus divis, ubi

2	4	8.
2	6	18.
2	8	32.
2	10	50.

ubi consequentia ejus falsissima est. Nam si habeantur ex. gr. quantitates 2, 4, 8. &c. quamvis verum sit, quod 8 se habeat ad 2 in ratione duplici 4 ad 8, & 18 ad 50, etiam in ratione duplici 6 ad 10; Non quidem per id significatur $8 \div 18$, hoc est $\frac{2}{3}$, habere se ad $2 \div 50$, hoc est $\frac{1}{25}$, in ratione duplici ejus quæ est inter $4 \div 6$, hoc est $\frac{2}{3}$, & $8 \div 10$, hoc est $\frac{4}{5}$. Quicquid describit de *proportionalitatibus* & de *ductibus*, nullò mihi usui videtur, neque ipsi inservit, quàm ut se facilius implicaret, atque erraret. Vale.

EPISTOLA CIX.

Ad Reverendum Patrem Merfennum.

Reverende Pater,

LEgi saltem quindecim primas paginas scripti quod me inspicere voluisti, quoniam eò usque saltem mihi dixeras me refutatum esse; sed fateor me in admirationem raptum fuisse quod nihil nisi falsum in eo repperim, præter id quod in meis scriptis reperitur, quodque Author ex illis decerpit, idè quod meis ipsis verbis utatur ad ea exprimenda; Et si quædam mutat, veluti cum appellat *impressionem*, quod ego voco *celeritatem*, & *directionem*, quod ego voco *determinationem ad se movendum versus certum locum*, hoc nihil magis præstat quàm ut eum tricis implicet. Mendorum præcipuum quoddam habetur ad finem secundæ paginæ, ubi cum posuisset pro axioma Conclusionem quandam; quæ mea est; nimirum, in Circulo G B F, mobile quod venit à G versùs B, tendere



versùs C, id valde ridiculè probat, dicendo naturam nihil indeterminatum pati, nullamque aliam esse lineam quàm B C quæ sit hæc determinata: Quid enim obstabit quominus dicatur, mobile iterum esse à B versùs H potius quàm versùs C, cum B H æque determinata sit, quàm B C, cumque non ignoretur mobile tendere ad recedendum longius à Centro lineæ rectæ.

Paginâ nona habetur absurda distinctio inter duo genera impressionum; altera per quam corpora propellantur, & altera per quam attrahuntur; Neque enim datur ulla attractio talis, qualem ille sibi imagine-

Fff tur;

tur; Et si id, quod impressionem vocat, est velocitas motus in corpore se movente, quomodo capiendum est, ut sensus insit dictis suis, certum est non dari nisi unam ejus speciem, & esse eam unam eandemque in Magnete aut in ferro, quàm in aliis corporibus.

Verum omnium mendorum ejus præcipuum occupat paginam decimam, ubi pro principio sumit quod aperte falsum est, nimirum, quod si A motum versus D per lineam perpendicularem offendit obstaculum B C, reflectetur illud ita, ut si nihil de sua impressione communicet obstaculo, rediturum sit præcisè in A &c. quamvis enim corpora gravia hoc modo propemodum revertantur, tum cum sola eorum gravitas ea



directè fert versus Centrum Terræ, absurda res est ex qua conficiatur Principium; ideo quod non impressio, quam habent cum sunt in puncto D, ea ad revertendum impellat, sed sola gravitatis eorum actio quæ in ipsis continuat, cum redascendunt; idemque non accidit si linea B C non sit parallela horizonti, neque si mobile propulsetur ab

A versus D per aliam vim quàm solam suam gravitatem. Et absurditas ejus adhuc evidentius apparet in paginis tribus sequentibus, ubi ope falsi istius Principii demonstrare satagit quantitatem reflexionum & refractionum tali modo, cui experientia omnino refragatur. Nam per imaginariam ejus ratiocinationem, præsupponendo pilam quæ venit ab A versus B offendere superficiem C B E, quæ ipsi dimidiam partem impressionis suæ aut velocitatis aufert, ait quod si fiat B E æqualis C B, sumatur C I æqualis semissi ipsius A C, refractionem propulsuram esse hanc pilam à B versus I. Adcò ut cujuscunque magnitudi-

nis sit angulus incidentiæ A B H, A C, quæ est tangens Complementi sui, semper erit dupla ipsius E I, quæ tangens est complementi anguli fracti G B I. Unde sequitur, proportionem quæ erunt inter sinus horum duorum angulorum A B H, & G B I, debere esse diversas, prout angulus incidentiæ A B H major aut minor supponitur, neque posse eum

supponi ita magnum, ut mobile non transeat subter hanc superficiem C B E, seseque reflectat versus alteram partem; & tum cum mobile transit subter hanc superficiem, semper esse eandem Proportionem inter sinus anguli incidentiæ & anguli fracti, etiamsi mutetur magnitudo hujus anguli incidentiæ A B H.

Post



Post lepidam istam argumentationem ait Author ille pag. 13. peccasse me in eo, quod demonstraturus reflexionem, non fuerim ulius eo quo ipse, argumento; ac si peccatum esset non imitatum esse peccata alterius: Et testatum sane facit nullam ipsi esse Logicam naturalem; Nam etiamsi non errasset, perperam tamen inferret, me idem errasse, quod ejus argumento usus non fuerim, idem quod sæpius eadem res diversis modis probari potest. Secundo ait me in Dioptrica mea pag. 17. versu ult. confundere determinationem motus cum celeritate, quod falsissimum est. Nam sexta antea linea ago de celeritate qua refertur ad totum motum: hic verò saltem loquor de determinatione à sinistra dextrorsum, quæ distinguit duas partes in hoc motu. Tertiò intendit pag. 14. reprehendere quod scripsi de reflexione quæ fit in superficie aquæ, dicens me uti argumento tali quod à certis conjecturis insulsis, quas ibi refert, differat. Et pag. 15. saltem hæc possit verba: *Denique D. Cartesius* pag. 21. & 22. &c. *aut per suum &c.* Videtur significare velle plura ipsi suppetere in scriptis meis reprehendenda; in qua re nescio utrum magis mirari debeam seu ingrati tudinem ejus, quod conatus sit me culpare, etiamsi nihil in scriptis suis sinceri inveniat quod à me non hauserit; aut stupiditatem, quod tot gravibus in rationem & sensum erroribus peccaverit; aut denique ridiculam ejus arrogantiam, prætendentis, quempiam peccasse eo solo quod ejus imaginationibus suffragatus non fuerit, ac si nihil sinceri esse posset quod phantasiæ suæ non respondeat; Verum quod maximè miror, est, quod per ejusmodi jactantias & ineptias sibi nomen aliquod decusque acquisi verit, quodque inveniantur homines, qui ipsi honoraria afferant ad dis cendas falsitates. Vale.

EPISTOLA CX.

Ad Dominum * * *

Clarissime Domine,

Humillimas tibi gratias ago propter litteras quas mihi transmittere dignatus, & novellis quibus me impertitus es. Accepi à Domino Pollot Litteras, mihi indicantis se tua ope vocatum esse ad Professoratum in Philosophia & Mathematica jussu Serenitatis suæ. Summa animi exultatione accipio, quod reflorescere debeant studia in tali urbe in qua quondam miles fui. Exaëto abhinc aliquo tempore Professor misit mihi scriptum natu minoris filii D. Zuylichem, de Mathematica quadam in-

Fff 2

ven-




ventione cui incubuerat; & quamvis non omnem pro votis successum expertus sit (quod mirum non erat, cum talem rem quæsierit, quæ hætenus à nemine inveniri potuit) tamen ita aptè rem aggressus est, ut nullus dubitem quin aliquando in hac scientia sit futurus egregius, in qua vix quenquam video qui aliquid nōrit. Quantum ad Dominum N. plane oblitus sum hominis, quicquid aggreditur ita publicè contemnitur, ut vix credam ullum in posterum fore hominem cordatum, qui curet quicquid scribat aut dicat. Quodsi hoc non obstante defendatur esse eum *Ecclesiarum Belgicarum decus & ornamentum*, uti se ipsum prædicat, puteturque Ecclesiæ vestræ magis necessarius quàm fuit Johannes Baptista toti Ecclesiæ, uti asserunt quidam Idololatræ ejus, siquæ ob eam causam jus ipsi sit dicere quicquid ipsi visum fuerit, idèd quod Johannes Baptista non dubitaverit appellare Judæos progeniem viperarum, meum non est ob id exandescere; Nam in tot alios invenitur, quibus multo major est potestas quàm mihi, ut mirum mihi videri non possit, quod me intactum non sinat; Arbitror potius concessum illi esse privilegium declamandi in quemcunque pro lubitu, neque permissum esse ex vero vitia ejus ostendere, vel tum cum quis jure ad id adigitur, uti docet me Processus ejus contra Se. nisi periculum quis subire velit condemnationis per ipsos quorum auctoritate & potentia niritur. Ignorabam, cum quippiam typis mandasse contra DD. Canonicos; sed Sch. mihi æquè frigidus videtur in defendendâ causâ propria, ac inidoneus ad defendendam causam illorum. Sed & ignoro, utrum verum sit quod mihi modo relatum est: dicitur causa sua cecidisse Ultrajecti, defectu probationis eorum quæ allegaverat; Quicquid ejus sit, permitte mihi ut liberè dicam, quòd quo tempore contra ipsum scripsi, jus lusus exigebat ut mihi in scriptis responderet, non ut imploraret auxilium Magistratus sui, uti imploravit; Verùm cum contra membrum aliquod Statuum Provinciæ scribit, jus lusus est ut ipsi dica impingatur, non ut tempus teratur contra ipsum scribendo; Nimia moderatio eorum qui justa potestate fruuntur, & nimia temeritas eorum qui eam volunt usurpare, id fere est quod turbat & destruit Respublicas.

Quantum ad difficultatem de Optica quam tibi visum fuit mihi proponere, Respondeo verissimum esse, radios qui ab objecto veniunt debere esse *divergentes*, aut saltem parallelas, tum cum in oculum ingrediuntur, non *convergentes* ad reddendam visionem distinctam; unde sequitur quòd si vitrum convexum A B facit ut radii, qui veniunt è puncto D sint *convergentes* & se colligant in puncto C, oculus in puncto C positus



tus non possit distinctè videre objectum positum in puncto D. Verùm id illud ipsum vitrum, quod facit ut radii venientes è puncto D, se colligant



in puncto C, facit etiam ut illi, qui veniunt ex alio puncto propiori, ex. gr. è puncto E sint paralleli, aut divergentes cum ingrediuntur in oculum positum in puncto C, non exactè, uti debent esse venientes simul ex eodem puncto, verum adeo parva diverſitate quæ nullo modo sit sensibilis. Itaque objectum positum in puncto E, potest videri satis distinctè per oculum C; sed & objectum in puncto D positum poterit videri ab oculo posito in puncto F; Adeo ut si objectum quodammodo magis huic vitro admoveatur, veluti versùs E, aut cum oculus paulò magis removeatur, veluti versùs F, tàm radii quos mittet versùs oculum ex quolibet puncto, propemodum erunt paralleli, sive *divergentes*, non quidem in rei veritate ac si venirent exactè, ex eodem puncto; sed tàm parum aberit, ut hoc non obſtiturum sit quominus visio satis distincta sit. Vale.

EPISTOLA CXI.

Ad Dominum * * *

Clarissime Domine,

Hesternum diem dedi lectioni Dialogorum de *Mundo*, quos tibi placuit mihi transmittere, sed nullum in eo deprehendi locum in quo author mihi contradicere fategerit. Nam quoad illum, ubi dicit, non posse fieri perspicilla appropinquatoria perfectiora illis quæ in usu jam sunt, in illo honorificam adeò mei mentionem facit, ut id in malam accipere partem morosi animi esset. Edit quidem pluribus in locis sententias à meis valde discrepantes, sed eò loci testatum non reddit, facere se id intuitu mei, sicut nec ubi opiniones meis conformes exerit; Et facile

Fff 3

lar-



largior aliis facultatem quam ipsemet ab iis expeto, nimirum scribendi id quod quisque verissimum arbitratur, id non morando utrum conformes sit an repugnet opinionibus aliorum.

Plura mihi occurrunt in Dialogo ejus satis bona; at quantum ad secundum, in quo Galilæum imitari satagit, videtur is mihi æquo subtilior; Optarem tamen plura ejusmodi opera vulgari; Arbitror enim posse ea præparare animos ad recipiendum alias quàm Scholæ opiniones, & nullus credo meis nocitura esse.

De cætero, Domine, duplici nomine me nexum habes, eo quòd neque afflictio tua, neque quæ eam meò judicio comitatur negotiorum multitudo, obstiterint quominus nostri memineris, & librum istum transmittere volueris; Non ignoro multo te amore teneri eorum qui tibi sanguinis necessitudine junguntur, eorumque valde sensibilem tibi esse jacturam; Sed & cognitus mihi est vigor ingenii tui, nec te latere pro certo habeo remedia ad dolorem tuum leniendum adhibenda; Non possum me autem abstinere, quin unum tibi suggeram; quod præstantissimum omnium expertus sum, non saltem ad constanter ferendum obitum eorum qui mihi amicissimi fuerant, verum etiam ad impediendum ne meam mortem metuam, etiam si satis æstimem vitam; Consistit id in consideratione naturæ nostrarum animarum, quas opinor me adeò clarè concipere post mortem nostram duraturas, & natas esse ad voluptates multò majores & ad felicitatem quandam multo excellentiorem, quam sunt illæ quibus in hac vita fruimur, dummodo nosmet ipsos earum non reddamus indignos per vitia nostra & vitæ immoderatæ licentiam, atque ita nos exponamus pœnis quæ impiis sunt propositæ; ut aliud de iis qui moriuntur, concipere nequeam, quàm quòd transeant in vitam tranquilliorē & beatiorem nostrā, quòdque nos illos aliquando invisuri simus etiam præteritorum memores; Reperio enim in nobis memoriā intellectualem, quæ sane à corpore non pendet. Et quamvis Religio nos multa circa hoc doceat, profiteor tamen in me certam quandam infirmitatem, quæ, ut mihi quidem videtur, majori hominum parti communis est, nimirum, quòd non obstante, quòd velimus credere fide invictâ quæcunque nos docet Religio, non tamen tantoperè soleamus moveri per illa quæ sola fides nos docet, & ad quæ ratio nostra pertingere nequit, quàm per illa quæ persuasio quædam rationis naturalis evidentissimæ comitatur. Vale.

Tui humillimus cultor,

DESCARTES.

EPR

EPISTOLA CXII.

Ad Reverendum Patrem Merseum, objectiones
Metaphysicæ.

LECTÆ (Reverendissime Pater) Meditationes, quarum copiam mihi fecisti, semel tantum sed perdiligenter, sublimes & pereruditæ mihi visæ sunt. Dubia tamen mihi inter legendum non pauca orta sunt. Æquum non est ut poscam solutionem eorum ab ipso autore, nisi sæpius, & attentissimè perlectis iisdem Meditationibus, ne sic quidem satisfacere mihi met ipse possem. Unum tamen est quod clariùs mihi explicatum interim vellem, nimirum quid intelligere debeam per voces has, ideam Dei, ideam Animæ, & universaliter ideas rerum insensibilium. Philosophorum vulgus, per ideam significare solet Conceptum simplicem, qualis est imago, manens (ut loquuntur) in phantasiâ, quæ vocatur etiam phantasma. Sed negat Author Meditationum intelligere se talem Dei ideam. Neque si sic eam intelligeret ulla omnino Dei idea esse posset. Deus enim incomprehensibilis & infinitus, non potest repræsentari per facultatem nostram imaginativam, quæ rerum insensibilium & finitarum tantum capax est. Videtur autem is ponere ideam quandam rationalem, quæ ratiocinando excitatur, & quam ideò non phantasiæ, sed menti, rationi, intellectui tribuit. Ut verbi gratia, idea Solis phantastica, sit imago illa ejus quæ habet dimensiones eas quas per Astronomicas demonstrationes in Sole esse concipimus. Item si Polygonum mille laterum visui objiciatur, statim habetur ejus idea quæ pertinet ad imaginativam; Sed ea quæ pertinet ad mentem, non habetur nisi lateribus prius numeratis. Ego jam distinctionem idearum, per hæc exempla considerans, invenio in exemplo primo habere me per visionem quidem ideam Solis consistentem circulo lucidissimo non magno; quæ idea simplici nomine exprimitur, ut quando dico, *Sol*. Nomina enim significant Conceptus simplices tantum. Postquam autem ratiocinando collegerim Solem multoties majorem esse quam idea illa quæ oculis apparuit, tunc vel fingo circulum ei æqualem, quæ semper est idea imaginativa, vel concipiens Solem sine aliâ ideâ præter illam pedalem, dico tamen multo majorem eum esse quam videtur. Jam si id quod his verbis exprimitur, idea vocanda sit, eo sensu quo idea Dei intelligitur, sequitur ideam Dei exprimendam esse per propositionem, puta hanc, *Deus existit*; non per nomen unum tantum, quod non est nisi propositionis pars. Similiter idea Poly-

goni

goniquæ videndo acquiritur, eadem est in phantasiâ antè & post laterum numerationem; Sed idea quæ latera numerando acquiritur, (si tamen idea vocanda est) est conceptus complexus, & exprimitur propositione, putâhæ: *Figura hæc habet mille latera*. Hæc inquam sunt quæ ego intelligo circa distinctionem inter ideam quam ponit ille in phantasiâ, & illam quam collocat in mente, sive intellectu, sive ratione. Quæ si rectè & secundam sententiam Authoris intelligo, erit summa argumentationis qua probat Deum existere, petitio principii. Velenim sumit sine probatione, quod datur idea Dei, & per ideam Dei intelligit, cognitionem (per rationem) hujus propositionis, Deus existit, & sic sumit quod debebat probare; vel non sumit sed probat dari ideam Dei, per hoc, quod ratiocinando possumus inferre Deum existere, & sic probat idem per idem. Idem enim est habere ideam Dei, & ratiocinando inferre Deum existere. Idem vitium est in argumentatione qua probare vellet, Animam existere incorpoream. Sed vereor ne mea hebetudine non satis assequutus sim sententiam ejus de talibus ideis. Nolo tamen meâ causâ interpellare virum, ut audio, in promovendis scientiis occupatissimum. Tua ope, ubi convenierimus, tractatumque illum relegero, spero me, quid per ideas ejus intelligendum sit, melius expiscaturum. Vale.

Parisiis 19 Maji 1641.

EPISTOLA CXIII.

Ad Reverendum Patrem Mercurium.

Reverende Pater,

Homo ille cujus mihi inspiciendam exhibuisti Epistolam Latinam quam ad te scripsit, nondum in eo est ut partibus se jungat in judicio quod de rebus ferendum est; Nimis bene animi sui cogitata exprimit, quàm ut credi possit eum cogitata aliorum non intellexisse. Persuasum potius habeo præoccupatum opinionibus propriis vix gustare posse quod judicio suo oppositum est. Itaque prævideo non fore illam ultimam, quæ inter nos vertetur contentionem; Quinimo, arbitror primam illam Epistolam esse ad instar libelli provocatorii, quem mihi exhibet, observaturus qua fronte eum accipiam; & utrum postquam ipsam palæstram aperuerim cuilibet venienti, non sim simulaturus commensurare arma mea scientiis, mearumque virium contra ipsum periculum facere. Fateor tibi mihi admodum volupe esse agere cum viris ingeniosis qualis ipse est, nisi



nisi ex eo quod mihi misit eum jam nimis præoccupatum viderem. Vereor autem ne contra ipsum laterem loturus sim, & ne qualemcunque operam navem ut illi satisfaciam, & ut eum reducam ab infelici via quam ingressus est, ipsemet tamen eam repetat, quærendo media mihi contradicendi.

Credibile est eum non potuisse assequi, ut ait, quidnam intelligam per ideam Dei, per ideam animæ, & per ideas rerum insensibilium, siquidem nihil aliud intelligo per eas, quàm quòd ille ipse necessario debuit intelligere, tum cum tibi se ea non capere asserbat. Non enim dicit se nihil concepisse per vocabula *Deus, anima, & res insensibiles*, dicit saltem ignorare se quidnam per earum ideas intelligi debeat. Verum enim verò, siquidem quippiam concepit per istas voces, de quo non est dubitandum, simul non ignoravit quidnam per earum ideas intelligi debeat, quoniam aliud intelligi non debet, quàm illud ipsum quod concepit. Neque enim simpliciter ideas voco imagines in phantasia nostra depictas; quin imo eas hoc nomine non appello quatenus sunt in phantasia corporali; sed generatim Idearum nomine mihi venit quicquid in nostra anima est tum cum aliquam rem concipimus, quocunque modo eam concipiamus.

Vereor autem ne ex illorum numero sit, qui non credunt se posse concipere qualemcunque rem, quam sibi imaginari nequeunt, quasi verò nulla alia in nobis, præter hanc, esset cogitandi & concipiendi ratio. Animadvertit quidem me in ea non esse sententiâ, & ipsemet satis testatus est, neque se ita opinari, cum ipsemet dicat, Deum non posse per imaginationem concipi; Verùm si quidem non concipiatur per imaginationem, aut nihil concipitur cum de Deo sermo est (quæ nota esset stupendæ cecitatis) aut alio ille modo concipitur; at quocunque modo concipiatur, habemus ejus ideam; siquidem nihil per verba nostra exprimere possumus, cum intelligimus id quod dicimus, ex quo ipso non certum sit esse in nobis Ideam ejus rei quam verbis nostris expressimus.

Si igitur accipere velit vocabulum *Idea* eo modo quo ipse me eam accipere professus sum, non immorando æquivocationi eorum, qui eam ad solas rerum materialium imagines quæ se in imaginatione formant, restringunt, facile ipsi erit cognoscere, per Ideam Dei nihil aliud me intelligere, quam quod omnes homines intelligere consueverunt cum de eo loquuntur, & quod ipsemet necessario intelligere debuit; Quomodo enim secus dicere potuisset, Deum esse infinitum & incomprehensibilem, nec posse eum representari per imaginationem nostram, quomodo ergo asseverare posset attributa ista & infinita alia quæ nobis magnitudinem ejus exprimunt, ipsi convenire, nisi ejus haberet Ideam? Itaque

Ggg

faten-



fatendum est, quod quis habeat Ideam Dei, neque possit ignorari qualis hæc sit Idea, neque quid per eam intelligi debeat. Absque eo enim nihil plane de Deo cognoscere possemus. Et vanum esset, ex. gr. dicere, credere nos *esse Deum*, & aliqua ipsi convenire attributa; hoc enim nihil esset, siquidem illud nullam imprimeret animæ nostræ significationem; quæ res omnium maxime impia & absurda foret.

Quantum ad animam multò magis manifestum est; Cum enim, uti demonstravi, nihil aliud sit quàm res cogitans, impossibile est ut unquam aliquam rem cogitare possimus, nisi eodem momento idea in nobis sit animæ nostræ, tanquam rei idoneæ ad cogitandum ea omnia quæ nos cogitamus. Fateor quidem ejusmodi rem non posse concipi, hoc est, non posse repræsentari per imaginem corporalem; cæterum hoc non ita mirum est. Imaginatio quippe nostra idonea saltem est ad sibi repræsentandum ejusmodi res quæ sub sensu cadunt; Et quia anima sive Mens nostra neque colorem habet, neque odorem, neque saporem, neque quippiam quod ad corpus pertinet, non est possibile eam concipere, aut ejus sibi formare imaginem; Cæterum non eò minus conceptibilis est; quin imò, veluti per eam concipimus omnia, ita ipsa etiam sola magis conceptibilis est omnibus aliis rebus.

Post hæc tibi dicere teneor amicum tuum non bene mentem meam affectum esse, cum ad notandam distinctionem, quæ est inter ideas quæ sunt in phantasia, & eas quæ sunt in anima, ait, illas exprimi per nomina, has autem per propositiones; Nam sive per nomina, sive per propositiones exprimantur, ea non est ratio, quæ facit, ut ad animam aut imaginationem pertineant: utraq; enim his duobus modis exprimi possunt; Verùm ratio eas concipiendi earum differentiam constituit; Ad eò ut, quicquid concipimus absque imagine, sit idea solius mentis, & quicquid cum imagine concipimus sit idea imaginationis. Et quia limites imaginationis valde angusti sunt & restricti, cum tamen mens nostra nullis includatur, pauca sunt vel corporalia quæ possumus imaginari, etiam si capaces simus ea concipiendi. Sed & omnis hæc scientia quæ forsitan magis subjecta videri possit imaginationi nostræ, ideo, quòd illa non consideret nisi magnitudines, figuras & motus, nullatenus fundata est super fictionibus suis, sed super solis notionibus claris & distinctis mentis nostræ; quod satis superque cognitum est iis, qui vel tantillam ei operam navarunt.

Verùm enim verò per quam inductionem potuit inferre ex scriptis meis ideam Dei exprimi debere per hanc propositionem, *Deus existit*,
ad



ad concludendum, præcipuam rationem, qua utor ad probandam ejus existentiam, nihil aliud esse quàm Petitionem Principii? Lynceis sane oculis præditum esse oportet qui ea ibi viderit, quæ ego nunquam ibi inferere cogitavi, quæque mihi nunquam in mentem venerant, antequam ejus Epistolam inspexissem. Deduxi probationem Existentiæ Dei ex Idea quam in me sentio, Entis summè perfecti, quæ notio communis est quæ de eo habetur. Et verum est solam considerationem talis Entis, facillimè deducere ad cognitionem ejus Existentiæ, ita ut fere idem sit concipere Deum & concipere quòd existat; Cæterum hoc non obstat, quò minus idea, quam de Deo habemus, aut de Ente summè perfecto valde differat ab hâc propositione, *Dens existit*, & quominus alterum possit esse medium aut antecedens ad probandum alterum.

Eodem modo, constat, quòd postquam perventum fuerit ad cognitionem naturæ mentis nostræ per eos gradus per quos ego eam hausi, cognitumque eo modo esse eam substantiam spiritualem, cum videam ipsi convenire omnia attributa quæ ad substantias spirituales pertinent; non opus fuit inter Philosophos excellere, ad concludendum, uti conclusi, eam itaque non esse corporalem; At sine dubio oportet habere intellectum bene patentem ac compositum ad exemplum vulgi, ad capiendum quod aliud ex alio non sequatur & ad deprehendendum hujus ratiocinationis vitium. Hoc est quod ab eo ostensum velim, neque repugnabo id ab eo discere, si me dignetur informare. Quantum ad me non ipsi denegabo quicquid luminis in me erit, si modò bona fide mecum agere velit. Vale.

EPISTOLA CXIV.

Ad Dominum * * * *

Clarissime Domine,

ETiamsi profundè inhæreant animo meo beneficia quæ accepi tua tam cum Parisiis essem, quàm etiam in has regiones reversus, pro eo tamen cuius me certiores fecit D. Martigny, qui mihi indicavit, sine te nihil se acturum fuisse in expediendo Diplomate Pensionis quod mihi transmisit, non anxie tibi hîc gratias agam; Eorum saltem est qui ingrati esse volunt, isto genere monetæ satisfacere, ut verbis compensent vera quæ acceperint beneficia. At obnixè rogatum te velim ne accipias in malam partem, quod tibi ingenuè fatear, non dubitare me, quin

Ggg 2

in

in posterum summo me favore & benevolentia sis complexurus, non quidem ob quòdcunque meritum, quod mihi arrogem, sed quòd jam pluribus me beneficiis cumulâris, quam quisquam meorum amicorum aut necessariorum; adeò ut jure me tuum vindicare possis; At cum omnes amicitiz causas perquiro, nullam invenio, quæ æquè magna & urgens sit atque ista. Arrogo autem mihi hanc scribendi licentiam, ut cum scias me ea animo volutare, etiam dubitare nequeas me zelo singulari ad tibi serviendum agi. Cui unum hoc addam, nimirum, Philosophiam quam colo, non esse adeo barbaram & brutam, ut usum passionum rejiciat; Contra, is ipse & quidem solus est, in quo omnem dulcedinem & felicitatem hujus vitæ colloceam; Et quamvis plurimæ sint istarum passionum quarum excessus virtiosi sunt, sunt tamen aliæ quædam, quas eò meliores arbitror, quò magis exuberant, inter quas etiam gratitudinem perinde ac inter virtutes refero; Ideoque non crederem esse neque virtuosus, neque beatus, nisi magnoperè concupiscerem tibi quacunque occasione datâ effectû ipso probare eam mihi non deesse. Et quia mihi ad præsens aliam occasionem non suppeditas, quàm ut duabus tuis quæstionibus satisfaciam, omni studio enitar ut probè id fiat, quamvis altera quæstionum tuarum sit de tali materia, quæ à consuetis meditationibus meis longissime recedit.

Primo itaque tibi dicam, existimare me, esse certam aliquam quantitatem motus in omni materia creata quæ nunquam neque augefcit, neque diminuitur: & per consequens tum cum corpus aliquod facit movere alterum, tantum de motu suo deperdit, quantum alteri communicat. Voluti cum lapis ex alto in terram decidit, si non resiliat sed ibi maneat, concipio in causa esse, quod hanc terram moveat atque ita motum suum in illam transferat; At si ea pars terræ quam movet, millies plus materiæ continet quàm ipse, transferendo in ipsam partem motus sui non nisi millesimam partem velocitatis ejus ipsi communicat. Et quia, cum duo corpora inæqualia recipiunt tantundem motus, unum æque ac alterum, hæc æqualis quantitas non confert tantam celeritatem majori quantam minori, poterit hoc sensu dici, quo plus materiæ corpus aliquod continet, eo plus illud habere inertiz Naturalis. Cui addi posset, corpus magnum melius posse transferre motum suum in alia corpora, quam parvum, & minus ab iis moveri posse; Adeò ut sit species quædam inertiz quæ dependet à quantitate materiæ, & alia quæ dependet ab extensione suarum superficierum.

Quantum ad tuam secundam quæstionem, tu ipsemet, me judice, tibi bene

benè respondisti de qualitate cognitionis Dei in Beatitudine, distinguendo illam ab illa quam ad præsens habemus, eo quod illa erit intuitiva; Et si hîc terminus tibi non satisfaciatur, arbitrerisque hanc cognitionem Dei intuitivam parem nostræ aut saltem ab ea diversam esse in plusculo aut minusculo rerum cognitarum, non autem in modo cognoscendi, in eo, meo iudicio, à recto tramite recedis. Cognitiono intuitiva est illustratio mentis, per quam conspicit in lumine Dei res illas quas ipsi placuit ei de- tegere per impressionem directam claritatis divinæ in nostrum intelle- ctum, qui in eo non consideratur tanquam agens; sed saltem veluti reci- piens radios Divinitatis. Omnes autem notitiæ quas in hac vitâ abs- que miraculo de Deo habere possumus, descendunt ex argumentis & progressu ratiocinationis nostræ, quæ eas deducit ex Principiis fidei quæ obscura sunt, aut veniunt ex Ideis & notionibus naturalibus, quæ sunt in nobis, quæ quantumvis sint claræ, tamen crassiusculæ & confusæ sunt in tam arduo subjecto. Adeo ut quicquid cognitionis acquirimus per vias illas quibus ratio nostra insistit, primò involutum sit eorundem e quibus ductum est Principiorum tenebris, tum etiam incertitudini, quam in omnibus nostris argumentationibus experimur.

Confer jam duas istas cognitiones, & perpende, utrum in hac percep- tione turbida & incerta, quippiam quod nobis multum negotii fa- cessit, & quo etiam ~~acquisito~~ non nisi quibusdam momentis utimur, simile sit lumini puro, constanti, claro, certo, facili & semper præ- senti.

Cæterum an mens nostra tum cum à corpore erit separata, aut cum corpus istud glorificatum ipsi nullum amplius impedimentum creaverit, non possit tales recipere demonstrationes & cognitiones directas, de eo num tu dubitare possis, cum in hoc ipso corpore sensus ipsi ejusmodi co- gnitiones suppeditent rerum corporalium & sensibilibum, cumque anima nostra jam habeat earum quasdam ex beneficentiâ sui Creatoris sine qui- bus ratiocinationis capax non esset? Fateor esse illas aliquantulum ob- tenebratas mixturâ corporis; attamen subministrant nobis cognitionem quandam primam, gratuitam, certam, quamque mente nostra multo majori confidentia attingimus, quàm relationi oculorum nostrorum tri- buimus; Nonne mihi largieris, minus te certum esse præsentia objecto- rum quæ vides, quàm veritatis hujus propositionis: *Cogito ergo sum*: Cæterum cognitio ista non est opus tuæ ratiocinationis, neque præcep- tum tibi à Magistris tuis traditum. Anima tua eam sentit, videt, con- trectat; Et quamvis imaginatio tua, quæ se per summam importunitatem



cogitationibus tuis intermiscet, claritatem ejus diminuit, dum eas suis figuris replere satagit, est tamen illa argumentum capacitatis animarum nostrarum ad recipiendum à Deo cognitionem intuitivam. Prævideo te occasionem dubitandi traxisse ex opinione in qua es, cognitionem intuitivam Dei esse illam quâ Deus per se ipsum cognoscitur; Et huic fundamento superstruxisti hoc argumentum. Cognosco Deum esse unum, ideo quia cognosco esse illum Ens necessarium; Hæc autem forma cognoscendi ipso Deo & solo utitur; Unde cognosco Deum esse unum, per semetipsum; Et per consequens intuitivè cognosco Deum unum esse. Non arbitror opus esse multa disquisitione ad destruendum hoc argumentum; Vides enim, quòd cognoscere Deum per semetipsum, hoc est, per illustrationem immediatam divinitatis in anima nostra, uti intelligitur per cognitionem intuitivam, aliud plane sit, quam uti Deo ipso, ad faciendam inductionem unius attributi ab altero; aut ut convenientius loquar, uti cognitione naturali (& per consequens quodammodo obscura, saltem si eam cum altera conferas) attributi Dei, ad formandum ex ea judicium quod inferat aliud Dei attributum. Fatendum est tibi itaque, non videre te in hac vita in Deo & per lumen ejus quòd sit unus; sed concludis illud ex propositione quam de eo formasti & deducis eam vi argumentationis, quæ machina sæpenumèrò fallit. Vides quantum in me possis, cum me feceris transgredi limites Philosophiæ quos mihi præscripsi, ut exinde testificarer me esse &c.

EPISTOLA CXV.

Ad Dominum de la Forge Medicum Salmuriensem.

Observationes D. Clerfeliæ circa actionem Anima in Corpus.

Vir Clarissime,

HActenus ignorabam te tam strenuum athletam esse. Video enim te non satis habere declinare ictus Urbanitatis, quos me justa meritorum tuorum cognitio in te stringere cõgit, verum etiam eos tanta vi in me retundere satagis, ut etiam scutum mihi excutias atque inidoneum propriæ defensionis reddas; verum non refugio, quo minus sentiam ictus tam strenuæ, tam humanæ, & tam amicæ dextræ, qualis est tua, meque semel ad præsens victum fatear, ne pluries victrices tuas manus mihi experi



riri opus sit. Itaque sileant, si tibi placet, & hinc subsistant verba honoris & officii.

Hoc jam mihi dicendum superest, quòd videam modicum interesse inter id quod tu sentis de modo quo Anima & Corpus in se invicem agunt, & quod tibi è mea sententia super eà re communicavi. Deprehendo æquè ac tu, vim moventem, & illam etiam quæ saltem determinat motum ad libitum suum & prout ipsi placet, nihil in se corporale innuere, atque ita absurdum haud judico, illam posse convenire Animæ. Adhæc deprehendo vim istam omnino non pendere ex organis Corporis, sed necessario aliunde provenire debere, ut effectum suum in corpore habeat; Cum enim essentia corporis in sola extensione in longitudinem, latitudinem & profunditatem consistat, animadverto consequenter naturam istius extensionis esse ut sit divisibilis in plures partes, & partes istæ sint capaces motus: Ita ut corpus in particulari ex se ipso idoneum sit moveri, non autem se ipsum movendi, neque movendi aliud, nisi quatenus jam motum est; Atque ita principium motus extra corpus est.

Verum, sicuti non alias cognoscimus nisi duas substantiarum species, alt erant spirituales alteram corporalem, necesse est, ut omnes proprietates, quas cognoscimus habere aliquam existentiam, ad alterutram harum substantiarum pertineant; atque idè illæ, quas cognoscimus non pertinere ad substantiam eorporalem, veluti illam quæ dat motum primum corpori, aut ipsi imprimi planè novum, qui augeat quantitatem illius qui jam in mundo est, pertineant ad substantiam spirituales.

Ad quam autem substantiam spirituales? ad finitam ne, an ad infinitam? Ajo, solam infinitam idoneam esse ad imprimendum primum motum corpori; sed finitam, veluti animam hominis, saltem idoneam esse posse ad determinandum motum qui jam est. Cujus rei ratio est, quòd non noverim aliam vim idoneam ad efficiendum ut res aliqua sit, & existat, quæ non est, quam vim Divinam; Ideo quòd distantia infinita, quæ est inter nihilum & Ens, non possit superari quàm per vim actualiter infinitam.

At fortasse dices, quòd cum motus nihil aliud sit quàm modus materiz, qui jam subjectum suum præsupponit, saltem per ordinem naturæ, non opus sit tam magna vi ad eum ibi introducendum, cum materia naturæ ejus sit divisibilis & sine repugnantia ad eum recipiendum.

Ad hoc respondet, quòd sicuti antequam materia esset, voce omnipotente Creatoris opus fuit, ad eam è nihilo in quo erat extrahendam; Eodem modo ad movendum aut vivificandum hanc materiam, & efficiendum



dum ut principium generale & universale omnium ejus formarum è suo nihilo egrediator, eadem ipsâ voce opus fuit; Vox autem cujuscunque alterius spiritus non satis vigoris habuisset, ad imprimendum rebus auditum & obsequium; saltem nisi voluntas Creatoris concurrisset. Qualescunque enim esse possunt proprietates hujus materiæ, non possunt esse aliæ, quàm quales Deus esse voluit; Atque ita etiam si verum esset, materiam ad vocem Angeli, id est, ex voluntate ejus prima vice motam & divisam esse, vox tamen ipsius saltem fuisset Instrumentum voluntatis divinæ, cujus sola virtus hoc miraculum operata esset, nam impossibile est ut nihilum motus obediat cuiquam, nisi soli potentie infinitæ.

Cæterum non idem est de determinatione motus, quæ nihil reale in natura addit, quæque plus non dicit quàm motus ipse, qui absque determinatione esse nequit. Adeò ut mirum non sit, animam habere facultatem, eam determinandi, uti eam habere propria evincit experientia; Neque enim hoc impedit, quominus Deus author sit omnium formarum quæ successivè in materia fiunt, quæ omnes sunt effectus, consequentiz & dependentiz motus quem ibi introduxit, & quem ibi conservat, atque ita quominus verè sit Creator omnium rerum.

Verum enim verò ut sciatur quo pacto fiat hæc determinatio, fatendum est nos ignorare quo modo anima nostra spiritus animales in nervos mittat & postmodum in musculos ad movendum membra nostra prout designavit voluntas nostra. Verùm uti Magister noster nos docet, mirum hoc non est; Modus enim ille non ab anima sola pendet, sed de unionem quæ est inter Animam & Corpus: quæ Unio neque ipsa etiam à se sola dependet, & cujus omnes effectus & consequentiz, ob eandem rationem in anima quodammodo obscuræ & confusæ sunt. Verum eo non obstante, si id penitus inspicere velimus, inest nobis cognitio omnis illius actionis, per quam anima membra movet, quatenus talis actio in anima est & ab ea dependet; siquidem nihil in ea aliud est quàm inclinatio voluntatis ejus ad hunc vel illum motum, quæ inclinatio ipsi clara est, nihilque obscuritatis habet. Verùm quòd inclinatio illa suæ voluntatis subsequenter habeat cursum spirituum in nervis & musculis, & quicquid ad illum motum requiritur, hoc non eo simpliciter accidit, quod ea id velit, nam eo modo voluntas nostra semper executioni mandaretur, neque corpus unquam foret paralyticum; (Nam quo unquam tempore anima nostra plus voluntatis habet ad efficiendum motum corporis cui juncta est, quàm tum cum in eo statu non est ut ipsi obedire possit?) Verùm hoc accidit propter convenientem dispositionem, in qua corpus est tum cum



cum Anima vult, & se determinat ad aliquem motum, cujus dispositio-
nis ipsa quidem ignara esse potest.

Cæterum desunt adhuc nonnulla; Nam præterea opus est ut Anima
istî corpori bene disposito sit unita; ideo quod Anima non habeat ullam
potestatem in corpus etiam si quàm optimè dispositum, nisi ei unita sit.
Verùm etiam si Anima nostra ignara sit modi unionis istius, non potest
tamen ignorare unionem quæ est inter ipsam & corpus; id quod maxi-
mè testificatur per determinationes voluntatis suæ, quæ omnes ferun-
tur ad movendum corpus cui novit se esse junctam; reliquæ verò non
item.

Cæterum adhuc non sufficit corpus bene dispositum; aut Animam
nostram ipsi junctam esse, ut ex inclinatione nostræ voluntatis sequatur
in corpore motus; requiritur præterea, motum illum naturaliter jungi
cum voluntate quæ in nobis est (unde efficitur vinculum istud non ex
nobis proficisci, quoniam in nostra potestate non est, atque ideo venire
illud ab Authore unionis istius): Possumus enim habere voluntates,
quas non sequuntur effectus, etiam si corpus nostrum satis dispositum sit
ad eas exequendas. Ex. gr. Sit in nobis quantumvis voluntatis excitandi
in corpore nostro dispositionem istam quæ causatur in nobis sensum læ-
titiæ aut tristitiæ, nunquam id effectui dabimus, etiam si corpus nostrum
satis ad id dispositum sit; siquidem vel ad minimam cogitationem, cui
motus ille aut mutatio corporis naturaliter juncta est, statim dispositio-
nem ejus arrepturus est.

Neque etiam dici potest, Animam nostram esse junctam & unitam
corpori, quantumvis se ad nutum voluntatis ejus moveat, nisi hic motus
immediatè sequatur ejus voluntatem, & Anima simul cognoscat se ipsi
unitam esse, per sensum aut perceptionem talem, quam non potest igno-
rare. Nam, ex. gr. cum verto aut moveo baculum aut calamus, quod
facio dum hæc scribo, etiam si calamus iste moveatur ad nutum volunta-
tis meæ, motus tamen ejus non venit immediatè ex voluntate mea, cum
interventu manus meæ moveatur; Et si canis veniat vocatus, etiam si
faciat quod voluntas nostra præcipit, constat tamen ipsâ experientiâ, Ani-
mam nostram non esse unitam corpori canis; Sed & aut voce aut manu
opus est aut aliquo alio exteriori signo, ad efficiendum ut ad nos accedat,
non saltem actus interior voluntatis nostræ, qui sufficit ad movendum
corpus bene dispositum cui Anima nostra juncta est, quando motus
ille naturaliter junctus est cum cogitatione aut voluntate quæ in no-
bis est.

Fateor equidem Animam posse jungi corpori, etiamsi illa relationis & passionis quæ eis intercedit, per exteriora signa non appareat, nullaque ejus memoria relinquatur: Cognoscitur id ex veterino, in quo incipias ire non possumus, quod tum Anima non desinat unita esse corpori, etiamsi commercium inter illa consuetum videatur esse plane interruptum, neque quicquam recordemur ejus quod tum in Anima nostra occasione corporis accidit. Verum non propterea adduci possum ut credam, Animam non semper sentire unionem istam quam habet cum corpore cui juncta est, siquidem eò cogitationes suas reflectat. Et ex hac perceptione resultat in Anima cognitio illa quod hoc corpus ad ipsam attineat, modo quodam alio, multo propiore & magis particulari, quam quæcunque alia in toto mundo; Cognoscit, unionem istam id reddere suum, & per ipsam & propter ipsam saltem corpus istud effectui & realiter verum suum & proprium corpus esse.

Quodsi posthæc ulterius progredi vellemus, ad investigandum quomodo Anima nostra, quæ incorporealis est, possit movere corpus, Dominus Cartesius ibidem judiciose admodum addit, neque ullam rationationem, neque comparationem ex aliis rebus ductam dari, quæ nos id docere possit; Ideo tamen nos de eo dubitare non posse, cum experientia certissima & evidentissima id quotidie satis superque testentur. Et notandum est, esse hanc unam ex illis rebus, quæ per se cognita sunt, quibusque nos tenebras offundimus, quotiescunque eas per alias explicare conamur; Et ratio quæ me impellit ad acquiescendum huic Domini Cartesii sententia, est, quòd animadvertam non magis debere nos neque posse plus cognoscere, quomodo Spirituale agat in corporale, aut corporale in Spirituale, quàm cognoscere possumus quomodo Deus cuncta creaverit, quomodo se declaraverit & Nihilo obsequium imposuerit, & ut verbo dicam, quomodo extra se agat. Sunt enim illi effectus omnipotentia & sapientia ejus, quæ captum ingenii nostri exsuperant, cum possibile non sit mentem finitam, qualis nostra est, posse cognoscere modum agendi mentis infinitæ, neque Creaturam posse assequi, quo modo è manibus Creatoris sui exierit. Potest equidem Creatura cognoscere & mirari effectum omnipotentia ejus videndo se & intuituendo quando est, cæterum antequam esset non potuit cognoscere modum quo usus est ad efficiendum ut esset; Eadem plane ratione Anima bene potest cognoscere & mirari effectum unionis suæ cum corpore, & potestatem reciprocam quam in se habent; sed non potest rationem reddere suæ unionis, neque effectuum ejus; Cum enim nulla sit relatio vel
affi-



affinitas inter proprietates hujus & illius, hoc est, inter motus corporis & cogitationes Animæ, unio quæ inter illa est, nullam aliam causam habere potest, quam voluntatem illius qui ea junxit & uniit, neque quicquam præter experientiam datur, quod nos docere possit, quænam illa sit unio. Vale.

Parisiis 14 Decemb. 1660.

F I N I S.



Aφ1 14.53815

2

